



1970  
2015

საქსტაბის და  
ხონსტაქსტაბის  
ვეხნაღი

№ 1 (19)

იანვარი, 2015 წელი  
ფასი 2,5 ლარი

# საქსტა


საქსტა

ნომრის ავტორები  
დათო ქარლავა & ჰაინერ მიულერი

კოეფიციენტი  
დათო ყანაშვილი  
ლაშა ჯანიანი  
კატო ჯაფარიძე  
გორა სხილაძე

კრედიტი  
მარიკა მამალაძე  
თორნიკე გომეზაშვილი

კრიტიკა & ფოტოგრაფია  
ლელა კოდლაშვილი „ჯაფის ყვავილობაზე“  
თეა თოფურიანი დიალექტურ კორექსტაზე



ახალი თარგმანები  
ჩინოვა მილოვი

არტიკლი  
ზაზა ფირალიშვილი  
ფარჯინაძე და ბუღაძე

გორის გროვის  
ინსტალაციის პოლიტიკაზე


ჟურნალი „ახალი საუწყე“ 2015 წლიდან  
შეგიძლიათ გამოიწეროთ ელვა.GE-ზე

3 ნომერი – 6 ლარი  
6 ნომერი – 12 ლარი  
9 ნომერი – 18 ლარი  
12 ნომერი – 22 ლარი

მის.: ქ.თბილისი, იოსებძის ქ.49

[elva@elva.ge](mailto:elva@elva.ge)

ტელ.: (+995 55 32) 2-38-26-74; 2-38-26-73;  
2-38-26-76; (+995 55 32) 38-08-774



საქართველოს კულტურისა  
და ძეგლთა დაცვის  
სამინისტრო

ჟურნალი გამოდის საქართველოს  
კულტურისა და ძეგლთა დაცვის სამინისტროს  
მხარდაჭერით



ქვეყნის  
ენები

## ნომრის ავტორები

### დათო ქარდავა (ჯიშვარ რესვიანვილი)

ეკა ქვენიშვილი – თავისუფლება ჩრდილში 3  
დათო ქარდავა – ესავის ხელები (მოთხრობა) 9  
დათო პანიჭაძე – დათო ქარდავას თხრობის ფიზიკა 21  
ჯიშვარ რესვიანვილი – ხეები და ადამიანები 22

### ჰაინერ მიულერი

ბიობრაფია 25  
ლაშა ბუღაძე – ჰაინერ მიულერის ნევეროტული პოეტიკა 26  
ჰაინერ მიულერი – ლექსები (გერმანულიდან თარგმნა ლულუ დადიანმა) 27  
პაულ მ. ვაშკაუ – მოსაზრებები ჰაინერ მიულერის ფენომენის შესახებ  
(გერმანულიდან თარგმნა თამარ კოტრიკაძემ) 30  
ჰაინერ მიულერი – ბრძოლა (პიესა)  
(გერმანულიდან თარგმნა ლულუ დადიანმა) 35

### პოეზია

დათო ყანჩაშვილი 41  
ლაშა ჯანიანი 44  
კატო ჯავახიშვილი 46  
ბორჩა სხილაძე 49

### პროზა

მარიკა მამალაძე – ადგილი 51  
თორნიკე გობინაშვილი – ექიმი; ლუტეცია 59

1  
2  
3

### კრიტიკა & ფოლკლორი

ლელა კოდალაშვილი – „საქართველოში დაღვევა ხომ ნაღდი ჯაზია“, ჰოდა, ეს რომანიც ნაღდი ჯაზია 62  
თეა თოფურია – „სიზმარ ნახ პაპათ ბერიზემ“ – ბენვზე გადარჩენილი ლექსები და ამბები 65

### ახალი თარგმანები

ჩხსლავ მილოში – პოზიცია  
(ფრაგმენტები ცხოვრებიდან და წერილებიდან)  
(მოამზადა ამბროსი გრიშკაშვილმა) 69  
ჩხსლავ მილოში – ლექსები  
(პოლონურიდან თარგმნა ზვიად რატიანმა) 73

### არტი

ზაზა ფირალიშვილი – ინტერპრეტაციები 76  
პორის ბროისი – ინსტალაციის პოლიტიკა  
(ინგლისურიდან თარგმნა  
ლილი ფუერსტინოვ-ხოსიტაშვილმა) 88

გამომცემლობა – „საუნჯე“  
მის.: ალ. ყაზაბგის 32/34  
ტელ.: 2141214, 2395587, 2397188  
Skype: saunje\_saunje  
ელ-ფოსტა: saungeo@gmail.com  
Facebook: გამომცემლობა საუნჯე/Saunje publishing <http://www.facebook.com/saunjee>  
[www.saungeo.ge](http://www.saungeo.ge)

პროექტის ავტორი:  
ვაჟა წონაძე

მთავარი რედაქტორი:  
შოთა იათაშვილი

რედაქტორი-სტილისტი:  
ლელა კოდალაშვილი

დიზაინი და დაკაბადონება:  
ნიკა სვედელიძე

სარედაქციო კოლეგია:  
დავით ანდრიაძე  
ბია ექვთარაძე  
დათო ტურაშვილი  
ეკა ქვენიშვილი  
ზაზა შათირიშვილი  
დავით ჩხსლავი  
ბია ხაღური

ნომერზე მუშაობდნენ:  
დათო ქარდავა  
ჯიშვირ რეხვიანი  
ეკა ქვენიშვილი  
დათო პაიჭაძე  
ლავა გულაძე  
ლულუ დადიანი  
თამარ კოტრიკაძე  
დათო ყანაშვილი  
ლავა ჯანიანი  
კატო ჯავახიშვილი  
გოჩა სხილაძე  
მარიკა მამალაძე  
თორნიკე გომეზაშვილი  
ლელა კოდალაშვილი  
თეა თოფურია  
ამბროსი გრიშკაშვილი  
ზვიად რატიანი  
ზაზა ფირალიშვილი  
ლილი ფუერსტინოვ-  
ხოსიტაშვილი

# 4

# 5


# 6

# 1

# ნომრის ავტორები

## თავისუფლება ჩრდილში

ეკა ქევანიშვილი



**დათო ქარდავა**  
(**ჯიმშერ რეხვიაშვილი**)

ბოროტო ამბავს ვარჩევ. ეს პირველი შემთხვევაა, როცა ერთზე ვწერ, ის კი – სინამდვილეში სამია.

...  
ჯიმის შავი, ნარინჯისფერჩირალდნიანი მიკროფონი უჭირავს და მასალაზე მიდის. ეს ჩირალდანი რადიო თავისუფლების სიმბოლოა. მიკროფონიც – შესაბამისად. რა ხმებსაც იმ დღეს მოაგროვებს, ის სალამოს ეთერში გავა. ამ დროს უკვე ჯიმი, სავარაუდოდ, რუსთავის გზაზე იქნება. სახლისაკენ მიმავალმა, შესაძლოა, რადიო თავისუფლების სალამოს პროგრამასაც მოუსმინოს. თან, შეიძლება, ტელეფონში ჩამონერილ წიგნსაც კითხულობდეს. რომელიმე ჯიბეში იქნებ ქინდლიც უდევს, ხოლო მხარზე გადაკიდებულ ჩანთაში – ბუკინისტებთან ნაყიდი საუკუნის წიგნიც აღმოუჩინოთ. შინ მეუღლე და, არც მეტი, არც ნაკლები, ოთხი ვაჟი ელოდება. ჯიმის სახლში დაგვიანება არ უყვარს, წინ შორი გზა აქვს ხოლმე. ეს დღევანდელი ამბებია, სურათი – ანმყოდან, თუმცა, ჯიმი-ჯიმშერ რეხვიაშვილი-დათო ქარდავას ამბების თხრობა იმ დღიდან უნდა დავიწყო, ოჩამჩირის სამშობიაროში კინალამ აფხაზებმა რომ იშვილეს.

17607

დათო ქარდავა, ის, ვინც მოთხრობებს წერს. ჯიმშერ რეხვიაშვილი, ის, ვინც დათო ქარდავა დაირქვა. ჯიმი – ჩემი კოლეგა და თანამშრომელი, რომელიც იმ ორზე მიყვება.  
ესე იგი, რა გამოდის, რომ ერთხელ, ერლომ ახვლედიანის ვანო და ნიკოსი არ იყოს, ჯიმიც რამდენიმე იყო, კონკრეტულად კი, სამი. ჰოდა, ახლა სწორედ მათზე ვწერ. პირველი ორი ჩემთვის ცოტა განყენებულად არსებობს: მწერალი დათო ქარდავა, რომლის პროზაულ ნაწარმოებებს ხან წიგნად და ხანაც ლიტერატურული პერიოდიკის ფურცლებიდან ვეცნობი, ავტორი, რომელსაც ვკითხულობ.  
ჯიმშერ რეხვიაშვილი, ჟურნალისტი, რომლის სტატიებსა და რეპორტაჟებს ვკითხულობდი და ვისმენდი და ახლა ხომ, თავისთავად. ლამის ზეპირად ვიცი, რადგან თათბირზე ერთად ვსხედვართ და დღეს ერთად ვგეგმავთ.  
და ბოლოს, ისევ ჯიმი, რომელთან ერთადაც შესვენების დროს ჩვენი რადიოს სამზარეულოში ვსადილობ ან რამე საჭირ-



**აფხაზეთი**

ამ ამბავს დღემდე იხსენებენ მის ოჯახში. ჯიმი ოჩამჩირეში გაჩნდა. დედის მშობლიურ მხარეში. იმ ღამით, სამშობიაროში, კიდევ ერთი, ორმოცს გადაცილებული აფხაზი ქალი ელოდა დიდი ხნის ნანატრ შვილს. მთელი ნათესაობა საავადმყოფოს ეზოში შეკრებილიყო. ლელავდნენ. აფხაზ ქალს გოგონა შეეძინა. გაჩნდა ჯიმი-შერ რეხვიაშვილიც. მაგრამ როცა დედას ჩვილი მიუყვანეს, აფხაზმა ქალმა თურმე შეიცხადა, მე ვაჟი გავაჩინე და შემეცვალესო. ექიმი რომ არ გასულიყო და ეზოში შეკრებილი აფხაზებისთვის სიმართლე არ ეთქვა, შესაძლოა, კიდევ ეტაცათ ჩვენი ჯიმისთვის ხელი და თან წაეყვანათ: „სულ მიფიქრია, რა მოხდებოდა, აფხაზებს რომ წავეყვანე და იქ გავზრდილიყავიო“, – ამბობს დღეს. ამ ამბით იწყება კიდევ დათო ქარდავას ცხოვრება. ამბებით, რომლებიც აფხაზეთში, იმ ადგილას ხდებოდა, სადაც ახლა აფეთქებული სახლის ნანგრევებიღაა დარჩენილი. აფხაზეთი, როგორც ბავშვობის ზღაპარი და საუკეთესო მოგონებების დრო – ასე ჩარჩა დედულეთი ჯიმის მეხსიერებაში. ალბათ, ამიტომაცაა, რომ იქაურობაზე მოსაყოლივ ბევრი აქვს და გასახსენებელიც – „რალაც ნაწილით იქითაც ვარო“. აფხაზების მიმართ განსაკუთრებული პატივისცემა დღემდე გამოჰყვა.

„სიზმარშიც ბევრჯერ ცყოფილვარ აფხაზეთში, რალაც მტრულ გარემოში მოვხვედრილვარ და შიშაც მიგრძენია სიზმარში, არ ესროლათ ან რამე, მაგრამ არ მახსოვს, როდესმე ცუდად დამთავრებულყოფს ეს სიზმარი“.

ომის დაწყების ზაფხულს ბოლოჯერ ჩავიდა თავის სოფელში. ივლისში ჩასულმა, აგვისტოში ბენვზე გამოასწრო. მაშინ ვერც კი წარმოიდგენდა, რომ გავიდოდა ბევრი წელი და უკან ველარ დაბრუნდებოდა. ასე წელ-წელა გაქრებოდა მათი სახლი, მათი ეზო, მათი სოფელი. სწორედ იქ, ლალიძგასთან ახლოს გავარდა პირველად ტყვია. იქვე იყო სოფელი ოხურეიც. მათ დიდ ეზოში ხშირად იკრიბებოდნენ მეზობლები და ახლობლები. თავისი სახლი და ეზო, ცხადია, ყველას ჰქონდა, მაგრამ მაინც ჯიმის ბაბუის სახლისკენ მიუწევდათ გული. რადგან ბავშვობიდან ზაფხულის ყველა არდადეგებს პირველივე დღეებიდან იქ ატარებდა, მეგრულსაც ისევე სწავლობდა, როგორც ქართულს – სულ რომ გესმის და იმახსოვრებ. ჯიმი იხსენებს, როგორც კი სწავლა დამთავრდებოდა, ერთი სული გვექონდა, როდის გავალწვედით რუსთავიდან, ამ ხაკისფერი, თიხისფერი, გახუნებული ქალაქიდან. როდის ჩავსხდებოთ მატარებელში, როდის დავიძინებდით რელსების დაგადუგის ხმაში, რომ მეორე დილით, აფხაზეთისაკენ მიმავალ გზაზე სულ სხვა, მწვანე სამყარო აღმოგვეჩინაო.

„განსაკუთრებით მახსოვს გალიდან ოჩამჩირისაკენ მიმავალი გზა, მწვანე ეზოები, ბალახი, გვიმრები, დილის ნამი და ცვარი, და გულიც მატარებლის ბორბლებივით ბრავუნობდა, ხელით უნდა დაგეჭირა. ეს იყო ზღაპრული სამყარო. დღეს „დისქვერიზე“ რომ ვუყურებ, ასეთი იყო ჩემი სოფელი, მწვანე საფარით მდიდარი, მდინარეებითა და ღელეებით სავსე“.

ოხურეის აფხაზური სოფლები ესაზღვრებოდა. ჯიმის ბაბუამ აფხაზური ენა ისევე იცოდა, როგორც მეგრული ან ქართული. მისი სამივე და აფხაზზე იყო გათხოვილი. როცა ის გარდაიცვალა, ერთ-ერთ სიძეს მისი სიკვდილი ვერც გაუმხილეს, იდარდებს და ვერ გადაიტანსო. ასე უყვარდათ და ასეთ პატივს სცემდნენ თურმე ერთმანეთს. მეზობელ სოფელში მცხოვრებ აფხაზს ეძახდნენ სოფლის სალოცავზე რიტუალების შესასრულებლად. ის კითხულობდა ლოცვებს, აკეთებდა საკურთხის და, ფაქტობრივად, მღვდლის მოვალეობასაც ის სრულებდა.

ჯიმიმერს დღემდე ახსოვს ეს შეხვედრები. სწორედ ამ მეგობრობას გადაურჩენია მისი ბიძაც, რომელიც ომის დროს მძევლად აიყვანეს. ომის დაწყებიდან ექვსი თვის შემდეგ ოჯახის მეგობარმა აფხაზმა მოძებნა თურმე და სამშვიდობოს გამოაპარა.

ქარდავების სახლი (ანუ ჯიმის დედის და ბაბუის და მათი ოჯახის) ომის პირველივე დღეებში ააფეთქეს.

„რას შევადარებდი ამ ტკივილს? წარმოუდგენელი რამეა, ეს ისაა, რასაც ვერასოდეს შეეგუები. ხანდახან მიფიქრია, იქ რომ დღეს წამიყვანოს ვინმემ, და დამაყენოს გადასახვევთან, სადაც საჩაიო იყო, მერე კი ჩემი სახლი გამოჩნდებოდა ხოლმე, აი, მაგ ადგილას რომ დავდგე, შეიძლება იმწუთში მოვკვდე. ადამიანს რომ რაიმე მძიმე ტრავმა შეემთხვევა, გაიღვიძებს და ხელ-ფეხი არა აქვს, ვერ ეგუება ამას ვერაფრით. შეიძლება უცებ წაიღოს ხელი რალაც ნივთის ასაღებად, სწორედ ის ხელი, რომელიც არა აქვს. აი, ამას ჰგავს ეს შეგრძნება. ისიც კი გვიფიქრია მე,

ჩემს ძმას და ჩემს მშობლებს, იმდენად საიმედო ადგილი იყო, ისეთი ურთიერთობები გვქოდა, რამე ცუდი რომ მოხდეს სადმე, აი, ეს ადგილი ხომ გვაქვსო. თუმცა, აღმოჩნდა, რომ ეს ჩვენი სამოთხე ჯოჯოხეთის ცენტრად იქცა“.

ის სამი თვე კი იყო სამი თვე ზღაპარში. ცურვა გინდოდა – გარშემო სულ მდინარეები იყო. ტყეში ბოღიანი და ქოხების შენება? თევზაობა თუ სოკოზე სიარული, თუ ფეხბურთის თამაში ხასხასა მინდვრებში? რა პრობლემაა. ჯადოსნური ატმოსფერო იყო, ცოტა მისტიკით გაღუენილი ჰაერიც, მეგრული მითოლოგიით შეზავებული. ასეთი იყო ბავშვობა აფხაზეთში. ჯიმი იხსენებს, მართლა გვჯეროდა, რომ წყალში არ უნდა დაგვლამებოდა, რადგან საოცარი სილამაზის წყლის დედა მოვიდოდა, დაგიძახებდა, წყალში ჩაგიყვანდა და მოგიტაცებდა. ტყეში თუ დაგილამდებოდა, სული ან ოჩოკოჩი შეგვხვდებოდა, ჭინკების ხომ სჯეროდათ და სჯეროდათ.

„იმასაც ამბობდნენ, ჭაობში რომ ჩააფურთხო, მუცელში კუ გაგიჩნდებაო. ცუდად თუ გავხდებოდით, ბებია შეგვილოცავდა ხოლმე. ბუხრის წინ ვიყრიდით თავს. იქ ჰყვებოდნენ ათასგვარ ამბავს. ასეთი იყო ჩვენი დიდი სახლი, სადაც ყველა ვეცოდით და რომელიც ომის დროს ააფეთქეს“.

დღეს, როცა იქაურობა ასე შორსაა და მიუწვდომელი, ჯიმის კი, როგორც ჟურნალისტს, ვინ მოთვლის, რამდენი რეპორტაჟი გაუქეთებია აფხაზეთზე, ვლადიკავკაზში გამოსავალზე. უფრო სწორად, დაბრუნების შესაძლებლობაზე. არსებობს კი ასეთი გზა? იარსებებს, თუკი ადამიანური ურთიერთობები აღდგება, ფიქრობს ჯიმი. თუკი ფიზიკურად მისვლას შეეძლებოდა – ტურისტებად იქნება ეს თუ ვიზით, თუ რითიც გინდა, მთავარია, იმ მიწაზე ფეხის დადგმის შესაძლებლობა მოგვეცესო:

„სულ მგონია, რომ სანამ ამ ტერიტორიულ მთლიანობაზე დავიწყებთ ლაპარაკს, რალაცნაირად, ეს კედელი უნდა გალღვეს ადამიანებს შორის. ასე მგონია, მერე კიდევ უფრო ძნელი გახდება ერთმანეთის განირვა და ცუდი რალაცების გაკეთება. წინ გაიხედავს ყველა, რალაცას ჩვენ დავთმობთ, რალაცას ისინი და აღდგება ეს ურთიერთობა. ოღონდ რამენაირად ჩასვლა შეიძლებოდა, უსაფრთხოდ. ისე, რომ ადამიანებმა შეხედონ ერთ-

მანეთს, ის ხალხი ნახონ, ვისთანაც ახალგაზრდობა გაატარეს. მე მგონია, ჯერ ეს ცოცხალი ორგანიზმი უნდა გაცოცხლდეს. ვისი იქნება ეს ცოცხალი ორგანიზმი, ან რა გამოვა საერთოდ აქედან, ეგ კიდევ ცალკე სალაპარაკოა, მთავარია, რომ ეს მკვდარი გაცოცხლდეს“.

### ჯიმი, ჯიმი და ბაირო

დათო ქარდავა ნახევრად და მხოლოდ ამ ფსევდონიმის მიღმა მეგრელი, თორემ სინამდვილეში მისი ფესვები რაჭიდან მოდის. რეზიანელები სოფელ ურავში დღესაც ცხოვრობენ. მეორე მსოფლიო ომის წინ იქ დარიშხანის საბადოები აღმოაჩინეს და ნაწილი ლაგოდეხში გადაასახლეს, ზოგიც აფხაზეთში. ჯიმის ბაბუა ძმებთან ერთად კახეთში გადასახლდა. კახეთში დაიბადა ჯიმის მამა, რომელიც ოჩამჩირელ ქარდავას – ჯიმის მომავალ დედას, რუსთავში შეხვდა. ქალაქში, სადაც მაშინ ხანდაზმულ ადამიანს ვერ ნახავდი – ახალი ქალაქი მიზიდულობის ცენტრით იყო, სულ ახალგაზრდები ცხოვრობდნენ.

ჯიმის ბებიას, სანამ ჯიმის მამა დაიბადებოდა, ორი შვილი დალუპვია. მესამეს რომ ელოდა, მკითხავთან წასულა, ეგებ რამე მიჩიოსო და იმასაც ბავშვისთვის მუსლიმური სახელის დარქმევა ურჩევია. ასე დაარქვეს ჯიმის მამას ბაირამი, მოფერებით კი – ბაირო. ხოლო როცა ბაირამსაც შეეძინა ორი ვაჟი, იმ ძველი ტრადიციის და ბებიის დაყინებული თხოვნის შედეგად, შვილებსაც მუსლიმური სახელები დაარქვა ჯიმშერი და ჯემალი – საახლობლოში – ჯიმი და ჯემისი.


„მამაჩემი რომ პირველად სამეგრელოში ჩავიდა და იქაურებს გაცნო, როგორც ბაირო, მეგრელებმა ბატონო ბაირონო, ასე მიმართეს. იქაურებისთვის უცნაური სახელები ახალი არ იყო. იქვე, მეზობლად ტრაქტორისტი გვყავდა, რომელსაც ვაგნერი ერქვა და მაშინ ამაზე ძალიან ვხალისობდით. ასე იყო თუ ისე, დავრჩი ჯიმშერ ბაირამის ძედ“.

### წყვილადმი მოსული ნიგნავი

იმ ჯადოსნური სამი თვის გარდა, იყო დანარჩენი თვეები, რომლებიც სწავლისთვის უნდა შეენირა. შეენირა იმიტომ, რომ მეექვსე კლასამდე სწორედ მშობლების ხათრით და რიდით სწავლობდა. მაგრამ მერე ისე მოხდა, რომ მოულოდნელად ჯიმი ავად გახდა. ავადმყოფობის



ოდში, სრულ სიბნელეში ვცხოვრობდი 22-23 წლისა“. იანაზეც დაახლოებით იმ პერიოდში დაქორწინდა. ჯარის შემდეგ, მანამ, სანამ ფიზიკოსობიდან ჟურნალისტიკაში გადაინაცვლებდა.



### მშვიდობით, ნოზალო

ნობელზე ოცნება საბოლოოდ დამინდა. ეს ის პერიოდია, როცა ჯიმი დათო ქარდავა ჯერ არ გამხდარა, მაგრამ ქოსურად ყველაფერს კითხულობს, როგორც თავად ამბობს, „დრო, როცა წიგნები თავად გპოულობენ“. მერე კი შენ მიდიხარ კონკრეტულ ავტორამდე და მის ტექსტებამდე და სანამ ბოლომდე არ ამონურავ, აღარ ეშვები. წიგნების ამ ორომტრიალში, ერთ დღესაც, კამილო ხოსე სელას „პასკუალე დუარტეს ოჯახი“ წაიკითხა. პირველად შეგრძნებაც – ნეტა ასე ვწერდეთ, – მაშინ გაჩნდა. თავად ჯერ არ წერდა. თუმცა, იმის გამო, რომ ქუჩაში მეგობრებთან ხშირად უწევდა ყოფნა, იქ კი ათასნაირ ადამიანს ხვდებოდა და მათ ამბებს ისმენდა, ამ მოგროვილი ამბების მოყოლა უყვარდა. ხელობის შეცვლაც ამას უკავშირდება.

ამ ამბებზე ძალიან ხალისობდა ჯიმის ბავშვობის მეგობარი ბადრი გვარამია, რომელიც მაშინ გაზეთ „რეზონანსის“ ტექნიკური რედაქტორი იყო. ერთხელაც უთხრა, მაინც ტყუილად ზიხარ, დანერე, რასაც ჰყვები, გაზეთში დაგიბეჭდავ და ჰონორარსაც გადაგიხდინანო. ასე დაიწყო. თავიდან ეს იყო ფელეტონის მსგავსი წერილები უშუქობაზე, უგზობობაზე...ფსევდონიმი დათო ქარდავაც მაშინ გაჩნდა – დათო, ჯიმის პირველი ვაჟის სახელი და ქარდავა, დედის გვარი. გაჩნდა და შერჩა. ამ ფელეტონებიდან მალევე ჯიმშერს ადგილობრივი კორესპონდენტობა შესთავაზეს და მას მერე კიდევ არაერთი წელი წერდა რუსთაველების პრობლემებზე. ეს ხელობის შეცვლა იყო, თანაც მთელი 180 გრადუსით.

პერიოდი დაახლოებით ერთ წელს გაგრძელდა. ამან თითქოს რაღაც შეცვალა – სივრცე შეიზღუდა და საკუთარ თავში ჩასაღრმავებლად მეტი დრო გაჩნდა. მაშინ გაჩნდა წიგნებიც, ოღონდ არა მხატვრული ლიტერატურა, არამედ მათემატიკა, ფიზიკა. ასე უცებ გამოიკვეთა ახალი ინტერესი, ახალი მიზანი, სადღაც ნობელის პრემიის აღების ოცნებაც რომ ახლავს. არა, ცოტა მხატვრული ლიტერატურის ამბავიც იყო, სწორედ მაშინ წაიკითხა თურმე გურამ ფანჯიკიძის რომანები, სადაც მათემატიკოსი და ფიზიკოსი გმირების რომანტიკული ხატი იყო დახატული. მოკლედ, უნივერსიტეტში, ფიზიკის ფაკულტეტზე ჩააბარა. მერე იყო ჯერ კიდევ საბჭოთა ჯარი, საიდან დაბრუნების შემდეგაც სულ სხვა ქვეყანა დახვდა. 80-იანების ბოლო არეულობა, ეროვნული მოძრაობა. ვინლა დადიოდა ლექციებზე. საბჭოთა კავშირიც ინგრეოდა.

„ის ფიქრები, რომ კარგი ფიზიკოსი გამოვიდოდი და ა.შ. მალევე გაქრა. სწავლასაც ხელი დავაკელი, უნივერსიტეტშიც გამქრალი იყო სწავლის ნაპერწკალი, ბევრმა ჩემმა თანაკურსელმა გამოიცივალა ხელობა. თან ფუნდამენტურ მეცნიერებს სხვა რესურსი სჭირდება, თუნდაც ფინანსური. პერსპექტივა აღარ იყო. ელემენტარულად, თბილისსა და რუსთავს შორის ტრანსპორტი არ მოძრაობდა. ხელობის შეცვლაზე ყველა დავფიქრდით. ეს იყო მართლა დიდი წყვდიადი, შემთხვევითი სამუშაოები – ბლოკის მოჭრა თუ სხვა რამ. როგორც კლასიკოსი იტყოდა, ყველა საუკუნეს აქვს თავისი შუა საუკუნე და მართლა ასეთ პერი-

### გადანაირილი აზგაჰი და პირველი მოთხრობა

გავიდა კიდევ ცოტა დრო და საგაზეთო სტატიების წერა საკმარისი აღარ იყო. მოთხრობა უნდა დაეწერა. თავისი, გამოგონილი, მხატვრული ნაწარმოები.

„თან ბუკოვსკიც მაგ პერიოდში წავიკითხე და მივხვდი, რომ ის ლიტერატურა, რასაც ჩვენ სკოლაში გვასწავლიდნენ, ლიტერატურის პატარა ნაწილი იყო მხოლოდ. და ისედაც, რას გვასწავლიდნენ? რომ მწერალი სამშობლოზე და ამალღებულ რაღაცებზე წერს, რომ ის ლამის წმინდანია და ზეცა ნიშნავს და ა.შ. ამის გამო იყო, რომ ლიტერატურის და მწერლების მიმართ მოკრძალებასთან ერთად, გაუცხოებაც გვიჩნდებოდა. არადა, ლიტერატურა ხომ შენი პირადი გამოცდილებაა, თავგადასავლი, ის, რასაც შენი პირადი ვნებები იწვევს... მოკლედ, წავიკითხე ბუკოვსკი და უცებ მივხვდი, რომ პოეზია და სილამაზე საზოგადოების ნაგავსაყრელზეც შეიძლება იყოს. დამტვრეული, დაღენილი ადამიანები. ფსკერზეც შეიძლება ხდებოდეს საინტერესო ამბები. ასეთი ამბები კი მე უკვე მქონდა, მე ვიყავი თავად ამის ნაწილი და უნდა დამეწერა“.



1997 წელს ჟურნალი „არილი“ მოძებნა. ყველაზე კარგი რომ ეგონა, ის მოთხრობა აარჩია და დასაბუქდად გაგზავნა. შემოუთვალეს, რომ თუ კიდევ რამე ჰქონდა დაწერილი, ისინიც გამოეგზავნა. ასე გამოჩნდა დათო ქარდავა „არილის“ ჟურნალში.

### მოსაპალი

მოთხრობები რომ დაგროვდა, პირველი კრებულიც დაიბეჭდა. ბაკურ სულაკაურის გამომცემლობამ დასტამბა „ნოეს მტრედები“, ჯიმის სადებიუტო კრებული, რომელიც ლიტერატურულ პრემია „საბას“ შორტ-ლისტში მოხვდა, შემდეგ ისტორიულ-ლიტერატურული კვლევა „ტულელტში საკითხავი“, ასევე „საბას“ ნომინანტი და ბოლოს „მტკვარი და მისი ორი ნაპირი“, გამორჩეული ნიგნი-ალბომი, მტკვრის თავგადასავალი. ამ ორ ნიგნს, როგორც ჯიმი მოგვითხრობს, ავტორის გარდა კიდევ სხვა უამრავი თანაავტორიც ჰყავს, სხვა ნიგნების ავტორების სახით, რადგან ორივე ნიგნში უამრავი ლიტერატურული ციტატაა, უამრავი ნიგნიდან.

„მტკვარზე, მაგალითად, იმიტომ დავწერე, რომ გამოგნებელია შენს ყველაზე ძვირფას საუნჯეს არ უფრთხილდებოდე. აქ ცხოვრობდე, ამყობდე აქაურობით და თან არ უფრთხილდებოდე. ეს არის მდინარე, რომელმაც თბილისის სახე შექმნა. სანამ ბეტონს ჩაასხამდნენ და გზას გაიყვანდნენ, საოცარი სანაპირო ჰქონდა ამ მდინარეს. ეს ყველაფერი სწორედ ჩვენი დაუდევრობის გამო გაქრა და დღეს რაც დარჩა, იმასაც ვებრძვიტ...“

ჯიმის, ამ შემთხვევაში კი დათო ქარდავას, ლიტერატურულ ნრეებთან მაინცდამაინც ახლო კონტაქტი არა აქვს. საჯარო ყურადღება ჩემზე დამთრგუნველად მოქმედებსო, მეუბნება. ჩრდილში ყოფნისას მეტი თავისუფლებაა – ასე ფიქრობს ჯიმი და „ნოეს მტრედების“ გამოსვლის ამბავს იხსენებს. თურმე ისეთი დისკომფორტი იგრძნო ყურადღებით, რომ ლამის ერთი წელი ვეღარაფერი დაწერა.

„თან ამ მოთხრობებში ნამდვილ ამბებს ეძებდნენ, სააქართველოა, გასაგებია – კონკრეტული ადამიანები ამოიცნეს, უბნელები მირეკავდნენ, ეს პერსონაჟი ხომ ის არისო და ა.შ. მოკლედ, კარგად არ ვიყავი. შესაძლოა იმიტომ, რომ ეს, წერა, ბავშვობიდან არჩეული ხელობა არ არის და მეშინია, ვინც მაქებს და მოვწონვარ, იმას იმედი არ გავუცრუო“.

დათო ქარდავას მოთხრობების პერსონაჟები კი 90-იანი წლების გმირები არიან. რალაცნაირად, წარსულს მოწყვეტილები, აღარც ფესვი აქვთ, აღარც პერსპექტივა, არ იციან, სად არიან. უფრო ზოგადად კი, რაც აინტერესებს და რასაც უღრმავდება – ადამიანია: „პატარა ადამიანი, რომელიც არ გატყდება, ადამიანად დარჩება, სავალალო ცხოვრებით და ფინალით, მაგრამ მაინც მხნედ არის, ეს მაინტერესებს, როგორ ახერხებს ამას, რომ არც თვითონ დაკარგოს იმედი და არც გარშემომყოფებს დაუკარგოს. და მეორე, ადამიანი, რომელიც გატყდა – როგორ კარგავს ადამიანობას. 90-იანი წლები სულ ეგ პერიოდი იყო, ეგ ორი ტიპის ადამიანი გვხვდებოდა. ომის თემატიკაზე მაქვს ერთი მოთხრობა, სადაც აღწერილია, ჩვეულებრივი ბიჭებს, რომლებიც აქ, ქალაქში არიან კარგები,



უყვართ, უხარიათ, მშობლებს პატივს სცემენ და ა.შ. იქ რა ემართებათ, ომში, როგორ სისასტიკემდე მიდიან. ვერც კი დააკავშირებ, რომ ადამიანმა შეიძლება ეს გააკეთოს და ეს ქცევები ჩვენ გვინახავს სამოქალაქო ომის დროს, სხვა კონფლიქტების დროს“.

წერისთვის ჯიმის სხვა ნიგნები სჭირდება. ან პერსონაჟი, ან კონკრეტული ამბავი. სხვანაირად თხრობა ვერ დაიწყება. თავისი ოთახიც წერის იდილიის შემადგენელი ნაწილია. ხანდახან წერის დასრულებას ისეთი ემოცია მოაქვს ხოლმე, შეუძლია, სამი საათი გადაბმულად ჰანტილებით ივარჯიშოს. ასეც მომხდარა. შემდეგი ემოცია უკვე ახალი მოთხრობის ნაკითხვას და შეფასებებს მოჰყვება. ჯიმისთვის მთავარი მაინც კოლეგების აზრია. არა, ტრადიციულ კრიტიკაში არ აგერიოთ:

„მე ვფიქრობ, რომ მწერალს არ სჭირდება კრიტიკოსები. მითუმეტეს მამხილებელი და ადგილის მიმჩენი კრიტიკა. ეს, ალბათ, საბჭოთა დროს სჭირდებოდათ, როცა მნიშვნელობა ჰქონდა, ვის ერქმეოდა მწერალი. კრიტიკა, შესაძლოა, მკითხველს სჭირდებოდეს. მწერლისთვის კი, ვფიქრობ, მნიშვნელოვანია, ჰყავდეს მკითხველი. თუ ტირაჟი გაქვს – შემოსავალიც გაქვს და გყავს გამომცემელიც. ხოლო ის, რასაც კრიტიკის გავლენას ეძახიან, მე ამას კოლეგების აზრი დავარქვი. თუ მათგან გრძნობ პატივისცემას, მონივნებას, მონივნებას, ეს შენთვის, როგორც ავტორისთვის ძალიან დიდი სტიმულია“.

## თავისუფლება - რადიო თავისუფლებაში

ჟურნალისტიკაშიც - მისთვის მთავარი თავისუფლებაა. ჯიმის გაუმართლა, თავად ფიქრობს ასე - არც „რეზონანსში“ და არც რადიო თავისუფლებაში მუშაობის მანძილზე ეს თავისუფლება არ შეზღუდულა.

„დღეს რომ ვიტრიალებო, რომ ძალიან მყარი შინაგანი კონსტიტუცია მაქვს და სხვაგან არ წავიდოდი და ა.შ. არ ვიცი, მართლა არ ვმდგარვარ ამ არჩევნის წინაშე. სადაც ვმუშაობდი, სტანდარტი და მიუკერძოებლობა არათუ შენი არჩევანი იყო, არამედ მოთხოვნა. აქაც, ჟურნალისტიკაში, ვცდილობ, სათქმელი შემოქმედებითად ვთქვა, ვილაცას რომ გულზე შეეხოს. თორემ მე ვიცი, რომ მხოლოდ გამტარი ვარ და არა გადანყვეტილების მიმღები“.

ამბობს, ხანდახან დეჟა ვიუს შეგრძნებაც კი მაქვს, ზოგიერთი მასალა იმდენჯერ მაქვს გაკეთებული. მაგრამ ამ მდინარიდან გამოსვლა უკვე რთულია. უკვე სადღაც შუაშია და აღარც ერთი ნაპირი ჩანს და აღარც მეორე. ამიტომაც აგრძელებს და ჟურნალისტიკა კიდევ, ხომ იცით, რაც არის - ამბების მოყოლის პროფესიაა და ამბები კი სულ ხდება და სულ ახალ-ახალი.

წინ რა არის? ვეკითხები ჯიმის. მიზნები, გეგმები. მოთხოვნები მოგროვდება და წიგნად შეიკვრება, ეს კი, მაგრამ სხვა? მცირე პაუზის შემდეგ მპასუხობს, რომ მას არა აქვს არც დიდი და არც პატარა მიზნები. უფრო სურვილები - რომ არა ეს ყოველდღიური რუტინა, სიამოვნებით ვიმუშავებდი მხატვრულ თუ დოკუმენტურ ტექსტებზეო.

### ბუკინისტაჰი

რაც ზუსტად ვიცი, რომ უყვარს, ბუკინისტებში შევლავ. ერთადაც რომ არ ვმუშაობდეთ, სოციალურმა ქსელებმა ხომ ინფორმაციული ვაკუუმი საერთოდ გააქრო და სულ ვიცი ხოლმე, რამე საინტერესო თუ იპოვა წინა დღით. თბილისში დაახლოებით ათამდე ბუკინისტს იცნობს და დროდადრო ეწვევა ხოლმე. ზოგი აქეთ ურეკავს, თუ რაიმე საინტერესო ჩაუყვარდება ხელში. ზოგი მეძვირეა, ზოგი ნაკლებად. ზოგს თავში წიგნების მთელი კატალოგი აქვს, მაგრამ არ კითხულობს, ზოგი იმით ტკბება, რომ ვილაც ბიბლიოფილთან აქვს ურთიერთობა.



„ბოლო დროს ჩემი თავი იცი, რაში დავიჭირე? ვყიდულობ ხომ ამ წიგნებს - ახლებსაც და ძველებსაც. ახლები მიგროვდება, წაუკითხავების რიგში ვაყენებ და ძველებს ვკითხულობ. მიზეზი კი ისაა, რომ ახლებს ყველა კითხულობს და ძველებში კი ისეთი ამბებია, რაც აღარ ახსოვს მკითხველს და თითქოს მხოლოდ შენ გაქვს მათი წაკითხვის შემდეგ ისეთი ცოდნა, რაც სხვას არა აქვს. ეს გასიამოვნებს“.

ბუკინისტების პარალელურად კიდევ არის „ინოსტრანაია ლიტერატურას“ ახალი ნომრები. და ქართული ლიტერატურული პერიოდიკაც. ისიც სულ იცის, რაც თანამედროვე ქართულ ლიტერატურაში ხდება.

„მე არ ვარ სკეპტიკურად განწყობილი ზოგიერთების მსგავსად ქართული თანამედროვე ლიტერატურის მიმართ. არ უნდა დაგვაზიწყდეს, რომ მწერლები რომ წერენ და წიგნები გამოდის, ეს ბუნებრივი პროცესია, რადგან ქართული მწერლობა მართლა თავისუფლების ამარა დარჩენილი, მწერლები ყოველგვარი მატერიალური სარგებლის გარეშეც ქმნიან ნაწარმოებებს. ეს, სხვათაშორის, „საბაზეც“ ჩანს, რადგან იქ რალაცნაირად ჯამდება, რაც მთელი წლის განმავლობაში იქმნება. შესაძლოა, ეს არ არის ისეთი ტექსტები, რომ მსოფლიო ლიტერატურის მწვერვალებს იპყრობდეს, მაგრამ მთავარია, რომ ლიტერატურული პროცესი არის. უბრალოდ, კარგი იქნებოდა, რომ მაგალითად, ორი წლის განმავლობაში ნაწერი წიგნის გამოსვლის შემდეგ ავტორებს ერთი თვის სამყოფ ჰონორარს მაინც უხდიდნენ. და სულ ვფიქრობ, ხომ შეიძლება იგივე, იმ „საბას“ შორტ-ლისტი მოხვედრილებისათვის, პატარ-პატარა სტიპენდიები დაწესდეს, როგორც სტიმული, რომ მათ წერის ხალისი ჰქონდეთ“.

დღეს კი,

დღეს ჯიმის შავი, ნარინჯისფერჩირალდნიანი მიკროფონი უჭირავს და მასალაზე მიდის.

# ესავის ხელეზი

## დათო ქარდავა

ქღღენება კოვ ზისა და ნიჩბის ტელეჟურნალისტიკას

### ნანილი პირველი

„...და მიუახლოვდა იაკობი ისააკს, თავის მამას, და შეეხო მას და თქვა: ხმა - იაკობის ხმაა, ხოლო ხელები - ესავის ხელებია. და ვერ იცნო იგი, რადგან იყო მისი ხელები, როგორც ხელები ესავისა, მისი ძმისა, ბაღნიანი; და აკურთხა იგი.“ ძველი აღთქმა, ნიგნი შექმნისა, თავი 27

ამაოდ უცადა ანგელოზთა საყვირებისა და ცოდვილთა ძრწოლის ხმას, რომელსაც პირველად უნდა ემცნო მართლმორწმუნეთათვის, რომ ბოლო მოეღო ყოველ დროულს და მოვიდა მეუფება მუდმივისა და ნარუვალისა. მაცნეს მოსვლამდე, ყველაზე შორეულსა და ხანგრძლივ მოგზაურობაში წასაყვანად, თეთრ ცხენზე ამხედრებული მთავარანგელოზი ეახლა, რომელიც, ცხადია, არც ახალშობილის წაყვანაზე იტყოდა უარს, რომ არა ბებიაქალი, გათენებამდე მისხალ-მისხალ რომ აცალკევებდა ერთმანეთთან შეზრდილ წიაღსა და გადამწიფებულ ნაყოფს. ჩვილსაც იმდენი ურტყა ხელი გაშავებულ საჯდომზე, სანამ სული არ ჩაუდგა.

ექიმს კი არც დედისთვის ეცალა და არც ჯერარდაბადებულის შვილისთვის. უგონოდ მთვრალმა ხაზის რადიოს ბოლომდე აუნია და საპროცედუროში რუს ბანს შეუძღვა:

«Мальчик резвый, кудрявый, влюбленный,  
Адонис женской лаской прелщенный,  
Не довольно ль вертеться, кружиться,  
Не пора ли мужчиною быть?»

მოცარტის ჯადოსნურმა მუსიკამ ნაყოფობის ბოლო წუთებში მყოფს სიმხნევე შემატა, მაგრამ ჯერ კიდევ სხვისი სხეულის ნანილმა მანამ არ გაჰყო თავი საშვილოსნოს ყელში, ვიდრე ბებიაქალმა მომაკვდავ ქალს მუცელზე ბანარივით დაგრეხილი პირსახოცი არ გადაუჭირა. ერთი მხარე თვითონ დაქაჩა, მეორე კი სანიტარ ქალს შეაჩეჩა. მხოლოდ მეშვიდე ცდაზე დაიძრა ესავი და უსასრულო რომ ეგონა, იმ გზას დაადგა, თუმცა, დაბადებამდე კიდევ უნდა ებრძოლა: ყელზე დახვეული ჭიპლარი ფილტვებისკენ მომსკდარ ჰაერს უკეტავდა, სულის ჩადგმის საშუალებას არ აძლევდა და უკან ექაჩებოდა.

არავინ იცის, რატომ გამოიღო თავი, რა რჯიდა ბებიაქალს, როცა მთავარანგელოზს ესავის თავი არ დაანება, თუმცა, ნაყოფის კვალობაზე ესავმაც გვარიანად ივარგა: მისნი-მოსნია დედის გვაქვავებული ძვლები და ბოლომდე გაიარა ყველაზე მთავარი გვირაბი, რომლის ბოლოში სინათლესთან ერთად ბებიაქალის სისხლიანი ხელები ელოდა!

თითქოს ყველაფერი გუშინ მოხდა, თითქოს უბრალოდ გადამწიფებული ნაყოფი კი არა, საოპერაციოში საგანგებოდ მიწვეული მონმე ყოფილიყოს! ესავს ახსოვდა რძისფერი სინათლით განათებული საოპერაციო, რომელიც მუქურის როლს ასრულებდა და ემბრიონებს ხიფათით სავსე ცხრათვიანი მოგზაურობის დასრულებაში ეხმარებოდა!

გამთენიისას საოპერაციოში, სადაც იოდოფორმის, შარდისა და დაცლილი სწორი ნაწლავის მყრალი სუნი იდგა, ზორბა სანიტარმა ქალმა შეაბიჯა. ჯერ იატაკი და კედლები მორეცხა, მერე ნახმარი, სისხლიანი საფენები მოაგროვა. სამუშაოს რომ მორჩა, ონკანიდან მოთქრიალე წყლის ხმაურში ქალმა ყველა ღილი შეიხსნა, ხორცისფერი ლიფისგან გათავისუფლდა და ხალათის კალთებს შორის მოქცეული შიშველი სხეული სველი, უხეში პირსახოცით დაიზილა. იბანდა კისერს, მკერდს, იღლებს, ბარძაყებს...

იმ დროს, როცა სანიტარი საოპერაციოში ონკანთან იდგა, ესავი ახალშობილთა ბლოკში უნდა ყოფილიყო გადაყვანილი. შეიძლება, ყველაფერი ასეც იყო, მაგრამ რატომღაც ახსოვდა იმ ზორბა ქალს წამონითლებული სახე, ტურზე დასხმული ოფლის მსხვილი წვეთები. ახსოვდა მისი სხეულის მოძრაობა, მძიმე ძუძუების თახთახი. ახსოვდა შეძახილები, რომელსაც ქალი წყლთან შეხებისას გამოსცემდა...

საოპერაციოდან გასვლის წინ ქალმა საგულდაგულოდ ჩაკეტა ონკანი, თუმცა, მოშლილი წყალსადენიდან მომწყდარი წყლის წვეთები გაყვითლებული ნიჟარის ფსკერზე დაცემისას ისეთ ხმას გამოსცემდნენ, კაცი იფიქრებდა, ვიღაცის უხილავმა ხელმა გიგანტური საათის მექანიზმი აამუშავაო. ალბათ, ასეც იყო: სამყაროს ყველა საათმა, მექანიკური მოწყობილობებისათვის დამახასიათებელი მოჩვენებითი სიღინჯით, ესავისთვისაც დაიწყო დროის ათვლა.

სამშობიაროდან მალევე განერეს. დედას პოლიეთილენის ტომარა ჩააცვეს, შვილს - სახაზინო ძონძები. ესავი ბავშვთა სახლს მიაბარეს, დედა სასაფლაოს გარეთ, ბეტონის ლობის გასწვრივ გათხრილ ორმოში დაფლეს.

მესაფლავებებმა წუთით შეისვენეს, როცა დაბალ სიმაღლეზე, ზედ კვიპაროსების თავზე, უზარმაზარმა თვითმფრინავმა გადაიფრინა.

- რა იქნება, რო ჩამოვარდეს? - თქვა ნიჩბსდაყრდნობილმა

ახალგაზრდა მესაფლავემ ისე, რომ თვითმფრინავისთვის მზერა არ მოუცილებია. - რამდენი კაცი ეტევა თვითმფრინავში, ასა? ორასი?

- ითვალე, ითვალე! - გაბრაზდა მეორე მესაფლავე, - სულ აქ არ მოგიყვანონ,

სულ შენ არ დაგამარხინონ!

- რატომაც არა!

- განა ადამიანს იქ ასაფლავებენ, სადაც კვდება? ეგრე რო იყოს,

შიმშილით დავიხოცებოდი!

დედისგან განსხვავებით, ახალშობილს მეტად გაუმართლა. ვიდრე ბავშვთა სახლში წაიყვანდნენ, ჯერ ისევ მთვრალმა ექიმმა საბუთები შეავსო. სქესი - მამრობითი მიუთითა, წონა - 1950 გრამი,



სიგრძე – 33 სმ, გრაფაში ბიოლოგიური მამა – უცნობია, გრაფაში ბიოლოგიური დედა – უცნობია, სულ ბოლოს კი ახალშობილს სახელი და გვარი სეურჩია. ბაბუა გაახსენდა, ზოსიმე ზარიძე, ოყურეშის ეკლესიის კეთილი დიაკვანი. გაახსენდა ძილის წინ შვილიშვილებისთვის ზღაპარივით ნაკითხული ძველი ალექსანდრე, გაახსენდა ბანჯგვლიანი კაცის, ესავის ამბავი: „გამოვიდა პირველი – სულ მთლად წითელი და თითქოს ტყავ-ფურით შემოსილი; და დაარქვეს მას სახელად ესავი...“

ბევრი აღარ უფიქრია, სახელის გასწვრივ ესავი ჩანერა, გრაფაში გვარი – ჭუჭუაძე, მაგრამ რატომღაც მალევე გადაიფიქრა და მეორე „ჭ“ საგულდაგულოდ გადაჩხაპნა...

\* \* \*

ესავის გამოჩენამ ბავშვთა სახლი გამოაცოცხლა. მარტო არავინ ტოვებდა, უწყვეტ ნაკადად მიდიოდნენ და ათვალეერებდნენ: ვინ შორიდან უყურებდა, ვინ ხელებს უფათურებდა. ადამიანის გაჩენილი როგორ იქნებო, კითხულობდნენ აღმზრდელები და ჭუჭყიან იატაკზე აფურთხებდნენ. ადამიანი არც არისო, ამტკიცებდა ფიზკულტურის მასწავლებელი და უცნაური არსების ხმა რომ გაეგო, გამეტებით ჩქმეტდა სისხლჩაქცევებით დალაქავებულ საჯდომზე.

დიდა და კეფისკენ წაგრძელებულ ყურებს შორის მოქცეულ პატარა თავს უფარავდა უხეში, სხვადასხვა მიმართულებით ყალყზე შემდგარი თმა, რომელიც თხისას უფრო ჰგავდა, ვიდრე ადამიანისას. დავგალული ტანიც, სახიანად, ალისფერი ბალნით ჰქონდა დაფარული ისე, რომ მოუჩანდა მხოლოდ წერილი, ანთებისგან დანთილებული წირპლიანი თვალები. ცხვირიც სულ სველი ჰქონდა, პირიდანაც დღენი-ადაგ სქელი წერწყვი ენელებოდა, მაგრამ არსად ჩანდა ლეთისნიერი მამიდა, რომელიც მაკრატელს აიღებდა და დორბლს შეაჭრიდა. რომც გამოჩენილიყო, უმალ სხვა რამის შესაჭრელად გაიწვევდა, ვიდრე წერწყვიან: ესავს საოცარი ზომის, შესამე ფეხივით ჭუჭუა ჰქონდა, რომელიც გულგრილს არავის ტოვებდა. ქალებს ახალისებდა, მეხი დაგეცაო, ფხუკუნით ჩაილაპარაკებდნენ და მრავალმნიშვნელოვნად გაიღიმებდნენ, კაცებს კი ხასიათი უფუჭდებოდათ, ფუ შენიო, იტყოდნენ და გინებას მიაყოლებდნენ, მერე ყველანი ერთად ბავშვთა სახლის ეზოში ჩადიოდნენ და ხელების დასაბანად გრძელ რიგში დგებოდნენ ონკანთან, რომელიც დღენი-ადაგ მოშლილი იყო, უწყვეტად წვეთავდა და ახალი ენერგიით მუხტავდა უხილავი ხელით მომართულ გიგანტურ მექანიზმს, რომლის აუჩქარებელი ბრუნვა ცვლიდა ყველას და ყველაფერს. ცვლიდა ესავსაც, მაგრამ ცვლიდა უცნაური კანონზომიერებით – მხოლოდ თავზე თმა, ტანზე ბალანი და ფეხებს შორის მოქანავ

კაპი ეზრდებოდა, თუმცა მისი სიმახინჯე ძველებურად აღარავის ახალისებდა. ისე ჩაუვლიდნენ, თითქოს ძალი ყოფილიყო, ნიხლს ისე კრავდნენ, არც კი შეხედავდნენ. მასთან არავინ მეგობრობდა. გაკვეთილებზეც სულ მუდამ მარტო იჯდა, უკანა მერხზე, უზარმაზარი პორტრეტების ქვეშ. არადა, როგორ უნდოდა, წინ, მასწავლებლის მაგიდისა და დაფის სიახლოვეს ყოფილიყო. ერთი სული ჰქონდა, როდის ჰკითხავდნენ გვაკვეთილს, როდის გაიძახებდნენ, როდის ააკაკუნებდა დაფის მკერვისა და ხაოიან ზედაპირზე ცარცის ფითქინა ნატეხს. მხოლოდ ის სწავლობდა, ხელსაც მხოლოდ ის იწვედა, მაგრამ მისთვის უცნობი მიზეზით, ყოველჯერზე შეუმჩნეველი რჩებოდა. მხოლოდ ერთხელ გაუმართლა, როცა გაკვეთილზე უცხო ქალები და კაცები შემოლაგდნენ და ოთახის ბოლოში, მათაც უზარმაზარი პორტრეტების ქვეშ დაიკავეს ადგილი.

მასწავლებელი ერთ ადგილზე ვერ ჩერდებოდა. მერხებს შორის მიმოდიოდა და ხან შეძახილებით, ხანაც ხელების ქნევით ცდილობდა დამუნჯებული ბავშვების ალაპარაკებას.

– აბა, ვინ გამოვა და მოჰყვება გაკვეთილს? – იმეორებდა ჯიუტად და, როგორც სასწაულის იმედად მყოფ ადამიანებს ემართებათ ხოლმე, გამოუვალ მდგომარეობაში იგდებდა თავს, – მესმის, რომ არ იყო იოლი, მესმის რომ არ გქონდათ დრო... – წელავდა დაუსრულებლად და, ალბათ, მალე გამოსავლის ძებნასაც დაიწყებდა, მაგრამ მოულოდნელად ჩალუნულ თავებს ზემოთ თმისანი ხელი დაინახა.

– სისხლის მიმოქცევის დიდი და მცირე წრე... – დაიწყო ესავმა და ზარის დარეკვამდე აღარ გაჩერებულა.

რა უცნაური გვარი გაქვსო, უთხრა გაკვეთილის დასრულების შემდეგ ცარიელ კლასში დარჩენილმა მასწავლებელმა.

– უურნალში შეცდომით წერია ჭუჭუაძე! მე ჭუჭუაძე ვარ!  
– ჭუჭუაძე არ სჯობია? – გადაიკისკისა მასწავლებელმა, – ასეთი გვარისთვის გოგოები, ალბათ, ერთმანეთს დახოცავენ!

მიხვდა, რომ დასცინოდა, მაგრამ იმასაც მიხვდა, რომ სულ სხვანაირად დასცინოდა, უბოროტოდ და არა ისე, როგორც სხვა ბავშვები. გაიფიქრა, რამეს ვეტყვი, თუნდაც ისეთს, კიდევ რომ დამცინოსო, მაგრამ ვერაფრით ამოთქვა საჭირო სიტყვები. ხასიათი გაუფუჭდა, თავი ჩალუნა, უცნაურად ალულულდა და ატირდა.

აბა, ცრემლებს არ ვიყოთო, უთხრა მასწავლებელმა და გასამხნეველად თავისკენ მიიზიდა.

ცხადია, არ გაძალიანებია, ტირილიც შეწყვიტა, მაგრამ მოხდა ისე, რომ სკამის კიდისკენ გადაწულმა თავი ვერ შეიმაგრა, მოკლე ფეხებით იატაკს ვერ მისწვდა და ჩამოვარდა. უთუოდ დაეცემოდა, ძირს გაგორდებოდა დაფის გორგალივით, სხეულით წინ რომ არ გადახრილიყო და მასწავლებელს არ დაჯახებოდა.

ქალმა შეჰკვივლა და მუხლებს შორის ჩამდგარი არსების მოშორება სცადა. გაიწიო, უყვირა და ორივე ხელით მკერდზე მიანვა, მაგრამ ესავს, რომელიც აღარ ჰგავდა სუსტსა და საცოდავ მოსწავლეს, არაფერი ესმოდა. უცნაური რამ ხდებოდა ქონდრისკაცის პატარა, მაგრამ უეცრად დაკუნთულსა და გაძლიერებულ სხეულში. ესავი გრძნობდა, როგორ ებერებოდა ძარღვები, როგორ ეჭიმებოდა კუნთები, როგორ ვერ აუდიოდნენ გახურებული ფილტვები ამოვარდნილი გულის ჟანგბადით მომარაგებას, როგორ ევსებოდა ყოველი უჯრედი უცნაური სახის ენერგიით, რომელიც გამოსავლის ძიებაში რატომღაც ფეხებშია იყრდა თავს, ფეხთავე დაიკონებას უბინავდა. ფეხთავე ესავის სხეულის ფთამბეჭდავი ნაწილი და სხვის სხეულში შესვლას ლამობდა!

ქალმა ძალა მოიკრიბა, სხეულზე შეზრდილ არსებასთან ერთად ნამოდგა და კარისკენ გაიწია. ესავემაც სცადა მდგომარეობის შეცვლა. ნელზე შემოხვია ხელები და ნაქცევად დაუპირა. ნააქცევდა კიდეც, მეტად მძიმე რომ ყოფილიყო.

„დიდი წრე, მცირე წრე! დიდი წრე, მცირე წრე!“ – იატაკზე იჯდა, აქეთ-იქით ირწუნოდა და გაფუჭებულ თოჯინასავით დაუსრულებლად იმეორებდა პირველად და უკანასკნელად მოყოლილ გაკვეთილს, როცა ქალის ყვირილზე მოვარდნილმა ფიზკულტურის მასწავლებელმა ხელში აიტაცა და როგორც გამოცდილმა ძალოსანმა თავზემთი შემართული ორფუთიანი გირი, მონყევით დასცა იატაკზე.

\*\*\*

ყველასგან მოშორებით, დიდი ოთახის კუთხეში, რკინის მორყეულ სანოლზე ეძინა, თუმცა, ვიდრე დაიძინებდა, სპორტულ ასპარეზობაში აიძულებდნენ მონაწილეობის მიღებას. ბიჭები ერთმანეთს ეჯიბრებოდნენ იმაში, თუ ვინ უფრო ძლიერად დაარტყამდა და შორს გადააგდებდა ბურთს. ყველა ხარობდა ამ თამაშით, ერთის გარდა, რადგანაც დამრტყმელი ბევრი იყო, ბურთი კი – ერთი!

დარტყმის მოლოდინში რამდენჯერმე თავი ვერ შეიკავა და წინასწარ ისკუპა, შეხტა, სპორტსმენები რომ იტყვიან, ფალსტარტის მიზეზი გახდა. ყოველი ასეთი გაფუჭებული ცდის შემდეგ, ურტყამდნენ სახესა და მუცელში, რათა კარგად დაესწავლა, რომ როცა გირტყამენ, რბილი ადგილის მიშვერა საუკეთესო გამოსავალია.

თითქოს მართლა ბურთი იყო, სპორტულ ყინს აყოლილი ბიჭები არც ფეხსაცმელს ზოგავდნენ და არც ესავის საჯდომს, მონდომებით უქნევდნენ ნიხლებს. იშვიათი გამონაკლისის გარდა, ყველა ნიჭიერი და დაუნდობელი იყო, თუმცა, ერთმა მათგანმა, გამორჩეულად ძლიერმა და მოხერხებულმა, ყველა მოლოდინს გადააჭარბა: კოტიკო მაღალიც იყო და ჯანიანიც, სწრაფიც და მოხერხებულებიც. მეცხრე კლასში ასზე მეტს იწონიდა და ურტყამდა საოცარი მონდომებითა და დამიზნებით. რომ არ შემლოდა, მარჯვენა ტერფს ჯერ საჯდომზე აზომებდა, შემდეგ უკუსვლით ოთხხუთ ნაბიჯს გადაადგამდა, გამოქანების წინ კი, დიდ სპორტსმენებს რომ სჩვევიათ, ისე გაირინდებოდა, რათა მოქნეული ფეხისათვის მეტი ენერგია გადაეცა. აკი, უფასდებოდა კიდეც მონდომება: ნამდვილი ჩემპიონი იყო! მასთან ახლოს ვერავინ მივიდოდა. საკუთარ მიღწევას ისევ თვითონ თუ გააუმჯობესებდა. დიდი უპირატესობით უგებდა სხვებს, თუმცა, რა გასაკვირია და, კოტიკო-გოლიათის ტრიუმფი და სპორტული მიღწევები ესავის ჯვანმრთელობას სასტიკ და სახიფათო გამოცდას უწყობდა. არ ვიცი, გქონიათ თუ არა მსგავსი შეგრძნება, როცა უნიტაზზე ზიხართ და გაჭინთვის გარეშეც გწყდებათ შიგნეულობა, თითქოს ნაწლავიც გარეთ გამოსვლას ლამობს, მაგრამ მოლოდინის საწინააღმდეგოდ, მრავალტანჯულ ორგანიზმში არტერიული წნევის მცირედი მატების გარდა, არაფერი იცვლება. სწორი ნაწლავი გატყუებთ, გგონიათ, რომ საცხა, გგონიათ, რომ ანალურ სფინქტერში უცხო სხეულია ჩარჩენილი და მისგან გათავისუფლებას ცდილობთ, თუმცა, ყველა მცდელობა ფუჭია: წლების წინ უკანალში შემძვრალი ფანტომი ნაწლავის ხაოიან კედელს შეხორცვბია და მყრალი გარემო არ ეთმობა. იმ დღეს ესავიც ამაოდ დამერა უნიტაზზე ჯდომით. გასკდა და ვერაფრით მოისაქმა კოტიკო-გოლიათის ბათინკი, ქვასავით ძირი რომ ჰქონდა და, სიმაართლე რომ ითქვას, ბათინკი კი არა,

ჯარისკაცის გადაჭრილი ჩექმა იყო, პატიმრების მიერ შეკერილი, რომელიც უსაშველოდ გაზრდილ კოტიკოს უსაშველოდ გაზრდილი შიშველი ტერფების დასაფარად ბავშვთა სახლის დირექტორმა აჩუქა. სწორედ ეს ქვასავით ჩექმა ამოარტყა ბურთს ისე ძლიერად, რომ ესავემა თავი ვერ შეიმავრა, ხის მორყეული კარი გაანგრია და უკაცრიელი ქუჩის ქვაფენილზე გაკოტრიალდა.

ვიდრე გაჩერდებოდა, მიხვდა, რომ ველარც გოლიათი გაიმეორებდა ასეთ შედეგს და ველარც მისი უკანალი გაუძღებდა მსგავსი სიძლიერის დარტყმას. ვიდრე ბურთს მოაკითხავდნენ, ნამოდგა, შარვალი დაიფერთხა და გააგრძელა გზა ფრენის მიმართულებით. თავიდან კოჭლობით მიდიოდა, ძლივს მიითრევადა წელს, მერე ნელ-ნელა გამართა ფეხი და გაიქცა თავისუფლების განცდით ფრთებგამოსხმული, თუმცა, ტკპობა-ნეტარება დიდხანს არ დასცალდა. გამთენიისას კეთილმოწყობის სამსახურის ძაღლის დამჭერ კეთილგადას გადააწყდა. ძაღლებთან ერთად გალიაში დაამწყვდიეს და, როგორც ხიფათის შემცველი არსება, ქალაქგარეთ, მანანალა ძაღლებისა და კატების სამხეცეში გამოკეტეს დაკანრული, დაკბენილი და შიშისგან დამუნჯებული.

დამჭერებს თუ არ ჩავთვლით, საძაღლეს ორი კაცი პატრონობდა. ერთს, შედარებით ახალგაზრდას, ჯიშიანი ძაღლების გამოცალკევება, მოვლა და სარგებლიანი გაყიდვა ევალებოდა, მეორე, უფრო ხანდაზმული კი ჯალათი იყო – მანანალა ძაღლებს ჯერ დენით კლავდა, შემდეგ კი მათ სხეულს ბეიკერის ორმოში – სპეციალურად ამოთხრილი, უძირო ხაროში ყრიდა. რომ არა მოხუცი ვეტერინარი, სისუფთავესა და ჯანსაღ გარემოზე მზრუნველი მოქალაქეები ესავსაც ორმოში ამოხდიდნენ სულს. ბენიტო კაჭკაჭიშვილი ცოფის ნამალს იგონებდა. სჯეროდა, რომ წარმატება სულ ახლოს იყო. მცირე ძაღლისხმევეც და უკურნებელ სენს ერთი ჩხვლეტით, დროული და ხანგრძლივი ვაქცინაციის გარეშე დაძლედა. იმ ღამესაც საძაღლეში დაავადებული ეგზემპლარის მიღების იმედად შეიარა.

– რა გქვია, კაცუნა? – ხელი გაუნოდა შემინებულ ესავს, რომელიც რვა მანეთად გამოისყიდა.  
– ესავი, – უთხრა შემინებულმა.  
– გვარი?  
– ჭუუაძე.  
– ბენიტო! შეგიძლია ბენო ძია დამიძახო!  
ექვსი თვის თავზე ესავემა ყველაფერი იცოდა ცოფისა და ძაღლების ბუნების შესახებ. რა უხაროდათ, რა სწყინდათ, რას ჭამდნენ, ვის და რატომ უყვებდნენ, როდის იკბინებოდნენ და როდის სჯერდებოდნენ ღრენას. იცოდა, რომ საფრანგეთში, შუა საუკუნეებში, არსებობდა საშინელი ჩვეულება, ცოფით დაავადებულებისათვის ოთხივე კიდურის ვენები გადაეჭრათ, სისხლისგან

დაეცალათ ან ლეიბებით დაეხრჩოთ. იცოდა, რომ ცოფის გამოდევნას ცდილობდნენ შხამიანი გველის ნაკბენითაც და რომ ცივისისხლიანი ცხოველები ცოფით არ ავადდებიან განსხვავებით ცხელისხლიანებისგან, რომლებსაც ეწყებათ ძლიერი ქავილი, აუტანელი ტკივილი, პირის სიმშრალე, ლებინება... მხოლოდ მერე, როცა გავა მრავალი წელი, ესავი მიხვდებოდა, რომ ცოფმა მას ვერაფერი დააკლო, რადგან მანანნალა ძალელებისგან დაკბენილი, როგორც ბენი ძია იტყოდა, არცა ყიოდა და არცა იძახდა ვითარცა ცოფი.

ვეტერინარს არც ცოლი ჰყავდა და არც – შვილი. თუ არ ჩავთვლით ზორბას, უზარმაზარ ქართულ ქოსას, ესავი იყო მისი ოჯახის ერთადერთი წევრი, რომელსაც სამაგალითო გულისხმიერებით ექცეოდა, ვიდრე ერთხელ მას, საპირფარეოში სამარცხვინო საქმით დაკავებულს, კარის ჩაკეტვა არ დაავინყდა და მასტურბაციის დროს არ შეუსწრო. მოჩვენებითი სერიოზულობით ეჩხუბა და სახლიდან გაგდებით დაემუქრა, მერე ეგგენის დააურეკა, ლამის ერთადერთ შემორჩენილ მეგობარს და გულისტკივილით უთხრა:

– მართალი იყავი! ნეოტენია უნდა იყოს – ზოგიერთი ორგანიზმის უნარი, გამრავლდეს განვითარების ადრეულ ეტაპზე... თუ მოახერხებ, ახლავე გამოდი...

ეგგენის, ას წელს მიტანებულ ცნობილ ანთროპოლოგს, ერთ ხელში ტყავის მძიმე ჩანთა ეჭირა, მეორეში კი – ძველი, ალბათ საუკუნის წინ გამოცემული სქელტანიანი წიგნი.

– ღმერთო ჩემო, – აღმოხდა მეცნიერს, – ნუთუ, მართლა ისაა? ნამდვილად ისაა!

არ ავჩქარდეთო, უთხრა ვეტერინარმა, მაგრამ სტუმარმა არ მოუსმინა, ხელი ჩაავლო ესავს და სინათლეზე გაიყვანა. გაუსინჯა თავის მოყვანილობა, ყურების სიგრძე, კუნთების სიმკვრივე. სიმალღეშიც გაზომა: შვიდი თუ რვა მტკაველი გამოვიდა.

– თავისუფალი ხარ, ბიჭი, ნადი, ეზოში ითამაშე, – თავზე ხელი გადაუსვა და ჩანთიდან კიდევ უფრო ძველი და დაძინილი რვეული ამოიღო.

– ნახე, ეს წიგნი საგანგებოდ გამოვიყოლე, – უთხრა მასპინძელს, როცა ესავის მონაცემების ჩანიშვნა დაასრულა, – ავტორი ცნობილი ინგლისელი ეთნოგრაფი და სამეფო ანთროპოლოგიური აკადემიის წევრ-კორესპონდენტი ალფრედ რადკლიფია. ამ კაცმა 1910 წელს ავსტრალიისა და ანდამანის კუნძულების შემდეგ, ოსმალეთსა და რუსეთის იმპერიის სამხრეთში იმოგზაურა. თვეზე მეტი დაჰყო დასავლეთ საქართველოში. ეს წიგნი ტრინიტი კოლეჯში ნაკითხული ლექციების კრებულია. აი, რას წერს ინგლისელი მეცნიერი 279-ე გვერდზე.

სტუმარმა წიგნი გადაშალა, სათვალე მოირგო და კითხვას შეუდგა:


„მღვდლის ნასახლარიდან მთელი ღამის განმავლობაში ისმინდა დამფრთხალი ცხენების ჭიხვინი, რასაც შიგადაშიგ ჭინკების წივილი თუ გადაფარავდა ხოლმე. ისე ზანზარებდა ყველაფერი, კაცი იფიქრებდა, საშინელი ძალის მინისძვრა დაგვატყუდა თავსო. ქალებმა მთელი ღამე ლოცვაში გაატარეს. ბავშვები ძილში ტიროდნენ და შევლას ითხოვდნენ. თითქმის ყველა ოჯახს დაენგრა ქოხი და დაემტვრა ავეჯი თავის ჭურჭლიანად. როცა ყველაფერი დასრულდა, როცა ინათა, როცა სავსე მთვარისაგან ფრჩხილისოდენი ც კი აღარ დარჩა, კაცებმა მღვდლის ნასახლარისკენ გასწიეს. ქალებმა და მოხუცებმა ნანგრევების ქექვა დაიწყეს – იქნებ, ღმერთმა გადმოგვხედა და რამე მაინც გადაურჩა უწმინდურთა რისხვასო. ნასახლარი კი დაფარული იყო მუცლებდახეთქილი ცხენების საზარელი გვამებით! ჭინკების ნახელავიანო, თქვა სოფლის თავკაცმა და ვაზის მსხვილი მერქანივით დაგრეხილი ხელით წვრილ ნაწნავებად დაყრილ, ოფლისგან დასველებულ ფაფარსა და კუდზე მიუთითა. ასე იცინაო, შემოაჯდებიან ზურგზე, ჩააფრინდებიან ფაფარში, თან წნავენ და თან დააჭენებენ, ვიდრე ამ უბედურებს გულელები არ დაუსკდებათო. და რატომ იქცევინ-მეთქი ასე? ადამიანებზე იძიებენ შურსო. კი, მაგრამ რა დაუშავეს ადამიანებმა, ასე რომ ერჩიან-მეთქი? ის, რომ მღვდრი ჭინკა ბუნებაში არ არსებობსო. მამრები კი დღენიდაგ იმის ფიქრში არიან, თუ სად დააბნაონ თავიანთი საოხრებუი. ასე რომ, თუ სადმე ტყეში ან მინდორში (სადაც ჭინკების ძალაუფლება შეუზღუდავია) დაცუცქული ქალი დაინახეს, მორჩა, ნასულია მისი საქმე: დაფეხმძიმება არ აცდება! ჭინკისგან ჩასახული ნაყოფი კი უთუოდ ჭინკა იქნება. ასე მრავლდებიან უწმინდურები, მაგრამ თუ ქალი ბრიყვი არაა, ანდა თუ მის გონებას ავი სულის ძალით ბინდი არ გადაფარავია, ტყეში, თუნდაც მინდორში, უკანალს არ გაიშიშვლებს... ჰოდა, იბოლმება ჭინკა, იბოლმება და არ იცის, შური როგორ იძიოს, ხან ცხენებს დაუბოცავს სანყალ ადამიანს, ხან კი, თუ სადმე ტყეში ან მინდვრად შემოალამდა, დილაამდე გასაქანს არ მისცემს; თუ მოერია, სულსაც კი ამოართმევს...“

– როგორ გამოიყურება ჭინკა? – ვიკითხე დაუფერებელი ამბით გაოცებულმა.

ჭინკის ცნობა ადვილიაო, ამიხსნა მოხუცმა: წვეტიანი, ყაისნალივით მოკაუჭებული კლანჭები აქვს (სხვანაირად ფაფარს ვერ დანნავს), ბალანს კი ღამით (განსაკუთრებით მაშინ, თუ სავსე მთვარეა) ლაპლაპი გაუდის. დაბალია, ფეხები იმდენად მოკლე და იმდენად დაღრეცილი აქვს, რომ ყვერები, რომელიც დაუკმაყოფილებლობის გამო სულ მუდამ დასიებული აქვს, მუხლებამდე წვდება. ისეც ხდება, რომ ყვერების თრევით წელშიგამწყდარი ახალგაზრდა ჭინკა, სადმე კუნძზე, ანდაც ნაქციულ ხეზე შემოსკუპდება და ხელის ქნევით ზედმეტი ტვირთისგან თავისუფლდება. თუ სადმე დამპალ კუნძზე, ან მის გარშემო შხამიანი სოკოების სპორებს ნაანყდები, იცოდე, ჭინკას აქ ბევრი ოფლი და სპერმა აქვს დაღვრილი!..“

სტუმარმა კითხვა დაასრულა, სათვალე მოიხსნა და მასპინძელს მიაჩერდა გამომწვევად:

- რა ჰქვია ამ ბავშვს?
- ესავი, – ძლივს ამოთქვა ვეტერინარმა.
- ესავი ჭინკაა!
- ჰმ, ჭინკა...
- ნუ, მთლად ველური და ისეთი არა, როგორიც რადკლიფმა აღწერა, მაგრამ აშკარაა, რომ ჭინკაა...
- მერე, რას მირჩევ?



ხან არ გადიოდა, ხან დაკავებდას იძლეოდა, ხანაც დოლურა იჭედებოდა...

- ალო! - გაისმა მოულოდნელად.

- ნუგზარ! - პირველ ცდაზე მხოლოდ ამ ერთი სიტყვის თქმა მოახერხა.

როგორი უხერხული იქნება, რომ ვერ მიცნოსო, გაიფიქრა და ყურმილის დადება დააპირა, მაგრამ ვიდრე სახესთან მიტანილ ხელს ჩამოიღებდა, ხაზის ბოლოდან გაისმა: ბენო, შეცეკას ბებერო ბეთალო!

- ბენო, ბენო, რასაკვირველია! - გაიხარა გულაჩუყებულმა ვეტერინარმა, - შენ გენაცვალე, როგორ არ დაგავიწყდი! რამდენი წელი გავიდა, მთელი ცხოვრება... ეჰ, დავიკარგე ის სიტყვა არაა, გადავიკარგე! ველარაგის ვნახულობ... ან ვის რაში ვჭირდები, ბებერი ვეტერინარი... მოკლედ, დავიშალეთ სავიეცკი საიუზივით! აბა, შენ ეგა თქვი, რალა საიუზივით, საქართველოსავით... კი, კი, ნი გავარი, ნი გავარი! რამე უნდა ვიღონოთ... ვიცე, დაკავებული ხარ, დიდ დროს არ წაგართმევ, არასოდეს არაფერი მითხოვია, ხო იცი, სხვანაირი კაცი ვარ, არ მიყვარს... ყოველთვის გიფრთხილდებოდი... ნუ, რაზეა ლაპარაკი! მოკლედ, უნდა შეგაწუხო... ისევ ტელევიზიაში ხარ, თუ... მართალი ხარ! აი, ზუსტად! სადაც შენ ხარ, იქაა ყველა ტელევიზია, შენზეა ყველაფერი აწყობილი!.. სხვანაირად როგორ იქნება? უშენოდ რა გამოვა! ნამდვილი მეფე ხარ, მიდასი - რასაც შეეხები, ყველაფერს ოქროდ აქცევ! ეგრეა, ზალატაია ანტილოპა ხარ, რალა!.. ჰოდა, არ გაგიჭირდება... ერთი დელიკატური თხოვნა მაქვს. როგორ გითხრა, უნიჭიერესი ბიჭია, ბუნების ნამდვილი ზეიმი და საჩუქარი, თვითნაბადი ოქრო, ხალასი ნიჭი, ორჯერ გამეორება რომ არ სჭირდება! სუფთა დაფაო, რომ იტყვიან, საშრობივით რომ ისრუტავს ყველაფერს და, რაც მთავარია, ტელევიზიისთვის გაჩენილი! შინაურია, რა თქმა უნდა, აბა, ისე როგორ შეგაწუხებდი. შენ გენაცვალე, დიდი მადლობა! არ დაგივიწყებ! დიდი მადლობა! ხვალ დილით, 11-ზე, უნივერსიტეტში თუ? გასაგებია! კეთილი! გაიხარე! გკოცნი!

- უნდა ჩააბარო...  
- რომ საცდელი კურდღელივით გაჭრან ან გაატყავონ?  
- არა, რატომ უნდა გაატყავონ... ახლა სხვა მეთოდები აქვთ, ცოცხალს შეისწავლიან. დააკვირდებიან ქცევას სხვადასხვა სიტუაციაში, სხვადასხვა კლიმატურ პირობებში... აგრესიის ხარისხს... ნუ, თუ შენ გიჭირს - კარგად მესმის, ადამიანური მომენტია - მე წავიყვან და პირადად ავიღებ პასუხისმგებლობას...

- მოიცა, თუ კაცი ხარ! - ხელი აუქანია მასპინძელმა და სავარძლიდან წამოდგა, - ლაპარაკობს, ხანდახან კითხულობს კიდევ... შეუძლია ტელევიზორს უყუროს დღე და ღამე, არ მობეზრდება...

არ იცოდა, რა ექნა, როგორ მოქცეულიყო. გონებით ეთანხმებოდა მეგობარს. აკი თვითონ დაურეკა და დახმარება სთხოვა, მაგრამ გული რომ სხვას ეუბნებოდა?

დროის მოსაგებად ღია ფანჯარასთან მივიდა და სიგარეტს მოუკიდა. აღარ წვიმდა, მაგრამ ნაცრისფერი ცა მაინც მაღავედა მზეს. ესავი ძაღლებს შორის იდგა და თამაშობდა. მოხრილ ხელში მსხვილი პალო ეჭირა და ასახიერებდა ცნობილ ტელენამყვან ქალს, სატელევიზიო კორიდების და ოქტაგონების ორგანიზატორს - სკანდალების, თავზე ლაფის დასხმისა და საჯარო მხილების დედოფალს, და ამას აკეთებდა მთელი სეროიზულობით, შეიძლება ითქვას, უფრო უკეთესადაც კი, ვიდრე ენერგიული ქალი ცისფერი ეკრანიდან!

ესავის ამ გართობას ხშირად უყურებდა. თამაშის მიზანი ყველაზე მშვიდობიანი ძაღლების ერთმანეთზე წაკიდება იყო, რაც კარგად გამოსდიოდა. ისეთი ტემპრით, ინტონაციით, ტემპითა და შესტიკულაციით იწყებდა ლაპარაკს, რომ ძაღლებს სულ ერთიანად ეძაგრებოდათ კუნთები, სდიოდათ დორბლი და უელავდათ ეშვები. ახლაც ოთხიდან სამი მანანნალა ძაღლი ემსხვერპლა ესავის ტელევიზორობანას. იმ ერთსაც, გადარჩენილს, დრუნჩიდან სისხლი სდიოდა და ადგილიდან ვერ იძვროდა. იდგა საცოდავად და დასჩერებოდა ტალახსა და სისხლში აზულილ სხვა ძაღლებს.

- ვიცე, სადაც წავიყვან! - შეჰყვირა უცბად.

მაგიდის უჯრიდან ძველი, ფურცლებჩამატებული რვეული ამოიღო. ქექა და ფურცლა, ვიდრე საჭირო ჩანანერს არ მიაგნო. მერე დიდხანს ატრიალა ძველი აპარატის მორყეული დოლურა.

### ნაწილი მეორე

*„ცუდი შურნალისტი ერთხელ იყიდება, კარგი - ყოველ ჯერზე“, შურნალისტის სახარება*

- ცოცხალია! - ყვიროდა კაცი და ბორბლებიან საკაცზე დასვენებულ ესავს საავადმყოფოს უსასრულო დერეფანში მიაქანებდა.

კარბოლმჟავისა და იოდოფორმის სუნზე გული აერია. შავი, ბლანტი სითხე ამოანთხია - შედედებული სისხლისა და საუზმის ნარჩენი, მერე თეთრმა სინათლემ დააბრმავა და ისევ დახუჭა თვალები.

მანამდეც არწყია, როცა სასწრაფო დახმარების ექიმმა დახრ-  
ჩობისგან იხსნა: პირში ღრმად ჩაუყო ცერა და საჩვენებელი თითე-  
ბი და ყელიდან ქალაღდის მკვრივი გორგალი ამოუღო.

„თვალი გაახილე! არ დახუჭო, გესმის? თვალი გაახილე!“ –  
ხმამაღლა უყვიროდა ლურჯხალათიანი ექიმი, – „შემომხედე! მე  
მიყურე! არ დახუჭო, გესმის, არ დახუჭო!“

რალაცის თქმა უნდოდა, მაგრამ ისევ ალებინა – ამჯერად მხ-  
ოლოდ სისხლი და გონება დაკარგა.

სასწრაფო დახმარების ბრიგადას საავადმყოფოს ეზოში უკვე  
ელოდა ჟურნალისტების დიდი ჯგუფი: გოგო-ბიჭები მოელვარე  
კამერებითა და სხვადასხვა ფერისა და ზომის მიკროფონებით,  
რომელთა შორის გამორჩეულად დიდი და ხასხასა ტელეკომპანია  
„სუბიექტV“-ის კორესპონდენტ გოგონას ეჭირა, ყველაზე მეტა-  
დაც ის აქტიურობდა და ვიდრე სასწრაფო დახმარების მანქანა  
საავადმყოფოს მისაღებს მიადგებოდა, კოლეგებიც მას ეხვეოდნენ  
გარს და ზოგი გულწრფელი და ზოგიც ყალბი თანაგრძნობით, მას  
ეკითხებოდა:

- ესაივ?
- არაა! როდის?
- სად?
- ცოცხალია?
- კი, მაგრამ დაცვა არ ჰყავდა?

ესავ ჭუუაძე ყველაზე დიდი და გავლენიანი ტელეკომპანიის,  
„სუბიექტV“-ის ყველაზე რეიტინგული ტოკ-შოუს, „ესავის ხელ-  
ების“ ავტორი და წამყვანი იყო! შაბათობით, როცა მისი გადაცემა  
გადიოდა ეთერში, სხვა ტელევიზიების მაუწყებლობა აზრს კარ-  
გავდა: მათი ჯამური აუდიტორია ბევრად უფრო ნაკლები იყო,  
ვიდრე ესავის შოუსში მიწვეული სტუმრების რაოდენობა. „ესავის  
ხელების“ რეიტინგი არასოდეს ჩამოსულა 2/3-ზე დაბლა, ყველაზე  
მეტი მაყურებელი კი მიიზიდა გადაცემამ, რომელშიც წამყვანმა  
პირდაპირ ეთერში ამხილა სამშობლოს შევედრებულ ქალწულთა  
ასოციაციის ხელმძღვანელი, პელაგეა ცამოისაქლისაშვილი –  
თურმე ქალთა, შშმპ და LGBT პირთა უფლებების ფარული დამ-  
ცველი, რომელიც შოუს წამყვანმა, ისე, რომ საზოგადოებასთან  
ინტერაქცია არ შეუწყვეტია („...ვინც იღვწის ყოველივე იმის აღ-  
სასრულებლად, რაც გვესწავლა, მარად ლოცულობს და გონებით  
ახლოსა უფალთან, ღმერთი მას ათავისუფლებს ხორციელი ტკბო-  
ბის სიყვარულისგან, ყოველივე სურვილის აღძვრისა და წარმოსახ-  
ვებისაგან და ა.შ.), საოცარი სისწრაფით მოსწყვიტა სავარძელს  
და გამოცდილი პანკრატიონის სიმარდით გადაინვირა მუხლზე ისე,  
რომ სახით ლამის იატაკს დააკრა, საჯდომით კი – კამერის ობიექ-  
ტივს. ამგვარ უმწეო და უხერხულ მდგომარეობაში, სამშობლოს  
შევედრებულ ქალწულთა ასოციაციის ხელმძღვანელს სუნთქვა  
შეეკრა და მხედველობა დაებინდა, რითაც ისარგებლა ტოკ-შოუს  
წამყვანმა და ერთი მარჯვე მოძრაობით საჯდომი გაუშინებულა,  
ხოლო მეორეთი თავისი უსაშველოდ გრძელი საჩვენებელი თითი  
დუნდულებს შორის შეუსრილა და მიანვა ისე ძლიერად, რომ გას-  
ცდა საშეილოსნოს ყელის არხს და ფუძეს მიებჯინა.

ვიდრე თითს ქალის ნიაღვიდან გამოიღებდა, ესავმა დაასრულა  
მოქმედებასთან ერთად დაწყებული მონოლოგი:

„ვინც იღვწის ყოველივე იმის აღსასრულებლად, რაც გვესწავ-  
ლა, მარად ლოცულობს და გონებით ახლოსა უფალთან, ღმერთი  
მას ათავისუფლებს ხორციელი ტკბობის სიყვარულისგან, ყოვე-  
ლივე სურვილის აღძვრისა და წარმოსახვებისაგან. და როდესაც  
შეიქმნება იგი მკვდარი ვნებებისა და ცოდვებისათვის, თანა-

მონაწილე გახდება ღვთაებრივი ცხოვრებისა,  
ვინაიდან, როგორც მძინარე წააგავს მიცვალე-  
ბულს და ამ დროს ცოცხალია, ასევე მრავალი  
ხორციელი მკვდარი ამქვეყნისათვის მხოლოდ  
სულიერი ძალებით განაგრძობს ცხოვრებას“.

მონოლოგს რომ მორჩა, ქალს შეეშვა და  
სტუდიის ჭერიდან დაშვებული კამერისკენ შე-  
ტრიალდა. მზერა ზეანულს საჩვენებელ თითზე  
გადაიტანა და მაყურებელს მიმართა: „სად არის  
სისხლი! უმანკო სისხლი, ჩვენი ცოდვილი სხეუ-  
ლის სხვაგვარი წვენი!“

გადაცემის დასრულებისა და დამშვიდობების  
წინ მცირე დრამატული პაუზა გააკეთა, რათა მაყ-  
ურებელს გაეაზრებინა არაორდინარული ვითარე-  
ბის სიღრმე და მნიშვნელობა, მაგრამ მოულოდ-  
ნელად სტუდიაში ჩამონოლილი სიჩუმე დაარღვია  
გონზე მოსული ქალის გაბმულმა გოდებამ!  
თითქოს, ესეც გათვლილი ჰქონდა, ისე სწრაფად  
მოერგო ახალ, შეცვლილ გარემოებას. თვალები  
მონკურა და ქალის მოთქმის ფონზე, ლამის სახ-  
ესთან მიტანილ კამერას მიმართა:

„იტყვით, ქალო მეფეთა გვარის,  
მამის სირცხვილი და მხარე შენი,  
ოჰ, რომ შეგეძლოს მამის და მხარის  
ხსნა მაგ ცრემლებით, ასე რომ გშვენის!“

კიდევ ერთი, ამჯერად მართლა წამიერი  
პაუზა გამოძერწა და გაოგნებულ მაყურებელს  
დაემშვიდობა:

„თქვენ უყურებდით მეგა-შოუს „ესავის ხელ-  
ებს“. მე ესავ ჭუუაძე ვარ და გაფრთხილებთ, ყვე-  
ლას მივწვდები, ვერავინ დამემალება! ხელებს ვა-  
ფათურებ ყველგან და ყველაფერში! შევხვდებით  
მომავალ შაბათს, ტრადიციულად „სუბიექტV“-ის  
ღამის ეთერში!“

\* \* \*

„...ამ დროისათვის უცნობია რამდენად სერი-  
ოზული დაზიანებები აქვს მიყენებული ესავ ჭუ-  
უაძეს. ჯერჯერობით ცნობილია მხოლოდ ის, რომ  
ჩვენი კოლეგისა და მეგობრის მდგომარეობა სტა-  
ბილურად მძიმეა. ამ დრომდე ჩვენ ვრჩებით და  
ყოველწამიერად, ყოველწუთიერად ველოდებით  
ახალ ინფორმაციას, რომელსაც მიღებისთანავე  
შევატყობინებთ ჩვენს მაყურებელს...“

„ეს იყო თურმანაულის სახელობის ეროვნუ-  
ლი სამედიცინო ცენტრი და ნანუკა ქვილი-  
თაია, რომელიც ადგილზე რჩება და ვითარების  
შეცვლისთანავე კვლავ ჩაგვერთვება პირდაპირ  
ეთერში. მაყურებელს კი შევახსენებთ, რომ რამ-  
დენიმე საათის წინ თავს დაესხნენ და სასტიკად  
გაუსწორდნენ ჩვენს კოლეგას, ტოკ-შოუ „ეს-  
ავის ხელების“ წამყვანს ესავ ჭუუაძეს, რომელიც  
მედიკოსების თქმით, ამ ეტაპზე, სავარაუდოდ,  
კრიტიკულ მდგომარეობაში იმყოფება... ახლა კი  
მატყობინებენ, რომ განცხადებას აკეთებს ჯანმ-



რთელობის დაცვის მინისტრი, რომელსაც პირდაპირ ეთერში ვრთავთ...”

მინისტრმა გვირდზე გაიხედა, მერე – კამერისკენ, მაგრამ მაინც ვერ გადაწყვიტა, დაენყოლაპარაკი თუ – არა. პრეს-მდივნის ნიშანს ელოდა, ის კი, რატომღაც, დუმდა, სამაგიეროდ, ოპერატორებმა იყვირეს: ეთერში ვართ! ოე, დაიწყე! ილაპარაკე, დავაი!

„ჰმ, მოგესალმებით! პირველ რიგში, მინდა აღშფოთება გამოვხატო მომხდარის გამო და მთავრობის სახელით გამოეთქვა იმედი, რომ დამნაშავეები, რომლებიც ასე სასტიკად გაუსწორდნენ ცნობილ ჟურნალისტს, დაუსჯელნი არ დარჩებიან. რაც შეეხება პაციენტის მდგომარეობას. ბატონი ესავი თურმანაულის ეროვნულ ცენტრში მოყვანილია ქუჩიდან, 23 საათსა და 37 წუთზე. იმყოფებოდა უკონო მდგომარეობაში. ემერჯენსის განყოფილებაში შემოსვლისას მისი ზოგადი მდგომარეობა იყო კრიტიკული, არასტაბილური ჰემოდინამიკური მაჩვენებლებისა და სპონტანური სუნთქვის გაძნელების გამო, შემოყვანისთანავე გადაყვანილ იქნა აპარატულ სუნთქვაზე, დაიწყო შოკის საწინააღმდეგო ინტენსიური თერაპია. აღინიშნებოდა სხვადასხვა ზომის სისხლმდენი ნახეთქი ჭრილობები სახეზე ზედა ტუჩის, მარჯვენა ყვრიმალის, ცხვირის მიდამოში, ასევე განივი ნაფლეთოვანი ჭრილობა მარცხენა წვივის შუა მესამედში, ჭრილობაში მოჩანდა მოტეხილი დიდი წვივის ძვლის ბოლოები, ჰემატომები ორივე თვალბუდის მიდამოში, ესკორიაციები და ჰემატომები აღინიშნებოდა გულმკერდის მარცხენა ნახევარში, წელის მიდამოსა და მუცლის წინა კედელზე. შესიებული და დეფორმირებულია მარცხენა მხარი. ჩატარებული ინსტრუმენტული კვლევებით დადგინდა თავის ტვინის ეპიდურული ჰემატომა, თავის ტვინის კონტუზია, მარცხნივ მე-4, მე-5, მე-6 და მე-7 ნეკნების მოტეხილობა, მარცხენამხრივი ჰემოპნევმოთორაქსი, მარცხენა მხრის ძვლის შუა მესამედის ხაზოვანი მოტეხილობა ცდომით, მარცხენა წვივის ძვლების ღია მოტეხილობა შუა მესამედში, ცხვირის ძვლების მოტეხილობა, სხეულის სხვადასხვა უბნის ნახეთქი ჭრილობები, სხეულის ზოგადი დაჟეჟილობა, ტრავმულ-ჰემორაგიული შოკი. პაციენტის გადასარჩენად მუშაობს ბრიგადა რეანიმატოლოგ-ანესთეზიოლოგის, ქირურგის, ტრავმატოლოგისა და ნეიროქირურგის შემადგენლობით. დამატებით დეტალებს რამდენიმე საათში შეგატყობინებთ!“

„სუბიექTV“-ის ახალ სტუდიაში, რომელიც სპეციალურად ესავ ჭყუაძის შოუსთვის აშენდა, ყველაფერი მზად იყო პირდაპირი ჩართვისთვის. მთავარი პროდიუსერი, პროდიუსერები, ყველა ოპერატორი, კორესპონდენტი, ვიდეო-ინჟინერი, ხმის რეჟისორი და გამნათებელი ადგილზე იყო.

მიხა წკვარამია, ტელეკომპანიის გენერალური დირექტორი, წამყვანის მაგიდასთან იჯდა და გადაცემის დაწყების წინ მორჩილად იტანდა ვიზაჟისტის ფუნჯისა და ხელბის ფათურს. მოეჩვენა, რომ მაკიაჟი უსასრულოდ გაგრძელდა.

– ეყოფა, რა, ალა, დავაი ზაკანჩივი ბისტრა! – მიმართა ვიზაჟისტ ქალს, რომელიც მუშაობდა ისედაც სწრაფად, რომ იტყვიან, გამალებით. – ახლა ამის არც დროა და არც – ნერვები, მოვრჩეთ რა!

– ბოლო შტრიხი, ნიჩტოჟნი დეტალჩიკი, – დაყვავებით, ლამის ჩუჩულით ჩაილაპარაკა ვიზაჟისტმა, გულში კი გაიფიქრა: „ჩიტო ზა სპეშკი, უროდ! მოვრჩეთ, კარგია! მერე ჩანანერს ნახავ, ნე პანრავიცა და კტო ვინავატ? გენდირეკტარ? ნეტ, სტრელოჩნიკ ვინავატ და დავაი, გაჟიმაა...“. – ორი წუთი და მოვრჩები, – თქვა და მეტი სისწრაფით გააძეღა ფრანგული და კანადური ანტიშაინ პუდრებითა და რუმიანებით ჩრდილების ალაგება, ნაოჭების ამოვსება და თვალების ასიმეტრიის გასწორება. „იცი რა, სეი მი სპასიბა, ბეიბი, – ბრაზობდა გულში, – თქვენს მახინჯ ფეისებს რომ ვალამაზებ... პრინციპისა ზანავო სტორინ ა რისავან... იმას გრუბი აჩერტანეი აქვს და დათხელება უნდა, ამის ნიკაპი კაკ ლოკან გულივერა, იმას შუბლი აქვს დელფინობრაზნი, პრა თვალები ვააბშე ნე სტოიტ გავარინ. კაროჩე, ნი როჟა, ა კაკოიტა პარტრეტ დორეანა გრეია!“

\* \* \*

– მიხა, ეთერში ხარ!  
– მოგესალმებით! მე მიხა წკვარამია ვარ, „სუბიექTV“-ის გენერალური დირექტორი და დღეს ესავ ჭყუაძეს... და დღეს ესავ ჭყუაძეს ვცვლავლ... უკაცრავად! და დღეს ესავ ჭყუაძეს ვცვლი! დიახ, ცხადია, ესავის შეცვლა, მით უფრო, ასე სწრაფად, ფორს-მაჟორულ სიტუაციაში, შეუძლებელია, მაგრამ, მიუხედავად ამისა, ჩვენ ვალდებული ვართ!.. დიახ, ვალდებული ვართ, პირველ რიგში მაჟორებისა და ესავის წინაშე, რომ ეს გავაკეთოთ! დღეს „ესავის ხელები“ უჩვეულო ფორმატით გადის ეთერში. ვიმეორებ, ჩვენს ადგილზე, ალბათ, ესავიც ასე მოიქცეოდა... ალბათ კი არა, ამაში ღრმად ვარ დარწმუნებული! მტერმა უნდა იცოდეს, რომ თუკი ვინმე ჩვენთან წინა ხაზზე დაეცემა, მის დროშას, მიკროფონსა თუ კამერას სხვა აიტაცებს და მაინც წინ წავალთ! დიახ, ჩვენ უკან აღარ დავიხევთ! უკან აღარ დავბრუნდებით, სულ წინ და წინ ვივლით! ჩვენ ვერ შეგვაშინებენ! დღეს მე ვარ ესავი, ხვალ ჩემი მოადგილე იქნება, ზეგ ახალი ამბების რედაქტორი, მაზეგ პროდიუსერი და ასე შემდეგ, რიგით კორესპონდენტამდე, რიგით ოპერატორამდე, დარაჯამდე...  
მიხა წკვარამია ნახევარი საათი ილაპარაკა. ამასობაში სტუდია ნელ-ნელა შეივსო აღშფოთებული პოლიტიკოსებით, კოლეგა-ჟურნალისტებით, არასამთავრობო ორგანიზაციების აქტივისტებით, ადამიანის უფლებათა დამცველებითა და სახელოვნებო წრეების წარმომადგენლებით... ყველამ – ხან ჯგუფურად და ხანაც ცალ-ცალკე – დაგმო არნახული სისასტიკე, სიტყვის თავისუფლების ფეხქვეშ გათელვა და მთავრობას მოუწოდა გამოფხიზლებისა და დამნაშავეთა უმოკლეს დროში დაკავებისაკენ. სტუდიაშივე, გადაცემის მსვლელობისას, დაიწერა მიმართვა, რომლის ადრესატების ჩამონათვალი კიდევ უფრო ვრცელი აღმოჩნდა, ვიდრე ხელმომწერებისა. ტექსტში გამოყენებული იყო სიტყვები: აფილირებული, სატანისტური, ტრანზიცია, მხოლოდშობილი, იმპლემენტაცია, დემოკრატიული, ანათემა, ტრანსპარენტული, სამშენიველი, გაიდლაინი, რეგულაცია, სამსჭვავლი, კრედიბი-

ლურობა, ვალიდურობა, გუნდრუკი, პროლონგირება, ტარგეტირება, მადლი, დაგენერირება, მოგვი, სენსიტიურობა, ნათელი, ლოჯისტიკა, კრიმინოგენული, ლეგიონი...

სუბიექტTV-იმ პირდაპირ ეთერში ჩართო რუსთაველის გამზირი, ქუთაისის თეატრი, ბათუმის ბულვარი, თელავის ზუზუმბო, მესტიის მუზეუმი, როსტოვის რკინიგზის სადგური, სალონიკის პორტი, ლონდონის ჰაიდ-პარკი, ხაიფის პლაჟი. ჩართვა გაკეთდა სოლოლაკიდან, სადაც „სუბიექტTV“-ის გადამღები ჯგუფი გათენებასა და ინახად მჯდომი მოქალაქის გაღვიძებას ელოდა. ჩართვას მოხუცი პოეტი, რომელმაც გაიხსენა წარსული და კიდევ ერთხელ გალანძლა ქვეყნიდან გაძევებული მტრები. პოეტმა დაჟინებით მოითხოვა, 2030 წლის საგაზაფხულო სესიის პირველივე პლენარულ კვირაში საქართველოს პარლამენტმა დაჩქარებული წესით მიიღოს ცვლილება სახელმწიფო ენის შესახებ კანონში, რათა აიკრძალოს სინტაგმის „ასე შემდეგ“ პირობითი შემოკლება და მის ნაცვლად აბრევიატურის „ა.შ.-ს“ გამოყენება, რადგანაც „ამ“ და „ამშ“ ფაქტობრივად ომონიმებია და ამით უსაფუძვლოდ ვალიზინებით სტრატეგიულ მეზობელს!

სტუდიაში მისვლა ვერ შეძლო იასე ფალავანდიშვილის სახელობის ყოფილ პატრიოტთა ალიანსის თავმჯდომარემ და საგარეო საქმეთა მინისტრმა, შულავერ ულავერიძემ, რომელსაც მიენერება საქართველოს საგარეო კურსის ყველაზე ლაკონური აღწერა: „საქართველოს არ ჰყავს მუდმივი მტერი და მოკავშირე, საქართველოს ჰყავს მუდმივი მეზობელი!“

კიდრე ცნობილ ჟურნალისტზე თავდასხმას დაგმობდა, შულავერ ულავერიძემ მოითხოვა ტიტრებში დაშვებული მნიშვნელოვანი შეცდომის გასწორება: „შულავერ და არა ულავერ! ულავერიძე და არა შულავერიძე! და კიდევ: „ყოფილი პატრიოტი და დიპლომატი“ და არა „ყოფილი დიპლომატი და პატრიოტი“!

შულავერ ულავერიძემ ჩართვა ცნობილი პოეტის ლექსით დაასრულა:

Природа-мать! когда б таких людей  
Ты иногда не посылала миру,  
Заглохла б нива жизни...

სტუდიაში ერთ-ერთი პირველი მივიდა შოუს-წამყვანის ახლო მეგობარი და ქართველ (არაგვისპირელ) კაზაკთა ატამანი თენგიზ კრასნოვ-ჭიპხაიხილიძე, რომელსაც ნაბდის ღია კალთებიდან მოუჩანდა ოფიცრის ჩექმებში ჩატანებული მუხლებდაბერილი სპორტული შარვალი, უფრო ზევით კი თვალს ჭრიდა „შეკარდნაძის თეთრი მაიკა“, რომელსაც, როგორც ჩანს, არც არასოდეს იხდიდა.

– შეიძლება? – იკითხა ატამანმა და ჩექმის ყელიდან ოთხად გაკეცილი ფურცელი ამოიღო.

– გისმენთ, ატამანს ვინ აუხირდება! – გაისმა ყველა მხრიდან.

– ნუ, მაშინ სლუმაიტე:

„არ მეღზინება, არა და არა,  
ილიას ვხედავ მე ცარამარა,  
არ უხორცდება ბრდუნეკაცს ჩრილობა,  
მოდი, გავმართოთ კარტველთ კრილობა  
რამე ვუშველოტ ჩვენს ერს უბედურს  
მოგალატეს და ტურმე უკეტურს  
გადავარჩინოტ სამშობლო წარგვნას  
კარტოფილივიტ უსისხლო ნარცკვენას  
მოვუბოდიშოტ ჩვენს დზმას რუსისას  
დედა ვავინოტ მოდგმას ბუშისას  
რას ვუდჟერებდიტ სოროსს და „ემარას“

ვინ ჩაიბარებს გატეხილ ტარას!“

ატამან კრასნოვ-ჭიპხაიხილიძის გამოსვლას მოჰყვა ხანგრძლივი ოვაცია, უწყვეტი ტაში და ემოციური შეძახილები. შთაბეჭდილება იმდენად ძლიერი იყო, რომ სახალხო დამცველმა, შინაგანი ჯარის თადარიგის ვიცე-პოლოვნიკმა ლეონარდო ნინუამ სტუდიიდან პირდაპირ ჩელუსკინელების ქუჩა N15-ში მდებარე გაზეთ „ამიერკავკასიის რკინიგზელის“ რედაქციაში შეიარა და მთავარი რედაქტორის კაბინეტში, დღის ნომრისათვის ცხელ გულზე დაწერა სტატია, რომელშიც სტუდიის რეაქცია შეადარა სტალინისათვის გამართულ ოვაციას 1936 წელს, საბჭოების საგანგებო საკავშირო ყრილობაზე:

Весь зал всаёт. Со всех сторон несутся крики: „Ура тов. СТАЛИНУ!“, „Да здравствует тов. СТАЛИН!“, „Да здравствует Великий СТАЛИН!“, „Великому гению тов. СТАЛИНУ ура!“, „Виват!“, „Рот фронт!“, „Тов. СТАЛИНУ слава!“

\* \* \*

ლევან გიორგობიანი ისედაც აპირებდა დაბრუნებას, როცა ჰამბურგ-პენდორფის უნივერსიტეტის კლინიკაში კურსელმა დაურეკა და მეგობრული მოკითხვის შემდეგ აკადემიკოს თურმანაულის სახელობის ეროვნული სამედიცინო ცენტრის ნეიროქირურგიის განყოფილების ხელმძღვანელობა შესთავაზა.

– სამი თვეა, რაც ჩამოვედი! სრული კარტბლანში მიქვს... კი, აბა რა! აპარატურა, მონყოილობა – ყველაფერი ისრაველიდან და უნგრეთიდან! ხელფასებიც, ცხადია, ხელფასებიც... ოთხნიშნა, ულაპარაკოდ შეგიძლია მენდო!.. სხვაანირად არც მე დავთანხმდებოდი!

არ უთქვამს, რომ წამოსვლას ისედაც აპირებდა. ვიფიქრებო, უთხრა. იმანაც, კი ბატონოო, ოღონდ მთლად ნეიროქირურგის სტანდარტითა და ტემპით ნუ იფიქრებო. ამაზე ორივეს გაეცინა და ერთდროულად თქვეს, ფესტინა ლენტე, როგორც პროფესორი კახნიაშვილი იტყოდაო!

თბილისიდან 90-იან წლებს გაექცა – ომს, სიცივეს, ჭუჭყს, შიმშილს, გარემოს... პეტერბურგში, პოლენოვის ნეიროქირურგიის სამეცნიერო-კვლევით ინსტიტუტში დაამთავრა ორდინატურა, იქვე დაიცვა საკანდიდატოც და სამი წლის თავზე, როცა თბილისში დაბრუნებაზე დაიწყო ფიქრი, ერთი წლით ჰამბურგში მიინვიეს. ერთი წელი, საერთო ჯამში, თორმეტი წელი გაგრძელდა.

შინ დაბრუნებულს შეეძლო ახალი ბინის ყიდვა, მაგრამ როგორღაც ვერ მოაბა თავი. ხან ვერ მოიცალა, ხან ფასი არ მოეწონა, ხან – ფართობი და ამასობაში ხელახლა შეეჩვია მშობლების ბინას საბურთალოს კიდეზე, ხუთსართულიან ხრუშჩოვკაში, სადაც ბავშვობა ჰქონდა გატარებული და მეზობლებსაც (ახლებს თუ არ ჩავთვლით) ჯერ კიდევ

ასხვდათ, თუმცა, დრომ, მისმა პროფესორობამ და შეცვლილმა გარეგნობამ ეს ურთიერთობა რალაცნაირად გააცვივა, ნაძალადევად ზრდილობიანი და საღმთი შემოსაზღვრული გახადა.

- გამარჯობა! - უთხრა კიბეზე მოზომილი ნაბიჯებით ამომავალმა მოხუცმა მეზობელმა.

- სალამი! - გაუცინა ლევანმა, - როგორ ხარ, ანდრო ძია?

- ტელევიზორში განახე! - სულ სხვა კითხვის პასუხი დაუბრუნა მეზობელმა, რომელიც მრავალმნიშვნელოვანი ღიმილით განაგრძობდა საფეხურების ავლას.

- აჰ, ხო ტელევიზორში! ჟურნალისტი შემოიყვანეს ჩვენთან და საგიჟეთი გვაქვს, დღე და ღამე იქა ვარ, ძალიან მიძიმე მდგომარეობაა...

- მალადეც! - გაანყვეტინა ანდრო ძიამ, - პაპა ი მამა გარძილის ბი ტაბოი! - უთხრა და ვიდრე ზედა კიბეს მოეფარებოდა, ერთხელ კიდევ გამოხედა იმავე მრავალმნიშვნელოვანი ღიმილით, - მალადეც, ნე აჟიდალ!

„მაინც ასეთი რა ძალა აქვს ტელევიზიას?“ - ფიქრობდა მარტო დარჩენილი - „გინდა ექიმი იყავი და გინდა მფრინავი, პროფესორი და კოსმონავტი - არაფერს აქვს მნიშვნელობა, თუ ტელევიზორში არ გამოჩნდი! არ აქვს მნიშვნელობა, რას აკეთებ, როგორ აკეთებ! ყველაფერს გადაწონის ერთი სატელევიზიო სიუჟეტი, ერთი ფრაგმენტი, ერთი კადრი...“

მერე ჟურნალისტის ყელიდან თუ ლამის ბრონქებიდან ამოღებული ქალაღი გაახსენდა, მასზე დაწერილი ტექსტის შინაარსი. ფურცელი, როგორც ჩანს, ჩატენვისას დაიხა. ცხადია, ამოღების დროსაც დაზიანდებოდა. ნერწყვა და სისხლმაც დაასველა და მელნით ნაწერი ტექსტი კიდევ უფრო ძნელად გასარჩევი გახადა, თუმცა, ნაკითხვა და აზრის გამოტანა მაინც შეიძლებოდა. წერილის მიხედვით, ეს იყო ანგარიშსწორება იმ უსამართლობის, სისასტიკის, სიბინძურის, გესლისა და შხამის პასუხად, რითაც ცნობილი ჟურნალისტი წლების განმავლობაში უწყვეტად კვებავდა თავის უზარმაზარ აუდიტორიას და, რითაც მოწამლული და ერთმანეთზე გადაკიდებული ჰყავდა მამა და შვილი, ქალი და კაცი, მორწმუნე და ათეისტი, გეი და ჰეტეროსექსუალი...

„კანონს, ეთიკას, სიმართლეს, მორალს, უფლებას - ყველა ამ სიტყვას აზრი გამოაცალე და მათ ნაცვლად ააღორძინე სიძულვილი,ზიზღი, შიში, პროპაგანდა, ეჭვი, უნდობლობა, დისკრედიტაცია... ყველა ჟურნალისტი ესაეჭუაძეობაზე ოცნებობს, ყველას გულში აქვს ამოჭრილი ათი მცნება ბესტსელერად ქცეული „ჟურნალისტის სახარებიდან“, რომლის ავტორი, ისევ და ისევ, შენ ხარ! „ცუდი ჟურნალისტი ერთხელ იყიდება, კარგი კი ყოველ ჯერზე“, „რეიტინგი მეზობლის ბავშვი არაა, თავისით რომ გაიზარდოს“, „ცრემლსა და

სისხლს შორის, აირჩიე სისხლი. ცრემლი სიხარულისაც შეიძლება იყოს!“, „პური და სანახაობის ალტერნატივა შეიძლება იყოს მხოლოდ ხორცი და სანახაობა“, „როგორც მტერი არ გაქრება, ასევე რეიტინგი არ გაიზრდება თავისით“, „რაც კადრში არ მოხვდა, არც ყოფილა“ და ა.შ. ... - რომელი ერთი გავიხსენოთ?! ნაბიჯზე და გარყვენი ყველა გაზეთი, ჟურნალი და ტელევიზია. არ დატოვე მყარი ნიადაგი, სადაც ფეხის მოკიდება შეიძლება! არ დატოვე ჟანგბადის ნასახი, რომლითაც სულის მოთქმა შეიძლება! ყველაგან ჭაობია! ყველაგან გოგირდის ოხშივარი გვიხუთავს სულს! იმედი შეგვაძულე! ოცნება ნაგვართვი! სამართლიანი და მიუკერძოებელი ჟურნალისტი უაზრო და სასაცილო ოქსიმორონად აქციე... ამიტომ უნდა მოკვდე! - გადაწყვეტილია, მაგრამ ვიდრე ეს მოხდება, საითაოდ უნდა გადაგიმტვრიოთ ორივე ხელის მტევნები და ყველა თითი, რადგანაც ვერც საიქიოში და ვერც საიქიოდან ვეღარ აფათურო შენი ბინძური ხელები ჩვენს სულებსა და სხეულებში...“

ქალაღდის მეორე გვერდზე ეწერა: ეგზეკუციაზე პასუხისმგებლობას იღებს იატაკქვეშ მოქმედი საჯარო ბიბლიოთეკის იშვიათ გამოცემათა საცავის მკითხველთა რადიკალურ-ექსტრემისტული ჯგუფი.

მიუხედავად იმისა, რომ მთელი ტექსტი (მუქარაც და ხელმოწერაც) ქართულად იყო შედგენილი, გაზეთმა „ასავალ-დასავალმა“ სანდო წყაროდან მიღებულ ინფორმაციაზე დაყრდნობით, გამოაქვეყნა სტატია, რომელშიც ავტორი ამტკიცებდა, რომ ტერაქტი ჩადენილია Radical extremist group which consisted of the readers of the rare books storage, which, in turn, was an underground part of the public library-ის მიერ და, რომ მასთან მჭიდრო კავშირი აქვს ვაშინგტონში მდებარე სადაზვერუო-დივერსიულ ცენტრ თეჩ-ს, რომელიც იმიფრება როგორც თქე გიბრარე ოფ ჩონგრესს და მოქმედებს ამევე ცენტრის დირექტორის, ადმირალ ჯეიმს ბლინგტონის (Adm. James Hadley Billington) მითითებით.

\* \* \*

ლევან გიორგობიანი სამუშაო ოთახში იჯდა და ლეპტოპის ეკრანზე ციფრულ ფორმატში კონვერტირებულ ლევან გიორგობიანს უსმენდა.

„გავაკეთეთ თავის ქალის ტრეპანაცია, მარცხენამხრივი თორაკოტომია, ფილტვის ჭრილობის გაკერვა, პლევრის ღრუს დრენირება, მარცხენა მხრის ძვლის ოსტეოსინთეზი, ორივე მტევნის პროქსიმალური და შუა ფალანგების ოსტეოსინთეზი მიკროლეროვანი არაკეროვანი აპარატით, მარცხენა წვივის ძვლის ჩონჩხოვანი დაჭიმვა, სახისა და მარცხენა წვივის ჭრილობების პირველადი ქირურგიული დამუშავება. პაციენტი ამჟამად კვლავ იმყოფება კომაში, აპარატულ სუნთქვაზე. ჩვენი ეჭვი, რომ სისხლჩაქცევას ჰქონდა ადგილი ჰიპოფიზის არეში, სამწუხაროდ, დადასტურდა...“

მობილურმა დარეკა. ლევანმა ვიდეოფაილს ხმა გაუთიშა და ერთი საათის წინ გამართული პრესკონფერენციის ჩანაწერს ზურგი შეაქცია.

- გისმენთ!
- ბატონო ლევან, „სუბიექTV“-იდან განუხებთ, მიხა ვარ, გენერალური დირექტორი...
- ერემენტ, ბატონო მიხა!
- მოსული ვიყავი, მაგრამ არ დამხვდით... მთავარ ექიმს ველაპარაკე... მოკლედ, ძან ცუდადაა საქმე, არა?
- როგორ გითხრათ! არაა მარტივი ვითარება, მაგრამ ასე

50977



ხელალებით ვერაფერს ვიტყვი, უნდა დაველოდოთ, დავაკვირდეთ... ყველაფერი შეიძლება მოხდეს. ალბათ გეცოდინებათ, რა დიდი მნიშვნელობა აქვს ჰიპოთალამუს-ჰიპოფიზური სისტემის ფუნქციას, რომელიც ნერვულ და ენდოკრინულ სისტემებს აკავშირებს და ამუშავებს...

ერთი თვის შემდეგ ლევან გიორგობიანი თვითონ დაურეკა ტელევიზიის გენერალურ დირექტორს და კლინიკაში მისვლა სთხოვა.

- ცუდი ხომ არაფერია?
- რაღაც ძალიან მნიშვნელოვანი ხდება და გვინდა, საქმის კურსში ჩაგაყენოთ. ცხადია, ტელეფონით ვერ ვილაპარაკებთ, უნდა მოზრდნდეთ ჩვენთან...

ცნობილი ჟურნალისტი ესავ ჭყუაძე კვლავ მართვითი სუნთქვის აპარატზე იყო მიერთებული. გულის ცემა, წნევა, სისხლის პარამეტრები - ყველაფერი ნესრიგში ჰქონდა, თუმცა, ძნელი სათქმელია, რა მოხდებოდა გამჭვირვალე მილებისა და რიტმულად მოძრავი დგუშების გარეშე რომ დარჩენილიყო.

- ვერაფერს ამჩნევთ?
  - რას გულისხმობთ? რა უნდა შევამჩნიო?
  - ბატონ ესავზე გეკითხებით... ვერაფერს ამჩნევთ?
- სწრაფად შეტრიალდა საწოლისკენ.
- რა უნდა შევამჩნიო, ისევე ისეთი ჯოჯოა, როგორიც იყო...

ნუ, ცოტა ფერმკრთალია და თითქმის მკვდარი!

უმწეო მდგომარეობაში მყოფი ესავ ჭყუაძე მართლაც ცუდი სანახავი იყო. სხეულში შემავალი და სხეულიდან გამომავალი მილაკების წყალობით, ადამიანზე მეტად თავისსავე საცეცებში აბურდულ რვაფეხას ჰგავდა, ოღონდ პატარასა და თმთან რვაფეხას!

- სიმალღეში იზრდება! - მშვიდად თქვა ექიმმა.
- რა-ა?
- თმებიც სცვივა... თანაც არა მარტო სახიდან... მთელი სხეულიდან. ახლახანს მოწმინდეს იატაკი, მაგრამ, ნახეთ, ისევე ყრია... - საწოლთან მივიდა, - აი, ზენარსაც შეხედეთ...

მერე ნეიროქირურგმა ახსენა პეტერბურგელი პროფესორი პრეობრაჟენსკი და ბევრი ილაპარაკა ჰიპოფიზსა და ჰიპოთალამუსზე. თქვა, რომ თავის ტვინის ქვედა ნაწილში, უნაგირად წოდებულ ღრმულში ჩამალულია პატარა ნანაზარდი - სიმინდის მარცვლისოდენა, რომელიც გამოიმუშავებს ჰორმონების მთელ ბუკეტს, პალიტრას. ეს ჰორმონები ზემოქმედებს ახდენენ ნივთიერებათა ცვლასა და უამრავ სხვა რამეზე. თუმცა ჩვენს შემთხვევაში, საინტერესოა ჰიპოფიზის ის ფუნქცია, რომელიც ინვესს ნანიზმს, ანუ მდაბიურად ქონდრისკაცობას, ასევე ის ფუნქცია, რომელიც ინვესს გიგანტიზმს...

- გასაგებია, ჰო, რაზეც გელაპარაკებით? როცა უსაშველოდ იზრდება სხეული. მეტსაც გეტყვით, ეს სიმინდის მარცვალი აგებს პასუხს თმის ზრდასა და დაცვენაზეც... ალბათ გსმენიათ, ჰიპერტრიხოზისა და დიფუზური ალოპეციის შესახებაც... ჰიპერტრიხოზს ანუ ჭარბთმინობას აქვს ადგილი, როცა თმა იზრდება ყველგან, სადაც უნდა იზრდებოდეს და სადაც არ უნდა იზრდებოდეს... პრინციპში, ჰიპერტრიხოზის დროს (ექიმმა ხელი ესავისკენ გაიშვირა) თმა არ იზრდება მხოლოდ თვალებში, ენასა და ხელისგულებზე... რაც შეეხება თმის ცვენას ანუ ალოპეციას - ისეც ჰიპოფიზის პათოლოგიის შედეგია...

- ესავი იზრდება! - დამარცვლით ჩაილაპარაკა ტელევიზიის დირექტორმა, - თმებიც სცვივა, ეპილაციის გარეშე... რაც მაგის ეპილაციასა და მაკიაჟში ფული გვაქვს გადაყრილი...

\* \* \*

„ესავის შოუს“ მთელი შემადგენლობა საავადმყოფოში, ესავის გვერდით, სახელდახელოდ დაცლილ პალატაში გადასახლდა. დაიდგა ორი მოძრავი და ექვსი სტაციონარული კამერა, რომელიც უყურადღებოდ არ ტოვებდა არცერთ უმნიშვნელო ცვლილებას 24 საათის განმავლობაში. ესავი ყველას თვალწინ - „სუბიექტურ“-ის მრავალმილიონიანი აუდიტორიის წინაშე ლამაზდებოდა - იზრდებოდა და იძარცვებოდა თმის საფარისაგან. სადღა იყო ბალანში აბურდული ხორცის გორგალი და „პალსტუხიანი ჭინკა“, როგორც ლეიბორისტული პარტიის თავმჯდომარემ უწოდა ის. პალატის ცენტრში დადგმულ საწოლზე მის დაახლოებით 180 სმ სიმაღლის ფერმკრთალი მამაკაცი სახის სწორი ნაკვთებითა და კარგად ნავარჯიშები სხეულით. ესავის ამგვარი უცნაური ტრანსფორმაცია, რომელიც პირდაპირ ეთერში გადაიციმოდა, დღითიდღე იკრებდა აუდიტორიას.

„დალენილს, დამუნჯებულსა და ლამის იმქვეყნად მყოფსაც კი შეუძლია შოუს კეთება, რეიტინგის აწევა!“ - ფიქრობდა მიხა ნკვარამია, რომელიც უზომოდ კმაყოფილი იყო ჩავლილი დღით: ხელშეკრულება გააფორმა საავადმყოფოსთან, რომელმაც რეალიტი-შოუს გენერალური სპონსორობა იკისრა; ჩანერა შოუს პრომო და ქუდი - ისეთი მყვირალა, ხმაურიანი და ჟრჟოლის მომგვრელი, როგორიც უთუოდ მოენონებოდა ესავს; იაპონიიდან გამოწერილი ახალი აპარატურა გადაიტანა საავადმყოფოში და, რაც მთავარია, ლოგიკურად გამართა პროექტის კონცეფცია: პოლიტიკოსები, ფეისები, კულტმუშაკები - ძველად სახელოვნებო წრეების წარმომადგენლებს რომ უხმობდნენ (ნიკუშა, გიო, ნატო, ლიზა, ქეთი, ჯემალი...) და საზოგადოების სხვა ჯგუფები - მიდიან საავადმყოფოში კომპო მყოფი ტელენამყვანის მოსახალხულებლად, მოსაკითხად და უამბობენ, თუ რა ხდება გარეთ, როგორ ვერ ხერხდება საზოგადოების ასენიზაცია და ბოლომდე განკურნება თავისუფლების ბაცილებისაგან, როგორ ვერ ხერხდება დემოკრატიის მეტასტაზებისგან განთავისუფლება და ასე შემდეგ, მაგრამ ეს ყველაფერი იქნება მერე, როცა ესავი თვალებს გაახელს, ალაპარაკდება და სტუმრების მიღებას შეძლებს! მაგრამ შეძლებს კი? ალაპარაკდება კი? რომ ვერ შეძლოს?

ხასიათი გაუფუჭდა. წარმოიდგინა, როგორ დაეშალა ქვიშაზე ნაშენები მედიამპერია მხოლოდ იმის გამო, რომ თავში ჩათესილი სიმინდის მარცვალი ოდნავ შეტოკდა.

„უმწეო, მშვიდი ესავი!“ - ამის წარმოდგენაც კი ძნელია, გაიფიქრა და გაახსენდა ესავის, ვინ იცის, მერამდენე პროფესიულ-ცხოვრებისეული სიბრძნე: „ფიქრს გერჩიოს ლაპარაკი, ლაპარაკს - ყვირილი, ყვირილს - გინება, გინებას -

ჩხუბი!" მერე გაახსენდა კონკურენტი ტელევიზია „პრიმიTV“ – უფრო მეტად ხისტი და მყვირალა, ვიდრე „სუბიექTV“, თუმცა, ბედად მეტადაც გამოუცდიელი, ახალბედა და, შესაბამისად, ნაკლებად ბინძური, მყვალნი და სისხლიანი, მაგრამ თუ ესავე არ გამოჯანმრთელდება, თუ რამეს არ იღონებს, ეს განსხვავება თვალსა და ხელს შუა გაილევა. კონკურენტის სუნთქვა უკვე იგძნობა ზურგში. სწორედ „პრიმიTV“-მა თავის ეთერში, მართალია შეფარვით, მაგრამ მაინც ცხადად მიანიშნა, რომ ესავე ჭყუაქემ თვითონ გაილახა თავი, რათა გადაცემის რეიტინგის გაზრდლიყო...

მძიმე ფიქრებიდან მოადგილის ზარმა გამოაკვია.

– TVMR-ის საიტზე შედი, TVMR-ის საიტზე შედი... – ყვიროდა გახარებული და ვერაფრით აბამდა სათქმელს თავს, – TVMR-ის საიტზე შედი და ახალი კვლევის შედეგები ნახე, ნახე...

შევიდა. ესავის რელიტი შოუ ლიდერობდა, კომპი მყოფი ესავის!

დაუჯერებელიაო, უთხრა მოადგილეს, არა მჯერაო. იმან კიდევ, შეგიძლია არ დაუჯერო შენ თვალებს, შეგიძლია არ დამიჯერო მე, მაგრამ უნდა დაუჯერო მის უდიდამიქინძულესობა ფიფქმეტრს, რომელიც არასოდეს ცდებაო.

ჯერ კომიდან არ გამოსულა და უკვე იმდენი მაყურებელი ჰყავს, რომ პოლიტიკური პარტიები, დეპუტატები, სახელოვნებო წრეების წარმომადგენლები (ნიკუშა, გიო, ნატო, ლიზა, ქეთი, ჯემალი...), ტექნიკური ინტელიგენცია და ა.შ. წინასწარ ენერებიან მთავარი პროდიუსერის გრძელ სიაში, რომ ცნობილი ჟურნალისტის სანახავად მისულები, რეიტინგულ გადაცემაში გამოჩნდნენ და ნახონ მაყურებლებმა, რომ გასაჭირში მყოფი კერპის ბედი მათაც აღელვებთ, რომ ესავის დასახიჩრება მათი დასახიჩრებაცაა! რომ თავისუფალი სიტყვის დამარცხება მათი დამარცხებაცაა! ეგ კი არადა, მედპერსონალშიც იფეთქა მოუთოკავმა ვნებებმა – ყველა ესავის პალატას მიეძალა: ექთნები, ექიმები, პრაქტიკაზე მოსული სტუდენტები და საავადმყოფოს პროფესურა აკადემიკოს თურმანაულის ჩათვლით... სანიტრებმა ერთმანეთი სცემეს იმის გამო, რომ ვერაფრით შეთანხმდნენ, თუ რომელს უნდა დაეცალა ლამის ქოთანნი პრაიმ-ტაიმში, ანუ იმ დროს, როცა გადაცემას ყოველი სამი მოქალაქიდან ორი უყურებდა.

...მაგრამ მიხა ნკვარამია მაინც ნერვიულობდა. „რა იქნება ხვალ?“ – კითხულობდა ის და მომავალზე ფიქრით ინამლაგდა სულს. როგორც გამოცდილმა პროფესიონალმა, ზუსტად იცოდა, თუ მცენარედეცეული ესავე არ გაცოცხლდებოდა, თუ ახალი გარემოების შესაბამისად მოდერნიზებულ ესავად არ იქცეოდა, მაღალი რეიტინგის სიმძიმეს დიდხანს ვერ გაუძლებდა და დაეცემოდა.

რეიტინგი აუცილებლად დაინყებს კლებას, ასე დიდხანს ვერ გაგრძელდება! ერთხელაც იქნება და პლატოზე გავა, როცა თმების ცვენაც შეჩერდება და – სიმაღლეში ზრდაც! ჯერ ეს დრო არ დამდგარა, მაგრამ ესავე უკვე იქცა საშუალო სტატისტიკურ ქართველად, რომელიც (თუ სითხის სახით მხოლოდ ალკოჰოლს არ იღებს, თუ კვირაში ორი დღე მაინც ჩადის აუზში და იკვებება ზომიერად – მარხვაში უარს ამბობს ძხვებულსა და ტორტზე (ცხადია სამარხვოზე), აღდგომაზე არ ერჩის ცხვრებს, ახალ წელს – გოჭებს, ინდაურებს და სხვა წვრილფეხობას, შობაზე – ღორებს, სადაგი დღის მენიუდან კი ამოღებული აქვს ქართველი კაცის გასტრონომიული წმინდა სამება – მწვადი, ხინკალი, ქაბაბი) რაღაცით ჩამოჰგავს ჯორჯ კლუნის ანდა ენდი გარსიას მაინც. ასეთი იყო სიკვილის გადარჩენილი ესავის ზებუნებრივი ტრანსფორმაციის გამოგნებელი შედეგიც! მაგრამ თუ არაფერი შეიცვლება, თუ სანახავი აღარაფერი იქნება, ცხადია, ადრე თუ გვიან, ესავის მომხიბვლელი გარეგნობაც მობეზრდება მაყურებელს და მოითხოვს სანახაობის ახალ ულუფას – უფრო ცხარეს და მეტი ოსტატობით შექმავულს! ასეთია ბუნება დოყლაპია, მაგრამ უძღები მაყურებლისა, რომლის დამყაფილება მარტო ესავს შეუძლია, ოღონდ ცოცხალ ესავს, ლეთარგიული ძილიდან გამოსულსა და ფეხზე მყარად მდგომს! ვინ იცის, როგორი იქნება ხელახლა დაბადებული ესავე გამოცვლილი სხეულითა და დაზიანებული ტვინით? ნუთუ, წყალში გადაიყრება ამდენი ფული და შრომა? იქნებ, პირიქით, ასმაგად ანახლავრდება განეული ხარჯი?

ახალი ესავე ძველი ქარიზმით – ამაზე მხოლოდ ოცნება შეიძლება! მაგრამ ემახსოვრება კი ესავს ვისი გორისაა? აკი, პეტერბურგელი პროფესორი პრეაბრაჟენსკიც ამტკიცებს, რომ ჰიპოფიზი არის დახურული კამერა, რომელიც ადამიანის პიროვნებას განსაზღვრავს...

\* \* \*

თითქოს ყველაფერი წინასწარ განსაზღვრული იყო. არანაირი ფორსმაჟორი და შემოქმედებითი ქაოსი. არანარი ცვლილება სატელევიზიო ბადეში. რეკლამა რომ დასრულდა, ეკრანზე ესავის მშვიდი, ფერმკრთალი სახე გამოჩნდა. პალატის იდეალურ სიქათქათეში უწყვეტად იღვრებოდა აგვისტოს ნათელი, რომელსაც ჰარმონიულად მოჰყვებოდა უდახვეწილესი ბგერითი ტალღები მოცარტის მუსიკის სახით. ჯერ პალატას, შემდეგ კი ეთერის საშუალებით მრავალმილიონიანი აუდიტორიის ოთახების სახით მთელ ქვეყანას ავსებდა „ფიგაროს ქორწინების“ ჰანგები, რომლის ხარისხიანი ჩანაწერი დაულალავად და გამორჩეული გულისხმიერებით გადადიოდა ესავის ერთი პლეილისტიდან მეორეში, ერთი CD-დან მეორეში, ერთი ფლემ-მეხსიერებიდან მეორეში... იცვლებოდა გათოვნება, თანმიმდევრობა, მთელი სიაც კი, მაგრამ ცხრილის სათავეში ყოველთვის იყო ცნობილი რუსი ბასის ნამღერი ფიგაროს არია. რა გასაკვირია და, ამჯერადაც რუსი ტენორი მოუწოდებდა ესავს:

«Мальчик резвый, кудрявый, влюбленный,  
Адонис женской лаской прельщенный,  
Не довольно ль вертеться, кружиться,  
Не пора ли мужчиною быть?»

და სწორედ აქ მოხდა გაუთვალისწინებელი რამ, რომლის ახსნა ვერ შეძლო ვერც „სუბიექTV“-ის ყველაფრის მცოდნე ტექნიკურმა პერსონალმა, ვერც გერმანიიდან საგანგებოდ მონვეულმა ინჟინერმა, რომელმაც ვერანაირი ხარვეზი ვერ აღმოაჩინა „ზენზაიზე“



რისა“ და „სონის“ უმაღლესი ხარისხის აუდიოსისტემაში. არადა, ჩაიხვია, როგორც ძველმა ნემსიანმა პრაივივიანელმა ვინილის დაკანრული და დეფორმირებული ფირფიტა.

...Не довольно ль вертеться, кружиться,  
Не пора ли мужчиною быть?

...Не довольно ль вертеться, кружиться,  
Не пора ли мужчиною быть?

...და ასე მთელი ერთი წუთისა თუ წუთნახევრის განმავლობაში!

ვერ გაარკვიეს, რა მოხდა, რა დაემართა ტრაიკასტერის პულტს, როგორ დაიკარგა კამერების მართვაზე კონტროლი და რანაირად მოხდა, რომ მთელი ერთი წუთის განმავლობაში, კადრში ჩანდა მხოლოდ ესავის გაქვავებული სახე, რომელიც ფიგაროს არიის ფონზე ნელ-ნელა ივსებოდა სისხლით და იწყებდა ფეთქვას ისე, თითქოს უჯვრებდა და ემორჩილებოდა თმაშუვერცხილ რუს მომღერალს, რომელიც ამუნათებდა, დასცინოდა და გულში ჩამწვდომი ხმით ჩასჩინებდა, ესავი, გეყოფა მაიმუნობა, ადექი, რას ნევხარ, კაცი არ ხარ, გაიღვიძო...

და ესავმაც გაიღვიძა!

თვალეზმა აირეკვდა ჰაიდფინიშენის კამერები და სტედიკამით მოძრავი წვერებიანი ტიპი გასხვივსნებული დეილაითის განათებით. ამუშავდა პულტი, აღდგა კავშირი კამერებთან და აუდიოსისტემასთან.

– სიჩუმე! – იყვრა მიკროფონში პროდიუსერმა, – ყველა კამერა ესავზე მუშაობს!

სიჩუმე ცოტა ხანს გაგრძელდა, მაგრამ ამ თითებზე ჩამოსათვლელ წამებში მიხა წკვარამია ყველა ფრჩხილის დაკვნეტა მოასწრო. აქ და ახლა, ამ პალატასა და ამ წამებში წყდებოდა მისი, ესავის, ტელევიზიისა და სამშობლოს ბედი!

„სამყარო ორ ნაწილად იყოფა“, ფიქრობდა მიხა წკვარამია, „იდეალური, მკაცრად დემარკირებული და დელიმიტირებული საზღვარით, რომელიც გადის ტელევიზორის ეკრანის გლუვსა და სიფრიფანა ზედაპირზე. არადა, ამ სამყაროებს შორის ისეთი დიდი სხვაობაა, როგორც შეიძლება იყოს მწყემსსა და ცხვრებს შორის, მხედართმთავარსა და ჯარისკაცებს შორის, წმინდანებსა და ცოდვილებს შორის! წარმოდგენაც კი ძნელია: მწყემსი იქცეს ცხვრად! მხედართმთავარი ჯარისკაცად! წმინდანი ცოდვილად! ესავი მაყურებლად!.. რა შეიძლება იყოს მაყურებელზე საცოდავი და უბადრუკი? მაყურებელს სჯერა ყველაფერი, რასაც ესავი ეუბნება და არ სჯერა არაფერი, რასაც თვითონ, თავისი თვალთ ხედავს! ესავი იქცეს მაყურებლად, ამაზე დიდი უსამართლობა წარმოუდგენელია!“

– მეტი სინათლე! – დაიძახა პროდიუსერმა.

სინათლის ძლიერ ნაკადთან ერთად, ჭერიდან ამნეზე დამაგრებული კამერა დაიძრა და ესავის პირდაპირ, ხელის განვდენაზე გაჩერდა. ერთი ხანობა დაყოვნდა და ის იყო, უკან უნდა დაეხია, რომ ეთერში გაისმა ესავის უმდიდრესი ბანი, სიტყვებსა და საგნებისათვის მეტი საზრისის მიმცემი ხმა:

„აილო რებეკამ თავისი უფროსი შვილის, ესავის, ძვირფასი ტანისამოსი, სახლში რომ ჰქონდა, და ჩააცვა იაკობს, თავის უმცროს შვილს. ხელები და უბანლო კისერი კი თიკნის ტყავით დაუფარა. უთხრა იაკობმა მამამისს: ესავი ვარ, შენი პირმშო. გაგიკეთე, რაც მთხოვე. წამოჯექი და ჭამე ნანადირევი, რომ მაკურთხოს

შენმა სულმა. და მიუახლოვდა იაკობი მამამისს, ისაკს. მან ხელი შეავლო და თქვა: ხმა იაკობის ხმაა, ხელები კი ესავის ხელებია!. და ვერ იცნო იგი, რადგან იყო მისი ხელები, როგორც ხელები ესავისა, მისი ძმისა, ბალნიანი და აკურთხა იგი“.

ესავი იდაყვებს დაეყრდნო და სანოლზე წამოვდა. მეორე კამერაში გაიხედა და ფონად შემოსულ მუსიკის რიტმში უფრო ხმამალა განაგრძო:

„ეს მე ვარ ესავი, ვინც დედამ განირა და ძმამ მოატყუა, ვისი კურთხევაც მიითვისეს, ვინც გაძარცვეს და უსამართლოდ დაჩაგრეს ისევე, როგორც ბევრი თქვენგანი – კაცი, ქალი, მოხუცი, ახალგაზრდა, დიდი და პატარა! ერთ მხარეს ჩვენ ვართ, მეორე მხარეს ისინი – მძარცველები, ფარისევლები, ქურდები, რომელთა შესახებ უფალი ჩვენი იესო ქრისტე ამბობს, ქურდი მხოლოდ იმისთვის მოდის, რომ მოიპაროს, მოკლას და მოსპოს, ხოლო მე მოვედი, რათა იყოს სიცოცხლე და ჭარბადაც იყოს! არავის ჰქონდეს იმედი, რომ რამეს დამალავს და შერჩება, რამეთუ ყოველთა რომელთა აღიღონ მახვილი, მახვილითა წარწყმდენ. აკი, ძველი სიბრძნეც გვეუბნება, განყიდენ სამოსელი და იყიდენ მახუილიო, მაგრამ ესავს მახუილის ყიდვა არ სჭირდება, ესავის მახუილი გრძელი და ძლიერი ხელებია, რომელსაც ვერავინ დაემალება, რომელიც ყველას მისწვდება! დიახ, მე ესავი ჭუუაძე ვარ! თქვენ უყურებთ „ესავის ხელებს“ და გაფრთხილებთ, ვერსად დამემალება! ხელებს ვაფათურებ ყველგან და ყველაფერში! დავბრუნდებით რეკლამის შემდეგ!“

– დაბრუნდა! – ძლივს ამოთქვა ნანახით გაოგნებულმა პროდიუსერმა და გენდირექტორს გახედა.

მიხა წკვარამია კი მზერას ვერ წყვეტდა მკვდრეთით აღმდგარსა და განახლებულ ესავს – ლაზარესა და, შეიძლება ითქვას, ჩვენთვის წამებულ იესოსაც კი! იჯდა გაოგნებული და ვერ ამჩნევდა, რომ ფეხი ედგა გუბებში, რომელიც წარმოქმნილიყო პალატის თავზე მდებარე მოშლილი ონკანიდან.

წყალი გაივლიდა იატაკს, სართულების გამყოფ ბეტონის პანელებს და ჭერზე წვეთებდა დაყოვნებისა და დამსხვილების შემდეგ ემატებოდა ქვემოთ გაჩენილ გუბეს, დაცემისას კი გამოსცემდა ისეთ ხმას, კაცი იფიქრებდა, ვილაცის უხილავმა ხელმა გიგანტური საათის მექანიზმი ამუშავაო. ალბათ, ასეც იყო: სამყაროს ყველა საათმა, მექანიკური მოწყობილობებისათვის დამახასიათებელი მოჩვენებითი სიღინჯით, ხელახლა დაიწყო ესავისთვის დროის ათვლა...

## დათო პაიჭაძე

დათო ქარდავას შეუძლია წეროს ყველაფერზე. ეს არის არა დასკვნა, არამედ დასაბუთებული შთაბეჭდილება, მიღებული მისი ტექსტებისგან. ცხადია, „ყველაფერი“ აქ ნიშნავს „იმას, რაც მოეგუნება“. შევეცდები ავხსნა, რატომ შეუძლია წეროს ყველაფერზე, რასაც განიზრახავს ან შეეჭიდება.

ჰო, „შეუძლია წეროს“ გულისხმობს, რომ შეუძლია წეროს კარგად. აი, კარგად წერა რა არის, ცოტა წერილად უნდა ვთქვა.

დათო ქარდავას წერიტი მეტყველება სადა და მკაფიოა. არ მიმართავს სტილიზაციას, იშვიათია სიტყვა, რომელიც თვალს ან სმენას მოგჭრის, მის ნაწერს არც რაიმე განსაკუთრებული მელოდია აქვს, არც საგანგებო ინტონაცია, არც მოულოდნელი აქცენტები. წინადადება არასოდეს არის ძალიან მოკლე ან ძალიან გრძელი. თხრობის რიტმი საშუალოზე ოდნავ სწრაფია. ავტორი მდიდარია სიტყვათა მარაგით, მაგრამ თვალში ამ სიმდიდრეს არ გჩრის: თუ მკითხველს „მხედველობა“ უვარგა, ისედაც შეამჩნევს. ასევე არასოდეს არის პრიმიტიული.

დათო ქარდავა ნიშუშია, როგორ ეხმარება მწერალს ჟურნალისტიკის პროფესია და საბუნებისმეტყველო განათლება. მის ტექსტებში – სულერთია, ეს იქნება მხატვრული თუ არამხატვრული პროზა, მოკლებული, ვიმეორებ, სტილისტურ ელვარებებს – ყველაფერი ემორჩილება და ემსახურება ერთ მიზანს: მოგვითხროს ამომწურავად. ჟურნალისტიკაში თხრობის სისრულეს განსაზღვრავს უნარი, განვდე მრავალ წყაროს, შეაჯერო და გაანაწილო ინფორმაცია, გამოჰყო ერთიმეორისგან რელევანტური და ნაკლებად მნიშვნელოვანი, მიუჩინო ტექსტში კუთვნილი ადგილი. მაგრამ ჟურნალისტიკა ზღუდავს ასპარეზს

ამ უნართა გემოზე გამოვლენისათვის: ის ითხოვს, რომ მოკლე დროში, მოკლე ფართობზე დაეტიო. დათო ქარდავაც, როცა ჟურნალისტიკას ეტევა. მაგრამ როცა ვრცელ ტექსტს წერს, ის იქცევა თითქმის ეპიკოს ავტორად.

საქმე მხოლოდ იმას არ ეხება, რომ დათო ეპიკურ ჟანრში მუშაობს – თხზავს მოთხრობებს და ვრცელ ნარკვევებს (თუმცა, ენა არ მიტრიალდება, მის წიგნებს ეს ოდესღაც კარგი, დღეს კი საბჭოთა კონიუნქტურით გამოხრული სახელი ვუნოდო). გინდა ტუალეტებზე წერდეს, გინდა მტკვრის ისტორიაზე, ის ინსებს „ეპიკურ დისტანციას“ წარსულში აღსადგენ მოვლენებთან. ჟურნალისტიკის მიუკერძოებლობა (და როგორც ჟურნალისტი, დათო ქარდავა/ჯიმშერ რეზივიაშვილი სწორედ ამ იშვიათ სახეობას, მიუკერძოებლებს მიეკუთვნება) გვაიძულებს მისი ტექსტების კითხვისას გავთავისუფლდეთ კონტექსტუალური ხორცმეტისაგან – აბა, ვის მხარეზეა ავტორი?! – და თავად, ჩვენი სურვილისა თუ გემოვნების კვალად ვიფიქროთ ან არ ვიფიქროთ, რა სურდა ეთქვა მწერალს. ამ შემთხვევაში ვგულისხმობ დათო ქარდავას დოკუმენტურ პროზას, უწინარესად მის ბოლო წიგნს მტკვარზე, რომელიც უამრავ შინაარსობრივ შენაკადს უყრის თავს – XX საუკუნის 10-იანი წლების გაზეთში სარეკლამო განცხადებით დაწყებული, თბილისის ქალაქის საბჭოს საოქმო ჩანაწერებით გაგრძელებული და შუა საუკუნეების არაბი ავტორითა თუ მეოცე საუკუნის ქართული პოეზიით დამთავრებული...


ზუსტი, კეთილსინდისიერი, ინფორმაციული და მრავლისმომცველი – ასეთია დათო ქარდავას ნაწერები. ფიზიკოსის, ბუნებისმეტყველის ვნება, ჩემი აზრით, სწორედ სიზუსტის, უტყუარობისადმი მისწრაფებაში იკითხება. მას, როგორც ჟურნალისტს, პროფესიული წესიერების ეს ელემენტები საუნივერსიტეტო განათლებიდან აქვს ნამოღებული. საკუთრივ მწერლის ოსტატობა კი მკითხველს ეხმარება, ნუთითაც არ მოსწყინდეს თხრობა, სადაც თითოეული ამბისა და ციტატის წყაროს მოიხმობენ. როცა მკითხველისკენ მტკვარზე ბევრად ფართო ინფორმაციული ნაკადი მოედინება, იქ სტილითა თუ წერის მანერით ლეგიტიმური თავმონონების ადგილი ეგებ აღარც რჩებოდეს. ამ დროს გჭირდება თავდაჯერებული და სანდო ადამიანი, რომელიც დაგეხმარება გაუმკლავდე ამ ნაკადს. დათო ქარდავაც ზუსტად ასეთია – სანდო და მშვიდი. წერაშიც და ცხოვრებაშიც.



# ხეები და ადამიანები

## ჯიმშერ რეზიაშვილი

ფიქრობს ხმელი ნიფელი თავის თავზე, წარსულზე,  
ანწყოსა და მომავალზე...“  
(ვაჟა-ფშაველა, „ხმელი ნიფელი“)  
„ნეტა მართლა თუ ეყურება ხეს კაცის?“  
(ნოდარ დუმბაძე, „ხაზარულა“)



ადამიანი დიდი ხანია, აღარ ცხოვრობს პირველყოფილ ბუნებაში, თუმცა, ცხადია, მისი ქვეცნობიერი კვლავ ინახავს იმ ინფორმაციას, რომელიც ისტორიაში გადაბარგებამდე დაუგროვდა. ალბათ ამის გამოა, რომ ტყეში დაბრუნებისას, ადამიანს უჩნდება არარაციონალური, სრულიად უსაფუძვლო შიში, თითქოს ისტორიასთან ერთად უკვალოდ გაქრა მისი კულტურულობა, განსწავლულობა, ბუნების კანონებზე დამყარებული ცოდნა-გამოცდილება და მათ ნაცვლად ეძლევა პრეისტორიული ადამიანის გრძნობები – გაუცნობიერებელი, არამოტივირებული შიშები, რომ ტყეში შეიძლება დაიკარგოს, გადაეყაროს ნადირს, ავაზაკს... შეიძლება გაიტაცოს (მოაჯადოვოს) ავმა სულმა ანდა სულაც უკვალოდ გაქრეს! ტყეში ხომ ყველაფერი იდუმალებითაა მოცული – სიჩუმეც, ხმაურიც, სიბნელებიც და სინათლემაც კი, რომელმაც ფოთლებსა თუ წიწვებს შორის გამოაღწია...

და რას გრძნობს ხე, რომელიც მოსწყდა თუ მოსწყვიტეს ტყეს და ცხოვრობს ადამიანთა შორის, ანუ ისტორიაში და არა ბუნებაში?

ტყეების ერთგვარ უმცროს ძმებად, შორეულ ნათესავებად შეიძლება მივიჩნიოთ ქალაქად გაშენებული კორომები, სკვერები და ბალები, მაგრამ მათ გარდა ასევე გვხვდებიან ცალკე მდგომი ხეებიც – სედიანები, მედიდურები, უცნაურად მიმზიდველები და იმავდროულად სამიშებიც კი თავიანთი იერიითა და ხასიათით, რომელიც მარტოობასა და არაბუნებრივ გარემოში გაიტოტა და დაიკოჟრა.

ალბათ, ასეთი იყო თბილისის ერთ-ერთ ეზოში ლამის საუკუნის წინ მდგარი ხე, რომელმაც ბორის პასტერნაკზე იმდენად დიდი შთაბეჭდილება მოახდინა, რომ მწერალმა ის თავის დიად რომანშიც კი „გადარგო“:

„ბიჭი ყველაზე მეტად ერთმა უცნაურმა თითებგაფარჩხულმა ხემ გააოცა, რომელიც იმავე ეზოში იდგა, სადაც სტუმრობდნენ. ერთი უშველებელი ტროპიკული გოლიათი იყო, სპილოს ყურების მსგავსი ფოთლებით, რომელიც იცავდა ეზოს სამხრეთული მცხუნვარე მზისაგან. ნიკა ვერაფრით შერიგებოდა იმ აზრს, რომ ის ხე მცენარე იყო და არა ცხოველი.“

ასეთი მარტოხელა გოლიათები, უკიდევანო ვარჯვებითა და სტადიონისხელა ჩრდილებით, შეიძლება შეგვხვდეს როგორც ქალაქად და სოფლად, ასევე თვალუწვდენელ მინდვრებში ანდა მობიბინე ყანების შუაგულში, სადაც მოულოდნელად ამოზიდულები, თავიანთი ხანგრძლივი და დიადი მარტოობით მეტ შინაარსსა და სილამაზეს სძენენ როგორც გარემოს, ასევე ადამიანების ყოფასა და ყოველდღიურ ცხოვრებას. ამ ხეებს ფიზიკურის გარდა,

სხვა განზომილებაც აქვთ. ეს ხეები უფრო მეტია, ვიდრე ზოგადად მცენარეები, რომლებიც გავლენას ახდენენ ჰავაზე, იცავენ ნიადაგს ეროზიისაგან და იძლევიან საკვებს, სითბოს და საშენ მასალას. ეს ხეებიც, ადამიანების მსგავსად, ისტორიაში ცხოვრობენ და მათი არსებობაც შეიძლება იყოს კულტურული მემკვიდრეობის ნაწილი. დამეთანხმებით, მცენარეზე მეტია თელავის ათასწლოვანი ჭადარი, წინანდლის ცნობილი ცაცხვის საუკუნოვანი ხე (რომელშიც, ლეგენდის მიხედვით, ალექსანდრე ჭავჭავაძის შვილიშვილი, სალომე, დაიმალა ლეკების შემოსევის დროს), მარტყოფის ისტორიული (ბეჟანი-შვილების) კაკლის ხე და ა.შ. – ყველა ამ ხეს აქვს თავისი მდიდარი ისტორია, რომელიც, ხშირ შემთხვევაში, მჭიდროდაა გადახლართული ადამიანის (ადამიანების) ბედთან და ისეთივე სევდიანია, როგორც ადამიანების ცხოვრება.

## გალაკტიონის ფიჭვი, კლდიაშვილის ცაცხვები...

პოეტი ვახტანგ ჯავახაძე (გალაკტიონის ცხოვრებისა და შემოქმედების თვალსაჩინო მკვლევარი) მოგონებების წიგნში „ლექსიდან ლექსამდე“ იხსენებს გალაკტიონის მიერ დარგული ფიჭვის სევიდან თავგადასავალს, რომელიც დაიწყო შორეულ 1936 წლის 5 მარტს, როცა ყოფილ კირკის ქუჩა N4-ში ერთი წლის წინ აშენებული სახლის წინ რამდენიმე ფიჭვი დარგეს, მათ შორის ერთ-ერთი (შესასვლელიდან მარცხნივ) თავისი აივნისა და ფანჯრების წინ საკუთარი ხელით დარგო „თვით პატივცემულმა გალაკტიონ ტაბიძემ“ (უბის წიგნაკში ჩანანერი გაკეთებულია დაუდგენელი პირის მიერ).

ვახტანგ ჯავახაძის თქმით, თითქმის ოცი წლის შემდეგ 1952 წლის 9 მარტს გალაკტიონმა



ამ ფიჭვის შესახებ უბის წიგნაკში ისევე ჩანერა: „ამ ბაღში არის ჩემს მიერ დარგული ფიჭვი, რაც მას თავს გადახდა, პირდაპირ ასანერია“.

როგორც ჩანს, ამ ხეს გალაკტიონის სიცოცხლეში ბევრი რამ გადახდა, მაგრამ, უნდა ითქვას, რომ გალაკტიონის ფიჭვმა დრამატიზმით სავსე ცხოვრება განვლო პოეტის გარდაცვალების შემდეგაც. აი, რას წერს ვახტანგ ჯავახაძე:

„მარჯანიშვილის ხუთი ნომრიდან ჩემი კაბინეტის ფანჯრები პირდაპირ შეჰყურებდნენ მარჯანიშვილის ოთხი ნომრის ფანჯრებს და მე ძალაუფლებურად ყოველდღიურად ვესალმებოდი ნაცნობ ფიჭვს, რომელსაც ჩემს მეტი აღარავინ იცნობდა. ოთხმოცდაათიანი წლებიდან – საბჭოთა კავშირის მარტივ მამრავლებად დაშლის შემდეგ – გამომცემლობა, რომელიც წელიწადში 400 წიგნს გამოსცემდა, თითქმის გაუქმდა და მე საკმაოდ დრო მრჩებოდა, ხშირად შემეთვალისწინებინა პოეტის ბიოგრაფიის ეს უკანასკნელი ერთადერთი ნაშთი, ვინაიდან გალაკტიონის ბინა გაიყიდა. მალე ყოფილი კირკის, ყოფილი ჟორესის და ბოლოს მარჯანიშვილის ქუჩა გააფართოეს და ერთ მშენებელ დღეს ხეების მოჭრას შეუდგნენ. მე სასწრაფოდ დავურეკე მწერალთა კავშირის მდივანს, რომელმაც ქალაქის აღმასკომში გადარეკა და მაშინვე გამოცხადდნენ ოფიციალური პირები, რომლებსაც ფიჭვის ისტორია ვაუწყე და ასე გადარჩა ყველაზე დაჩაგრული ერთადერთი ფიჭვი – გალაკტიონის ფიჭვი.“

მაგრამ ხის თავგადასავალი ამით არ დასრულებულა. ვახტანგ ჯავახაძის გადმოცემით, 1999 წლის 5 მარტს მარჯანიშვილის ოთხ ნომერში გალაკტიონის მემორიალური მუზეუმი უნდა გახსნილიყო. წინა დღეებში შენობის ფასადი გაალამაზეს, ქუჩა გაასუფთავეს და სახლის წინ სკვერში ყვავილები ჩარგეს.

კვლავ ვახტანგ ჯავახაძეს მოვუყვინოთ: „ყოველივე ამას მშვიდად ვათვალისწინებდი. უცებ თვალი მოვკარი: ორი ღონიერი მამაკაცი ნაჯახებით მიადგა ფიჭვს. უმაღლესი პოეტის სრულიად უცნობი ორი სტრიქონი გამახსენდა: „როგორ შემქმლო არ დამეთვალა, რამდენჯერ სცემდა ტყეში ნაჯახი“. და მაშინვე კიბებზე დავეშვი, ქუჩა გადავჭერი და შევუტიე. არ დამიჯერეს და უფროსი მოვიკითხე. ჩავიტანე ჩემი „უცნობი“ (წიგნი გალაკტიონის ცხოვრების შესახებ), იმ უფროსის „ვოლგის“ საბარგულზე გადავალე და 1936 წლის 5 ნოემბრის ჩანაწერი ნაუკუთხე: „კირკის ქ. 4 სახლის ეზოში ერთი ძირი ფიჭვის ხე (შესასვლელიდან მარცხნივ) დარგულია თვით პატივცემულ გალაკტიონ ტაბიძის ხელით“. ამჯერად მეორედ გადავარჩინე გალაკტიონის ფიჭვი.“

თუმცა, მოგვიანებით, როგორც ვახტანგ ჯავახაძე წერს, ფიჭვმა განხიზხა დაინყო და მისი გადარჩენა ვერ მოხერხდა.

უფრო მძაფრი და დრამატიზმით სავსე (თუმცა შედეგანი) იყო კიდევ ერთი დიდი მწერლის, რუსეთის მეფის არმიის პოდპოლკოვნიკ დავით კლდიაშვილის ბრძოლა საუკუნოვანი ცაცხეების გადასარჩენად.

„პირონიტში (სოფელი თურქეთში, ისტორიული ლაზეთის ტერიტორიაზე, ხოფასთან ახლოს) დარაჯები მყავდა დაყენებული, რომ ხელი არ ეხლოთ იმ მშენებელი ცაცხეებისთვის, ზღვის პირს რომ მშენებთ ამართულიყვნენ“ – ასე იხსენებს თავის მემუარებში ცნობილი მწერალი პირველ მსოფლიო ომში გადამხდარ ერთ ეპიზოდს, რომლის შესახებ უფრო ვრცლად მოგვითხრობს ივანე არჯევანიძე (1916-1918 წლებში კავკასიის ფრონტზე სრულიად რუსეთის ერობათა კავშირის და რუსეთის წითელი

ჯვრის საზოგადოების თანამშრომელი) წიგნში „დავით კლდიაშვილის ახლოს“, რომლის მიხედვითაც პირონიტის ეტაპის კომენდანტი პოდპოლკოვნიკი კლდიაშვილი წინ აღუდგა პოლკოვნიკ მიხეილ ვერდერევესკის (ბათუმ-ტრაპიზონის დამაკავშირებელი სარკინოგზო მაგისტრალის პროექტის ავტორისა და სამუშაოთა ორგანიზატორის) სურვილს, გაეკაფა „ადგილობრივი ლაზების მიერ სამღვთოთ მიჩნეული და საფუტკრედ დანიშნული, მშენებრად გაშლილი ათასწლოვანი ცაცხეები“.

არჯევანიძის გადმოცემით, როცა მესანგრენი ცაცხეებს ნაჯახებით მიადგნენ, მათ წინ დაუხვდნენ კლდიაშვილის ჯარისკაცები. სამხედრო ხელმძღვანელობამ (გენერალმა ლიახოვმა) პოდპოლკოვნიკ კლდიაშვილის ეს მოქმედება მძიმე სამხედრო დანაშაულად სცნო, ეტაპის კომენდანტის თანამდებობიდან გადააყენა და ბათუმში გამოიძახა სავსელე სასამართლოს წესით გასასამართლებლად, თუმცა მწერალს ბედმა გაუღიმა – სულზე მოუსწრო თებერვლის რევოლუციამ.

„ამგვარად, ათასწლოვანი ცაცხეები – ბუნების ეს უძვირფასესი ძეგლი, ველურ გაკაფვას, ხოლო დიდი ქართველი მწერალი და საზოგადო მოღვაწე, დავით კლდიაშვილი დაღუპვას გადარჩენ“, ვკითხულობთ ივანე არჯევანიძის მიერ დატოვებულ მოგონებების წიგნში.

რა ჰქვია საქციელს, როცა 50 წელს გადაცილებული კაცი (შერყეული ჯანმრთელობით) სასწორზე დებს სამსახურს, კარიერას და თავის სიცოცხლესაც კი? როგორ ხდება, რომ დღეს მხოლოდ იმის გამო, რომ რალაც მორიგი უსახური შენობა ჩავაკვებოთ ქალაქის სხეულში, დაუნდობლად ვიმეტებთ ასწლოვან ხეებს, რომელთა ჩრდილში არა თუ მხოლოდ ჩვენ მშობლებს, არამედ უფრო შორეულ წინაპრებს უვლიათ და უოცნებიათ? როგორი უცნობი უნდა იყო, რომ ვერ დაინახო და დააფასო ქალაქში გახარებული ხეების სილამაზე და ამაგი? ვერ დააფასო მათი ჩრდილების, მათი სიგრილისა და ხმაურის იდუმალება? ანდა, როგორ ვერ უნდა იგძნო ხიფათი და ვერ წარმოიდგინო საშინელება – ხეებისგან დაცლილი ქალაქი თავისი მომიშვლებული მოედნებით, მტვრიანი ქუჩებით და გაავარვარებულ სახლებში გამოკეტილი მოქალაქეებით?

დაუჯერებელია, მაგრამ ყოველგვარი სინანულის გარეშე ვჩეხავთ როგორც სკვერებს, ასევე ცალკე მდგომ, ე.წ. „პიროვნება-ხეებსაც“, არადა იყო დრო, ცხარედ კამათობდნენ იმაზე, თუ რომელი ხეებით (ჭადრებით, კედრებით, ფიჭვებით...) შეევსოთ მოტიტვლებული მთაწმინდის კალთები და ქალაქის ქუჩებს ჩაყოლებული გრძელი ტროტუარები.

ჭადარს არ სწყალობდა ცნობილი ბოტანიკოსი, აკადემიკოსი ნიკო კეცხოველი, რომელიც კედრის გაშენებას უჭერდა მხარს, ჭადარზე კი ამბობდა, ბუსუსებს ავრცელებს, სურდოს იწვევს, დიდი ზომისაა და ქალაქში უხერხულობას ქმნისო, თუმცა აკადემიკოსის მიერ მოტანილი ეს არგუმენტები გადაწონა ქვეყნის მაშინდელი პირველი პირის, კანდიდ ჩარკვიანის „ოღამ“ მიძღვნილმა ჭადრის დიდებულებას:

„ჭადარი – მონუმენტური სილამაზის გარდა – სიგრილისა და ყანგბადის უშრეტი წყაროა, რასაც ჩვენი ცხელი, ძნელად გასანიავებელი, ხეობაში ჩამჯდარი ქალაქისათვის განსაკუთრებული მნიშვნელობა აქვს. წინვოვანი ჯიშებიდან თბილისში ფართო გავრცელება ჰპოვა ჰიმალაის კედარმა.

მსოფლიო პრაქტიკა გვიჩვენებს, რომ ქალაქის ქუჩებში, როგორც წესი, ფოთლოვანი ჯიშები ირგვება და ეს შემთხვევითი არ არის. ქუჩაში ხეების შპალერმა ზაფხულობით ჩრდილი უნდა მოგვცეს. ეს არის მისი ყველაზე ხელშესახები ფუნქცია.

კედრის ვარჯი ისეთი ფორმისაა, რომ კარგ ჩრდილს მისგან ვერ მივიღებთ, ხოლო თუ ქვედა ტოტები არ შეაჭერთ, ტროტუარზეც ვერ ივლით. მეორე და უფრო არსებითი ნაკლი ამგვარი გამწვანებისა კი ის არის, რომ კედარი ზამთარშიც, როცა მზეა საჭირო, ქუჩებს, სახლებს, ასე თუ ისე, მაინც ჩრდილავს და აბნელებს. სულ სხვაა ფოთლოვანი ხე, კერძოდ ჭადარი. ის ზაფხულში ხშირ ჩრდილს იძლევა, ზამთარში კი, ფოთლების დაცვენის გამო, მზის სხივებს ხელს არ უშლის. ფიგურალურად რომ ვთქვათ, ქუჩაში დარგული ფოთლოვანი ხე ჰვავს ქოლგას, რომელიც ზაფხულში გაშლილია და მზისგან გვიცავს, ზამთარში კი დაკეცილია და მზეს არ გვიჩრდილავს.“

რა გასაკვირია და ამ არგუმენტების გამოქვეყნების შემდეგ თბილისში ლამპიონების ნათება და ჩაქრობა მხოლოდ ჭადრებში ილა შესაძლებელი. ჭადრები კი, შესაძლოა, მართლაც ბევრს უქმნის დისკომფორტს, მაგრამ განა რა იქნება მტკვრის სანაპირო ანდა რუსთაველის გამზირი მათი ჩრდილისა და ფოთლების შრილის გარეშე? ვინ იცის, იქნებ რუსთაველის გამზირის იმ საიდუმლოს გასაღებიც, რომლის შესახებ აკადემიკოსი ვახტანგ ბერიძე წერდა, გიგანტური ჭადრების მწკრივშია დამალული?

„მაინტერესებდა, რატომ იყო ყოველთვის მეტი ხალხი გამზირის იმ მხარეს (იმ ტროტუარზე), რომელიც მთაწმინდისკენაა, მიუხედავად იმისა, რომ ორივე თეატრი, სამივე კინოთეატრი, მუზეუმი და გალერეა მეორე მხარეს მდებარეობდა“, წერდა ვახტანგ ბერიძე 1987 წელს გამოცემულ „მოგონებებში“, – „რატომ იყო იმ ხალხმრავალ მხარეს განსაკუთრებით ბევრი ხალხი მაინც ერთ გარკვეულ მონაკვეთზე – ბესიკის ქუჩიდან ჭავჭავაძის ქუჩამდე... და სულ მთლად გაუგებარი რამ – რატომ იყრია უამრავი ჩიტი თავს მხოლოდ იმ ხეებზე, რომლებიც ოფიცერთა სახლის წინაა და იქ ჰქონდათ გამაყრუებელი უივილ-ხივილი, სხვაგან კი არასად სჩანდნენ.“

ცხადია, ჩიტებიც და ადამიანებიც გრძნობენ დიდი ხეების, მით უფრო „პიროვნება-ხეების“ სილამაზესა და მიმზიდველობას. ისიც უნდა ითქვას, რომ ტყეში, სკვერში, ქუჩაში, ეზოში მდგომ თითოეულ ხეშია ჩაბუდებული ასეთი „პიროვნება-ხის“ პოტენციალი, მაგრამ მათ გასაფურჩქნად ზრუნვა და სიყვარულია საჭირო.

ალბათ როგორც ხალხზე ზრუნვაა შეუძლებელი ცალკე აღებულ ერთ ადამიანზე ზრუნვის გარეშე, ასევე შეუძლებელია ბუნებაზე ზრუნვა ცალკე აღებული ერთი ხის გარეშე, იმ ხის გარეშე, რომლის თავგადასავალიც ხშირ შემთხვევაში ადამიანისაზე შინაარსიანი, ლამაზი და სევდიანია. ერთისას ვიტყვი, ნიფლისას, რომელიც სახლის წინ, ეზოდან ასე 50 მეტრში გვედგა და იყო მარტოხელა და იმდენად დიდი, რომ დილით დაწყებული წვიმა მის ძირში საღამოს თუ ჩაალწვევდა, ხოლო კენწეროზე შემომჯდარ ყვავს ვერც ყვირილით დააფრთხობდი და ვერც რუსული გლუვლულიანი სანადირო თოფით. ჩრდილსაც იმხელას იკეთებდა, რომ მთელ სოფელს იტევდა თავის ფრინველიან-საქონლიანად... უზარმაზარი მერქანი სულ ერთიანად დაგრეხილი, ჯანსაღად მოთეთრო და ხავსით აჭრელებული ჰქონდა. ერთი სიტყვით, ნამდვილი სიცოცხლის ხე იყო – კიბე ცასა და მიწას შორის, რომელსაც, ყველასათვის მოულოდნელად, ერთ მშვენიერ დღეს, ბიძაჩემი აუხირდა. ქარში უცნაურად ირხევა, სეჭვო ხმებს გამოსცემს, გული უნდა ჰქონდეს დამაბალი და მეშინია, არ ნაიქცეს და სახლი არ დაანგრიოსო. ვერაფრით გადაათქმევინეს, ვერაფრით ააღებინეს ხელი და სულ მალე ნაჯახებითა და ბენზოხერხებით შეესივნენ სოფლის ძლიერი კაცები. რამდენჯერმე გაუწყნად ჯაჭვი, ნაჯახის ტარმაც უმტყუნათ, მაგრამ უკან აღარ დაიხიეს და ბოლოს, როგორც იქნა, წააქციეს სრულად ჯანმრთელი, ქვასავით მკვრივი და მონითალო გულიანი გოლიათი. ნაქცეულიც დიდებული იყო, ვერტიკალურად აშვერილი ტოტებითაც კი ცას სწვდებოდა, მაგრამ დაცემულსა და ფესვებსგადაჭრილს წინააღმდეგობის განევა აღარ შეეძლო. როგორ კი ნიფლის ადგილას გაჩენილ უზარმაზარ სიცარიელეს თვალი მოსწყვიტა, სოფელი ნაქცეულ ნიფელს შეესია და სულ მალე სიცოცხლის ზეიმი და ბუნების მშვენება მჭვარტლიანი ბუხრის ლუკმად – შეშად აქცია. მახსოვს, მთელი წელი ხე არ მოჭრილა სოფელში, ტყიდან ფიჩხი არ გამოტანილა, ჩვენც გვარიანად ვაგიზგიზეთ ბუხარი იმ ზამთარს, მაგრამ ვერაფერი მოვუხერხეთ იმ ტკივილამდე მველ სიცოცხლეს, რომელიც უდანაშაულო ნიფლის მკვლელობამ დაგვიტოვა გულში. წლები გადის, მაგრამ ამ ფანტომურ ტკივილს არაფერი შველის: დღემდე მტკივა გული იმის გამო, რომ ველარც ამ ნიფელს ვნახავ, ველარც გარდაცვლილ ბიძაჩემს და ველარც აფხაზეთს, სადაც ჩემი ნიფელი იდგა ასე ლამაზად და მისი ნაქცევის შემდეგ სხვაც ბევრი სევდიანი ამბავი მოხდა...

Heiner Müller



ჰაინერ მიულერი

ჰაინერ მიულერი დაიბადა 1929 წელს ეპენდორფში, გარდაიცვალა 1995 წელს ბერლინში. გერმანელი დრამატურგი, თეატრის რეჟისორი, პოეტი, ესეისტი, გერმანული თეატრის ისტორიაში ბერტოლდ ბრეხტის შემდგომ უმნიშვნელოვანესი ფიგურა.

1947 წლიდან იყო გერმანიის ერთიანი სოციალისტური პარტიის წევრი. 1959 წელს მას მიენიჭა თომას მანის სახელობის პრემია. ამ წლებში ის გერმანიის ყველაზე თვალსაჩინო დრამატურგად ითვლებოდა, თუმცა 1961 წელს ცენზურის მიერ მისი პიესის „ზიზანი ქალი ანუ ცხოვრება სოფლად“ აკრძალვამ სოციალისტურ პარტიასთან ურთიერთობა გაუფუჭა და ამავე წელს გდრ-ს მწერალთა კავშირიდან მისი გარიცხვის მიზეზად იქცა.


1966-67 წლებში მიულერი ბენო ბეონთან ერთად ბერლინის ცენტრში (უბანი ბერლინ-მიტე) მდებარე „გერმანულ თეატრში“ მუშაობდა პიესებზე „მშენებლობა“ (მისი ინსცენირება გდრ-ს მთავრობის მიერ აიკრძალა) და „ოიდიპოს მეფე“. 1970 წლიდან თეატრ „ბერლინერ ანსამბლის“ ლიტერატურული განყოფილების ხელმძღვანელი იყო. 70-იანი წლებიდან დაიწყო დასავლეთ გერმანიის თეატრებთან თანამშრომლობა. მისი დრამები დაიდგა მიუნჰენში, ბოხუმში, ესენში. სულ უფრო იზრდებოდა მწერლის მსოფლიო პოპულარობა, რამაც გდრ-ს მთავრობა აიძულა, მისდამი ტაქტიკა შეერბილებინა: 1975 წელს ბერლინის თეატრ „ფოლკსბიუნეში“ დაიდგა მიულერის პიესები „ბრძოლა“ და „ტრაქტორი“. ამავე წელს მას ლესინგის სახელობის პრემია მიანიჭეს.

1976 წლიდან მიულერი „ფოლკსბიუნეს“ ლიტერატურული განყოფილების ხელმძღვანელად მუშაობდა. 1984 წლიდან გახდა გდრ-ს ხელოვნებათა აკადემიის წევრი, 1986 წლიდან კი – დასავლეთ ბერლინის ხელოვნებათა აკადემიისაც. 1985 წელს მას გერმანულენოვანი სამყაროს ყველაზე პრესტიჟული ლიტერატურული ჯილდო, ბიუჰნერის სახელობის პრემია მიენიჭა, 1986 წელს კი გდრ-ს მწერალთა კავშირში აღადგინეს. 1990 წელს მიულერი გდრ-ს ხელოვნებათა აკადემიის თავმჯდომარედ იქნა არჩეული.

1995 წელს მიულერი თეატრ „ბერლინერ ანსამბლის“ სამხატვრო ხელმძღვანელდ დაინიშნა. ამ თეატრის სცენაზე მან დადგა თავისი უკანასკნელი და უმნიშვნელოვანესი სპექტაკლი, რომელსაც ბერტოლდ ბრეხტის პიესა „არტურო უის კარიერა“ დაედო საფუძვლად.

მიულერის დრამების უმრავლესობა ძველბერძნული ტრაგედიების, შექსპირის, ბრეხტის, შოდერლო დე ლაკლოს, საბჭოთა მწერლების ნაწარმოებთა ძალზე მწვავედ და თავისუფლად დამუშავებულ თანამედროვე ვარიანტებს წარმოადგენს.

ლაშა ბულაძე



ჰაინერ მიულერზე ლაპარაკისას მისი მოღვაწეობის კონტექსტი უნდა გავითვალ-ისწინოთ – აღმოსავლეთ გერმანია, აღმოსავლეთ ბერლინი, ბერტოლტ ბრეხტის შემდგომი პერიოდი, ჯერ ზონებად დაყოფილი და შემდეგ კედელამოშენებული გერმანიის დემოკრატიული რესპუბლიკა.

ჰაინერ მიულერის რიტორიკა კომუნისტურია, თუმცა, არა ტრადიციული, არამედ უფრო ევროპული გაგებით. მიუხედავად ამისა, მას ბერლინში მაინც იტანენ. დემოკრატიული რესპუბლიკის ხელმძღვანელებს ძალიან უჭირთ შეზღუდონ – მისივე მამულებების გამო. პიესებს ბევრჯერ შეეხო აკრძალვები. არ მოსწონდათ მიულერის სოციალური კრიტიციზმი, მისი ექსპერიმენტები, ურთიერთობა დასავლელ ხელოვანებთან. მიულერი ახერხებდა, ყოფილიყო პოლიტიკურად კრიტიკული. ის ეხმარებოდა დისიდენტებს, დისიდენტური იყო „ბერლინერ ანსამბლის“ თეატრი, რომელიც ბრეხტმა დააარსა და შემდეგ მიულერი იქ სამხატვრო ხელმძღვანელად მუშაობდა.

„გედერის“ ცენზურასთან ზუსტად ისევე უწევდა ურთიერთობა, როგორც, ზოგადად ხელოვანებს, იგივე საბჭოთა კავშირში, კერძოდ ლავირება და ოინების მოფიქრება, რათა მისი ტექსტი მკითხველამდე თუ მაყურებელამდე მისულიყო. მიუხედავად ამ წნეხისა, მიულერისადმი დამოკიდებულებაც იყო ორმაგი, როგორც საერთოდ ახასიათებდათ საბჭოთა ლიდერებს. მაგალითად, სტალინურ პერიოდში გამოვიდა უდანოვის მოხსენება, სადაც ფორმალიზმი, ფაშიზმში, ნაციონალიზმში და ათას სახიფათო „იზმში“ დაადანაშაულეს შოსტაკოვიჩი, ახმატოვა, ზოშჩენკო და სხვები, თუმცა, პარალელურად მათ პრემიებს აძლევდნენ. ასეთი მიდგომა არანაკლებ ნევროტულია ხელოვანისთვის. ასეთი იყო ჰაინერ მიულერის და მანამდე ბრეხტის ცხოვრებაც.

ჰაინერ მიულერის შემოქმედება იმდენად ზედროული, უცნაური და ექსპერიმენტალურია, რომ არ არის კონკრეტულ ეპოქასთან მიბმული, თუ არ ჩავთვლით რამდენიმე კონკრეტულ პიესას მეორე მსოფლიო ომზე. თუმცა, ესეც ძალიან საინტერესოა, რადგან, სამწუხაროდ, ომის თემა ევროპაში აქტუალობას არ კარგავს.

ჰაინერ მიულერი ერთგვარად აგრძელებს ბრეხტის ტრადიციას, თავის მხრივ კი ბრეხტი, როგორც დრამატურგი, არის კარგი გადაამკითხველი. ბრეხტისეული პიესები (ზოგიერთი მათგანი) არის ცნობილი დრამატურგიული ტექსტების ინტერპრეტაცია, დაახლოებით ასე: „მოდით, წავიკითხოთ შექსპირი ბრეხტთან ერთად“. იგივე ითქმის შექსპირზეც. შექსპირის „ჰამლეტს“ წინ უძღვის ბევრი სხვა „ჰამლეტი“ თუ „მეფე ლირი“, უბრალოდ მისი ყველაზე კარგი და გენიალურია.

ჰაინერ მიულერიც ცნობილ ტექსტებს ინტერპრეტირებს. პიესით „ჰამლეტი-მანქანა“ მიულერი თავისი თვალსაწიერიდან კითხულობს „ჰამლეტს“, მას რამდენიმე ჰამლეტიც კი ჰყავს პიესაში. ასევე, პიესა „მედეა- მასალა“, სადაც მედეა ერთ მონოლოგში მთელ თავის ბიოგრაფიას ჰყვება, იასონთან ერთად გაქცევით დაწყებული – შვილების მკვლელობით დამთავრებული.

ჰაინერ მიულერს გამოარჩევს მისი პოეტიკაც: ის ძალიან პოეტურია. მიულერის ენას დამლუპველი, ნევროტული სილამაზე აქვს.

და ყოველთვის ძალიან საინტერესოა მისი სცენური ინტერპრეტაციები, რადგან ეს პოეტიკა არ არის სცენისგან მოწყვეტილი. ჰაინერ მიულერი არ არის კაცი, რომელიც სახლში წერს და მერე მიდის თეატრში ტექსტის სცენასთან ადაპტირებისთვის. მისი ყველა სიტყვა არის ცოცხალი და სცენური სწორედ იმის გამო, რომ ეს სიტყვები პირდაპირი თუ გადატანილი მნიშვნელობით, თეატრის კედლებში იწერება.

ჩაინერა თვა თოფურია



**ავტოპორტრეტი ღამის ორი საათი  
1959 წლის 20 აპრისტი**

საბეჭდ მანქანას უზიხარ. ფურცლავ  
 სათავგადასავლო რომანს. და იცი  
 თავიდანვე რა ხდება ბოლოს:  
 რომ სენატორის მკვლეელი აშკარად  
 წვერმოშვებული ცრუსახიანი რეფერენცია.  
 ახალგაზრდა სერჟანტს კი უყვარს  
 ადმირალის ქალიშვილი და  
 სიყვარულით პასუხობს ქალიც.  
 შენ მაინც გვერდსაც არ ტოვებ ისევ.  
 ხანაც თვალს მოჰკრავ მომლოდინე  
 ცარიელ ფურცელს, საბეჭდ მანქანას.  
*მაშასადამე ჩვენ ეს აგვცდება. საქმეა ესეც.*  
 გაზეთი წერდა: რომ რომელიღაც  
 სოფელი სადღაც დაბომბეს ისე,  
 რომ გაასწორეს მინასთან ღამის.  
 სამწუხაროა, თუმცა შენ ეს რაში გეხება.  
 სერჟანტი ცდილობს, რომ აიცილოს  
 მზაკერული კიდეც ერთი მკვლევლობა  
 და ადმირალის ასულის (პირველ!)  
 კოცნას ირიდებს, სამსახური სამსახურია.  
 დაღუპულთა რაოდენობა არ იცი რადგან  
 გაზეთს ვერ აგნებ, უკვალოდ გაქრა.  
 იქვე, შენ გვერდით შენი ცოლი  
 ოცნებობს პირველ სიყვარულზე.  
 გუშინ კი თავის ჩამოხრჩობა სცადა უიღბლოდ.  
 ხვალ გადაიჭრის ვენებს ალბათ,  
 ან ვერ გაიგებ, კვლავ რას ჩაიდენს.  
 თვალწინ მიზანი ხომ ელის მაინც.  
 რასაც უთუოდ მიაღწევს კიდეც,  
 ასე თუ ისე, გული ტევადი სასაფლაოა.  
 განახლებულ გერმანიაში ისე საშინლად  
 დაუნერიანთ ფატიმას ძველი ისტორია  
 რომ სასაცილოდ აღარც კი გეყო.  
 ნამების სწავლას იოლად შესძლებ,  
 ვიდრე ნამების ზუსტად აღწერას.  
 მკვლეელი მახეში გაება ბოლოს.  
 სერჟანტი ხელში იგდებს პრემიას.  
 ახლა ინებე და დაიძინე.  
 ხვალ ახალი დღე თენდება ისევ.

მკვდარი ბერლინის გავლით როცა შინ ვბრუნდებოდი  
 ჩაფიქრებული რომელიღაც უცხოეთიდან  
 საოცარი მოთხოვნილება გამიჩნდა უცებ  
 რომ ჩემი ცოლი საფლავიდან ამომეთხარა  
 ნიჩბებით მიწა მე თვითონვე რომ დავაყარე  
 და დამეხედა რალა შერჩა მისგან სამარეს  
 ძვლები თვალით რომ არ მინახავს მე არასოდეს  
 ამელო მისი თავის ქალა წარმომედგინა  
 სახე რომელსაც არ ამხელდა იმ ნიღბის მიღმა  
 და სიკვდილამდე განუყრელად რომ ატარებდა  
 მკვდარ ბერლინსა თუ სხვა ქალაქთა ქუჩაბანდებში  
 როცა ემოსა ჩემი ცოლის ცოცხალი ხორცი.  
 მე არ დავნებდი ამ საოცარ მოთხოვნილებას  
 პოლიციის და მეგობართა ჭორების შიშით.

1969წ.

**საპონი ბაიროითში**

*დანიელ ბარენბოიმს<sup>1</sup>*

უფროსებისგან ბავშვობისას მსმენოდა ხშირად:  
 კონცენტრაციულ ბანაკებში ტყვე ებრაელთა  
 ნეშტისგან თურმე ფაშისტები ხარშავდნენ საპონს  
 მას შემდეგ საპონს და საპნის სუნს ვერ ვეგუები  
 ახლა ვდგამ ტრისტანს და ვბინადრობ ბაიროითში.  
 ახალი სახლის ისეთ სუფთა ცინცხალ ბინაში  
 რომ არნახული სისუფთავე სუფევს გარშემო.  
 მიჩენილი აქვს ყველა საგანს მისი ადგილი:  
 დანებს და კოვზებს ჩანგლებს ქვაბებს ტაფებს და თეფშებს  
 ფინჯან-ლამბაქებს და სანოლებს ორი კაცისთვის.  
 შხაპი, MADE IN GERMANY, მკვდარს გააცოცხლებს.  
 კედლებს ამშვენებს ყვავილები, ალპური კირი.  
 წესრიგი სახლის ეზოშიაც უმალ იგრძნობა  
 მწვანე მინდორიც მოვლილია, ქუჩაც წყნარია  
 ქუჩის გადაღმა საიმედო HYPOBANK-ია.  
 პირველად როგორც გამოვალე ფანჯრები მეცა  
 საპნის სურნელი.  
 ბაიროითში სახლიც ბალიც საპნის სუნით  
 გაჟღენთილიყო.  
 ახლა კი ვიცი, შევალადე მძიმე სიჩუმეს  
 რას ნიშნავს მოხვედე ჯოჯოხეთში და თან არ იყო  
 მიცვალებული ანდა მკვლეელი. და აი ახლა  
 აქ დაიბადა ოსკინციმი ამ საპნის სუნში.

1992 წ.

1 დანიელ ბარენბოიმი - (1942წ.) ისრაელელი დირიჟორი და პიანისტი.

შენი სიმღერა, რომ ვიცოცხლოთ, თუკი ვერ გვშველის,  
სიკვდილს ხომ მაინც გაგვიადვილებს

ბრენტანო<sup>1</sup>

ზეცა მადლიან, კარგ დღეს გვპირდება  
და გაზეთების კითხვით იწყება  
სასტუმროს ბარის სიმყუდროვეში  
ერთ-ერთი სიკვდილს გადარჩენილი  
აღწერს სისხლისღვრას  
რამდენი გვამის ქვეშ ვეგდე ვიცი?  
პირნოდი ვაითუ გადარჩენილი  
ბარსხან ვინმე ან ღაიკვანასო  
ჩემზე ხელდახელ ზედ დამხობილმა  
ისინი უმალ ცხრილავდნენ ყველას  
ვინც კი იძვროდა ანდა გმინავდა  
საბედნიეროდ მკვდარი იყო  
ყველა სულდგმული  
ბედნიერებამ თავისი საბნის  
სიგრძეზე უნდა გაჭიმოს ფეხი  
ვცოცხლობდეთ, რადგან გვამია ყველა  
- აი, ოცნება კაცობრიობის  
უქმი დროჟამი დღე დღევანდელი  
მე მომდევნო დღის ხახაში მაგდებს  
აქსელ მანთეი<sup>2</sup> მკვდარია უკვე  
კომედიების წერა ჩვენ გვმართებს  
ადამიანთა მღვრიე წუმბეში  
ტელეეკრანის წინ გატრუნული  
სვებედნიერი იდიოტების  
გარემოცვაში გვინვეს სიცოცხლე.  
წუხელ მესიზმრა რომ აქტეონი<sup>3</sup>  
ვიყავი თითქოს და შვიდი ქალი  
მსახიობი ქალის კვალდაკვალ  
გამმაგებული მომდევდა ტყე-ტყე  
და ველ-მინდვრებით  
გაქცეულები ვთელავდით ირგვლივ  
ყვავილებს ბალახს და ნადირობდნენ  
ისინი ჩემზე მავთულის ყულფით  
თავს ვაბეზრებდი უკვე მეგობრებს  
კითხვა-კითხვებით ჩემი ახალი პიესის ირგვლივ  
პირ ჩაწვდი მითხრა ყველაზე ზრდილმა  
დანარჩენები არჩევდნენ დუმილს  
ცოლმა კი მკითხა ბჭირღება შენ ის  
კოლექციონერ და მონადირე  
გერინგთან<sup>4</sup> ერთად ვახშობს გრუნდგენსი<sup>5</sup>  
და ჰანს ოტტოს<sup>6</sup> კი ურყევ კომუნისტს  
სიმღერის მულამს უხსნის სარდაფში  
მესვეური გესტაპოელი  
მი ვარ არტისტი და არა ხალხი

ამბობს ჰამლეტი  
როცა ლაერტი პოლიტიკოსობს  
თავადვე უწყის როგორ წარმართოს  
ნამდვილ მკვლელებთან საუბარი  
გამომდინარე ხელოვნების  
სიყვარულიდან  
ვაპირებ სანბრძლივ ძილს მივცე  
თავი  
ესაა მისგან უკანასკნელად რაც მოისმინეს  
ჰამლეტვალენშტაინს<sup>7</sup> მისმა მკვლელებმა  
გადაუმტვრიეს წვივები რადგან  
კუბო ცხედრისთვის მოკლე აღმოჩნდა  
ჩვენი ჰამლეტი კი შეეხიზნენ  
პლატონის მღვიმეს მაგალითისთვის  
დავასახელოთ თუნდ ალტჰუსერი<sup>8</sup>  
ცოლს კომუნისტი კარგახანია  
უკეთებს მასაჟს  
რადგან ჯიუტად არ იწონებდა  
ქმრის ფუძემდებლურ სკეფსისს რომ მუდამ  
ენადა, როგორც იუნყებოდა  
ეკოლ ნორმალის კედელის გრაფიტი,  
ყოფილიყო ის ხელოსანი  
ო დედაც დედაც  
რა ჩაიღინე  
თუნდ ჰაზოლინი  
მომეცი შენი უკანალი  
აპლოჯი<sup>9</sup> აკი  
მი მოვისურვე შენი ბინძური  
უკანალი ძვე იტალიის  
შენ მიძავი ხარ მაღმოროსი  
კოკა კოლასი  
მომეცი გემის შენი ბინძური  
სისხლიანი ქორწილი  
ისეთი კლასით მერმისს რომ იტევს  
მხრებზე აქვს დალი ტატუირება  
კაპიტალისგან  
რიჟრაჟი ღამის ღამე რიჟრაჟის  
მერე პელოზი რთავს გადაცემას  
და ავტო თავის მეპატრონეს შეეჯახება  
შენ იტალიას შეუერთდი  
ახლა პაოლო<sup>10</sup>  
ანდა ავილოთ წმინდა მარტინი,  
ოჩოპინტრე და ბალის ჯუჯა  
რომლებიც ფიურერს ელოდებიან  
ტყავის შორტებში  
...მისი ნატიფი ხალის მტყნები -  
იასპირსი<sup>11</sup>  
იქ მის შვარცვალდში სადაც კაფკამ  
მარადიულმა ურიამ ნახა  
მონადირე გრაკხუსი<sup>12</sup> მკვდარი

დიდოსტატი გერმანიიდან  
გარდაცვალება რომ ვერ ისწავლა  
ხელებს რომ ითბობს თავისივე  
ცხოველთა სისხლში  
წმინდა მარტინმა იცოდა მაინც  
რომ მას შემდეგ რაც იორდანეს  
კვეთს შუახაზი  
არის უფსკრული არის ხმელეთიც  
ცხოვრება კი – ერთი ნახტომი  
რადგან ღვთაება გარდაცვალა  
მისი ობოლი ანგელოზები  
ფრთებს აღარავის მიაბარებენ  
მისი ჩონჩხი კი კოსმოსს ევლება  
სასტუმროს ბარში შეზარხოშებულ  
სტუმარს ოდნავ მოუწყენია  
ოფიცინტ ქალს დასვენების დღე  
რადგან ეკუთვნის  
მას შეუძლია იჯდეს დახლთან და  
თან მოუსმინოს სტუმრის მონაცოლს  
როგორ მოუკვდა ცოლი სიმსივნით  
შემდეგ ძაღლებზე გაისაუბრეს  
მე ჩაუჩაუს ჯიშის მომწონს  
ეუბნება ოფიცინტი  
რადგან სამოცრად პატარაპია  
ჯანდაბას ყველა  
სად დაიკარგა ჩემი სასმისი  
გაჰყვირის მთვრალი

I HATE DOGS  
THEY TOOK MY TIME WHEN I LIVED  
WITH MY WIFE  
AND SHE'S DEAD NOW AND THE DOGS  
TOOK MY TIME<sup>13</sup>

გუშინ ვიხილე თეორემა  
მი შევიწინა ამ საზოგადოებას  
ამბობს დაღლილი კაპიტალისტი ვაგზლის ბაქანზე  
რა დასასრული ელოდება კაცობრიობას  
ფული სავსებით თუ დაიღალა  
მეძავი ბიჭი უკვე ბაქანზე იხდის შიშველდება  
არარაობის წიაღ მოსურნე მოგზაურთ შორის  
სამყარო უკვე აღწერილია  
და აღარ რჩება ლიტერატურას  
ადგილი მეტად  
ვინ მოიხელთებს ბოლორიტმას  
ბარის სკამზე ამალღებული  
სულ უკანასკნელ თავგადასავალს  
ჰქვია სიკვდილი  
მე ისევ მოვალ და ჩემ გარდა  
ერთი დღე მოვა ოქტომბერში  
კოკისპირული წვიმის თანხლებით.



**კომენტარები**

1. ბრენტანო, კლემენს – (1778-1842წწ.) გერმანელი მწერალი და პოეტი.
2. აქსელ მანთი – (1945-1995წწ.) გერმანელი თეატრის მხატვარი.
3. აქტიონი – ძვ. ბერძნ. მითოლოგიის პერსონაჟი; მითის მიხედვით აქტიონი ნადირობისას წააწყდა მობანავე ქალღმერთ არტემიდას; იმის მაგივრად, რომ კრძალვით გარიდებოდა, თვალთვალი დაუნყო ქალღმერთს, რისთვისაც სასტიკად დაისაჯა, არტემიდამ იგი ირმად გადააქცია და ორმოცდაათმა მონადირე ძაღლმა დაგლიჯა.
4. გერინგი, ჰერმან – (1889-1946წწ.) ფაშისტური გერმანიის ავიაციის მინისტრი.
5. გრუნდგენსი, გუსტავ – (1889-1969წწ.) გერმანელი მსახიობი და რეჟისორი.
6. ოტტო, ჰანს – (1901-1977 წწ.) ოტტო ბორგმანი, გერმანელი კინოკომპოზიტორი, მას ეკუთვნის ჰიტლერიუგენდისთვის დაწერილი ჰიმნის მუსიკა.
7. ჰამლეტვალენშტაინი – ორი პიროვნების სახელით შედგენილი კომპოზიტი: ჰამლეტი, უ.შექსპირის დრამის გმირი და ვალენშტაინი, ფრ. შილერის დრამატული ტრილოგიის გმირი, ოცდაათწლიანი ომის განთქმული მხედართმთავარი, ალბრეხტ ფონ ვალენშტაინი (1583-1634წწ.).
8. ალტჰუსერი, ლუი – (1918-1980 წწ.) ფრანგი ფილოსოფოსი.
9. პელოზი, ჯუზეპე – 17 წლის იტალიელი ახალგაზრდა, პაზოლინის მკვლელობაში ეჭვმიტანილი.
10. პაოლო – იგულისხმება პაზოლინი.
11. იასპერსი, კარლ, თეოდორ – (1883-1969წწ.) გერმანელი ფილოსოფოსი, ფსიქიატრი, ფსიქოლოგი, ეგზისტენციალიზმის მთავარი წარმომადგენელი.
12. მონადირე გრაკუსი – ფრანც კაფკას მოთხრობის პერსონაჟი.
13. ინგლისური ტექსტის თარგმანი: –

(ვერ ვიტან ძაღლებს  
დროს მართმევენენ  
ცოლი რომ მყავდა  
ახლა მკვდარია იგი და მაინც ისევ მართმევენ  
დროს მე ძაღლები).

**გერმანულიდან თარგმნა და კომენტარები დაურთო  
ლულუ დადიანმა**

ბადენ-ბადენი 1995 წლის ოქტომბერი

პაულ მ. ვაშკაუ

# მოსაზრებები ჰაინერ მიულერის ფენომენის შესახებ

## ჰაინერ მ.

ხშირად იჯდა თვითმფრინავში, აღმოსავლეთიდან დასავლეთში და დასავლეთიდან აღმოსავლეთში რომ მიფრინავდა.

სიგარებს ეწეოდა, ვით კუბელი კასტრო და თავისი ჰამლეტ-მანქანების შუალედებში სვამდა ვისკის – შექსპირულ ბანგით მონამლული და უძველესი ღვთაებით მოჯადოებული.

მარტოხელა კოვბოისავით, ხშირად მდუმარედ იდგა სალუნის ბართან მავან მკვლელთა მხარდამხარ და თვალს სილიკონისტანიანი სტრიპტიზის მოცეკვავისკენ აპარებდა, რომელიც მისთვის ელექტრას როლს ასრულებდა. გერმანიის პოლიტიკურ სისტემებსა და შემზარავ ზღაპრებს შორის – ეს მისი ჰეროინი გახლდათ! – მოქნილი გველივით იკლაკნებოდა.


ნაკვთები თვით ისტორიამ გამოუქანდაკა, თხრილებით დაღარული მიდამოს მსგავსი და ტელეეკრანისა და კამერებისთვის შექმნილი.

კარგახანს მეგონა, გაზქურაში თავშეყოფილი ქალი სიღვია პლათი იყო, მაგრამ მისი ცოლი ყოფილა.

საბოლოოდ კი მაინც დადგა იმ მხეცის ჟამი, გული შიგნიდან რომ გამოუხრა და დაუფლითა.

ის ხშირად იჯდა თვითმფრინავში, აღმოსავლეთიდან დასავლეთში და დასავლეთიდან აღმოსავლეთში რომ მიფრინავდა. ერთხელაც იმ საფრენ ბილიკზე დაეშვა, სასაფლაოს რომ უწოდებენ.

(2001)



## 0. ჰაინერ მიულერის ფენომენი

მაშ, ასე, მიულერი. ეს სიგარების მწვეველი. ვისკის მსმელი. ჟურნალისტების მიკროფონების წინ მორიდებული ჩახველებით ყელს რომ იწმენდს და ინტერვიუსთვის ემზადება. ორ სამყაროს შორის მოტორტმანე კაცი. ბარის დახლთან მდგომი. ჰელენ-დორფში, თავის ბეტონისკედლებიან ბინაში საბეჭდ მანქანასთან მჯდომი. ის ტვინის ღრმა კუნჭულში საიდუმლო დავალებას

მალავს: მსოფლიო დრამატურგიული თემატიკა მიულერისეულ თემატიკად გარდაქმნას. ახალ-გაზრდობაში ტყავის ქურთუკოსანი – ბრეტის კვალდაკვალ. ის კიდევ იმ მომენტში წარმომიდგება, როცა უფროსი რეჟისორი გამოიძახებს: მაშინ გზაში ფორიაქობს და იმის წინასწარ ამოცნობას ცდილობს, თუ რა მოთხოვნებს წაუყენებენ. ან რა ნოტაციებს წაუკითხავენ. რა ახა-



ლი მიმართულებით გადაისვრიან და რამდენად ასცდება მიზანს. სრულიად მოულოდნელად პერუს შორეულ უდაბნოში ამოჰყოფს თავს, ხელში თავისი დასაკეცი ჰამლეტ-მანქანით, რომელმაც ევროპის გარეთ შეიძლება კატასტროფა გამოიწვიოს, რადგან იქაურობისათვის სრულიად უცხოა.

## 1. პაზოლინის „აკატონე“

...ის წელიწადი, როცა ჰაინერ მიულერთან ერთად კინოში ვიყავი და პაზოლინის „აკატონე“ ვნახე, სწორედ ის წელი იყო, როცა მან ჩემი ალქმის არეში პირველად შემოაბიჯა.

იმხანად დასავლეთ ბერლინში, შიორებერგის რაიონში მდებარე კინოთეატრმა „არსენალმა“ სამოცი წლის ჰაინერ მიულერს შვიდი ფილმი „აჩუქა“ – ისინი 1988 წლის ზაფხულში იქნა ნაჩვენები, როცა ბერლინი ევროპის კულტურის დედაქალაქად დასახელდა. კინოთეატრის პროგრამაში ეს სერია საერთო სათაურით იქნა მონიშნული: „ჰაინერ მიულერის მიერ შერჩეული ფილმები.“ ჰაინერ მიულერის გვარსახელი აფიშაზე ისეთი ვეება შრიფტით ეწერა, რეჟისორების გვარები კი ისე მცირეთი, რომ მიულერის მიერ შერჩეული ფილმები კაცს მისივე გადაღებული ეგონებოდა. ჰ. მ. აქ არაფერ შუაში იყო და არა მგონია, ეს მისთვის სასიამოვნო ყოფილიყო, თუმცა, შეიძლება, ვცდებოდე კიდევ.

ჰოდა, ერთი შეხედვით ისე ჩანდა, თითქოს ფილმ „აკატონეს“ რეჟისორიც ჰ. მ. ყოფილიყო. მეუცნაურა. არ ვიცოდი, მიულერს ფილმებიც თუ ჰქონდა გადაღებული, თანაც, იმავე სახელწოდებისა, რაც ცნობილ რეჟისორს. თუმცა, ეს სრულებით არ გამკვირვებია, რადგან სწორედ იმ პერიოდში ნიგნის მალაზიების ვიტრინები ჰ. მ.-ს ნიგნების ყდებით იყო აჭრელებული, რომლის სახელწოდებები შექსპირის დრამებისას ემთხვეოდა. ცხადია, მიულერისეულ სათაურებს ქვესათაურებიც ახლდა, მაგალითად: „გადაკეთებული შექსპირი“, ანდა „ტექსტები ფაბრიკიდან“, მაგრამ მათ შორის ისეთი ყდებიც გამოერეოდა, რომლებზედაც ცალსახად შექსპირისეული სათაურები ეწერა და, თუკი ქვეშ კიდევ რაიმე მინანერი იყო, ის ისეთივე წვრილი შრიფტით დაებეჭდათ, როგორითაც თაღლითი პარტნიორები ბეჭდავენ კონტრაქტში საჩოთირო პუნქტებს.

სეანსზე ძალიან ცუდი დასწრება იყო: დარბაზში სულ რაღაც შვიდი თუ ცხრა კაცი იჯდა. როგორც ჩანს, სარეკლამო ხრიკმა არ გაამართლა: კინორეჟისორი მიულერი მაყურებლისთვის უცნობი აღმოჩნდა. ფილმის შერჩევისას ჰ. მ.,

როგორც ჩანს, მხოლოდ პირად გემოვნებას კი არ დაეყრდნო, არამედ იმაზეც მიგვითითა, რომ მას და პაზოლინის საერთო ფესვები და პოლიტიკური შეხედულებები აქვთ. მაშ, ასე: დარბაზში შვიდი-რვა, დიდი-დიდი, ცხრა მაყურებელია. მათ შორის – მე და ჰ. მ. და მოხდა ის, რაც მოხდა: ის, მიულერი, და მე, ვაშკაუ, მესამე რიგში ერთმანეთის გვერდიგვერდ აღმოვჩნდით.

როცა მაყურებელი ასე ცოტაა, ადამიანებმა თითქოს დისტანცია უნდა დაიცვან, მაგრამ აქ პაზოლინისა და მიულერის ფანატთა ერთგვარი სექტა შეიკრიბა, ამიტომ არც ის იქნებოდა გასაკვირი, ყველანი ერთურთის გვერდით რომ დაემსხდარიყავით. შესაძლოა, უმრავლესობა სწორედ იმ იმედით მივიდა კინოთეატრში, ჰ. მ.-ს ახლოდან ვნახავო. ქალაქში უსათუოდ გავარდებოდა ხმა, რომ ჰ. მ. ამ „მიულერიულ“ კინოჩვენებებს პირადად დაესწრებოდა. მაგრამ, მიუხედავად ყველაფრისა, უშუალოდ ჰაინერ მიულერის გვერდით ჩემ გარდა არავინ დამჯდარა. ჩვენ ორნი, ცალ-ცალკე მოსულები, მესამე რიგში ვისხედით. ჩვენ წინ არავინ იჯდა. დანარჩენები უკანა რიგებში განიფანტნენ. ცხადია, მთლად გვერდიგვერდ არ ვმსხდარავართ, ერთურთისგან საკუთარი უსარგებლობით გატანჯული ორი სავარძელი გვაშორებდა, მაგრამ დღევანდელი გადასახედიდან ეს მაინც ჰაინერ მიულერის გვერდით ჯდომის, ჰაინერ მიულერთან ერთად კინოში ყოფნის ტოლფასად აღიქმება.

ჩემი ჰ. მ.-ს გვერდით ჯდომა, როგორც ჩანს, სწორედ მესამე რიგმა განაპირობა, რომელიც ახლომხედველობის გამო კინოში ყოფნისას მუდმივ ადგილად ავირჩიე. თუმცა, გამოგიტყდებით, იმ საღამოს შემოსვლისთანავე რომ შემენიშნა მესამე რიგში ჰ. მ., ჩვეულებას ვულაღატებდი და სხვაგან დავჯდებოდი. მაგრამ დარბაზში სეანსის დაწყებამდე სულ ცოტა ხნით ადრე შემოვედი და სწრაფი ნაბიჯით გავემართე მესამე რიგისკენ. საცაა, ფილმი უნდა დაწყებულიყო და მეც სასწრაფოდ დავიკავე განაპირა ადგილი. როცა დავეკეტი, მესამე რიგი სრულებით ცარიელი იყო.

კინოთეატრის თანამშრომელმა ის-ის იყო, დახურა დარბაზის კარი, რომ საპირფარეშოდან, რომელიც ეკრანის მარჯვნივ მდებარეობდა, კაცი გამოვიდა, ზედმიწევნით რომ ჰგავდა ჰაინერ მიულერს. ყოველ შემთხვევაში, ისევე გამოიყურებოდა, როგორც ჰაინერ მიულერი უკანასკნელი ათი თუ ოცი წლის განმავლობაში: მუქი კოსტუმი ეცვა, სახეც ჰაინერ მიულერისას მიუგავდა, შავი სათვალე ეკეთა. მოვიდა, წინ ჩამომიდგა, მორიდებულად ჩაახველა და ბოდიში მომიხადა. მეც წამოვდექი და მესამე რიგის იმ ადგილისკენ გავატარე, რომელიც ჩემთვის უხილავი რაღაც ნიშნით მანამ დაეკავებინა, ვიდრე მე დარბაზში შემოვიდოდი. ფეხზე წამოდგომისას კარგად რომ დავაკვირდი, ჩემგან ორი სავარძლის მოშორებით საზურგეზე გადაფენილი შარფისებრი ნაგლეჯი დავლანდე – დიახ, ჰაინერ მიულერს სავარძელზე შარფი დაუტოვებია, თუმცა არც ვიცი, შეიძლება წინდა ან ცხვირსახოციც ყოფილიყო.

ავდექი. ჰაინერ მიულერის პირისპირ ვიდექი. ის კი ჩემ პირისპირ. მასზე თვალმისაცემად მაღალი ვიყავი და ზემოდან დავყურებდი. ჰაინერ მიულერმა ვინრო რიგში გაჭირვებით ამიარა გვერდი. სულ ოდნავ, შეუმჩნევლად, მაგრამ საგრძნობლად შევეხეთ ერთიმეორეს. ისევე ჩაახველა და, როგორც იქნა, დაჯდა. დარბაზში მუქი ჩაქრა. დაიწყო ფილმი. პიერ პაოლო პაზოლინის „აკატონე“.

## 2. ჰამლეტ-მანქანა - როგორც უილსონის ინსცენირება 1987 წელს ბერლინის თეატრალურ ფესტივალზე ლენა შტოლცეს მონაწილეობით

კინოში ფილმის გამო წავედი. ჰ. მ. მაშინ მაინცდამაინც არ მაინტერესებდა, მას, როგორც ავტორს, ჯერ წესიერად არ ვიცნობდი. 1987 წელს კი ბერლინის ფესტივალზე მდინარე ჰალეს ნაპირზე მდებარე თეატრში (დღეს რომ „ჰაუ 2“ ჰქვია) ვნახე რობერტ უილსონის მიერ გრანდიოზულად დადგმული „ჰამლეტ-მანქანა“, რომელშიც დიდებული ლენა შტოლცე მსცოვან ოფელიას ანსახიერებდა.

ოთხმოციან წლებში ახალგაზრდა ვიყავი, თეატრის სამყაროში თანდათან ვიკვლევდი გზას და ამ წარმოდგენას მხოლოდ და მხოლოდ ლენა შტოლცეს გამო დავესწარი, რომლის სამსახიობო ნიჭსაც უდიდეს პატივს ვცემდი. როდესაც თვითონ ავტორი ხარ, დრამატურგი, მაშინ სხვა დრამატურგის შემოქმედების შესწავლა და გააზრება მუდამ საკუთარი თავის შესწავლასაც ნიშნავს. კავშირების, საერთო ფესვებისა თუ მოტივების გამონახვა ლაბირინთში გზის გაკვლევას ჰგავს და, ასევე, ბიოგრაფიის სიღრმეში ჩაყვინთვასაც უდრის. ამ დროს გარდუვალად ჩნდება ფიქრი და მოსაზრებები იმის თაობაზე, თუ რას ნიშნავს ზოგადად წერა. როდის და როგორ იწყება მწერალი? რას ნიშნავს პოეტურ-დრამატული ტექსტი და რა მნიშვნელობას იძენს ის თეატრში?

ხშირად სიტყვასა და ტექსტს ისე ვიყენებთ, თითქოს მისი სათქმელი თავისთავად ცხადი იყოს. სხარტი, მოხდენილი გამოთქმა ხშირად ისე გვხიბლავს, რომ მასში ჩადებულ აზრს სრულებით აღარ ვაკვირდებით. დღეს კი სწორედაც დროა, იმას ჩავწვდეთ, რაც სიტყვათა შუალედებში, სიტყვიერი სივრცის მიღმა დამალულია. უნიგნურობა დღეს უკვე აღარ ნიშნავს უცოდინრობას: ბეგრები, ხმაური, დუმილი - ინფორმაციის მატარებელ ნიშნებს შორის ჩაკარგული ეს ელემენტები გონებისათვის არანაკლებ ფასეული სანავიგაციო ინსტრუმენტებია სამყაროს შეცნობის პროცესში, ჩვენ მას დროის ლაბირინთსა და, განსაკუთრებით კი, თეატრის სამყაროში გზის გასაგნებად ვიყენებთ.

## 3. 1988-89. ლიტერატურის გმირები

დავბრუნდეთ იმ წელიწადში, როცა მიუღერს პირველად გავეცანი. ასო-ნიშანთა თვალუწვდენ უდაბნოში მიუღერის სახელი უსათუოდ გამოიკვეთებოდა. თუმცა ჰ. მ. მაინც არ მაინტერესებდა, ის ლიტერატურის ჩემულ მრისხანე გმირებს არ მიეკუთვნებოდა. ესენი იყვნენ რაინაღდ გიოცი, როლფ დიტერ ბრინკმანი, თომას ბერნჰარდი. გარდა ამისა, იმხანად ფილოსოფიურ ფაკულტეტს ვამთავრებდი და აქტიურად ვთანამშრომლობდი ჟურნალ „მინერვასთან“, რომელიც, ჩვენივე განსაზღვრებით, „თვითგადარჩენისა და ფილოსოფიის საკითხებს“ ეხებოდა და ჯერაც ძლიერად განიცდიდა 80-იანი წლების ფრანგული პოსტმოდერნული აზროვნების გავლენას. ჟურნალის შესვეურნი საგანგებოდ გავემგზავრეთ საფრანგეთში, რათა ვირილიოს, ბოდრიარს, ლიოტარს, დელიოზს და სხვებს შევხვედროდით და მათთვის ინტერვიუები ჩამოგვეერთმია.

წარმოიდგინეთ, ამ სრულიად განსხვავებული ლიტერატურული ინტერესების ფონზეც კი ყოვლად შეუძლებელი აღმოჩნდა


ჰ. მ.-სთვის გვერდის ავლა, რადგან ის ყველგან იყო. როგორც კი ამა თუ იმ ნიშს მიაგნებდი და შენეულად დაიგულებდი, მიუღერი უკვე ამ ნიშში დაგხვდებოდა. გრიმების ზღაპრის პერსონაჟი ზღარბივით კი არა, კურდღელს სირბილში რომ ეჯობებოდა და აქომინებულს მხარეთეძოზე წამონოლილი ხვდებოდა, არამედ მტაცებელი მხეცივით. პოეტურ-დრამატული მტაცებელი კი იყო, მაგრამ მაინც უდავოდ მტაცებელი: რასაც კლანჭებით დასწვდებოდა, ყველაფერს რომ ნთქავდა, მიუღერის პროდუქტად გადაამუშავებდა და კვლავ უკან ამოანთხევდა. ძალზე მარტივი გაგებით, ზოგადად მწერლის საქმიანობაც სწორედ ეს გახლავთ: მასალის მოპოვება, გამოცდილების დაგროვება, თემა-მოტივების მოპარვა და მრავალჯერადი მექანიკური დამუშავების შემდეგ უკან ამოფრქვევა. თუკი ეს პროცესი ერთხელ დაიძრა და, იდეალურ შემთხვევაში, ამა თუ იმ საზოგადოებრივ შუამავლისკენაც გაიყვანა სადინარი, მაშინ მას ველარაფერი შეაჩერებს. წერა და შედეგის საზოგადოებისათვის მიწოდება ერთგვარ მოთხოვნილებად, მანიადაც გადაიქცევა, რასაც ხშირად მწერლის შინაგანი სწრაფვები და აზრებიც ენერება.

სწორედ ამ პროცესსა და ავტორის სანერ მექანიზმად გარდასახვას მივუძღვენი ჩემი ეს სახელწოდებით „ადაპტირებული მემანქანე“, რომელშიც ჰაინერ მიუღერის „ჰამლეტ-მანქანას“, ალექსანდერ კლუგეს „ბრძოლის აღწერას“ და ოსვალდ ვინერის მეგარომან „შიდა ევროპის გამოსწორებას“ ვეხები.

ტექსტის დონეზე ეს ნაშრომი ჩემი ყველაზე ინტენსიური მიახლოება გახლდათ ჰაინერ მიუღერთან, როგორც მწერალთან, როგორც მოსიარულე ძრავასთან, როგორც ექსპლუატირებულ მანქანასთან. რადგან უეჭველია, რომ მისი „ჰამლეტ-მანქანა“ ის დრამაა, სადაც მიუღერი ყველაზე კონკრეტულად წერს საკუთარი თავის, როგორც საბედისწერო პოლიტიკურ ვითარებაში მოყოლილი, ორ სამყაროს შუა გამოკიდული შემოქმედის შესახებ.

დრამაში თვით მიუღერი ჰამლეტის როლის შემსრულებლის პირით ამბობს: „მე საწერი მანქანა ვარ... ჩემივე თავის პატიმარი ვარ. ჩემი მონაცემებით კომპიუტერს ვაპურებ. მონაცემთა ბაზა ვარ. ჩემი ფიქრები ჩემი ტვინის ქრილობებია. ჩემი ტვინი ერთი დიდი ნაიარევია. მინდა მანქანად ვიქცე.“

ლაკანის თქმით, „მანქანა უბრალოდ ცოცხალი არსების ანტიპოდს როდი წარმოადგენს.“ მანქანის სრულიად ცალსახა დანიშნულება იმას ცხადჰყოფს, რომ ის შეიქმნა, როგორც დროის, ამ უდიდესი საიდუმლოს ხორცშესხმა და რომ მის გარეშე ცხოვრება აღარ ძალგვიძს.



მიუღერის ტექსტებს ის დადებითი პრაქტიკული მხარე ჰქონდა, რომ ზოგადი პოლიტიკური თემებისათვის გამოსაღები ციტატების ფართო არჩევანს იძლეოდა. ხშირად ეს მისი საკუთარი კი არა, მის მიერ ნანგრევებიდან ამოკრეფილი და ოდნავ გადასხვაფერებული აფორიზმები გახლდათ. ამის ამოცნობა მხოლოდ ბევრი კითხვის შემდეგ ხდება შესაძლებელი. თუმცა, ვინც კერძო საკუთრების ფანატისკოსი არ არის და სხვისი ციტატის მითვისებას ქურდობად არ თვლის, ჯერ კიდევ ლოტრემონის მიერ გამოყენებულ ამ მეთოდს მიესალმება და სიხარულით შენიშნავს, რომ მასა და ნანარმოების ავტორს ერთი და იგივე ლიტერატურა აქვთ ნაკითხული.

#### 4. მიუღერი რომორც ტიპი

უმრავლესობის მსგავსად, მიუღერში მეც, პირველ რიგში, ტიპს, პიროვნებას ვაფასებდი. მწველს. მსმელს. მრავალმნიშვნელოვანი დუმილის დიდოსტატს: მისნაირი უდრტივინველი დუმილი სხვა არავის შეეძლო. იცოდა, ადრე თუ გვიან რაიმე ბრძნულ კითხვას დაუსვამდნენ და ისიც ბრძნულ და დამიფრულ პასუხს გასცემდა.

მუდამ საეჭვოდ მეჩვენებოდა ის მომენტი, რომ ვიღაც თითქოს გამუდმებით იდგა მისი უსაფრთხოების სადარაჯოზე. ამდენი გამონათქვამი თუ ფრაგმენტი ნებისმიერ აქტუალურ ლიტერატურულ თუ პოლიტიკურ თემაზე. ამდენი ინტერვიუ – ურთიერთგამომრიცხვი მოსაზრებების მიუხედავად უცვლელად ნატიფი, ფრთხილი და, ამავდროულად ისე საოცრად ჭკვიანური, რომ ამ ადამიანს, როგორ ჩანს, მართლაც ხელშეუხებელ ავტორიტეტად აქცევდა.

იქნებ საქმე აქ ისეთ უნარშია, რასაც ჰ. მ.-სნაირი დრამატურგი, თუკი გდრ-ში ცხოვრება

სურდა, უმაღლეს დონეზე უნდა დაუფლებოდა. მეტიც, ეს უნარი კი არა, ოსტატობა გახლავთ, რაც მხოლოდ ერთულებს ხელეწიფებათ. ეს ვითარებაზე მორგებისა და თვალთმაქცობის უდიდესი ხელოვნებაა, რომელიც საინფორმაციო საშუალებების სამყაროში გადასარჩენად აუცილებელ საშუალებად, ხელისუფალთაგან თავდაცვის იარაღად იქცა. ეს ხანგრძლივი მოქმედების იარაღია. მიუღერის ინტერვიუები საუბრის შედეგებია და, ამავდროულად, არცერთ ხელისუფლებას ხოტბას არ ასხამს. მათში ბრძოლის ველები, სასწაულები, ღია ჭრილობებია ასახული. თუკი მიუღერის იარაღი ოდესმე ისვრის, ის ამ გასროლას საიმედოდ გამაგრებული პოზიციიდან აწარმოებს.

მიუღერი იმხანად ჩვენში აღმოფოთებას იწვევდა – ჩვენში-მეთქი, რომ ვამბობ, ჟურნალ „მინერვას“ ვგულისხმობ, 1987-91 წლებში სუბკულტურული ტექსტების ერთადერთ ბეჭდვით ორგანოს რომ წარმოადგენდა. მაგალითად, ასეთი ფაქტებით: ის საჯარო ლექციით გამოვიდა პრესტიჟულ კაფე „მარაში“; ლექციაზე დასწრება 10 მარკა ღირდა. ეს თანხა დღეს თუ უზადრუკ 5 ევროს შეადგენს, მაშინ ის ლამის 100 ევროს ტოლფასად გვესახებოდა.

დასავლეთ ბერლინში ჰ. მ.-ს თანდათან მკითხველზე მეტი გულშემატიკივარი და თავყვანისმცემელი გაუჩნდა. მათ შორის არცთუ ცოტა ქალბატონი იყო. მიუღერი მოდამი შემოვიდა. ვინც ამას მანამდე ვერ ამჩნევდა, მისი სიკვდილისა და დაკრძალვის დღეებში მაინც შენიშნავდა. გაოცებით ვადევნებდი თვალს მის ურიცხვ მეგობარს, რომლებსაც არც მისი წიგნები ნაუკითხავთ, არც თეატრში დადიოდნენ, აი, მიუღერის დაკრძალვაზე კი უკლებლივ გამოცხადდნენ სასაფლაოზე. მიუღერის დაკრძალვა ნამდვილი სენსაცია გახლდათ! ამგვარი რამ გერმანიაში საერთოდ თუ არა, დიდი ხნის განმავლობაში არ მომხდარა. ამგვარი ფაქტი მხოლოდ საფრანგეთში, კამიუს, სარტრის თუ სიმონ დე ბოვუარის გარდაცვალებასთან დაკავშირებით მახსენდება. იმ დღეებში ტელევიზიაც თითქმის უწყვეტად გადმოსცემდა მიუღერის საჯარო გამოსვლებისა და სპექტაკლების ჩანაწერებს. ახლა აღარ მახსენდება, თუ რამდენ ხანს გასტანა ამ საყოველთაო მონუსხულობამ. ერთსლა ვიტყვი: მიუღერის გარდაცვალება იმ მასშტაბის მოვლენა იყო, რომელშიც ყველას სურს მონაწილეობის მიღება. ასეთ თავყრილობებზე კი ხშირად ახალი ნაცნობობები იწყება ხოლმე. ეს ხომ ადამიანურია, მეტისმეტად ადამიანური.

ჰ. მ. საკმაოდ ადრე მიხვდა, რა საჩოთირო ვითარებაშიც ამოჰყო თავი. შიშითა და ზიზლით გაიაზრა თავისი საგანგებო სტატუსი, როგორც დასავლურ-აღმოსავლური ავტორისა; ასევე თავისი განსაკუთრებული პრივილეგიები, და ამ ყოველივეს უზუსტესი ლიტერატურული განმარტებაც მისცა. მისთვის მიუღებელი იყო მისი პიროვნების ცალსახა, საყოველთაო აღიარება. მაგრამ რა ექნა? მის ასაკში შეუძლებელი იყო იმის მსგავსი რამ, რაც ბრინკმანმა ჩაიდინა 1969 წელს, როდესაც ხელოვნებათა აკადემიაში „მეტაფორათა ავტომატის ჯერი“ წარმოადგინა. იმ ორაზროვანი და მყუდრო მდგომარეობიდან გამოსვლა მისგან მეტისმეტად დიდ ძალისხმევასა და ძვირ საფასურს მოითხოვდა. ურთიერთსაპირისპირო ბანაკების მხრიდან ერთსულოვანი აღიარება ალბათ ის ფასეულობაა, სიბერეს განსაკუთრებით რომ ეძვირფასება. ბრძენი მისანი, თანამედროვეობის კრიტიკოსი, ვისაც კამათი აღარავისთან უწევს, ვისი სიტყვაც წარმოთქმისთანავე



ქვად იქცევა – ამგვარი როლი მან დიდი ხანია, რაც მოირგო და აღწერა კიდეც და მე მას არაფერში ვდებ ბრალს.

„აეროპორტთა მარტოსულობის ჰაერს ვისრუტავ,  
ვარ პრივილეგირებული,  
ჩემი ზიზღი პრივილეგიაა და მას  
კედელი, ეკლის გისოსი და ციხე იცავს.“ (პ. მ.)

სხვათა შორის, უილსონისეული დადგმის თეატრალურ ბუქ-ლეტებში მიუღერი წერს, „ჰამლეტ-მანქანა“ შეიძლება ერთგვარ პამფლეტად იქნას გააზრებული, იმ მომაკვდინებელ ილუზიას რომ უტყვს, თითქოს ჩვენ სამყაროში ვინმეს უდანაშაულოდ დარჩენა შეეძლოს.

## 5. წმინდა ძროხა

ნუ დაგვაზინყდება, რომ ჰაინერ მიუღერის შემთხვევაში საქმე სწორედ წმინდა ძროხასთან გვაქვს. წმინდა ცხოველის დაკვლა აკრძალულია, მას მხოლოდ ეფერებიან. წმინდა ძროხა ხელშეუხებელია და მისი დაკვლის ნებისმიერი მცდელობა წინდანინაა მარცხისათვის განწირული. ოლონდაც, ესაა: წმინდა ძროხა არ ინველება. აღარც ხარს აღაგზნებს. ის ერთგვარ ინვენტარს, ალიბის წარმოადგენს. ამგვარად წმინდა ძროხა ხელისუფლების თანამზრახველია და ნებისმიერ დროს შეიძლება მის მიერ საკუთარი სიმართლის დასტურად იქნას წარმოდგენილი. დავუშვათ, რომც მოხერხდეს წმინდა ძროხის დაკვლა, ის საკუთარ თავს ტერმინატორივით აღადგენს, რის შემდეგაც უწინდელზე უფრო უვნებელი და წმინდა გახდება და უფრო მეტ დიდებასაც მოიხვეჭს.

ჰაინერ მიუღერმა წმინდა ძროხის სტატუსი სამოცი წლის ასაკში დაიმკვიდრა. ჯერ კიდევ მაშინ, როცა ქვეყანა ორად იყო გაყოფილი, მიუღერი გერმანელ, ზოგადად გერმანელ მწერლად იწოდებოდა. ყველა ტელეარხზე მისი სახე ფიგურირებდა. არამხოლოდ ავტორი, არამედ აკადემიის პრეზიდენტიც გახლდათ. ჭეშმარიტად, არავინ იყო მასზე უფრო მეტად გერმანელი.

## 6. გზავნილი გერმანელ ხალხს

ჰაინერ მიუღერის ცხოვრებაში უდიდეს ტრაგედიად, ვფიქრობ, ის იქცა, რომ მისმა გზავნილმა გერმანელ ხალხამდე ვერ მიაღწია. მან ეს ყველა სასცენო მარცხზე უფრო მტკივნეულად აღიქვა. 1989 წლის ნოემბრის დღეებში, როცა ბერლინის კედელი ჯერ კიდევ იდგა, ჰაინერ მიუღერი გერმანელი ხალხისადმი მიმართვით უნდა გამოსულიყო.

დრამატურგი ჰაინერ მიუღერი ალექსანდერპლაცზე, აღმოსავლეთ ბერლინში, დიდი უნივერსალის წინ მოწყობილ ტრიბუნაზე იდგა ულრიჰ მიუესა და იმ ისტორიული დღეების სხვა, ან უკვე მივიწყებულ მონაწილეთა მხარდამხარ. ორატორები მარტივი ფრაზებით განუმარტავდნენ ხალხს, თუ როგორ უნდა გაგრძელებულიყო ცხოვრება. რა უნდა გაკეთებულიყო. რა იყო დაუშვებელი. ხალხი ამ მარტივ ფრაზებს აღტაცებით უგდებდა ყურს და მათი აზრი ესმოდა.

დადგა ჰაინერ მიუღერის ჯერი. მასაც უნდა განემარტა გერმანელი ხალხისადმი, თუ როგორ წარმართებოდა მისი მომავალი. მიუღერი მომზადებული იყო, ხელში ფურცელი ეკავა. მიკროფონთან მივიდა და ჩაახველა. წამიერი დუმილის შესავალიც გააკეთა. იცნობდა განა გერმანელი ხალხი მას, ჰაინერ მიუღერს? სურდა განა ამ ადამიანის მოსმენა, ვისი შავი კოსტუმი და სათვალე უწინდელი ხელისუფლების ელიტასთან სიახლოვეზე მიანიშნებდა? იცოდა, ჩახველებით ვერაფერს გახდებოდა. უნდა ელაპარაკა. რადაც არ უნდა დაჯდომოდა, უნდა ელაპარაკა. მიკროფონში, გარკვევით, მარტივი ფრაზებით. ხალხი მხოლოდ მარტივ ფრაზებს აღიქვამს. ისეთ ფრაზებს, რომელთა გაგონებაც სურს. რომლებიც რაიმეს აღუთქვამენ. მაგალითად, საოცნებო მომავალს. კეთილმოწყობასა და თავისუფლებას. მსოფლიოში მოგზაურობის შესაძლებლობებს. ამგვარ დაპირებებს ტაშით მიესალმება.

ჰაინერ მიუღერს სურდა, გერმანელი ხალხისათვის მიემართა. მაგრამ, სამწუხაროდ, თავის ფურცელზე საოცნებო მომავალი არ აუსახავს. გადამწყვეტი წამი, წუთი, სიმართლის თქმის დიდი მცდელობა. სიმართლე სიტყვებში კი არა, მათ შუალედში, მათ მიღმა, ჩახველებაში იყო. ჰაინერ მიუღერი მიკროფონთან მივიდა და ორიოდ წამის შემდეგ უკან დაიხია. სიტყვით არ გამოსულა. რასაც ის ხალხს ეტყოდა, იმას ხალხი სტვენითა და უკმაყოფილებით შეხვდებოდა. მისი სიმართლე ბრბომდე ვერასოდეს მიაღწევდა. და საერთოდ, რას აკეთებდა ის, ჰაინერ მიუღერი იქ, იმ წუთებში? რა უნდოდა? ნუთუ მართლაც გერმანელი ხალხისადმი მიმართვა ჰქონდა განზრახული? რა აბსურდია.

სინამდვილეში ჰაინერ მიუღერმა, რა თქმა უნდა, რალაც ილაპარაკა. სულ რამდენიმე წინადადება, ძალიან მოკლე. ეს ის სიტყვები იყო, რისი მოსმენაც ხალხს არ სურდა და რასაც გულგრილად შეხვდა.

მახსენდება ჰაინერ მიუღერის სიტყვები: „ათი გერმანელი, რა თქმა უნდა, ხუთ გერმანელზე უფრო სულელი აღმოჩნდება.“ რა მართალია!

2009

სიტყვა, წარმოთქმული ბერლინში, კაფე „მიუღერში“, ჰაინერ მიუღერისადმი მიძღვნილი ფესტივალის დღეებში.

**გერმანულიდან თარგმნა თამარ კოტრიკაძემ**

# ბრძოლა

## მოქმედი პირები

### ბრძელი დანების ღამე

ა  
ბ

### მე მყავდა ერთი თანამებრძოლი

1-ლი ჯარისკაცი  
მე-2 ჯარისკაცი  
მე-3 ჯარისკაცი  
მე-4 ჯარისკაცი

### ოპივატალის ქორნილი

კაცი (ქმარი)  
ქალი (ცოლი)  
მათი ქალიშვილი  
პიტლერი

### ყასაბი და ქალი

კაცი (ქმარი)  
ქალი (ცოლი)  
ათეულის მეთაური  
მყიდველი ქალი  
მყიდველი კაცი  
მოიერიშე რაზმელები

### ზანარი ან უპინო ჩასახვა

კაცი  
ქალი  
ახალგაზრდა ქალი  
მოხუცი ქალი  
SS-ელი 1  
SS-ელი 2  
წითელი არმიის მეთაური  
წითელი არმიის 2 ჯარისკაცი

\*\*\*\*\*

### ბრძელი დანების ღამე

ა:  
როდესაც ღამე რაიხსტაგის დანვის დღედ იქცა,  
ყველამ უწყოდეს:  
– მაშინ კარებში ჩემი ძმა იდგა და  
მე ხელი არ გავუწოდე.

ბ:  
მე ძმა ვარ შენი..

ა:  
გეთანხმები, ძმა ხარ შენ ჩემი.  
და თუკი ძმა ხარ, ჩემ წინაშე რატომ მოხვედი,  
ჩვენიანების სისხლში გასვრილ ხელებით კრულთ.  
სამგზის სიკვდილით განისჯება ცოდვის მოქმედი,

ბ:  
ეგ მინდა, ძმაო, მაგისტვის ვარ აქ მე მოსული.

ა:  
შენ ძმას მინოდებ. ჩვენს ძმობას კი ჰქვია წარსული.  
ჩვენ შორის ჩადგა მჭრელი დანა ანუ ღალატი,  
და ამ მახვილის გამომჭედი შენ ხარ ხარატი.

ბ:  
მე ის ვარ, ვისაც სისხლიანი აქვს უკვე ხელი,  
გამომეტე, ტყვია ჩემთვის ცოდვისგან მხსნელი.  
ხომ ხედავ თავად, რად მაქციეს, როგორ მანამეს.  
მინდა მსხვერპლივით შევეწირო ამ წყეულ ღამეს.

ა:  
თქვა ეს ძმამ ჩემმა, ვინც არ იყო უკვე ძმა ჩემი,  
არამედ – დალი სამარცხვინო, საფრთხე, გამცემი.  
შეუბრალებლად ანამებდნენ მას სარდაფებში,  
და ახლა მრეში, ილუკმება უკვე მათ თეფშში.  
ჭრილობები კი სისხლმდენია ჯერ მისმიერი,  
ჩემს მაგიდაზე ახლა მისი დეეს რეგოლვერი.  
შენვე ისროლე.

ბ:  
არ შემიძლია ძმაო, თორემ ვიკრავდი ტყვიას.  
ის აღარა ვარ, რაც ვიყავი.

ა:  
მე ვერ გიშველი.

ბ:  
არ დაივინყო, ერთი დედის ვართ ჩვენ შვილები.

ა:  
დაბრუნდი უკან, დამიჯერე, შეძლებ ადვილად.

ბ:  
შენ გვერდით იყო ფაბრიკაში ჩემი ადგილი.


ა:  
ხარატის ხერხს რომ დაეფლითე მაშინ, მინდოდა,  
უნდა მცოდნოდა ის, რაც შენგან გამოვიდოდა.

ბ:  
საყოველთაო გაფიცვაზე ავყევ ცდუნებას,  
და ბრანდენბურგის ბჭესთან ჰაილ-ს ვაგუგუნებდი;  
ვიდექ შენთან და სიმართლეს კი ფორმით ვმალავდი.

ა:  
ხაკისფერია ფორმა შენი – ცხადი ღალადი.

ბ:  
სიმართლეს ჩემსას გაჩვენებ და თავს გავიმართლებ.  
სამი კვირაა დამაკისრეს როლი ქალაღდის,  
და ჩვენი მტერი ზედ მანერდა თავის სიმართლეს.

**იხდის პერანგს. მკერდზე აქვს სვასტიკის დალი.**



კარუსელი კი, გამალებით მარჯვნივ ტრიალებს, ჩექმები ბზინავს, თავი მოგნონს და არ ხარ მარტო, იქნევ ხელკეტს და ირგვლივ მსხვერპლთა ყვირილი გართობს.

ეს ასე იყო. ჩავუკვირდი თავს ძირეულად. გრძელი დანების ღამე კითხვას დაგისვამს ამ დროს – ვინ იქნებო საბოლოოდ ვისით ძლეული. ერთიც მე ვარ და ის მეორეც ასევე მე ვარ. რომელიღაც კი ზედმეტია, ვინ იტყვის მრე ვარ. დასწვდი რევოლვერს, აღასრულე, რაც მე არ ძალმიძს, რომ კაცი მერქვას გარდაცვლილი და არა ძალი.

**ა:**  
როცა გმინავდნენ ბუნკერებში ჩვენინები და ბერლინელებს ჩეხდნენ უღვთოდ გრძელი დანები მოვკალ ძმა ჩემი, მოლაღატე დაუნანები.

**მე მყავდა ერთი თანამებრძოლი**

**ოთხი ჯარისკაცი. თოვლი.**

**1-ლი** ჯარისკაცი:  
მტერს, მეგობრებო, მინდა გითხრათ, უკვე ვერ ვხედავ.

**მე-2** ჯარისკაცი:  
ეს შიმშილია.

**მე-3** ჯარისკაცი:  
ნამქერია, გიმრუდებს ხედვას.

**მე-4** ჯარისკაცი:  
მტერია ყველგან, თან საომრად დაგეშილია.

**მე-2** ჯარისკაცი:  
მშიერი კუჭით,  
ერთადერთი მტერი მყავს მხოლოდ.

**მე-4** ჯარისკაცი:  
ამით რის თქმა გსურს, ამოღერღე, აპყევი მოლობს?

**მე-2** ჯარისკაცი:  
ოთხი კვირაა, არ მინახავს თვალთ მე ხორცი.

**3-ე** ჯარისკაცი:  
ცხენის ერთ ძვალში მთელ სამეფოს მივართმევ ხონჩით.

**მე-4** ჯარისკაცი:  
გერმანიისთვის ვშიმშილობთ ჩვენ, კარგა ხანია.

**მე-2** ჯარისკაცი:  
ნუთუ სულ ოთხნი წარმოვადგენთ აქ გერმანიას.

**მე-4** ჯარისკაცი:  
ზედმეტი უკვე, მგონი, ერთი ჩვენთაგანია

**მე-2** ჯარისკაცი უმიზნებს მე-4-ს:  
კმარა. ასეა

**მე-4** ჯარისკაცი:  
ყოფა ჩვენი თმენით სავსეა.

თანამებრძოლი მეგობრები ვართ ჩვენ ჯერ ისევ.

**მე-2** ჯარისკაცი:  
და რასაც ერთი მოისაქმებს, მეორე იხმევს.

**მე-4** ჯარისკაცი:  
ოთხ ცარიელ კუჭს, რა თქმა უნდა, სჯობს სამი სავსე,  
ერთგულეებაა ჭეშმარიტი ღირსების ფასი.

და შენი ძმა კი, მოლაღატე კაცად მონათლეს.

**ა:**  
რას ელოდები.

ჰქმენ საქმე შენი უმალ, ძმაო, თან მონდომებით

უყურე, როგორ მანამებენ, „მარგი“ საბაბით,

ასე თუ ისე, არ ვარ ძალი თქვენთვის სადაგი.

**ბ:**  
როგორ აქცევენ, მინდა გითხრა, კაცს სასტიკ ძალლად.

**ა:**  
ვხედავ და გატყობ. ყველაფერი იწვნივ ნაღდად.

დაბრუნდი ტყავში. დგას გნიასი ნაგაზთა ხროვის,

და დაითრიე შენი ნილი ნადავლი მძორის.

**პაუზა. ისმის ქალაქის ხმაური.**

**ბ:**  
უბრად დავტოვე მე გესტაპოს ბუნკერი ბნელი.

თუმცა, გარეთაც ვერ ვიხილე მე დღის ნათელი.

თქვენ უცხოთავით ჩამიარეთ გვერდზე გულგრილად.

პერანგქვეშ თუმც არ შემშრობოდა სისხლი, სამხილად.

თქვენთვის ვიტვირთე თავსატეხი, მე დამრჩა ვრცელი,

უკვე პირთამდე დაქედგილი, ნაგავსაყრელი.

როცა ბუნკერში ხელმეორედ ისევ დავბრუნდი,

სამკვირიანი ყოფნის შემდეგ, გავშინაურდი.

ჩექმამ შეცვალა ჩამორთმევა ყასიდად, ხელის.

მეც მიახლებდნენ, თუკი ასვლა ენადათ ზევით,

თითქოს ჯაშუში ვყოფილიყავ და არა ყმა მე.

პროლეტარული ღირსებისთვის რად გინდა რამე.

**იკვამს ხაკისფერ პერანგს.**

ეს შენაძენი პერანგი კი, ხაკისფერია,  
– ძალღს მუდამ ახლავს საკუთარი ტყავი ტიალი –

**მე-3 ჯარისკაცი თავს უქნევს:**

ერთი ყველასთვის.

**მე-2 ჯარისკაცი:**

საკითხავია, ვის შეხვდება ნილხვედრი ნავსი.

**მე-2, მე-3 და მე-4 ჯარისკაცები უმიზნებენ ერთმანეთს.**

**1-ლი ჯარისკაცი:**

მე დაუძღვრდი, ვერ ვატარებ უკვე იარაღს.

**მე-2, მე-3 და მე-4 ჯარისკაცები იხსნიან იარაღებს და ერთმანეთს შესცქერიან. პაუზა.**

**მე-4 ჯარისკაცი:**

მე გადმომეცი,

მე ვატარებ, ისე იარე.

**1-ლს ართმევს თოფს, ესვრის და კლავს.**

**მე-4 ჯარისკაცი:**

ყველაზე სუსტი ნევრი იყო და იგი უკვე უქმნიდა საფრთხეს, საბოლოო ჩვენს გამარჯვებას, ამიერიდან ცეცხლს შეუნთებს ჩვენს გაკაუებას.

**მე-2, მე-3, მე-4 ჯარისკაცები შეექცევიან 1-ელს.**

სიმღერა „მე მყავდა ერთი თანამებრძოლი.“

**ოპიკატელის ქორნილი**

**კაცი:**

ჩემო კარგებო, 12-ს ხუთი აკლია ნუთი, დროა, რომ მოვკვდეთ,

სასხლეტს უნდა გამოვკრათ თითი,

მივბაძოთ ფიურერს, აკი მოგვცა ჩვენ მაგალითი, ხვალ გაიშლება ჩვენს ქალაქში მტრების კარავი და სამარცხვინო სიცოცხლე კი არ სურს არავის.

**ქალიშვილი:**

მე მსურს.

**კაცი:**

ახლავე ეგ სიტყვები უმალ გადათქვი.

თორემ უარგყოფ, მოგიკვეთავ და გულს ვიჯერებ.

ეს გერმანელმა დიაცმა თქვა?.. ვერ დავიჯერებ.

**ქალიშვილი:**

გამაგდე მამა.

**კაცი:**

ეგ სასჯელი გერგება ნამლად.

ეს რომ არაა ჩემი შვილი, ნამდვილად ვიცი,

ქალო, თქვი ვისთან მილალატი, არ მინდა ფიცი.

**ქალი:**

აქვე, ადგილზე მინდა მოვკვდე, დავეცე მკვდარი.

**კაცი:**

მნამს, მოესწრები.

**მიმართავს ქალიშვილს:** შენ კი მითხარი,

ჩემთვის სათქმელი თუ დაგრჩა რამე.

**ქალიშვილი:**

მაქვს – მამა,

მინდა გარეთ გასვლის მომცე უფლება.

**კაცი:**

უნდა შეგედლოს საკუთარ თავს სავსებით ფლობდე, ადამიანი ცხოველს ამით აღემატება.

შენს გარეთ გასვლას, არ დავუშვებ, უნდა იცოდე.

მაშინ რაღა თქვან ჩვენმა გმირმა ჯარისკაცებმა,

ვინც ბევრ სხვა რამეს შეეღია და თქვა უარი.

შენში ყვეს ქვენა ინსტინქტები, შენ შეუვალი

უნდა დარჩე, ასე მითქვია. ამიტომ – ქალო

მომეცი თოკი – შეგკრავ, ფეხი არ მოიცვალო.

**ქალიშვილი ყმუის.** ხმა გაკმინდე და აქ დაჯექი.

**ქალიშვილი:**

მამა თუ მიჭირს.

**კაცი:**

მაგასაც ვნახავთ.

**მიმართავს ცოლს:**

ავუკრათ პირი ამ ქალბატონს, მომეცი სწრაფად

ეგ პირსახოცი, – ამით საქმე გავიიოლე.

ჰიტლერი მოკვდა, ღალატია ახლა სიცოცხლე.

**რევოლვერს საფეთქელთან მიადებს ქალიშვილს და**

**გამოკრავს სასხლეტს, გასროლის ხმა არ ისმის.**

წყეულიმც იყავ, დატენა სულ დამვიწყებია.

**გადატენის იარაღს და კლავს ქალიშვილს.**

მნამს ნებისმიერ ფასად მაინც გაცლა სჯობია.

**ქალი:** ყვირის არააა.

**კაცი:** ნუ ყვირი, უნდა შეეგუო, გაჩუმდი, კმარა.

გნამდეს ფიურერი: განითლებას არჩიე მოკვდე.

გმირულ სიკვდილზე მშვენიერი რა უნდა მოხდეს.

უმალ იმქვეყნად აღმოჩნდები. მეც უნდა მოგყვე.

**ესვრის და კლავს ცოლს, მიიბჯენს რევოლვერს საფეთქელზე,**

**მოიცილებს, ჩასცქერის ლულას, შემდეგ – დახოცილ ცოლ-**

**შვილს, გამობრუნდება, ისევ მიიღებს საფეთქელთან იარაღს,**

**ისევ ჩამოუშვებს და ა.შ.**

**ჰიტლერი გადმოდის თავისი ფოტოსურათიდან. ესალმება.**

ჩემი ფიურერი. იგია, იგი. მიცახცახებს უკვე მუხლები.

**ჰიტლერს უმაღავს რევოლვერს. ჰიტლერი ეშუქრება თითით.**



სად არის ჩემი რევოლუციონერი. ვიცი როგორაც ვიმოქმედებ, კვლავ ვიმუხტები.  
**შეაბრუნებს პიტლერის პორტრეტს. პიტლერი ქრება.**  
იქ, დასასრული სადაც იყო, იშვა საწყისი.  
ვინც მარტო დარჩა, ძლიერია ყოვლის მაქნისი. გადის.

**ყასაბი და ქალი**

**ხაკისფერი პერანგით მიღწეული წარმატებული ცხოვრება**

პატარა ქალაქის საყასბო. კაცი იხდის ყასბის სამოსს და იცმევს მოიერიშეთა სამხედრო ფორმას. ქალი ჩამოართმევს ტანსაცმელს და აწოდებს სამხედრო ფორმის აღჭურვილობას.

**ქალი:** რაც მოიერიშეთა რიგებში ხარ, ერთი მშვიდი წუთიც კი არ მაქვს. ორასი გრამი ხორცისათვის ქუჩიდანვე იწყება რიგი, და ყველას უწევს

მომქანცველი მძიმე ლოდინი.  
**კაცი:** მას შემდეგ, რაც მე მათ შევეუერთდი, ვერ ავუღივართ მყიდველების მომსახურებას. თორემ კაუჭზე ხორცს საერთოდ ვერც დავლანდავდით. და ცარიელი იქნებოდა შენი სანოლიც, არ ვარ მართალი?

რუხ შინელს ნაღდად სჯობს ხაკისფერი.

**ქალი:** ვერაფერს ვიტყვი.

**კაცი:** იხატავს შუბლზე სვასტიკას. ქალს ხელში სარკვე უჭირავს.

ქალაქთან ახლოს, მდინარესთან, პატარა ტევრში, მტრის ბომბდამშენი ჩამოვარდა, ამერიკელია პილოტი.

**ქალი:** თქვენ, რა თქმა უნდა, შეიპყრობთ.

**კაცი:** რა ვიცი, აბა.

**მოიერიშეთა რაზმი მარშირებს**

გერმანული ტყე. მოიერიშეთა რაზმი მარშირებს. კულისებში ისმის გერმანული ფაშიზმისათვის დამახასიათებელი ხმაური: საუბარი, ჰაილ-ის შეძახილი, ბრძოლა მდინარე ზაალთან, ბროლის ლამე, ომი.

ჰაინცი გაზრდილია / ბოლომდე ტყვიამფრქვევთან იდგა / ზიგფრიდი მოვა ჩემს შემდეგ / გუშინ წერილი მოვიდა / სამჯერ გაუკეთდა ნაღვლის ბუშტის ოპერაცია / აღმოსავლეთში ვერაა საქმე კარგად / ჩემს უფროს ქალიშვილს ნიშნობა აქვს, ჯიბეზე ხელს ხომ არ გაიკრავდი / ბოლომდე ტყვიამფრქვევთან იდგა / ეს ჩემს შესაძლებლობას აღემატება / გუშინ წერილი მოვიდა / შენ თქვი აღმოსავლეთ ფრონტზე ვერაა საქმე კარგადო / შესვი ჩემი ლუდი, ერთს კიდევ მოიტანენ, წითურთმიანი / მაგას უთუოდ მოვახერხებ / ოღონდ ჩემს ცოლთან სიტყვა არ დაგცდეს / ეს თუ იცი: ებრაელი მიდის ბორდელში. მასპინძელი ეუბნება: ახლა ზევით ვერ ახვალთ,



იქ გებელსია. ებრაელი ამბობს / დაყოფა შეჩერება / მაგას თავისი ცხიმი აქვს / უკანალი გამოაჩინე / თავი მოიჭერი / ნახევრად დაინვა / ალბათ ზანგი იყო / ებრაელების გამოა ყველაფერი...

**პაუზა, ისმის მხოლოდ დაჭრილი პილოტის კვნესა.**

**ათეულის მეთაური:** ეს შენ გეხება საბესტ, ყასაბი შენ ხარ.

**ამერიკელის საყასბო. მეყასზე და ქალი. მყიდველები.**

**მყიდველი ქალი:** ჩემმა ქმარმა დამავალა გადმოგცეთ, რომ გულითადი, კეთილი სურვილებით გილოცავთ, ბატონო საბესტ, დამსახურებულ ჯვარს. ბატონი საბესტი ფრონტზე რომ ყოფილიყო, რუსებისგან ბიფშტექსს მოამზადებდა... სამი შნიცელი.

მყიდველი კაცი: კაცებიც ხომ სჭირდება სამშობლოს, ფრაუ საბესტ.

**ქალი:** ჩემი ქმარი ავადაა, თორემ აქ ნამდვილად არ იქნებოდა. ლორის ხორცი?

**მყიდველი კაცი:** იცინის. ამერიკელის.

**მეყასბის სიზმარი**

ცხოველის და ადამიანის შიგნეულობა, / (შინაგანი ორგანოების ტყე.) სისხლის წვიმა. პარაშუტზე ჰკიდია ადამიანზე დიდი ზომის თოჯინა, რომელიც ვარსკვლავებიანი დროშითაა შემოსილი. ტახის ნილბიან მოიერიშეთა უნიფორმაში გამონყობილი პირები ესვრიან თოჯინას ჯერ ერთმანეთის მიყოლებით, შემდეგ კი ერთდროულად. ნატყვიარებიდან იყრება ნახერხი. (სროლის ხმა არ ისმის, რადგან მაყუჩი ახშობს.) როცა თოჯინა დაცარიელდება, ჩამოგლეჯენ თოჯინას პარაშუტიდან და ნაფლეთებად აქცევენ. ტახის ნილბიანების როკვა. ნაფლეთებს ისინი გათელავენ და ნახერხს შეურევენ.

**ქალი:** აპრილში ღამით გასროლის ხმამ გამომალვიდა, ცეცხლის ციმციმი ანათებდა ცარიელ სანოლს.



მიხვდები მაშინვე, ალბათ იგი მკვდრის კვალს დაადგა ამერიკელის, რადგან რუსი ახლოვდებოდა.  
ფიქრობ, უთუოდ სადღეისოდ სჯობს, ასე იყოს, ხვალ რუსი უკვე აქ იქნება, უკეთესია, ცოლი კი არა, ქვრივი გერქვას, იმ კაცის, ვისაც, ყოველდღიურად დანების ქვეშ უწევს ცხოვრება. ავდგები მაინც: რა უნდა ვქნა მე ქმრის გარეშე ვერ შევინახავ საყასბოსაც, საკლავს ვინ დაკლავს ხორცის ჩატვირთვა-გადაზიდვაც კაცის საქმეა, ბავშვებზე ზრუნვაც მევალება. კაცი წყალს მისცემს იოლად თავს, თუ სასიკეთოდ ვერას გააწყობს, მე კი აქ ვდგავარ, სამი შვილით და მიხარია, ახლა ფეხმძიმედ რომ არა ვარ, რადგან ის დროა, როცა არავინ გაგიმართავს ხელს სამონყალოდ.

პერანგის ამარა მყის გამოვეკიდე მას მდინარისაკენ, სახლის გასაღებიც არ დამვიწყებია, კარებიც ჩაერაზე და სირბილისას კი, თავს ვეკითხებოდი:

რად გარბიხარ-მეთქი, დაბრუნდი უკან და, ცოტა ხნით შეჩერდი, მოხდება, რაც გველის,

შენ ხომ არ მოგიკლავს ის ამერიკელი, მოხდა ეს ნებისთ თუ მოხდა უნებლიეთ, ქმარს ადევს ეს ცოდვა

და თუკი ახლა მას კიდევ დაენევი, ამით რას მოიგებ. თუ დააგვიანებ და ვერ დაენევი, ამით რას დაკარგავ. თითქოსდა ფეხები მე არ მეკუთვნიან, კვლავ შეუჩერებლივ გარბიან, გარბიან.

შემდეგ კი მომესმა, ის ხისტ ლელქაშებში გზას როგორ იკვლევდა, ღრმად მიაბოტებდა, ბორძიკით ათრევდა მოკიდულ მკვდარ სხეულს,

თან ასე ვფიქრობდი: ცურვა რომ არ იცის, კარგია, მოელის

სიკვდილი იოლი. შემდეგ კი შორიდან ისმოდა ღრიალი, ალბათ იხრჩობოდა.

ან რა უნდა ექნა მაშინ, სროლის გარდა. შემდეგ კი საყასბოს

საქმეც გაიჩარხა, მოიერიშეთა ნაკადი მოაწყდა, სისხლი კი ბუზებს ხომ მაშინვე იზიდავს. ისიც მართალია: ამჯერად უეცარ მკვლელობის შემდეგ მას არ უნდა

ერბინა სრულ ქანცგანყვეტამდე, რათა ერთ ღამეში ქვრივად არ ვექციე,

რადგან ჩვენ კარს უკვე რუსი მოსდგომია. ამერიკელი რომ ტყვიით არ მოეკლა, ჰქონდა კი უფლება, რადგან მას ბრძანება ჰქონდა მიღებული, ომი კი ომია.

ვის უნდა სცოდნოდა სხვა დრო დადგებოდა, ბალახი წამოზრდას ვერც კი ასწრებდა, რომ ერთი გამარჯვება

მეორეს მოსდევდა. ჰოდა, აი, ახლა, დრომ რომ მოაწია, სწორედ ახლა კვდება. ეს უნდა დამთავრდეს. მე რალა მაჩერებს, ხელებით ვაკავებ,

ფეხებს რომ არ წამცდეს და არ გავექანო მის გადასარჩენად. ის ჩემი ქმარია. მეც ხომ ვერ მოვკვდები, რადგანაც ვცხოვრობდი

ჩემს ქმართან აქამდე, გამორიცხულია. მე მისთვის ნიადაგ მზრუნველი ცოლი და მშველელი ვიყავი,

ჩვენი საყასბო და ოჯახის მიხედვად, მეზარა ბავშვები და ამასთანავე, როცა ისურვებდა ფეხებსაც გავშლიდი და რას დავემგვანე. ხელებზე კოჭრები, მუხლები უხეში. ჩემი უკეთესი ნლები ჩავლილია. ვის რა დაუშვავე.

მან ცურვა არ იცის. უნდა მივეშველო და ამოვიყვანო. ძალა რომ არ მეყოს, თან რომ ჩამითრიოს,

შვილებს რალა ვუყო, თანაც შეიძლება თუ გადავარჩინე, სიკვდილით დასაჯონ. და რალა მე მერგო მძიმე არჩევანი. თუმცა, ახლა, მე მგონი, უკვე გვიანაა,

ირგვლივ სიჩუმეა. სროლა ძლიერდება. რუსია უთუოდ. სჯობს აღარ ვიცოდე მე აღარაფერი.

ისევ შინ მივბრუნდე, ვიდრე გათენდება. თევზები პირსაც კი არ დააკარებენ. როცა იპოვნიან, ვიტყვი, არ ვიცოდი თითქოს არაფერი. ჯერ იქნებ არ იყოს გვიანი, წავალ და

წყლიდან ამოვიყვან.

### წყალში ჭილილი

მე იგი მოვკალი. ჩვენ ორში ერთ-ერთი უნდა მომკვდარიყო.

წყალი უჩემოდაც ზუსტად ხომ იგივეს მოიმოქმედებდა. ახლა კი მე ის ვარ, ვინც გეზი უჩვენა და გზას გაუყენა. თუნდაც მამაკაცი კისერს რომ მაცლიდეს,

ჩუმად უნდა ვიყო. ბავშვები მოვიდნენ და აქვე არიან. მკვდარი კი მკვდარია.



## ზენარი ანუ უბინო ჩასახვა

**ბერლინი 1945. სარდაფი. ჩემოდნებზე ზის ორი ქალი. კაცი შემოდის:**

აქ დგას რუსი. აქვე დგანან SS-ელები. ქუჩის კუთხეში საყასბო სულერითიანად გადამწვარია. გემრიელი ლორი რა დასანანია. ისმის ბრძოლის ხმაური. ერთი ჯარისკაცი შემოიჭრება, სამხედრო ფორმას შემოიგლეჯს ტანზე. ჯარისკაცი: თქვენ თუ დაინახეთ რამე? დუმილი.

კაცი: ამ საქმეს უდის სახელმწიფო ლალატის სუნი. ჯარისკაცი: სამოქალაქო ტანისამოსი მჭირდება სასწრაფოდ.

კაცი: მიმართავს ახალგაზრდა ქალს. ჩადი, გახედე, რუსი აქეთ თუ მოემართება. ახალგაზრდა ქალი ფორთხვით ამოდის სარდაფიდან. დუმილი. ახალგაზრდა ქალი უკან ბრუნდება.

ახალგაზრდა ქალი: მოდის. კაცი ჯარისკაცს ქურთუკს გადაუგდებს. კაცი: ერთი ზენარიც.

მოხუცი ქალი: ჩემსას ვერ მოგცემთ. ჯარისკაცი: მოხუც ქალს მიმართავს. შენი ზენარი, თუ შეგცივდა, ქალბატონო, ხომ ვერ გაგათბობს.

მოხუცი ქალი: SS-ელები, გამოკიდებულ ზენარს თუ მოჰკრავენ თვალს, ჩვენც დაგვიკიდებენ. კაცი: ესეც მართალია. ახლა კი შენ თავს თვითონვე უნდა უშველო.

ისმის ბრძოლის ხმაური. ჯარისკაცი: თანდათან აქეთ რომ მოინევენ, SS-ელები როდი არიან. კაცი: თუმც შენ, მეგობარო, სიმამაცე ხომ ნასწავლი გაქვს. მაშ, დაგვიმტკიცე, რაც ისწავლე. ქალბატონო, მოგვანოდე ზენარი.

**ქალები გადასცემენ ზენარს. კაცი კი გადააწოდებს ჯარისკაცს.**

ჯარისკაცი: კარგი, გავაკეთებ, რაც ასე გნადიათ. კაცი: მიდი, იჩქარე.

ჯარისკაცი გადის გარეთ, თან მიაქვს ზენარი და უკან ხელცარიელი ბრუნდება.

**ორი SS-ელი შემოდის სარდაფში დაფხრენილი ზენრის მიწაზე თრევით.**

SS-ელი - 1: აბა, რას ხედავ, მეგობარო?

SS-ელი - 2: ორ სახელმწიფო მოღალატეს.

SS-ელი - 1: უმიზნებს ავტომატს მეგობარს: ორს?

SS-ელი - 2: ხელებს მაღლა წევს: ოთხს.

SS-ელი - 1: რას ამბობს კანონი სახელმწიფო მოღალატეზე?

SS-ელი - 2: ბოროტი ჩაცინებით ჯიბიდან იღებს შტოქსს. თოქს იმსახურებსო.

კაცი: თქვენ, ბატონებო, ჩვენ გაგვიშვით. აი, ეს იყო. უთითებს ჯარისკაცზე.

ჯარისკაცი კი კაცისკენ იშვერს ხელს:

მე ის გავაკეთე, რაც მაგას სურდა.

მოხუცი ქალი: ჩვენ არაფერიც არ გვინდოდა.

ისმის ბრძოლის ხმაური. SS-ელები დაექვერებიან ჯარისკაცს და მიათრევენ გარეთ. ჯარისკაცი ყვირის.

ახალგაზრდა ქალი: გესმით, როგორ ყვირის.

მოხუცი ქალი: არა, უკვე აღარც ისმის.

კაცი: ქურთუკს მოვიტან.

**კაცი სარდაფიდან გაძვრება და მალევე ბრუნდება უკან.**

რუსი მოგვადგა. SS-ელები გარბიან.

ქურთუკი უკვე გაუხდიათ.

წითელი არმიის ორი ჯარისკაცი და მათი მეთაური შემოდიან სარდაფში. ჯარისკაცებს შემოაქვთ დეზერტირის ცხედარი და ზენარზე დაასვენებენ.

**მეთაური იხდის ჩაფხუტს:**

ჰიტლერი „კაპუტ“ დამთავრდა, ახლა მშვიდობაა.

ჯარისკაცებიც იხსნიან ჩაფხუტებს.

ვაჟია?

კაცი: ვაჟია.

მოხუცი ქალი თანხმობის ნიშნად თავს გამეტებით იქნევს.

მეთაური: ხლებ. (xueh)

ერთ-ერთი ჯარისკაცი აძლევს მოხუც ქალს პურს. მეორე ჯარისკაცი ასევე იღებს ჩანთიდან ერთ პურს, მუხლზე გადაიმტვრევს და უწილაღებს პირველს. მეთაური და ჯარისკაცები მხედრული საღმით ტოვებენ სარდაფს. ცოცხლად გადარჩენილები არად აგდებენ ცხედარს და იწყება ბრძოლა პურისათვის.

*გერმანულიდან თარგმნა ლულუ დადიანმა*



# 2 კოეზია

## სიჩუმის სიზღვრა

განა სიჩუმე ერთნაირი არის ყოველთვის, როგორც სიკვდილი, ერთგვაროვნად, ისიც არ დგება, სხვებთან სიჩუმეს სხვანაირად ამბობ და შენთვის – უფრო შიგნიდან, უფრო მძიმედ და გედარდება –

რომ ამ დუმილში გადამდები გახდნენ დღეები, ერთმანეთს ჰგვანან, შენ კი მათგან გარეთ გადიხარ როგორც კარებში, გააბიჯებ და მოიხურავ ზურგს უკან დუმილს, როგორც სიტყვას, ვერ ნათქვამს დიდხანს.

განა სიჩუმე გამუდმებით ერთ სათქმელს ამბობს, ერთ რამეს ნიშნავს, ისმინება ან ერთნაირად, ხანდახან ღამის მარტოობას ბალიშში ალბობს, ხან აგიტაცებს, გაგრძნობინებს თავს ღმერთნაირად.

განა გადაგვაქვს ერთმანეთში რამე სიტყვებით, რომლებსაც ვეძებთ სუნთქვის შეკვრით, განცდების ფსკერზე რომ მოყვე, ჯერ ჩვენ სიჩუმეზე როგორ ვინექით, მერე პირიქით, სიჩუმე რომ ჩამოწვა ჩვენზე.

და ბოლოს გინევს რომ დუმილით ელაპარაკო, ვინც დაგრჩა იმათ, გინდა უთხრა რომ არ გაოცდნენ – რომ არ არსებობს ის სიჩუმე, სიტყვით რომ ვერ თქვა, არც ის სიჩუმე, მოყოლისას რომ არ გამოგრჩეს.

## როცა ადამიანს უშვებ ცხოვრებიდან

როცა ადამიანს უშვებ ცხოვრებიდან – მარტო არ მიდის.

თან იმდენი რამე მიაქვს, რაც შენია, ნახევარიც კი არ რჩები.

როცა ადამიანს უშვებ ცხოვრებიდან – შენც მიდიხარ.

იმ ადგილსაც კი არ ტოვებთ, სადაც იდექით. ინანილებთ, ისიც თან მიგაქვთ...

აქ სხვები ველარ დადგებიან.

## დავით ყანჩაშვილი



ვინაიდან ეს ადგილი  
არ იყო სახლი,

არც ქუჩა და მითუმეტეს არ იყო სადმე...  
ეს ადგილი ის საერთო სუნი იყო, რომელიც გქონდათ,  
საცხოვრებლად ერთმანეთში რომ გადახვედით  
და ცალ-ცალკე არსებობაც შეწყვიტეთ ბოლოს...

როცა ადამიანს უშვებ ცხოვრებიდან,  
უნდა ჩაალაგო ჩემოდანში სიყვარული, ტკივილი და მარტოობა  
და საცხოვრებლად საკუთარ თავს დაუბრუნდე.  
იმ ძველ კედლებს, რომლებსაც ვერ ცნობ,  
რომელიც შენი კი არ არის, არამედ სხვისი,  
ვისაც ოდესღაც იცნობდი და გადაგავინწყდა...  
ჩნდება შეგრძნება, რომ სტუმრად ხარ, და ეს სანოლიც,  
ეს ნაწერებიც, ფოტოებიც შენი კი არა  
იმისია, ვინც ოდესღაც მიატოვე და გაიზარდე,  
ახლა კი ცდილობ, დაუბრუნდე,  
დაპატარავდე  
და წარსულში გადასახლდე,  
სადაც ეცემა იმ შესაძლო მომავლის ჩრდილი,  
რომელსაც ვეღარ შეეფარები.

როცა ადამიანს უშვებ ცხოვრებიდან,  
თან იმდენი რამე მიაქვს,  
შენს თავსაც კი არ გიტოვებს... არამედ უცხოვს.  
და აღარ იცი, რა სიტყვები უნდა უთხრა,  
ანდა ერთად როგორ იცხოვროთ...

როცა ადამიანს... როცა ადამიანს უშვებ ცხოვრებიდან,  
უნდა გაუყო, საგზალივით გაატანო – ყველაფერი  
ნახევარი გულის ჩათვლით.  
და თან გახსოვდეს,  
რომ გასაყოფი, ნახევარის ნახევარი გულილა გაქვს დარჩენილი,  
თუკი გზაზე ვინმე შემოგხვდა.

როცა ადამიანს უშვებ ცხოვრებიდან,  
წარსული ზრდას იწყებს,  
ის პატარა ბავშვივით დარბის შენ წინ  
და თანდათან ტანს ისე იყრის,  
მთელ ანწყოს იკავენს.

არასოდეს არ მთავრდება ის, რაც იყო,  
ადრე თუ გვიან მთავრდება ის, რაც ჯერ არ მომხდარა, რაც უნდა მომხდარიყო.  
ის, რაც იყო, გრძელდება და მეორდება  
ყოველ ნაბიჯზე.  
თან სახეს იცვლის.

წარსულს ასეთი თვისება აქვს –  
შეუძლია, იყოს მომავალზე ამოუხსნელი  
და ის, რაც იყო, ყოველ ჯერზე სხვანაირად გაიმბოს და იყოს ნამდვილი  
და ყოველი მოყოლისას ეს ამბავი არასოდეს ჰგავდეს თავის თავს.



როცა ადამიანს უშვებ ცხოვრებიდან  
შენ ვერ დარჩები –  
ნახვალ შენი გზით... ამავე დროს გაჰყვები მასაც...  
და ასეთმა ნახევარმა უნდა იცხოვრო.

როცა ადამიანს უშვებ ცხოვრებიდან,  
როცა ადამიანს უშვებ ცხოვრებიდან  
და გგონია, რომ მარტო მიღის.

## აი, ასე ვკვდებით

აი, ასე ვკვდებით, თვინიერად და დამყოლად  
ვიცინით, სამახსოვრო ფოტოებს ვიღებთ,  
ვმღერით, ვსვამთ და დავნანნალებთ,  
ლამით ვარსკვლავების ქვეშ ვდგებით,  
ცალ თვალს ვხუჭავთ და მთვარეს თითს ვაფარებთ,  
მზის სხივებს ხელებზე ვისვამთ,  
რომლითაც დღის მანძილზე ერთმანეთს უნდა შევეხოთ,  
წყალში ვდგებით ტერფებამდე და ზღვაზე დავაბიჯებთ,  
ვენევით და რგოლებს ვუშვებთ,  
აი, ასე ვკვდებით, სიცილით და უდარდელად  
თან თადარიგს ვიჭერთ,  
ფოტოებს ვიღებთ, ვარჩევთ, რომელი გავადიდოთ,  
მინას ვეძებთ, სადაც ჯერ ზემოდან უნდა ვიცხოვროთ, მერე პირიქით.  
ადგილებს ვიყოფთ, ჩემი ადგილი უფრო დიდია,  
ფეხშიშველი დავაბიჯებთ, წინდანინ ვეჩვენებთ,  
აი, ასე ვკვდებით, ვსვამთ, დავნანნალებთ და მინას ვეჩვენებთ,  
წვიმაში ვყოფთ სხეულებს, ფეხებს გუბებში ვაბაკუნებთ  
და ღმერთზე ვლაპარაკობთ, რომელიც ჩვენში ჯერ ისევ ცოცხლობს  
და ფოტოებშიც შეიძლება დაინახო, თუ დააკვირდი,  
რომლებსაც ვიღებთ,  
რომლებიც ჩვენ შემდეგ იცოცხლებენ კიდევ დიდხანს,  
რომ მოყვენენ, როგორ ლაღად ვკვდებოდით.  
და როდესაც ერთმანეთს მივუწვებით  
და მოვა წვიმა, რომელიც ველარ დაგვასველებს  
და მოვა თოვლი, რომლშიც არ შეგვცვივდება  
და იკაშკაშებენ ვარსკვლავები, რომლებიც ჩვენთვის აღარ მონყდებიან  
და დაგვფარავენ შემოდგომის ფოთლები, რომლებშიც ველარ ჩავეფლობით ფეხებით,  
იქნებიან ფოტოები, ფოტოებში ვიქნებით ჩვენ.  
სადაც ჯერ ვკვდებით,  
წვიმაში, თოვლში, შემოდგომის ფოთლებში, ვარსკვლავებში, მზის სხივებში,  
ვკვდებით და ვიცინით  
ვკვდებით და გვიხარია  
ვკვდებით საოცრად.  
და რა მშვენიერია კვდომა, რა მშვენიერია სიკვდილთან მიახლოება,  
როდესაც რამდენიმე ნაბიჯში დგახარ,  
და შეგიძლია ყველაფერი განიცადო, ყველაფერი ჩაიღინო, სიყვარულის ჩათვლით.

**რიგითი როლი**

ვდგავარ სცენაზე,  
ათასფერადი ნათურები თვალს მიჭრელებენ.  
ვგრძნობ, რომ დარბაზში გასუსულებს  
მზერა ჩემკენ მოუპყრიათ.  
არადა...

მე მათ ვერ ვხედავ,  
კაცმა რომ თქვას, რა საჭიროა?  
თითქოს მდინარეში შიშველი ვიბანდე  
და ბუჩქებიდან სოფლის გოგოები  
მიცქერდნენ შიშითა და კითხვის ნიშნებით...  
ტექსტს ვიმეორებ:  
- არ არსებობს უაზრო სიტყვა,  
თუმცა, ხშირია უაზროდ ნათქვამი!

ვდგავარ სცენაზე,  
გატრუნული ვადევნებ თვალყურს,  
თუ როგორ კლავენ მთავარ გმირს, ევას,  
მისი მამა და ძმები,  
ბასრი დანის კისერზე დასმით.  
რადგანაც გუშინ, ქორწილის ღამეს  
თეთრ ზენარს  
მენამული ლაქა ვერ დაამჩნია.  
ოჯახს ღირსება შეუბღალა  
და ღმერთს სინდისი...

ვდგავარ სცენაზე,  
ასე ნანატრ წითელ სითხეში მიდგას ფეხები.  
ჩემი მეუღლის ცივი სხეული  
გაყინულ სახით მე შემომცქერის,  
როგორც დარბაზი.  
რას მოელიან?!  
იმ ბოლო აკორდს, როცა გულში ვხავი თუ ვბღავი.  
- მე ვერ შევძელი!  
ვინ მოუფიქრა ეს სახელი ჩემს უკაცობას,  
იმპოტენცია?!  
საშინლად ჟღერდა,  
არ დავიჯერე,  
საწყალი ევა...  
მე მომათხოვეს,  
მოვაკვლევინე,  
როგორ დაეუშვი?!  
  
ვდგავარ სცენაზე  
და ტაშს გვიკრავენ გადარჩენილი  
ნაღდი ევები...

მე შევასრულე კიდეც ერთი, რიგითი როლი.  
ნეტავი რამე თუ გაიგეს,  
რაც აქ დაიდგა?  
ან რას დავეძებ,  
გავიარეთ,  
სხვა სპექტაკლისთვის მამზადებენ გრიმიორები.

**წვიმა**

წვიმდა და მორღვეული ჭერიდან  
ჩამოსული წყალი გუბდებოდა,  
ეზოში,  
კიბეზე,  
კარებთან,  
საკუთარ პირში  
და გულმოდგინედ შლიდა,  
სადარბაზოში ლოთების ნაბილწულ კედლებს  
და წარწერებს, მიწერილს  
წითელი თუ ვერცხლისფერი საღებავით...  
დასანანია,  
არაფერი გამაჩნდა მოსათხრობი და გასატანი,  
მოუმზადებელი შევეგებე გამდინარე წყალს...

მე მივდიოდი უმისამართო ადგილას.  
მსურდა ზარის დარეკვამდე  
გაელოთ ჩემთვის კარები  
და ეკითხათ,  
შაქრით თუ უშაქროდ  
დავლევი ჩაის?

წვიმის წყალმა აავსო ყველა ჭურჭელი.  
აბაზანიდან მეზობელთან ჩააღწია  
წვირილ-წვირილ ზოლებად.  
დაალბო ელექტროსადენები  
და გადაიქცნენ პოტენციურ მკვლელებად,  
იმ შემთხვევისთვის თუ შუქს ანთებდნენ  
ბნელსმიჩვეულნი მაცხოვრებლები  
(რისი ალბათობაც საკმაოდ მცირეა)...  
არ გაუმართლათ, წვიმის წვეთებს,  
რომ არ დაეგვიანათ,  
ფიფქებად მოვიდოდნენ  
და უფრო დიდ პატივსაც მიაგებდნენ  
ქოლგაგაშლილი მოგზაურები.

წვიმდა  
და ადიდებულ მდინარეს მიჰქონდა

ქალაქის ნახევარი ან ოდნავ მეტი...  
შენობები და ხის ჩრდილები  
ცდილობდნენ, შეხებით განშორებას ერთმანეთთან  
და ყველაფერს წვიმას აბრალებდნენ,  
სხვა რაღა ექნათ?!  
მე კი ვიდექი ყველა ხიდზე  
და ვუსმენდი ათასი ამბის მომსწრე კედლებს,  
რა ადვილად გათქვეს ბინადართა ინტიმური დეტალები,  
მომსწრე გავხდი, როგორ უღალატა ადამიანობამ ადამიანურს...



წვიმდა  
და სხვა რა უნდა მომხდარიყო,  
რა უნდა მექნა,  
ჰოდა, ვუსმენდი, გარინდებული.  
ყველა ხიდზე, თუ სანაპიროზე  
მე ვიდექი...  
ცნობისმოყვარე ადამიანი...

\*\*\*  
მუყაოსგან შეკერილი ჩემი გვირგვინი  
მარადისობისკენ სწრაფვის გამომხატველობითი ფორმაა...  
დამპალი სხეული ვერ სცდება მის საზღვრებს  
და არ ცდილობს გაქცევას.  
ჩემი სული კი  
ცის ქვეშ დამწყვდეული ჯინია,  
რომელიც სამ სურვილს უსრულებს ღმერთს  
(თუ კვლავაც ცოცხალია):  
დაბადებას, ტანჯვას, გარდაცვალებას...

სინჯარიდან კოლბაში და კოლბიდან კვერცხუჯრედამდე  
გრძელი გზა გაიარა ჩემმა მეზობელმა,  
რომელსაც არ ვიცნობ,  
მაგრამ ვიცი მისი სურვილის შესახებ,  
ვიცი, რომ მას უნდა მღვდლობა  
და ცათა სასუფეველი  
და მცირეოდენი შემოსავალი,  
რაც მასში წარმოშობს მოტივაციას,  
სდიოს ცისარტყელას  
და განგმიროს, როგორც გველეშაპი წმინდა გიორგიმ...  
ნეტავ ვინ ეტყვის, რომ ის არასრულფასოვანია?!  
ისე, მაინც გაიგებს ქრისტეს შობამდე...

P.S. ჩემი ფიქრები უბრალოდ გაიფანტნენ,  
რისი დაჭერაც მოვასწარი, სწორედ ის დავწერე...  
ჩემს ოთახში არაფერი შეცვლილა შარშანდელს მერე,  
ისევ სიცარიელე...  
ერთი სურვილიღა დარჩა...  
ღუმილი...  
და ყველა მხდალი სამალავიდან  
თავად გამოვა...

\*\*\*  
ვნებათა დემოტივაცია აქტიურობის ფაზაში  
გვაფიქრებს სინამდვილეზე...  
თუ რატომ გვტკივა ასე სიბნელე!  
ჩვენ ხომ „კერასინკის“ თაობა ვართ,  
ბურუსში ჩასახული ნაბიჭვრები  
და პირველი სხივები,  
რაც ჩვენმა სველმა სხეულმა აირეკლა,  
იყო „ილიჩის“ ნათურის ბრწყინვალება,  
რომელიც ისეთივე წარმავალი აღმოჩნდა,  
როგორც ტკივილი შარშანდელ ნატყვიარის.  
სუსტები ბედს ხშირად ძლიერებამდე მიჰყავს,  
ასეც ხდება...

ლექსის დასაწყისი  
მხოლოდ დაულაგებელი ფიქრებია.  
მას არ მოჰყვება ღრმა ფილოსოფიური  
შეგონებანი  
და არც (მ)ჭირდება...  
შუა ნაწილი არის საერთო,  
ჩემი თაობის „ჰომოთა“ ბიოგრაფიაში,  
მივხვდი, რომ არ ღირს ტექსტთან თამაში.  
მსურს, რომ დაბნელდეს ყველა სახლი, ქუჩა,  
ქალაქი.  
საჭიროა, შევაჩვიოთ თვალი მომავალს,  
უარესის მოლოდინით უკეთესი ხელიდან  
გავვისხლტა!  
ბოლო ჩაკრაც უქმად გავხარჯეთ,  
რაღა აზრი აქვს ჯვრის შემოვლებას,  
თქვი, მხოლოდ ამინ,  
მაგრამ გახსოვდეს, ესეც არ გაჭრის,  
წარსულის თესლო!

## კატო ჯავახიშვილი

### კაცი

ვინრო არ იყოს და განყდეს.  
არ იყოს ვინრო და განყდეს.

თოკი კი არა და  
გზა კი არა და  
ლამე კი არა და  
კაცი.

წელი არ ჰქონდეს და მოწყდეს.  
არ ჰქონდეს წელი და მოწყდეს.  
დროს კი არა და  
ხმას კი არა და  
კაცს კი არა და  
– მანძილს.


და ოდეს გზები დაიღალონ, დაიღალონ გზები ოდეს-  
მე ზურგი ჩამოვიხსნა, კენჭებივით დავყარო ძვლები-  
დან კირი ჩამოვფხიკო – უბათქაშო სურვილები. მანდე  
კედლებად დავიწყება. მორყეული რიკულები. მქონდეს  
თევზების მონატრება – უხერხემლო მოლოდინი. ძებნის-  
გან წყალი დაგელიოს, შავთვალწყალში ჩააგდო ბადე –

ქარი არ იყოს და ჩადგეს.  
არ იყოს ქარი და ჩადგეს.  
ქალში კი არა და  
კაცში კი არა და  
ბავშვში კი არა და  
– ხეში.

არ მაჩენდე და გავჩნდე.  
არ მაჩენდე და ჩავრჩე.  
დროში არა და  
გზაში არა და  
ქარში არა და  
შენში, –

რომ ოდეს გზები დაიღალონ, დაიღალონ გზები, ოდეს-  
თუ თევზი არ ამოჰყვეს გზანვრილისკენ მოქნეულ ბადეს  
თუ გზაზე ვინრო იყოს, ვინრო იყოს და განყდეს

რომ დაიძინო ცოცხალივით, დაუფქვავი ხორბლის გზებზე. გქონდეს  
თვალი და ვერ ხედავდე. გქონდეს ტანი და ვერაფრით ვერ ძრავდე.  
ოდეს თუ ტვირთიც კი არ იყოს, კაციც კი არ იყოს, თავიც კი არ იყოს,  
რომ გნამდეს.





## მიტოვებულიათვის

აქ ჯვარდანერილები ჩამოსხდებიან ხოლმე.  
ბაჯალლოს რგოლებს დააბზრიალებენ  
კაბა-პენუარებს საკიდებზე დაკიდებენ  
აბრეშუმის საცვლებს დახლებზე დაყრიან  
და საკუთარ ჯვარდაუნერელ თავებს ელოდებიან.

ვის აღარ ნახავთ აქ:  
„შემდგარ“ ცოლებსა და „ქარაფშუტა“ გოგოებს  
კარგ კულინარებსა და „ბელარუჩკებს“  
ძალაუფლების მოყვარულებსა და მორჩილებისთვის დაბადებულებს.  
რას აღარ ნახავთ აქ:

რძლისთვის გადანახულ ბრილიანტის საყურეებს  
სადედამთილოს ბებიის მონარჩენ საკაბებს  
პირველი ღამისთვის საგანგებოდ შეკერილ საღამურს  
ტანზე ცხელი თითებივით ამოცოცებულ ვალდებულებებს  
სარეცხისფხვნილშერჩენილ წინდებს  
პირდაფჩენილ ქვაბებს  
ჯვარდანერილი სიყვარულის მოლოდინებსა და იმედგაცრუებებს  
ღამისთევებსა და შენდობებს  
ლალატებსა და პატივებს  
ნასვლებსა და დარჩენებს.

შემოივლიან ჯვარდაუნერლებიც და ქაფქაფა ყავის სუნს შემოიყოლებენ.  
შემოივლიან და ჯვარდანერილებს თავისუფლების სანაცვლოდ  
ბაჯალლოს რგოლებს გამოსტაცებენ.

შემოივლიან და კაბა-პენუარებს საკიდებიდან ჩამოსხნიან.  
წლებისგან შელახულ აბრეშუმის საცვლებს გაჭირვებით მოირგებენ  
და საკუთარ თავებს მლაშე ნამცხვარივით ჩამოლეჭავენ.

ვის აღარ ნახავთ აქ:  
ატმისლოცებიანებსა და ცხოვრებისგან დაჩაგრულებს  
სიყვარულით დაბრმავებულებსა და ანგარებისთვის სიყვარულში მყოფებს.  
საკაბეებზე მონადირეებსა და მოლოდინისგან გადაღლილებს.  
ჩამოსხდებიან ჯვარდანერილების სევდიან ამბებში ჯვარდაუნერლები და  
დახლზე იმ უსაშველოდ გრძელ ღამეებს დაყრიან,  
საკუთარ თავებსაც რომ გადაუმაღეს.

რას არ ნახავთ იქ:  
სიყვარულის დღეზე მირთმეული თაიგულის გამხმარ ფურცლებს  
ათასჯერ დახეულ და გადანებებულ ფოტოებს  
ორისთვის გაშლილ სანთლებიან სუფრას  
მონარჩენ შეხვედრებს  
ყურთბალიშიდან გადმოვარდილ ძილს  
ღამეულ შიშებს  
ღამისთევებსა და შენდობებს  
ლალატებსა და პატივებს  
ნასვლებსა და დარჩენებს.

მე ვფიქრობ, ღამეულ ძიებებზე და  
მე ვფიქრობ, ყველა მიტოვებულ ქალზე და  
მე ვფიქრობ, ყველა ლოდინისგან გადაღლილზე და  
მე ვფიქრობ, ყველა გზააბნეულზე და

გზაში დაკარგულზეც ვფიქრობ და  
იმათზეც, ვინც საკუთარი თავი ვერც დაიცვა  
ვერც შეიყვარა  
ვერც დაიბრუნა  
რადგან დრო უცვლელია  
ის დგას

ეს ჩვენ დავდივართ ჩვენს და სხვების ამბებში დაუსრულებლად  
და მე ვფიქრობ ყველა გაუმართლებელ სიყვარულზე  
და ყველა საგზლად გადანახულ ღამეზე  
და ყველა საბედისწერო შეხვედრაზე ვფიქრობ, რადგან  
ცხოვრება ხშირად ისეთი არაა, როგორც ფორმულაც ჩვენ გამოვიყვანეთ  
და ხშირად ის სულ სხვა გზებს გვთავაზობს და  
მე ვფიქრობ ზუსტად ამ ფორმულებს აცდენილებზე  
რომლებმაც საკუთარ თავებს კიდევ დაუშავეს  
რომლებმაც საკუთარი თავები კიდევ არ დაინდეს  
რომლებმაც საკუთარი თავები კიდევ დაკარგეს  
და მაინც,

მე ვფიქრობ, ყველა მიტოვებულ ქალზე,  
ჯვარდანერილზეც და ჯვარდაუნერეულზეც  
იმათზეც, ვინც ამ მიტოვებას ჩემსავით გადაასწრო და  
საკუთარი კაცი თავადვე მიატოვა,  
მანამ ის გადაასწრებდა და მიატოვებდა და  
მე ვფიქრობ საკუთარ თავზეც,  
რომელმაც შემდგარი ცოლობიდან ქარაფშუტა გოგობამდე  
ყველა გზა გამოიარა და  
მე ვფიქრობ, პირდაფრენილ ქვაბებში  
წვეთ-წვეთობით ჩასხმულ სიყვარულზე  
რომელიც ასეთი ცოტა იყო  
იმისთვის, რომ სიყვარული ყოფილიყო.



## სუნთქვა

გული სინათლით სავსე დღეებით –  
ცა ვარსკვლავებით გადალამბულა...  
ჩემ ბნელ სიზმრებში ცხელ ბაგეებით  
სუნთქვა შენს სუნთქვას არ გადაბმულა.  
მერე გადივლის ჩემ გულზე ზღარბი,  
ველის შროშანი, მთელი პრერია.  
მაქვს ცისარტყელის მაღალი წარბი,  
სიტყვებიც – რაც არ დამინერია...

## შხვედრის შეუქვალობა


გულში კვლავ არის სიმალლის და ნათლის კუნჭული,  
ვარსკვლავების და შენი მკერდის ამომბურცველი,  
ახლა ვარდების ბაღში ვდგავარ თვალდახუჭული,  
ახლა ვარდიდან ჩამოვარდნას ლამობს ფურცელი.

ცრემლით ივსება თვალის გუგა, ვხედავ კურცხალით,  
ბრმა მერცხალივით მეჯახება მიჯნურთ ნათება,  
მივდივარ ჩუმად, მამასავით ბედლაუმცხრალი,  
მთვარეა გარეთ და ქარების მიჩუმათება...

მივდივარ ჩუმად, მთვარესავით სხივგაბურდული,  
ჩიტის ჩრიტინი ბნელ ღამეში გულს მესახება,  
შენს ვარდების ბაღს უმძიმესი ადევს ურდული,  
შენს გულს ჩაესმის ვარსკვლავების ყრუ შეჯახება...

## ჩურჩული სიბნელეში

რა კარგი არის სიცარიელე,  
აქ ხომ ვერავინ შემეცილება...  
არც მისალმება მომინვეს გრილი,  
არც თვალზე ცრემლი, არც გაცილება.  
გულში ფიქრების ჩუმი რიალი,  
მხოლოდ ეს არის ჩემი უფლება.  
სულ არ მალეღვებს სოფლის წრიალი,  
ცა ინმინდება, თუ იქუფრება.  
როგორც იები მარტივი – ციდა,  
მინდა სიტყვებიც მარტით ელავდნენ.  
რა დიდი გზაა მარტო კაციდან  
სიზმარში ნანახ წარმოდგენამდე.  
რა კარგი არის რომ ვერ ვიძინებ,  
სიბნელეს დიდი ხმა ემატება.  
როცა თვალეებში სხვას შესცივინებ,  
ჩემს გულში ელავს შენი ნათება...



## ადრეული ზამთარი

### მეგობრის ხსოვნას

ზამთრის წინ ვარდი რომ იკოკრება  
და ანათებენ ყვითლად გოგრები,  
გულში სხივების ცდილობ მოკრებას,  
თვალნათელ ბავშვებს ემეგობრები.

სერზე გადიფრენს საფლავის ყვავი,  
ენაჭარტალა და მესოფლია.  
შენ კი გახარებს სიმინდის ხვავი,  
სავსე მტევნებიც შენი ოფლია.

დილით აღარ ჩანს დავითოული,  
ბნელ ველზე დგახარ სანთელჩამქრალი,  
შენ წინ ყელამდე არის თოული,  
ფეხქვეშ ვარდება დიდი ნაპრალი.

შენთვის არასდროს მოვა მაისი,  
ვარდება არავინ აგიბრიალებს,  
შენ გიცდის მხარე არარაისი,  
იქ სისხლი წვეთავს, დანა პრიალებს.

ქარი ვარდებზე ცდილობს დაშვებას,  
ვტირი, ბავშვები რომ არ გამშვენებს,  
ჰე, მეგობარო ჩემი ბავშვობის,  
შენი ფანჯარაც ამოაშენეს...

### ძილი

აქეთ თვალგახელილი ცრემლიანი ბრმებია,  
აქეთ შენი სიცოცხლე სიკვდილს დაუბრებია,  
მიმოდინ ტალღები – ჩუმი საუბრებია,  
ინთებიან ვარსკვლავნი, ინთებიან, ქრებიან.  
ვარდებისკენ ქარები ისევ გადიხრებიან,  
ვხედავ ბავშვის კულულებს და მის ავსიზმრებიან  
ძილში აღვა იჭრება, მყინვარები დნებიან,  
გრიგალი და სინათლე ერთად დაიძვრებიან,  
თითქოს არც კი ყოფილან, არც ვის დასიზმრებიან...

### სიცოცხლის ექო

სანამ ეს გული სანთლად ანათებს,  
სანამ ფანჯრიდან ჩანს ბეგონია,  
მამისგან იღებს ბავშვი ბარათებს,  
სიცოცხლე მისი ექო ჰგონია.

გახედავს ბალებს, სიზმარამხდარი,  
უცნაურია ვარდის სინედლე,  
ღრუბლიანი ცის შუბლი ჩამტყდარა,  
ვარსკვლავებიდან მოჩანს სინათლე.



# 3 კროზა

## ადგილი

### მარკა მამალაძე

წვიმდა გადაუღებლად. კაოს არ გადაუფიქრია, სანვიმარი მოიცვა და გარეთ გავიდა. ქოლგა არ უყვარდა, ფიქრობდა, რომ ქოლგა მხოლოდ ქალს უხდებოდა. სასაფლაოზე რომ ავიდა, უკვე სამი საათი იყო. მოფარებულში ელოდნენ. მესაფლავეც იქვე იდგა.

- გვინდა - უთხრა მალალმა კაცმა შავებში. მოკლედ და გადაჭრით.

- ფასზე შევთანხმდეთ, სხვა არაფერი - წვიმას ფეხსაცმლის ლანჩაში შეედინა. სხვა ფეხსაცმელი რომ ჩაეცვა, აჯობებდა.

- ფასი მითხრეს, მისაღებია. თან ექვსადგილიანია... ნამდვილად მთლიანად ყიდით?

- კი. მთლიანად - უპასუხა და შავებში ჩაცმულ კაცს კონვერტი გამოართვა. გახსნა, გადაითვალა. თვლას რომ მორჩა, თავი დაუკრა, იმდენია, რამდენზეც შევთანხმდითო. კონვერტი იქვე დააგდო, ფული კი ჯიბეში ჩაიდო.

- ჩემი საქმე არაა, ცუდად არ გამიგო... მაგრამ მაინც, მინდა გკითხო... რატომ აკეთებ ამას, ფულის გამო? - შავებში ჩაცმულმა კაცმა იცოდა, რომ ექვსადგილიანი ნაკვეთის უფრო ძვირად გაყიდვა თავისუფლად შეეძლო. მართალია, ფასი თვითონ შესთავაზა, მაგრამ მან სამი ადგილის ფასი იგულისხმა, კაომ კი ფასი სიმბოლურად დაამრგვალა და ექვსივე ადგილის მიყიდვა მოინდომა.

- არა, ფული არაფერშუაშია. საფლავი არ მჭირდება - უპასუხა კაომ და ფეხსაცმელში ჩალვრილი წვიმის წყალი ააწყალა-პუნა.

- მემის, მაგრამ იქ ხომ შენინანები არიან დასაფლავებულები.

- არა უშავს - უპასუხა მკვახედ და მესაფლავისკენ მიტრიალდა.

შაოსანმა კაცმა გაიფიქრა, რომ ყველაზე დიდი სირცხვილი და უბედურება სწორედ ეს იყო, რაც შეიძლებოდა ადამიანს დამართოდა. მკვდრის უმიზეზოდ გადამარხვა და საფლავის გაყიდვა. რატომ იქცეოდა ასე, ვერ გაეგო. ჩემი საქმე არ არისო, ბევრჯერ შეუძახა თავს, სანამ კითხვას გადაწყვეტდა, მაგრამ მაინც ვერ მოითმინა. დაწყევლილ საფლავებზეც სმენოდა, მაგრამ სხვა გამოსავალი არ იყო. მის საგვარეულო საფლავს სწორედ რომ ის ადგილი ესაზღვრებოდა, რაც იყიდა. თავდაპირველად მხოლოდ სამი

ადგილის შეძენა სურდა, მაგრამ როცა უთხრა, ან მთლიანად იყიდი, ან არაო, სხვა გზა არ ჰქონდა.

შაოსანი კაცი წაეიდა. კაოს არ უკითხავს, ვის მარხავდა. ფულის დასტას ჯიბე შეესქელვინა და სველი ჯიბის კონტურებს მესაფლავის თვალები სევდიანად შესცქეროდნენ. თავით ნიჩაბს დაყრდნობოდა და გაუხეშებული ხელით სიგარეტს აბოლებდა.

- ზეგისთვის სჭირდებათ. ასაფლავებენ. ამიტომ დღესვე უნდა ამოვთხარო - უთხრა კაოს მესაფლავემ და ნახევრად მოწეული სიგარეტი ტყლაპოში ჩააგდო.

- ამოთხარე.

- მე ჩემი საქმისა კი ვიცი, მაგრამ...

- ჰო, გისმენ, რა მაგრამ?

- მერე რა უნდა უყო, იცი?

- ჯერ არაფერი ვიცი. მოვიფიქროთ - უპასუხა კაომ და ქალაღზე დაწერილი ტელეფონის ნომერი მიანოდა - რომ მორჩები, დამირეკე.

- შენი საქმისა შენ იცი. დროზე მოიფიქრე, თორე აბა სად უნდა გააჩერო, ხო არ შევინახავ?! - ჰო, არ შევინახავ, მაგრამ სად წავილო, არ ვიცი.

- სად უნდა წავილო და უნდა დამარხო! შენ ადგილი აარჩიე, აქაც ბევრია, თუ გინდა.

- არ ვიცი. აქ არ მინდა. არ ვიცი - იფიქრა, გიჟიო, მამის, ბებიის და ბაბუის საფლავს თხრის და ის კი არ იცის, სად უნდა წავილოსო. საფლავზე მისული იმ დღემდე არავინ ენახათ, ამიტომაც იყო მიტოვებული და მოუვლელი. მყიდველმა დაიჟინა, უნდა ვიყიდოო და ჯერ გვართ ეძებეს, მერე კი, ახლობელი პოლიციელის დახმარებით სამსახურში მიადგნენ კაოს... საქმე არ იცდიდა.



- სოფელში გადასვენე. არ გაქვს სოფელი? - უთხრა მესაფლავემ, როცა დარწმუნდა, რომ კაომ მართლა არ იცოდა, რა უნდა ექნა.

- კი - დაეთანხმა და წამოვიდა. წვიმას გადაელო, მაგრამ ისევ ელავდა. ტელეფონი რეკავდა. წვიმს და ზარის ხმა არ მესმისო, გაიფიქრა და გაეცინა. კიდევ სამჯერ დაურეკეს. მეოთხეზე უპასუხა. სახლში იყო.

- ჰო, მირეკავდი?

- კარი გამიღე, კარებთან ვდგავარ! - თეჯი იყო.

გამოიღო ქოლგა შესასვლელში დადო. სანვიმარი საკიდზე დაკიდა. თმა მაინც დასველებოდა, გაიშალა, ბოტები გაიხადა და სახლის ფეხსაცმელი ჩაიცვა.

- რა ტალახიანია აქაურობა. ტყეში იყავი? - პასუხს არ დალოდებია, ცოცხი აიღო და დაგვას შეუდგა.

- არა, სასაფლაოზე - იფიქრა ხუმრობსო. თეჯიმ იცოდა, რა სჭირდა კაოს და იმიტომ მივიდა. არ იცოდა, რომ კაოს სხვა რამეც სჭირდა და ეგონა, მხოლოდ გაფანტული სკლეროზის ბრალი იყო მისი უხასიათობა... შემთხვევით გაიგვს. საერთო მეგობრის დაბადების დღეზე. სუფრაზე იყვნენ, აღმოჩნდა, რომ იქ იყო ექიმიცა. კაო ცოტას სვამდა, გენეტიკა არ უწყობდა ხელს. დედა ვერ განიკურნა, მამა ლოთობით არ მომკვდარა, მაგრამ ფიზიკური რომ ყოფილიყო, ნამდვილად შეამჩნევდა, რომ მინდორში კი არა, ლიანდაგზე ეძინა და ეგებ არც დაეძინა იქ. დაღევა არ უყვარდა. წყენდა, ვერ ირგებდა, სიმბოლურად სვამდა, ისიც ჰა-ჰა, სამ ჭიქას. იმ დღესაც ასე იყო, მესამე ჭიქა ასნია, რალაცის თქმას ცდილობდა.

- აი, ამ... - თქვა და გაჩერდა - ჭიქითო - მიაძახა ვილაცამ - ჰო, აი ამ ჭიქით, მინდა მანდილოსნების - თქვა და ისევ გაჩერდა - სადღეგრძელოო, ახლა უკვე ერთხმად შეახსენა რამოდენიმემ... ამის მერე იყო დიდი პაუზა, მერე ისტერიული სიცილი და ბოლოს ტირილი. იფიქრეს, რომ ბევრი დალია, ცუდად არისო. რა არ იფიქრეს, მხოლოდ იმ ერთადერთმა სტუმარმა გამოიცივნო, რა სჭირდა კაოს და მომდევნო ხუთშაბათსვე გაუმხილა პალატაში: „ვშიშობ, რომ ეს გაფანტული სკლეროზია“.

სკლეროზი იცოდა, რაც იყო, მაგრამ მის დაავადებას ცოტა რამ თუ ჰქონდა საერთო იმასთან, რაც მხოლოდ ასაკში ემართებათ და ისიც მხოლოდ 65 წლის მერე. იყო რამდენიმე თვის დეპრესია, მერე აგრესია, მერე თავის მიშვება და გადავარდნა. ახლა კი თითქოს არც არაფერი იყო. თეჯი იყო ქალი, რომელთანაც დროდადრო ცხოვრობდა და სხვა არაფერი. ახლა კი თითქოს მხოლოდ თეჯის სასიკეთოდ მოწყობილიყო ყველაფერი, ვიზიტებს უმატა, რეკვას, შეკითხვებს. კაოს ყველაზე მეტად თეჯი აწუხებდა და თუ რამეს ნანობდა, იმასაც, რომ მისმა მდგომარეობამ თეჯის საქციელებს შეასხა ფრთები.

- მაინც როგორ იტყუებ თავს. ხომ ხვდები, რომ რალაც-ნაირად გაგახარა კიდევ ამ ყველაფერმა - უთხრა წინა საღამოს, როცა ის ცდილობდა კაოს დარწმუნებას, რომ საქმე არც ისე ცუდად იყო და შეიძლებოდა დაავადების შეჩერება, ბრძოლა.

- თავი დამანებე, შენ თავს მიხედე, ადვილია ხომ ყურადღების გადატანა?! საზრუნავ ობიექტზე ვითომ დარდი და ნერვიულობა.

- რატომ ამბობ ასე. რატომ ხარ ასეთი მკაცრი და სასტიკი... მესმის რომ ასეთი ხარ. მესმის, მაგრამ... - უნდოდა, სხვა რამეც ეთქვა, მაგრამ იცოდა, რომ იმაზე საუბარი, რაც კაოს არ სურდა,

არ შეეძლო. იყო თემები, რომელსაც არ უნდა შეხებოდა, იმ შემთხვევაშიც კი, თუ მიაჩნდა, რომ პრობლემა სწორედ ულაპარაკობა იყო.

თეჯის აღარ გაუგრძელებია. ერთი ამოხედა, რამე როცა სწყინდა, იმ მზერით, და წავიდა. გულის სიღრმეში იცოდა, რომ კაო მართალი იყო. ზოგჯერ ისეთი მოსაწყენი და ერთფეროვანია ცხოვრება, რომ არაფერი გრჩება ხელმოსაჭიდი, გარდა იმისა, რაც იცი, რომ ის არაა, რაც გინდა. მაგრამ სხვაც რომ არაფერია, იმას ეპოტინები. თეჯის საუკეთესო წლებს ჩაველო და კაოსაც აღარ ერქვა ბიჭი. დიდი ხანი იცნობდნენ ერთმანეთს, ათი წელი. თავდაპირველად სულ სხვა რამის გასაიოლებლად ხვდებოდნენ ერთმანეთს, სხვის გამოჩენის მოლოდინში. კაო უკვე არაფერს ელოდა და იცოდა, რომ ეს მხოლოდ ოცნება იყო, რომლის გარეშე ცხოვრება ეგებ უფრო კომფორტულიცაა. თეჯის კი უკვე გაეგო, რომ სხვის ლოდინს და ძებნას ისევ კაოსთან ყოფნა სჯობდა... ამიტომაც მოსწონდა რალაცით ის მდგომარეობა, რომელშიც აღმოჩნდა: კაოს სჭირდებოდა და რახან სჭირდებოდა, უკვე ყველაფერი იცვლებოდა.

ახლა კაოს მხოლოდ უნდა ელოდა და ცოტაც უნდა აეტანა თეჯის მზრუნველობა, შემწვარი კატლები, ზედმინეგნით დაუთოვებული პერანგები, დანკრიალებული სახლი, ჯაზი რადიოში დილიდან საღამომდე და ღამით კი ერთად ძილი. ეს ყველაფერი ძველ თეჯის არ ჰგავდა. კაოს არ სჯეროდა, რომ ადამიანი იცვლებოდა. ასეც რომ ყოფილიყო, შეცვლილი თეჯი ახლა უკვე აღარ სჭირდებოდა. არაფერი სჭირდებოდა.

- რა აზრი აქვს ამ ყველაფერს, მაინც დამავინყდება - უთხრა და ტახტზე წაკოტრიალდა. თეჯიმ ტანი პირსახოცით შეიმშრალა და ფეხები სკამზე შემოალაგა.

- მე მემახსოვრება, მე მჭირდება. ნუთუ არ შეგიძლია ჩემ გამო ეცადო, მოინდომო.

- შენ კი ჩემ გამო მოითმინო... ჯერ გავხდები ხეიბარი, მერე ლაპარაკიც დამავინყდება, ბოლოს სუნთქვაც.

- გაჩერდი! მაქამდე დიდი დროა. ხომ გითხრეს, წლების ამბავია. დიდი ხნის ამბავი. არავინ იცის, ვის რა და როდის მოუვა. უბრალოდ, უნდა დაიცვა მკურნალობა. დროულად დალო ნამლები.

- აჰა, კი... მაცივარში ლუდია, მომიტანე!

- არ შეიძლება. ხომ იცი?! - კაო ადგა, მაცივარი გააღო და ლუდი გამოიღო. თეჯიმ წაართვა. კაომ ხელი ჰკრა. თეჯი ნაბარბაცდა. ბოთლი დავარდა. აიღო. გახსნა. თეჯიმ სახლის ჩუსტები გაიხადა. ბოტები ჩაიცვა. ქოლგა გაშალა და წავიდა.

ექვს საათზე დარეკა მესაფლავემ. ბნელდებოდა. სამი კუბო ხელმეორედ დაელუქათ და სატვირთოზე დებდნენ.

- ფოტოებს რა ვუყოთ? - ჰკითხა მესაფლავემ, როცა მიხვდა, რომ ნალებას არ ფიქრობდა.

- რა ფოტოებს? - ვერ გაეგო კაოს.

- აი ამას, ამ კაცისას - უთხრა და მამამისის სურათი აჩვენა, ჩარჩოში ჩასმული - აბა, ის ორი ქვაზე და ქვას კიდე აქ ხომ არ დატოვებ. იმათია - ქვებიც სატვირთოზე შემოდეს, ჩარჩოში ჩასმული ფოტო კი ხელში დაიჭირა.

გზაშიც წვიმდა. ნელა მიდიოდნენ. სატვირთო უკან, თვითონ კი წინ. მარტო იყო. მინის სანმენდი სწრაფად მოძრაობდა, მაგრამ გზა მაინც არ ჩანდა. სოფელში რომ ჩავიდა, გვიანი იყო. სოფელი დუმდა, ისევე როგორც სასაფლაო. შარაზე სამი კაცი ნახა, ლუდს სვამდნენ. მუშები იყვნენ, ტაძრის მშენებლობიდან. კაომ დახმარება სთხოვა. უარი არ უთქვამთ. გაჰყვნენ. სასაფლაო შემალღებულ ადგილას იყო, მდინარის გადაღმა. ხიდეზე სატვირთო ვერ გავიდოდა, ამიტომ ხელით ატარეს კუბოები. მძიმე არ ყოფილა.

- ეგებ დილაზე მოგვეცადა - უთხრა მუშამ, როცა ბოლო გზა მოილიეს - ვეტყოდით აქაურებს და თითო ჭიქას წაუქცევდნენ.

- არა, ახლა სჯობს. დედის სოფელია, ამათ არ იცნობენ - უპასუხა კაომ, რომელიც იქვე, ვილაცის საფლავის მოაჯირზე ჩამომჯდარიყო. აღარ შეყოვნებულან. ერთს ფანარი ეჭირა, ორი კი თხრიდა. რიგრიგობით დაფლეს. ჭიქაც თვითონვე წაუქციეს. რომ მორჩნენ, თენდებოდა.

- ოჰ, ამდენი რა საჭიროა - უთხრა ერთ-ერთმა, როცა კაომ ფული მისცა.

- საჭიროა. ეს მათი ფულია და არა ჩემი - უპასუხა და იმათაც თავპატიჟი აღარ გამოიღეს.

- თუ რამე დაგჭირდა, აქვე ვართ - უპასუხეს და კარგად გადახდის გამო კმაყოფილება დაეტყობს სახეებზე.

- არ დამჭირდება - მიაძახა და თვალს მიეფარა.

სოფლის სახლის კარი წლები იყო, არავის შეეღო. დედას ჩაჰყავდა იქ ბავშვობაში. კარგად ახსოვდა, თითქოს იმაზე უკეთეს კი, რაც გუშინ იყო. მახსოვრობის დაქვეითებაც მისი სენის ბრალი იყო, კარგა ხნის წინ შეემჩნია, რომ რაღაც მომენტები სრულიად ქრებოდა მისი გონებიდან და თეჯის კი ეგონა, რომ თავს იკატუნებდა. საყვედურობდა, ებუტებოდა. არ ახსოვდა, ორი საათის წინ რა იყო, ის კი, რაც ბავშვობიდან ახსოვდა, არ აზინდებოდა და ზოგჯერ ეგონა, რომ დროთა განმავლობაში უფრო კარგად იხსენებდა. დეტალებში, მკაფიოდ. ახსოვდა დედამისის საძინებელი ოთახი და მისი პატარა ლოგინი, დედის თავთან მიდგმული. დედას ხელი ჰქონდა გადმოყოფილი და საჩვენებელი თითი თავისი პატარა ხელით ეჭირა, სანამ ეძინა. ალბათ წლისაც არ იყო. ახსოვს, როგორ შეწვა სამზარეულოში მამამ ხორცი და მერე როგორ მიირთვა. თვითონაც უნდოდა, მაგრამ ლაპარაკი არ იცოდა. გაგებით კი გააგებინა, „ცხელია“-ო ასე უთხრა მამამ და არ უწილადა. ეგებ იყო კიდევ ეს ყველაფერი, ან ეგებ თავად გამოიგონა. დედა ამბობდა, რომ მამა მხოლოდ ორი წელი ცხოვრობდა მათთან ერთად, მერე კი წავიდა. აღარ უნახავს. მასზე ფიქრობდა, როგორც მამაზე კი არა, არამედ იმ კაცზე, ვინც დედამისთან ცხოვრობდა, დედაზე იქორწინა. არ მოსწონდა ის კაცი.

დედას ჰქონდა გრძელი თმა, არ უყვარდა უმაკიაყოფი სიარული. მღეროდა ჯაზს საღამოობით ღამის კლუბებში და ამიტომაც უყვარდა გრძელი კაბები და მძივები. განათებულ სცენაზე დიდი და მაღალი ჩანდა, ბოლოს კი იმხელა იყო, რომ მას ხელისგულზე

იტევდა, როცა სანოლიდან აყენებდა ან ჰაერზე გაყავდა. დედა სულ იცინოდა, მაშინაც კი, როცა მოიწყენდა და ამას მხოლოდ თვალები ამხედდნენ. სვამდა ყოველ საღამოს და ეს არავის ანუხებდა მისივე გულის გარდა. ბოლოს იმდენი ქნა, რომ ლოგინად ჩაეარდა და ორ თვეში კი ისე დაპატარავდა, რომ სულ წავიდა. მაშინ კაომ 29 წლის იყო და მხოლოდ ერთს ნატრობდა: გასვენებაში მამა არ მისულიყო.

იცოდა, რომ დედას სხვაც ჰყავდა. ის სხვა ერთხელ მივიდა სახლში, დიდი თაიგულით. კაომ მაგიდის ქვეშ შეძვრა და იქიდან სტუმრის წასვლამდე არ გამოსულა. დედამ ორჯერ დაუძახა. მას მერე არავინ მისულა.

- ნეტა სადაა ახლა. როგორ არ უნდა ნახვა - იტყოდა დედა. მამაზე ფიქრობდა მხოლოდ მაშინ, როცა დედა ახსენებდა. ამას რომ იტყოდა დედა, აუცილებლად რომელიმე ჯაზურ ფრაზას წაიმღერებდა. ბოლოს კი ასე ამბობდა: „რა ქნას, მისი ბრალი არ არის. შენ არ უნდა გაბრაზდე“. როცა წამოიზარდა, დედას სთხოვა, აღარ ელაპარაკა მამაზე. მამას ერქვა რობი, და რაც არ უნდა ცუდ ხასიათზე ყოფილიყო, როცა ეს სახელი ახსენდებოდა, სულ ეცინებოდა. რობი, ალბათ რობიკო, რობინზონი - ფიქრობდა და სიცილს ვერ იკავებდა. ალბათ ამიტომაც არ სძულდა და ამიტომაც არ ნიშნავდა არაფერს მისი საფლავი... მხოლოდ ადგილს, სადაც ის ესვენა - არსებობის კვალს, რომელიც ისეთივე შეუშინეველი და უმნიშვნელო იყო, როგორ სხვების ცხოვრება. მიდიოდა შორ გზაზე სამი კუბოთი და არაფერს გრძნობდა, მხოლოდ ცდილობდა, ყველაფერი დროულად მოესწრო, ისე, რომ არ შეეწუხებინა კოლოფებში მოთავსებული ცხედრები. იმას აკეთებდა, რაც მემკვიდრეობით ეკუთვნოდა მიხედა ერთადერთ ქონებას, რომისგან დატოვებულ ექვსადგილიან სასაფლაოს.

მას მერე, რაც გაიგო რომ ავად იყო, სულ სხვანაირი გახდა ყველაფერი. დუნე ცხოვრება ჰქონდა, მაგრამ რაღაცას მაინც ელოდა. სასიამოვნო ცვლილებებს. ყველაფერი კი პირიქით მოხდა - საუარესოდ შეიცვალა. ავადმყოფობის ელდა ისე სწრაფად მოედო, რომ ისედაც უშინარსო ცხოვრებამ ფორმა დაკარგა. დღეში სამჯერ აბებს სვამდა და ამიტომ ზუსტად ერთსა და იმავე დროს იღებდა. აქამდე ისე ცხოვრობდა, როგორც დინება წაიყვანდა, ახლა კი მხოლოდ მკურნალობის რეჟიმში. არჩევანი მცირე იყო, საბოლოო ჯამში კი იქ მივიდოდა, სადაც მკურნალობის გარეშეც მიდის ადამიანი. ასე მხოლოდ დროს იგებდა, მიშვების შემთხვევაში კი შანსი ჰქონდა, სურვილებისთვის ეგდო ყური და აჰყოლოდა. რა სურდა, არ იცოდა და არც ის, თუ როგორ. მუშაობის განსაკუთრებული ხალისი არც არასდროს ჰქონია, ამიტომ, სწორედ იმ დილით,

პოლიციელი და შაოსანი კაცი რომ მიადგნენ, განცხადება დანერა და სამსახურიდან წამოვიდა. სამსახურიც ხომ იმისთვის სჭირდებოდა, დრო რომ გაეყვანა. დრო, რომელიც არ იცოდა, როგორ დაეხარჯა და ამიტომ უდროობას მოუცლელობას აბრალებდა და არა უშინაარსო სურვილების აუსრულებლობას. ვერ მიხვდა, რა უნდოდათ მისგან უცნობებს და რა სასაფლაოზე საუბრობდნენ. დიდხანს დასჭირდათ ახსნა. უარი არ უთქვამს და თანხმობაც იმიტომ განაცხადა, რომ როგორც უარის, ისე თანხმობის აზრს ვერ ხედავდა და რახან სხვები ხედავდნენ, ამიტომაც არჩია მათ ნებას დაჰყოლოდა.

რობიზონი რომ გარდაიცვალა, იმავე დღეს გაიგო... კარზე დაუკაკუნეს და მაცნეც მოვიდა. დედას ძველი ნაცნობი. მიხვდა, რომ ცუდი ამბავი მოხდა მის თავს, მაგრამ რადგან დედა აღარ იყო და მასაც არაფერი სჭირდა, ამიტომ მშვიდად შეხვდა სტუმრის მონაყოლს.

- რობიზონი გარდაიცვალა - თქვა და გაჩერდა - პანამ-ვიდზე თუ მოგინდა წასვლა, მისამართს მოგცემ - უთხრა ქალმა, რომელიც ცდილობდა დეტალებში მოეყოლა, რა მოუვიდა რობის.

- ბოლო დროს სულ აურია. სვამდა. წერას თავი დაანება. მეგობრებს გაერიყა. იმ დღეს მივედი, მინდოდა ჟურნალისთვის დაენერა მოთხრობა. ველარ ვნერო. რა აზრი აქვს წერასო, ასე მითხრა. ვიცოდი, რომ ცუდად იყო. მაგრამ ვერაფერი შევძელი. თავს არ მოიკლავდა, ამის არავის გვჯერა, პასუხისმგებლიანი ადამიანი იყო...

- ალბათ - უთხრა კაომ და ეცადა რობის სახის გახსენებას. არ გამოუვიდა. ახსოვდა ტაფა, თეფში, კერძი, ხორცის შიშიხინი, კაცის ხმა... სახე არა. რობის სახე არ ჰქონდა თითქოს.

- რობი და მე კლასელები ვიყავით, დედაშენი კი ჩვენზე სამი წლით უმცროსი იყო - ქალს ნაირა ერქვა. დედა ხშირად დადიოდა მასთან. ეგებ იქ იმიტომ დადიოდა, რომ რობი ენახო, იეჭვა კაომ.

- სამწუხაროა. მაგრამ წასვლა არ მომინდება. ამის საჭიროებას ვერ ვხედავ.

- მესმის, შვილო. რთულია. მაგრამ... - უნდოდა ეთქვა, მაგრამ მაინც მამაა შენით - დედაშენს ძალიან უნდოდა... - დაიწყო და არ დამათავრებინა.

- რა უნდოდა დედას? დედას სხვის მაგივრად ვერ მოუნდებოდა.

- კი, კი, მართალი ხარ, შვილო. მესმის. მაგრამ რობიზონი, აცხონოს ღმერთმა მისი სული, არაჩვეულებრივი ადამიანი იყო. მეგობარი. კარგი მეგობარი. მის მოთხრობებს თუ ოდესმე ნაიკითხავ, მიხვდები.

- ალბათ. მაღლობა რომ გამაგებინეთ.

- კი, შვილო. მაინც ბოლო გზაა და ეგება გადაიფიქრო. ბოლო გზაზე გაცილება არ დაამადლო - არაფერი უპასუხა. ლიფტამდე მიაცილა. სათქმელი დედის ხათრით შეიკავა და კიდევ იმიტომაც, რომ თუ რამის თქმა სურდა, მხოლოდ მამისთვის, ის კი აღარ იყო. ბოლო გზაზე გაცილებას რომ სთხოვდნენ, მხოლოდ სხვათა დასანახად იყო და სხვა არაფერი. რაც არ უნდა კარგი მწერალი ყოფილიყო რობი, კაო ვერასდროს გაუგებდა.

სოფლის გზამ ძალიან დაღალა. უჩვეულოდ გრძელი დღე გამოდგა. გამთენიისას ჩაეძინა. უფრო სწორად კი მაშინვე ჩაეძინა, როგორც კი სახლში მივიდა. იმ ლოგინში დაწვა, ადრე დედას რომ ეძინა. ალბათ სულ სამი საათი თუ გამოუვიდა მოსვენება.

მამლის ყვილიმა გააღვიძა. მამლის ყვილისთვის უკვე გვიანი იყო, მაგრამ რას გაუგებ მეზობლის მამალს. მეზობლად ვინ ცხოვრობდა, აღარ ახსოვდა, მაგრამ როგორც კი სახლიდან გამოსული ქალი დაინახა, მიხვდა რომ მარიამი იყო. დღის შუქზე თუ ახალ თვალზე დანახული სახლი და ეზოც იმაზე პატარა მოეჩვენა, ვიდრე ეგონა. მარიამი მხოლოდ ერთი წელის მანძილზე ახსოვდა, ალბათ სადღაც ოცი წლის წინ იყო, ბებიასთან რომ გამოგზავნეს მშობლებმა დასასვენებლად. მარიამი ხეებზე ძვრებოდა კარგად და ბებიას ტყემლის კრეფაში ეხმარებოდა. წითელ ტყემალს შუაცეცხლზე დგამდნენ დიდ „ჩახანაში“ მოსახარმად, მერე კი მოხარშული ტყემალი სანურზე გადმოჰქონდათ და ხეხავდნენ. კურკებს ცალკე ყრიდნენ, მასაც კი ისევ ცეცხლზე დგამდნენ, რომ კვლავ ეღვლა.

იქაური ჰაერის ბრალი იყო, რომ უჩვეულოდ ადრიანად მომივიდა. როცა ადგა, პირველი საათი იყო. დუქნისკენ დაემუა. ნანვიმარზე ტალახი ახორხლილიყო და ნებოიანი ქალაღვივით იყო ბილიკები. ძროხები საბალახო გზას უკვე დადგომოდნენ, ნაკელი და სველი მიწა ერთმანეთში აზელილიყო. კატასავით ცდილობდა გავლას, მაგრამ არ გამოუვიდა. დუქანი თითქმის ცარიელი დახვდა. ვილაცამ თავი დაუკრა და „ვიზიარებ, ღმერთმა აცხონოსო“, ასე უთხრა. უკვე ყველას გაეგო. გზაზე ვინც შეხვდა, სამძიმარი უთხრა, ერთმა უცნობმა ქალმა ისიც შეუთვალა, საღამოს გამოვალთ, თუ არ შეგანუხებთო. სახლის მილაგებას რომ მორჩა, ხუთი საათი იყო და რადგან სახლი მიაღაგა, ქალაქში წასვლაც გადაიფიქრა. დილიდან ათჯერ დაერეკა თეჯის და რადგან თეჯისგან შორს იყო, გადანყვიტა ცოტა ხანს მაინც დარჩენილიყო სოფელში, მიუხედავად იმისა, რომ იცოდა, სოფლებში მასთან მისვლას აპირებდნენ. შვიდ საათზე მივიდნენ, მწკრივად თავდახრილები. ღვინოც თვითონ მიიტანეს და მხალიც.

- ღმერთმა ნათელში ამყოფოს, კარგი კაცი იყო, უყვარდა აქაურობა - თქვა ერთმა და ამით მორჩნენ. ხელი ჩამოართვეს და გავიდნენ. ალბათ რაღაც აერიათო, ფიქრა კაომ და მეტად იმ ფიქრს აღარ ჩაჰყოლია. რობის სოფელში ვინ ნახავდა, ან როდის მოახერხებდა სიარულს, იქაურებს კი არა, მას არ ახსოვდა.

სოფელში ყოფნა ადვილია, როცა არაფრის შეცვლა გინდა. ნებდები. ამიტომაც რჩებიან სოფლად მოხუცები, ახალგაზრდები კი მხოლოდ ზაფხულობით ჩაივლიან. კაოსაც მონონდა სოფლად ზაფხულში. მდინარეში ბანაობა, ტყეში ხეტიალი, სათევზაოდ სიარული, შუაცეცხლთან ჯდომა, სოფლის კაცების მოსმენა, ჭინკებზე რომ ჰყვებოდნენ, მთაში დათესილი ყანების ყურება



და ჭალაში დამალობანას თამაში. ეს ყველაფერი ისე ახლოს იყო და ამავდროულად ისეთი შორეული, რომ თითქოს ტყეს ტყე აღარ ერქვა და ჭალას – ჭალა. კაო ისევე კაო იყო, მაგრამ იმ ბავშვისგან, ცხოვრება რომ უხაროდა, სულ აღარაფერი შერჩენოდა. ახსოვდა, როგორ იწყებდა, როცა ბავშვები მიდიოდნენ, ზაფხული მთავრდებოდა, დედას კი სულ ბოლოს მიჰყავდა ქალაქში. აუტანლად სევდიანი იყო იმ დაცარიელებული ადგილების ყურება, სადაც ცოტა ხნის წინ ბევრი ერთად თამაშობდნენ. ლალობდნენ. ხალისობდნენ. ყველაფერი შეიცვალა, ყველაფერმა ჩაიარა. იმ მოხუცებს ჰგავდა, სახლის წინ რომ ისხდნენ მთელი დღე სკამებზე და თითქოს სხვა არაფერი უნდოდათ, უძრავად ჯდომა და ერთ წერტილში ყურება. როცა კი ახლოს ჩაურბენდი ან ჩაუვლიდი, შენკენ მოტრიალდებოდნენ და რაიმე უმნიშვნელოს გკითხავდნენ – რა გქვია, ან რამდენი წლის ხარო – სხვა არაფერი. ბავშვიც დროულად პასუხობდა, მალე რომ გასცლოდა, მოხუცი კი ფიქრს აგრძელებდა. მხოლოდ მოხუცებს შეუძლიათ ასე, მისტიურად, თან აქ იყვნენ და თან კიდევ სადღაც. შორს. არ იყვნენ.

დილით ადრე დგებოდა, ისე ადრე, რომ უკვირდა. ღამით კი კარგად ეძინა, რაც უკვე დიდი ხანია, აღარ მომხდარა. მარიამის მამალი ისევე უდროოდ ყოიდა, მარიამს კი მატყლი გამოეტანა მზეზე გასაშრობად. ხელში საბერტყი ჯოხი აღარ ეჭირა, ლეიბს კერავდა. სოფლის ქალს არ ჰგავდა. როცა მიხვდა, რომ აქ მასავით დროებით არ იყო ჩასული და კარგა ხანია, დაედო ბინა, ურთიერთობის სურვილი გაუქნდა. კონტაქტის. იცოდა, რომ ქალმაც შენიშნა, მაგრამ რადგან არ გადმოუძახხა, თავად აღარ შეუწუხებია. იმისგან ელოდა მისვლას. „ჯერ ყველაფერი კარგადაა, სიარულიც შემიძლია და კარგადაც ვხედავ. ეგებ არც არაფერი მჭირსო“ – ფიქრობდა კაო და სჯეროდა, რომ სანამ სოფელში იქნებოდა, არაფერი მოუვიდოდა. კარგი იყო ასე ცხოვრება, როცა არც სამსახურში იყო წასასვლელი, არც არავისთვის უნდა ეთქვა სალაში და დაესვა ყველაზე უშინაარსი შეკითხვა – „როგორ ხარ?“. შეკითხვაზე უფრო მეტად რთული პასუხის გაცემა იყო, რომელიც ხშირად ფორმალურია და იმას პასუხობ, რასაც სხვები – კარგად, არა მიშავს, ნელა-ნელა, ნორმალურად. ყველაზე ხშირად ის არ იცი, როგორ ხარ და რატომ ასე გაუგებრად. არც ის იცი, როგორ გინდა რომ იყო, ამიტომაც ამბობ – კარგად ვარო. კაომ იცოდა, რომ იყო ავად და ახლა ჰქონდა მიზეზი, ეთქვა, ცუდად ვარო.

ორი კვირა არც დალღას გრძნობდა და არც ტკივილს, მერე კი ყველაფერი ერთად იგრძნო. ეჩვენებოდა, რომ მარცხენა ფეხი გაუშეშდა. თეჯი ისევე ისე განაგრძობდა რეკვას და სხვებიც ალაგ-ალაგ. უფრო ხშირად სამსახურის ხალხი, ამბის მოკითხვა უნდოდათ, ცნობისმოყვარეობა ანუხებდათ, რატომ წავიდა ასე უეცრად სამსახურიდან, ისე რომ არავისთვის უთქვამს, არ დამშვიდობებია. ზარებს არ პასუხობდა. ბოლოს ტელეფონიც გამოართო. დაისვენა. სამი დღე რომ სახლიდან აღარ გამოვიდა, საღამოხანს ჭიპკრის გაღების ხმა გაიგო და ოთახში მსუბუქი ნაბიჯებით შემოვიდა ქალი კალათით.

- გამარჯობა – თქვა მარიამა და კალათი ლოგინთან დადო.
- გამარჯობა, მარიამ – უპასუხა კაომ.
- სამი დღეა, არ გამოსულხარ და მეც მოვედი. ადგები?
- ავდგები – უპასუხა კაომ და მარიამი სამზარეულოში გავიდა. კალათიდან საჭმელი გადმოალაგა. მჭადი, ყველი, ბოსტნეული... მაგიდაზე ლამაზად დაალაგა. ჯვარედინად. მერე განჯინამი შენახული ჭურჭელი ჩამოალაგა.

- დიდი დრო გავიდა – უთხრა კაომ.
- კი. ვიცოდი, რომ გახსოვდი.
- არ შეცვლილხარ.
- შენ კი ძალიან შეიცვალე – უპასუხა მარიამმა და სალათს მწვანილი მოაჭრა – ჩემი ბალჩისაა.
- რამდენი ხანია, აქ ხარ?
- დიდი ხანია. ძალიან დიდი ხანი.
- მომიყევი... – კაომ არაფერი იცოდა მარიამზე. მხოლოდ ერთხელ ენახა შემთხვევით უნივერსიტეტის ეზოში. არ მისულა. მარიამი მარტო არ იყო, ხელი ჩაეკიდა მიახლოებით მისივე ასაკის სტუდენტისთვის და რალაცას ეჩურჩულებოდა ყურში.
- ახლა არა. სხვა დროს. – უპასუხა მარიამმა და სუფრა აალაგა.
- იმ დღის მერე ყოველდღე აკითხავდა. ერთად სადილობდნენ. კაო ცდილობდა, გაეგო მარიამის ამბები. როგორ ცხოვრობდა. რატომ დატოვა ქალაქი, რატომ გადმოსახლდა მიყრუებულ სოფელში. მარიამი დუმდა. კაო კი ვერაფერს ჰყვებოდა, რადგან ფიქრობდა, რომ არც არაფერი ჰქონდა მოსაყოლი, ყველაფერი ბანალური და უინტერესო იყო. მაგრამ როდის გახდა ცხოვრება ასეთი მოსაწყენი და არაფრისმთქმელი, ვერ გაეგო... ალბათ მას მერე, რაც დედა აღარ იყო. სცენაზე მდგარი ყოველ საღამოს გრძნობით მღეროდა. არ იყო ყალბი. სხვანაირი ხდებოდა გარემო, როცა ის სცენაზე იდგა. იცვლებოდა, სხვაფერდებოდა – მისი ბგერის და ფრაზების მსგავსად. სიყვარულითა და სინანით ივსებოდა ჰაერი. კაოს უყურებდა, მას უძღვნიდა. მაგრამ იყო რალაც სხვაც... იყო კაოში ვილაც სხვა, დედა მხოლოდ მას არ უყურებდა.
- როდის გახდა დედის ცხოვრება მისი და როდის დათმო დედამ ცხოვრება მისთვის, არც ეს იცოდა. არ ფიქრობდა, რომ უბედური ქალი იყო, ასეთს არ ჰგავდა. იმის წარმოდგენა, რომ შეიძლებოდა, დედას ვინმე ჰყვარებოდა, გულს უკლავდა. აი მაშინაც, სახლში რომ უცნობი მივიდა თაიგულით... მაშინაც, როცა ნატრობდა რომ გასვენებაში რობი არ მისულიყო. ეს არ იყო მამის წინაშე განცდილი პროტესტი ან პოტენციური მამის გაჩენის არნდომა. კაოს მოსწონდა დედა მარტო. ყველაზე დიდი ეგოიზმის გამოვლინება იყო მისი მხრიდან იმ აზრის არდაშვება, რომ შესაძლებელია, დედამ მის გამო დათმო სხვა ბედნიერება. უფრთხილდებოდა. ან ეგებ პირიქით იყო ყველაფერი... ისე მიიწინებდა, შეიხორცა თავისი ერთადერთი ვაჟი, რომ წარმოუდგენელი იყო სხვანაირად. დედა აღარ იყო და კაოს ცხოვრების ამოება უფრო მეტად შესამჩნევი გახდა... თეჯი. თეჯი იყო კრებისთი ქალი. იცნობდა დიდი ხანი, მაგრამ სიყვარული



არ შეეძლო. როგორ შეიძლება გიყვარდეს პროთეზი, როცა იცი, რომ სწორედ იმიტომაა საჭირო, რომ ის შეგიცვალოს, რაც აღარ გაქვს და არც იქნება.

ზამთრის სუსხიან დღეს ამსგავსებდა მთელ მის ცხოვრებას, როცა სიცივის გრძობისგან გათოშის სუნთქვაც კი გეყინება. უძრობისგან ქვედები და მოგონებები, რომლებიც შესაძლებელია, მართლაც გქონდა ავიზიზებულ ბუხართან გასახსენებლად შემონახული, აღარ გაქვს, დაგავინყდა. დედა ყინულის დედოფალს ჰგავდა, ლამაზი და მოხდენილი, ღიმილს ფანტელივით არიგებდა... არ ჰქონდა სხვა სახე ან გამომეტყველება გარდა ერთისა, ისევე, როგორც თოჯინას, ისევე, როგორც უგრძნობ ქალს. მხოლოდ ღიმილი და გადაკისკისება. სიმღერისას კი სულ სხვა იყო და ეს სხვაც მხოლოდ მისი ხმა და სხვა არაფერი, სახე ისეთივე.

– ზეგ ზამთარი მოვა – უთხრა მარიამმა ერთ დღეს, როცა კაო მდინარიდან დაბრუნდა. თხილის ტოტისგან ანკესი გაეკეთებინა და დაჭერილ თევზს ეზოს ონკანთან ასუფთავებდა. – ახლა სულ სიცივეები დაიჭერს. ბუხრის ამინდები გველის ანი. ბუხრის და ცეცხლზე შედგმული ლობიოსი.

– მარიამ, როგორ არ მოგეყინდა ზამთარში მარტო გამოკეტვა და ლოდინი? როგორ გაძელი მარტომ ცამეტი წელი? – ჰკითხა მარიამს, სინამდვილეში კი დედისთვის უნდოდა, რომ ეკითხა. გაფანტული სკლეროზი მწარე ხუმრობა იყო, ისეთივე, როგორც კოჭლისთვის წყვილი ფეხსაცმელი. რა სჯობდა: რომ ხსომებოდა თუ არა? ალბათ სჯობდა, რომ არა – ამიტომაც სჭირდა ის, რაც სჭირდა.

– ლოდინი? რას ველი ნეტა... არც არაფერს. არაფერს ველი, იმიტომ, რომ ყველაფერი იყო და უკვე ვიცი, რასაც ელის ადამიანი.

– რას ელის ადამიანი? – დედა არაფერს ელოდა. მარტო იყო და იმიტომო, ფიქრობდა კაო. ისე, მარტო, როგორც ყველა ქალი, რომელსაც გვერდით არ ჰყავს საყვარელი მამაკაცი ან როცა არავინ უყვარს... ან გვერდით ჰყავს ის მამაკაცი, რომელიც არ უყვარს.

– ადამიანი ელის მიზეზებს, პირობებს, მდგომარეობას, რომ თავი ბედნიერად იგრძნოს.

– განა ეს ცუდია? განა სხვას რას უნდა ელოდო. ესაა აზრი – მარიამს არ უპასუხია. სადილად არ დარჩენილა. საქმე მოიმიზეზა, სუფრა გაანყო და წავიდა. კაო მიხვდა, რომ მისდაუნებურად რალაც ისეთი თქვა, რამაც იმოქმედა. სოფელში ცოტა საუბარი იცინან, მაგრამ რასაც ამბობდნენ, კაომაც იცოდა.

ბოლოს ბებიასთან ჩამოსული მარიამი კაი ხნის წინ ენახათ საქმროსთან ერთად. იმის მერე აღარ ჩამოსულა, იმიტომ რომ სახლი დაუეკეტავთ, ბებია კი გარდაცვლილიყო. მარიამი გათხოვილი იყო, გაეჩინა შვილები – ქალი და ვაჟი. მერე ზუსტად არავინ იცოდა, რა მოხდა, მაგრამ ფაქტია, რომ ქმარ-შვილი ერთი გზით წასულა, მარიამი მეორეთი და უკვე ცამეტი წელი არავინ ენახათ მასთან ჩასული. მარიამი არც არაფერს ამბობდა და არც სოფელში ეკითხებოდნენ. ბევრი რამ იცოდა მარიამმა და კაო არც კი ეჭვობდა, რომ სცოდნოდა, მიხვდებოდა რომ „სხვა“ დედას არ იცნობდა. ბოლოს მარიამმა კაოს სახლში ნახა რობისთან ერთად. ეზოში საუზმობდნენ. მარიამს მამალი გამოეუქცა და მის უკან გადმოსარეკად ეზოში გადმოვიდა მეზობლთან. იყო ორი ქალის შემხვედრი უსიტყვო მზერა და დედის ვედრება, რომ არ გაეთქვა.

დედას ჰქონდა საიდუმლო და თან ჩაიყოლა. რობიმაც

იცოდა ის, რაც დედამ იცოდა, მაგრამ კაოსთვის თქმის უფლება არ მიუცია, ამიტომ რობიც ისე მოკვდა, რომ არაფერი უთქვამს. კაოს ხელში ეჭირა რობის სურათი და ვერანაირ საერთოს ვერ პოულობდა საკუთარ თავთან. არადა ეგონა, რომ მამას ჰგავდა, რადგან დედას ჰგავდა არაფრით. ის ორი წელი, როცა მამაც უნდა ხსომებოდა, რადგან დედა ახსოვდა, ვერაფერს ახსენებდა ტაფაზე შემწვარი ხორცის გარდა და ეგებ ეს ერთი ეპიზოდის საკმარისი უნდა ყოფილიყო იმის მისახვედრად, რაც იმ ორმა, მისი მშობლები რომ ერქვათ, იცოდნენ, მან კი არა. პირველად ცხოვრებაში იგრძნო რომ რალაცას უშალავდნენ და ამ რალაცას უკვე ჩაეველო. დაიგვიანა. აქამდე არასდროს მონდომებია რობიზონის წიგნების კითხვა, ახლა კი სოფლის სახლში თაროზე შემოლაგებული და ჩამწკრივებული რომ ნახა, მტვერი გადაუნძინდა და კითხვა დაიწყო.

„ჩემს ერთადერთ და ყველაზე დიდ სიყვარულს სახსოვრად მისი მონა-მორჩილისგან“ – იყო წარწერა რობის რომანზე და თარიღი იყო სულ რალაც ჩვიდმეტი წლის წინანდელი. ასეთივე წარწერები იყო სხვა წიგნებზეც, ზოგი ათი, ზოგიც კი ოცი წლის წინანდელი. გამოდიოდა, რომ კაოს არ ენახა მამა ორი წლის მერე, დედა კი რობის ხვდებოდა. ალბათ ნაირამაც იცოდა მათი პაემნების ამბავი. რადგან დედა წიგნებს სოფელში ინახავდა, გამოდიოდა, რომ დედა რობის იქაც ხვდებოდა. ეს მამის ხდებოდა, როცა რაიმე მიზეზით სოფელში მიდიოდა კაოს გარეშე. ასეც რომ ყოფილიყო, კაო ვერაფრით მიმხვდარიყო, თვითონ რატომ რჩებოდა თამამგარე მდგომარეობაში. ნუთუ კაცს, რომელსაც საყვარელი ქალის ნახვა სურდა და ხვდებოდა კიდევ, არანაირი სურვილი არ ჰქონდა, შვილი ენახა?

– ისინი აქ ერთად იყვნენ ხოლმე, ხომ? – ჰკითხა კაომ მარიამს, როცა ის ორი დღე აღარ გამოჩნდა და თავად მივიდა. ღამე იყო. არ ეძინა. თხილს ტეხდა.

– თხილის დამტვრევაში დამეხმარე, ნამცხვარი უნდა გამოვაცხო – უპასუხა მარიამმა, თითქოს კითხვა არ გაუგია.

– მარიამ, გთხოვ, მარიამ! ყველაფერი მითხარი – ევედრებოდა კაო და თვითონაც არ იცოდა, რატომ ეცინებოდა, ზუსტად ისე, როგორც დედამისს.

– წამლებს რომ არ სვამ, ხომ ხვდები რომ უფრო აჩქარებ პროცესს?! – მარიამმა სატეხი გვერდზე გადადო და კალთაში მოქუჩებული თხილი გახურებულ ტაფაზე დაყარა.

– რა იცი შენ, მე რა მინდა! – დაიყვირა კაომ და კუთხეში დაყრილ დასატეხ თხილს ფეხი გაჰკრა. მარიამი ისევ მშვიდად იდგა. ტაფას ატრიალებდა.

- მე ვიცი, შენ რაც გინდა, ვიცი, რასაც ეძებ - უთხრა ისე, რომ არ მოტრიალებულა - საფლავების დარდი გაქვს. გათხრილი და მერე აქ ჩამოსვენებული მიცვალებულების, რომლებიც შესაძლებელია არაფერ შუაში არიან და შეიძლება ყველაზე მეტად ვიხეც არ უნდა ბრახდებოდეს ცხოვრებაში - რობია.

იგრძნო მკვეთრი ტკივილი სახსრებში და თავბრუსხვევა. თითქოს ძვლები ემტვრეოდა. ნაბარბაცდა. მერე ნაიქცა. გონს რომ მოეგო, სავარძელში იჯდა, ფეხი კი სკამზე ჰქონდა შემოდებული. მარიამს თხილი უკვე მოეხალა და ახლა ფეხებში ჰქონდა ხელები ამოთხვრილი.

- წყალი დალიე და ეგ აბიც მიაყოლე - უთხრა, როცა გონს მოეგო - ნამალი უნდა დალიო, იმიტომ გემართება ეგრე - დაემორჩილა. დალია. ცოტა ხანს ჩუმად იყვნენ. მერე კი უმწეოდ იგრძნო თავი და ტირილი აუვარდა, ისეთივე, როგორიც, შესაძლებელია, დედამ იცოდა, მაგრამ მას კი არასდროს ენახა, როგორ ტიროდა დედა. მარიამმა ცომის ზელა დაამთავრა და ხელი დაიბანა.

- ვიცი, რომ შენ იცი. ვიცი, რომ შესაძლებელია, მეც ვიცოდე, მაგრამ მინდა, რომ შენ მითხრა, შენ მომიყვე. მარიამ, გათხოვ მარიამ! ჩვენი ბავშვობის ხათრით - კაო აღარ ტიროდა, მაგრამ ცრემლები მაინც თავისით სდიოდა. მარიამმა ღუმელის ცხელი ტაფა გამოიღო, კარაქი მოუსვა, მერე ფქვილი მიმოფანტა, მომზადებული ცომი ზედ დააზილა და უკანვე შედგა ქურაში.

- შენ რომ სიმართლის ცოდნა გდომებოდა, ერთხელ მაინც ნაკითხავი რობის რომანებს, მოთხრობებს. ნაკითხავი და ყველაფერს გაიგებდი. გულის სიღრმეში შენ ამის ცოდნა არ გინდოდა. ვინც შენ გინდოდა, დედა იყო და სხვა დანარჩენი უმნიშვნელოა. თქმას არ ვაპირებ, ამას შენ უნდა მიხვდე. ერთ დღესაც ნაკითხავ და თავად მიხვდები... ნამცხვარს ვაცხოვ და დღეს ბოლო დღეა ჩემი აქ ყოფნის. მივდივარ. სამუდამოდ. უკან არ დავბრუნდები... - თქვა მშვიდად. კაოს ისევ არ უყურებდა. მარიამის წასვლა არ უნდოდა... სანამ მარიამთან გადავიდოდა, სწორედ რობის წიგნს კითხულობდა. იქ ეწერა პატარა ბიჭზე...

- გახსოვს, სამი დღის წინ რომ ნამოვედი შენი სახლიდან?  
- მახსოვს - უპასუხა კაომ და იცოდა, რომ მარიამის მოსმენის დრო იყო. მოუსყვებოდა იმას, რისი ცოდნაც თავიდანვე უნდოდა.

- ვიცი, რომ მაშინ უნივერსიტეტის ეზოში შენ იყავი. ბიჭი, რომელსაც ხელჩაკიდული მივყვებოდი, ჩემი ქმარია. მერე გაგვიჩნდა შვილები და იმაზე მეტ ბედნიერებას, რაც მე მქონდა, სხვა ვერ ინატრებდა. დღემდე ვერ ვხვდები, რა მოხდა მერე, რა დამემართა, თითქოს ვერ ვიგუე. თითქოს გაუსაძლისი იყო ამდენი სილამაზის ერთდროულად დატევა, ტარება, მოთმენა. ვუყურებდი ჩემს ლამაზ, მხიარულ შვილებს და თითქოს ისინი ჩემები არ იყვნენ. ვუსმენდი მათ მამას და თითქოს არასდროს მყვარებია. ყველა გრძნობა და სიამე სადღაც გაქრა. თავს ვაძალებდი, დილით ადრე ვდგებოდი, მეუღლეს სადილს ვუმზადებდი, ბავშვები სკოლაში მიმყავდა, თმას ვუვარცხნიდი, ვაბანავებდი, ძილის წინ ვკოცნიდი. ყველაფერს ვაკეთებდი იმისთვის, რომ თავი კარგად მეგრძნო და როცა მივხვდი, რომ ეს ის ცხოვრება არ იყო, რომელიც მე მინდოდა, სახლიდან ნამოვედი. მივატოვე ისინი და აქ დავსახლდი. თავდაპირველად მეგონა, რომ ცოტა ხანს გაგრძელდებოდა, უბრალოდ რთული პერიოდი იყო და მალე უკან მოვიტოვებდი. მაგრამ ასე არ მოხდა. რაც დრო გადიოდა, უფრო და უფრო ვეჩვეოდი მარტოობას, უფრო და უფრო ვივი-

წყებდი მათ. ბედნიერებაც ისეთივე ძნელი ასატანია, როგორც უბედურება. პასუხისმგებლობის გრძნობა ყველაზე დიდი ტვირთი ცხოვრებაში... როცა მივხვდი, რომ ჩემი ქმარი მათ არაფერს მოაკლებდა, ნამოვედი. ნამოვედი, იმიტომ რომ ყოველი დაძინებისას, ჭკუიდან გადაყავიდი იმ ფაქტს, რომ მე მათი დედა ვიყავი, მე ისინი უნდა დამეცვა, მე უნდა მესწავლებინა, გამეზარდა, მეთქვა რომ არასდროს გახდებოდნენ ავად, არ მოკვდებოდნენ, არ იქნებოდნენ უბედურები, იმიტომ რომ მე არ დაუშვებდი ამას, მე არ მივცემდი ამის ნებას... მე კი ამის ძალა არ მქონდა. მე რომ ეს დამეჯერებინა, შვილებს ხომ არ გავაჩენდი. გავაჩინე კი იმიტომ, რომ თავად მეშინოდა, თავად ვცდილობდი გადარჩენას. ამიტომაც მინდოდა გათხოვება, ვიცოდი რომ ერთ დღესაც შეიძლებოდა სიყვარულსაც გაეველო... და იმ დღეს, როცა ყველაფერი განელდებოდა, მე არ ვიცოდი როგორ შევხვდებოდი. სანამ დავრწმუნდებოდი, რომ ეს დროებითი კრიზისი არ იყო და დაბრუნების იმედი მქონდა, შვილებს ვურეკავდი. ქმარსაც ეგონა, რომ გადაამივილიდა და ხელი არ შეუშლია. იმაზე ტკბილი მოსასმენი არაფერი იყო, როგორც მათი ხმებია, მაგრამ მე არ შემეძლო. ტკივილს მაყენებდა. მათ ხმებთან მინდოდა და ესეც არ შემეძლო. თითქოს მათ მე ცხოვრება გამიყალბეს, ნამართვეს... გესმის, არ შემეძლო, ბედნიერებასაც გაძლება უნდა. ბედნიერებაც იცვითება დროთა განმავლობაში. შვილის სიტკბოსაც ეგუები და ქმრის გულგრილობასაც... რასაც ვერ ეგუები, შენი თავია. შენი თავი. ამიტომ ნამოვედი. მე არ ვიყავი მზად. შემეძლო მეთმინა და ისევე განმეგრძო, როგორც ადრე, მაგრამ ესეც ისეთი რთული იყო, რომ... მახსოვს, როგორ ვადექი ხიდან, როგორ მინდოდა ამ ტანჯვის დასრულება. არა, სულაც არ მეშინოდა. გადავხტი... გადამარჩინეს. იმ დღეს ჩემი შვილის დღეობა იყო. ყველაზე ბედნიერი დღე მის ცხოვრებაში. მე არ შემეძლო სიხარულის გაზიარება, მე არ შემეძლო მათთვის არაფრის მიცემა, იმიტომ რომ ცარიელი ვიყავი და სიცარიელე მკლავდა... შენ მთელი ცხოვრება განსჯიდი მამას, რომელმაც მიგატოვა. მე მესმის მამაშენის. შენც გაუგებდი, რომ გესმინა. განა ის უფრო ცუდად არაა, ვინც ვერ იტევს, არ შეუძლია, ვიდრე ის, ვინც ითხოვს და იცის, რა უნდა, რა სჭირდება... ხვალ ჩემი ქალიშვილის დღეობაა. ბევრი დრო გავიდა, 13 წელი. აქაურობამ და მარტოობამ ბევრი რამ მასწავლა. გამაძლიერა. უკვე ვიცი, რომ მზად ვარ. ვიცი ვინ ვარ. ვიცი, რომ არაა აუცილებელი ვინმე იყო. აზრს ეძებდე. თავს ეძებდე. მე ვარ დედა, რომელმაც ისინი მიატოვა და დედა, რომელიც მათ დაიბრუნებს. აუცილებლად დაიბრუნებს. და თუ მკითხავენ, სად ვიყავი ამდენი ხანი, რატომ არ ვიყავი მათ გვერდით,

როცა ვჭირდებოდი, ვუპასუხებ, რომ დამნაშავე ვარ, მაგრამ სხვა-ნაირად არ შემეძლო.

მარიამი საუბარს მორჩა. გაზქურიდან ნამცხვარი გამოდგა, აივანზე გადასასვლელი იყო. მერე კრემი ფორმაში ჩაასხა და ნამცხვარი მორთო. კაო ისევ უძრავად იჯდა. გრძობდა ტკივილს სახსრებში და აჩქარებულ გულსცემას. მარიამზე არ იცოდა, რა უნდა ეფიქრა, მის წინ იდგა ქალი, რომელიც უფიქროსად ეზო-ცხოველებს. ყოველდღე ასადილებდა და როგორც შეეძლო ზრუნავდა მასზე. ის არ იყო მარიამის შვილი ან ქმარი, არ განსჯიდა. იცოდა, რომ მარიამის წასვლის შემდეგ რაღაც შეიცვლებოდა და ყველა მამლის დაგვიანებული ყვირილი ფიქრებში წაიყვანდა. მარიამის წასვლა არ უნდოდა, მარიამი კი აუცილებლად წავიდოდა.

- სახლს, ცხოველებს რას უპირებ? - ჰკითხა კაომ. მარიამს გაეცინა. იცოდა, სინამდვილეში რასაც გულსხმობდა კაო. იმას, რასაც კაო ფიქრობდა, ვერ იქნებოდა მისი იქ დარჩენის მიზეზი.

- ამ საღამოს დაკვალე მამალი...

მარიამმა დაკლა მამალი. კაოს კი ვერ წარმოედგინა მარიამი ცუდით ხელში მამალს რომ თავს წააცლიდა. არ იცოდა, რას იფიქრებდა იმ დროს, როცა უთავო მამალი აფრთხილდებოდა. ალბათ მერე გემრიელი ბულიონიც გააკეთა ბაღჩის მწვანელებით...

- შენთან დილით ვაპირებდი გადმოსვლას. სადილის დატოვებას... თუ უკეთ ხარ, მომეხმარე. სახლი დავეკეთოთ - სახლში შუქები ჩააქრო. ონკანები შემოანმა. სამზარეულო დაგავა. ლამაზი ფეხსაცმელი ჩაიცვა და გარეთ გამოვიდა. კაოსთან ცოტა ხანს შეყოვნდა.

- რთულია, მაგრამ ტკბილი ამავდროულად. ბოლოს მწარეც კი ტკბილია. ასე ყოფილა - უთხრა და წავიდა.

უკვე დილა იყო, კაომ წიგნის მონიშნული ადგილიდან კითხვა განაგრძო... ბიჭი იყო ერთი ლამაზი ქალის შვილი, რომელსაც ცეკვა უყვარდა. ქალს თურმე სულ სხვა ჰყვარებია და მუცლის სიდიდეს ბევრი ლაპარაკი რომ არ გამოეწვია, ცოლად გაჰყოლია მის მეგობარს. მეგობარს ქალი ყოველთვის უყვარდა და მზად იყო იმისთვისაც, რომ ბავშვი მისად გაესაღებინა. გვარიც მიუცია და ერთადაც უცხოვრიათ... მაგრამ სულ სხვანაირად მომხდარა ყველაფერი. ქალთან ქორწინებამ და თამაშმა აზრი დაკარგა. ქალს ისევ ის უყვარდა და კაცი რაც უფრო ცუდად ექცეოდა, მისკენ უფრო მეტად მიუწევდა გულში. ერთ დღესაც სახლიდან წამოსულა რობი. სხვაზე შეყვარებულ ქალთან ზედმეტად ეგრძნო თავი და კიდევ იმიტომაც, რომ ის სხვისი შვილი სულ იმ კაცს აგონებდა, მის ცოლს რომ უყვარდა. ის კაცი, ვინც მის ცოლს უყვარდა, არც შვილს ცნობდა და არც ქალს, მაგრამ ამასაც არ ჰქონდა მნიშვნელობა... არ ენერა, ვინ იყო ბავშვის ნამდვილი მამა, არც ის ენერა, რას ელოდა დედა. ეგებ ეს იყო ის სიმართლე, კაო რომ ეძებდა, ან ეგებ, ეს იყო ის გამართლება, რობის რომ სურდა, სჭირდებოდა. ამას უკვე არ ჰქონდა აზრი, იმიტომ რომ კაოც არსებობდა და რობის წიგნებიც. არჩევანი დიდი იყო...

მარიამის წასვლამ ბავშვობის არდადეგები გაახსენა, სულ ბოლოს რომ მიჰყავდა დედას ქალაქში, მას კი ცარიელ სოფელში ყოფნა უჭირდა. მარიამთან პირიქით იყო, ყველაზე ადრე მიჰყავდათ, ჯერ კიდევ რომ ბევრი ბავშვი თამაშობდა, ერთობობდა მის გარეშე. მარიამმა არ იცოდა, რომ ასე სჯობდა, გზაში დარდი და სინანული, კაოსავით გვიან წაყვანას, როცა იცი მარტო დარჩენის ფასი. მარიამმა ერთად ყოფნის სიამოვნება იცოდა, ამი-

ტომაც მიდიოდა პირველი თვითონ, სანამ სხვა წავიდოდა.

იმ ერთადერთ წელს, როცა ერთად ისვენებდნენ, კაომ ტყემლის ხეს კიბე მიადგა და მარიამთან ავიდა. მარიამს ერთი კალათა უკვე აევსო და ახლა მეორეს გასვლას ლამობდა. ხიდან კიბით არ ჩამოსულა, ტოტმა ვერ გაუძლო, ჩამოტყდა და ფეხი ხის ქერქზე გაეკანრა. ბებიას რომ არ გაეგო, კაომ სახლიდან სპირტი გადმოიტანა და ფეხზე წაუსვა.

- ეხლა გეტკინება - გააფრთხილა მარიამი, სანამ სპირტიან ბამბას ფეხზე დაადებდა. მარიამმა თვალები დახუჭა. ხმა არ ამოუღია, მოითმინა. თვალი ისევ დახუჭული ჰქონდა, კაომ რომ აკოცა.

- ქორწილამდე მომირჩება - უთხრა მარიამმა. როცა მშობლებმა მოულოდნელად, დროზე ადრე წაიყვანეს, მთელი გზა კაოზე ფიქრობდა. ვერ დაემშვიდობა. სათევზაოდ იყო წასული ბიჭებთან ერთად. იმ დღეს ოქროსფერწინკლებიანი კალმახი დაიჭირა და მარიამს კი ვერ აჩვენა. დაცარიელებულ სოფელში ყოფნა იმიტომ უჭირდა, რომ მარიამზე ფიქრობდა. მაშინ პატარები იყვნენ, მაგრამ ბავშვობაც ხომ იმიტომაც, რომ ის, რაც ამ დროს ხდება, მხოლოდ ამ დროში რჩება. არ დარდობდა, რომ ახლო წარსულზე მეტად და მკაფიოდ ის დღეები ახსოვდა, როცა ვერ ხვდებოდა, რომ ყველაზე კარგი დრო იყო და უკეთესი მომავლის მოლოდინში სწრაფად გაზრდას ნატრობდა. თითქოს იმ მოგონების გარდა არც არაფერი იყო. სხვა ყველაფერი ქრებოდა და იკარგებოდა.

ტელეფონს დიდხანს ეძებდა, ბოლოს კი იქ იპოვა, სადაც თავიდანვე უნდა ეძებნა, ლოგინის გვერდით, ტუმბოზე. სოფელში ჩამოსვლიდან ექვსი თვე იყო გასულიყო, მარიამის წასვლიდან კი სამი. „ალბათ ყველაფერი კარგად აქვსო“ - ფიქრობდა კაო მარიამზე და ბედნიერი იყო. სხვაზე ფიქრით მოსული ბედნიერება, მაშინ როცა ეს შენ სულაც არ გეხება, იმის ნიშანია, რომ ცხოვრებას უბრუნდები. სოფელში კარგად იყო, მაგრამ კიდევ იყო რაღაც სხვა. სხვა, რაც ისევ ელოდა და თუ ელოდა, ე. ი. ღირდა კიდევ ელოდინი...

- რომელი ხარ? - უპასუხა ქალის მძინარე ხმამ ტელეფონში, რომელიც ჯერ ვერ გამოორკვეულიყო.

- თეჯი. ვცადოთ. მე ვეცდები. შენთვისაც და ჩემთვისაც. ვნახოთ, რა გამოვა - თეჯის არ უკითხავს, სად იყო ამდენი ხანი და რატომ არ ჩანდა. არ პასუხობდა. იცოდა, რომ სხვანაირად არ შეეძლო და ამიტომ აზრი არ ჰქონდა არაფრის კითხვას. მთავარი იყო, რომ ბრუნდებოდა.

- თანახმა ვარ - უთხრა თეჯიმ და გაეღიმა.

# პიიი

## თორნიკე გოგონაშვილი

კარდიოლოგი გეგეშიძე ყოველ საღამოს სტუმრობდა ვერის დუქანს. ყოველი სამუშაო დღის შემდეგ იქ ისვენებდა თანამშრომლებთან ერთად. ქალაქში სახელგანთქმული პროფესორი იყო და ყველგან პატივს სცემდნენ, ყველას უხაროდა მისი დანახვა. განსაკუთრებით, დუქნის მზარეულს, არტემ კარაპეტინს. არტემი ძველი ვაჭარი იყო, ერთი თალღითი და ძუნწი სომეხი, რომელსაც უამრავი ადამიანი ჰყავდა გაბრიყვებული და მოტყუებული. თავი რომ ვერსად შეაფარა და ეკლესიამაც არ მიიღო, დუქანში დაიწყო მზარეულად მუშაობა. ხელი კი კარგი ჰქონდა, კარგად უმასპინძლებოდა კლიენტებს. უკმაყოფილო არავინ ნასულა. არასოდეს მიუღია დუქნის მეპატრონეს შენიშვნა არტემის გამო. ერთი ხანობა აქაც დაიწყო თალღითობა გადამდგარმა ვაჭარმა და გაგდებაც დაუპირა მეპატრონემ, მაგრამ ხალხი ვერაფრით შეეგუა ახალ მზარეულს, ვერაფრით მოიწონეს ახალი კერძები და დარჩა კიდეც არტემი.

იმ დღეს ადრე შემოვიდა გეგეშიძე დუქანში. რამდენიმე მეგობარიც მოიყოლა და ფანჯარასთან მდგარ მაგიდასთან დაჯდა. არტემი ჩვეულებისამებრ ღიმილით შეეგება ნაცნობ სტუმარს. მოუყვა, რა ანუხებდა და დაპირებებიც მიიღო. ერთ დღეს ფეხებიდან თმის ღერამდე გამოიკვლევდა არტემს და გვარიანადაც უმკურნალებდა. მზარეულსაც უხაროდა და მხიარული სახით განაგრძობდა თავის საქმეს. მიმტანს არც აცლიდა მის მაგიდასთან მისვლას. თვითონ მირობდა და საგანგებო ლანგრით მიჰქონდა საჭმელ-სასმელი.

მეგობრებმა რამდენიმე ბოთლი ღვინო გაათავეს და სიმღერა წამოიწყეს. მერე გეგეშიძემ გიტარა მოითხოვა და უარი რომ მიიღო, ცოტათი დაღონდა. სანამ ესენი არ დაიშლებიან, გიტარას ვერ გამოვიტანთ, სხვებიც მოითხოვენ მერეო – ჩასწურჩულა არტემმა პროფესორის ერთ-ერთ მეგობარს და ისევე განაგრძო თავისი საქმე.

შებინდებისას ხალხი უფრო შეემატა დუქანს. გეგეშიძის ყურადღება ერთმა გოგონამ მიიპყრო, რომელსაც მოკლე, შინდისფერი კაბა და შავი მაისური ეცვა. ეტყობოდა, რომ პირველად იყო ასეთ ადგილას, ძალიან ლელავდა, წამდაუნუნებ კაბის ბოლოზე იკიდებდა ხელს და, რაც ძალა ჰქონდა, ექაჩებოდა ქვევით. ის გამტერ-

ებული უყურებდა არტემის ვერცხლისფერ ნაჯახს, რომელიც ხორცის პატარ-პატარა ნაკუნებს აქეთ-იქით ისროდა. გოგონა ცდილობდა, არავის შეემჩნია, არავის ყურადღება არ მიექცია, მაგრამ არ გამოუვიდა. გეგეშიძე თვალს არ აცილებდა მას. არტემმა შენიშნა ეს ყველაფერი და ცოტა შეფიქრიანდა კიდეც, უფრო ღონივრად განაგრძო ხორცის დაჭრა, ეტყობოდა, გული მოსდიოდა სანუკვარ მეგობარზე.

გეგეშიძე სკამიდან წამოდგა და არტემთან ახლოს მივიდა. „ვინ არის ეს გოგონა?“ იკითხა და სიგარეტი ამოიღო ჯიბიდან. „არ ვიცი, არასოდეს მინახავს“ – არტემი თავაულებლად პასუხობდა. თვალეში აღარ უყურებდა პროფესორს. გეგეშიძე გოგონას მიუახლოვდა, მან იუცხბოვა უცხო მამაკაცის უცნაური შესტი და უკან დაიხია. მთვრალი მეგობრები მშვიდად უყურებდნენ გეგეშიძის საქციელს, როცა მან გოგონას ნელზე მოხვია ხელი. არტემიც უყურებდა ხალხის გაკვირვებულ მზერას, მას ვერ გაეგო, რა შეიძლებოდა დამართნოდა ყველასათვის საყვარელ, მშვიდ ექიმს, რომელსაც უამრავი ადამიანი ჰყავდა დახსნილი სიკვდილის საცეცებისგან.

გოგონამ იკვილა და ჭიქას წაატანა ხელი. უნდოდა დაერთყა, მაგრამ ვერ შეძლო. გეგეშიძე არ ანებებდა თავს. ძალა რომ იგრძნო, ფეხებზე დაუნყო მოფერება, უჯიშო ძალღივით ლოკავდა მის სახეს, ხალხი კი გაქვავებული იჯდა და უყურებდა საოცარ სანახაობას. არავის დასცდენია სიტყვა. მთვრალი კაცებიც კი არ წამომდგარან, მათაც კი არ ეყოთ გამბედაობა, წამით მაინც გაემართლებინათ იმ სადღეგრძელოების თუნდაც ნახევარი, რომლებიც დალიეს.

ექიმის მეგობრები იცინოდნენ, გოგონა კი ტიროდა. ტიროდა და, როგორც შეიძლო, ითავისუფლებდა თავს თეთრხალათიანი მამაკაცისგან. არტემის მზერას არ სჭირდებოდა დიდი გარკვევა და განსჯა, ყველაფერი ნათელი იყო. დღესავით ნათელი. ის გეგეშიძეს მიუახლოვდა და გამეტებით მოუქნია ნაჯახი.

გოგონა დუქნიდან გაიქცა, ხალხი კი ისევ უემოციოდ უყურებდა, როგორ მიგორავდა წითელ იატაკზე პროფესორი გეგეშიძის თავი.

# ლუტენცია

უნდა ვაღიარო, რომ ყველაფერთან შეგუება ძალიან მიჭირს. მათ შორის, საკუთარ თავთანაც. ვფიქრობ, რატომ ხდება ეს და პასუხი ვერ მიპოვია. არ ვიცი, რა უნდა მოხდეს იმისათვის, რომ ჩემ გარშემო არსებული სამყარო ლამაზი გახდეს. არავინ და არაფერი მომწონს თითქმის... ჰო, «თითქმის» იმიტომ ვთქვი, რომ არის ერთი რაღაც, უფრო სწორად ვიღაც, ვინც ყველაფერს ისე გრძნობს და ხედავს, როგორც მე. მასაც, ისევე როგორც მე, სძულს მხიარული ადამიანები. ისინი ძალიან დიდ ბოროტებას მაღავენ გულში. მათ შეუძლიათ დაუფიქრებლად გამოგჭრან ყელი, მიზერული მიზეზის გამოც კი. მხიარული ადამიანი ყოველთვის ბედნიერებაზე ფიქრობს, ბედნიერება კი დაწაშულია. რელიგია ცდება, როდესაც ცოდვას სხვა საგნებსა და მოვლენებში ეძებს. ყველაზე დიდი ცოდვა ამ მინიერ სამყაროში,

სწორედ ბედნიერების განცდაა. იქიდან იზადება ეგოიზმი, შური, მრუმობა, კაცთმოძულეობა და სხვა უამრავი მხეცი, რომელიც სისხლს სწოვს ადამიანს. ტალახისგან შექმნილი უტყინო არსებები ვერც კი აცნობიერებენ, რომ მათ გარშემო არსებული ყველა უბედურება, რაც კი ოდესმე დასტყდომიანთ თავს, სწორედ ბედნიერების მოსაპოვებლად დაწყებულმა ბრძოლამ გამოიწვია. მათი პატარა ტყინები ნაკელით არის სავსე და ვერ წვდებიან ჭეშმარიტების ხეს, რომელსაც მოურწყველობისგან ფესვები თითქმის სულ გაუხმა. ჭეშმარიტებას ზოგი რელიჯიაში ეძებს, ზოგი ფელოსოფიაში, ზოგიც მედიცინაში და კიდევ, ვინ იცის, სად აღარ. არ არის იგი არსად, სადაც თქვენი ჭუჭყიანი ტყინებით გგონიათ, რომ არის. ის მხოლოდ სიზმრებში ჩნდება და სიფხიზლის ჟამს ისევ ბნელ საკანში ბრუნდება. ის სიზმრებშია მხოლოდ. მხოლოდ ირეალურ სივრცეში და არსად სხვაგან.

შემოდგომის ერთ დღეს ჩემმა მეგობარმა კახეთში დამპატიჟა შაბათ-კვირის გასატარებლად. მე არ მიყვარს ტრანსპორტი, მაგრამ მაინც წაყვევი. მეგობრისადმი სიყვარული უფრო ძლიერი აღმოჩნდა, ვიდრე ის სიძულვილი, რომელსაც მგზავრობისადმი ვგრძნობ. ის ძალიან დამღლევი და შემანუხებელია. ფეხით სეირნობას არაფერი სჯობს.

ჩავედი თუ არა, დედამისმა სუფრა გაგვინყო, წესისამებრ. ოჯახის უფროსმა ახალი ღვინო გამოიტანა და მეზობლები შეკრიბა, ჩემი თავი გააცნო, ჩემი შვილის მეგობარიც – ასე უთხრა. მათაც თავიდან თბილად მიმიღეს, ყველაფერს მე მიწყობდნენ თეფშზე, რაც კი ხელთ მოხვდებოდათ, ლამის საპურე და სატყეველიც გადმომიდეს, ხელსახოცში გახვეული. მე ძალიან მახარებდა კახელების ასეთი საქციელი და გული სიამაყით მევესებოდა. ვფიქრობდი, რომ მათ ყველაზე მეტად ვუყვარდი იმ წუთას. მეგონა, მე ვიყავი იმ ოჯახის და ზოგადად იმ კუთხის ყველაზე ღირსეული წევრი. ჰო, მიხაროდა მათი ასეთი საქციელი, მიხაროდა, მაგრამ პირს ვერაფერს ვაკარებდი. არ მინდოდა ჭამა, დაღევაზე ხომ ლაპარაკიც ზედმეტი იყო. მსურდა, ისე ვმჯდარიყავი სავსე მაგიდასთან, ცარიელი თეფშით და მეყურებინა, როგორ შეექცეოდნენ ჩემი ახალი მეგობრები ჩემს წილ საკვებს. ისეთი განცდა მეუფლებოდა, თითქოს მე ვუმასპინძლებოდი მათ, თითქოს ჩემს წილს ვუთმობდი და ამით ვპასუხობდი იმ სიყვარულზე, რომელსაც ისინი იმეტებდნენ ჩემთვის.

ცივმა სასმელმა მათ გულეებში ხანძარი უცებ ჩააქრო. ისინი ისე გამოჩნდნენ, როგორც ფერადი კენჭები დამშრალ მდინარეში. ტალახ-

ისტვინიანები, ღორებს დაემსგავსნენ. ძალიან მალე დაკარგეს ყველაფერი ის, რაც მანამდე შექმნეს.

ერთ-ერთი მათგანი დაინტერესდა, თუ რატომ არ ვეკარებოდი არაფერს, განსაკუთრებით კი ღვინოს. მე ვუპასუხე, რომ უბრალოდ არ მინდოდა. მან ისევ გამიმეორა კითხვა, მე ისევ იგივე ვუპასუხე. მერე მან ჩემს მეგობარს გახედა და ირონიულად ჩაიცინა. ახლაც მახსოვს მისი უღვაშიანი სახე, ის რალაციტ ჰგავდა ბელადს და უფრო კი ნიცშეს. მანაც დაკარგა ღმერთი! არ ვიცი, რა წყეული ეცა, ლაპარაკი ვერ შეანწყვტინა ვერავინ. ის მე მიყვიროდა, შენიშვნებს მაძლევდა, ჭკუას მასწავლიდა. მერე ლანძღვაზე გადავიდა. ყველაფერი მიწოდა, რაც თავში მოუვიდა აზრად.

მე ხმა არ ამომიღია, მაგიდიდან ჩუმად ავდექი და მარანში შევედი. იქ ცოტა ხანს მდუმარედ ვიდექი, ცრემლის რგოლი ყელში მეჩხირებოდა და სუნთქვის საშუალებას არ მაძლევდა. ცოტა რომ დავმშვიდდი, თითზე დანა დავისვი და ღვინის ბოცასთან მივედი. ის ნახევრად დაცლილი იყო, ცარიელი ჭურჭლის გვერდით იდგა, თაროებთან. მე იმ ბოცაში სისხლის რამოდენიმე წვეთი ჩავუშვი და სავსე კასრებთან დავდგი. გამოტრიალებას ვაპირებდი, რომ იატაკზე წითელი სითხე შევნიშნე. მაშინვე ტილოს დავუწყე ძებნა. თავში ათასი აზრი მიტრიალებდა, ხან ვფიქრობდი რომ სიმლეგის მძაფრი შემოტევა იყო ეს ყველაფერი, ხან კი მეგონა, სწორედ იმას ვაკეთებდი, რაც ჩემმა მეგობარმა დაიმსახურა. მან არ დაიცვა ჩემი სული. დიახ, მან მხოლოდ ხორცის გასაძლომად დამპატიჟა თავის ბუნაგში. ის ისე იჯდა იქ, თითქოს კი არ მლანძღავდნენ, სახარებას მაზუთხინებდნენ. მან ერთი სიტყვაც კი არ თქვა ჩემს დასაცავად, ერთხელაც არ შეიკრა წარბი, როცა მე მაგივნებდნენ. ალბათ იკითხავ, რატომ არაფერი ვუთხარი იმ უღვაშიან სატანას. თქმაზე მწარე ჩემი სისხლით შეზავებული ღვინის სმა არ იქნებოდა?!

მათ სამი დოქი დაცალეს, ჩემი ადგომის შემდეგ. სამივეჯერ მე ჩამოვასხი. სამივეჯერ შემოცურდა საზიზლარი ფიქრი ცნობიერების მდინარეში. მე თავის მოკვლა მსურდა. მინდოდა, დანით გამომეჭრა ყელი. ქუჩაშიც კი გავედი, ისეთი ადგილის საპოვნელად, სადაც ვერავინ დამინახავდა, მაგრამ ვერაფერი ვნახე. ვგრძნობდი, ბედისწერას ვუყვარდი. ჰო... მე მას ვუყვარდი, მიუხედავად ჩემი გარენრობის. მიუხედავად ჩემი ავადმყოფური ხასიათის. მან ერთადერთმა მიმიღო და შემეფარა. მაგრძნობინა, რომ ადამიანები საკუთარი ფიქრით კი არა, ქმედებით ფასდებიან. ფასდებიან ისევ ადამიანების მიერ და მათ დაფასებულს ირჩევს თავად ბედისწერაც. ის ხომ ღმერთი არ არის, გაიგოს, რა იმალება შენი საქციელის მიღმა. ის იმას ხედავს, რასაც შენ. ისიც იმას გრძნობს, რასაც შენ გრძნობ ყოველდღიურად. მე ერთ რამეს ვხვდები, ადამიანებს ლუპავთ ღმერთობის სურვილი. დიახ, ისინი იხრჩობიან საკუთარ ფურთხში, როცა არაქათგამოცლილი, წყვეტენ სხვისთვის ტაძრების აგებას. ალბათ ხშირად ვაგიგონიათ ტალახისთავიანებისგან ასეთი რამ: ღმერთო, ოღონდ ჩემს შვილს არა და მე... ყოველგვარი განსაცდელი! ისინი ვერ აცნობიერებენ, რას შესთხოვენ უფალს. მათ სურთ უზენაესმა თითოეულ მათგანში ჩადოს იესოს ძალა. თითოეულს ღმერთკაცობა სწყურია. ისინი მუხლმოდრეკილნი ლოცულობენ ტაძარში ამისათვის. წირვებს ესწრებიან, სან-

თელს ანთებენ, მარხულობენ და მოელიან სა-  
ნუკვარი ნატვრის ასრულებას. ჰო... მერე გადის  
დრო და უკვირთ, ღმერთი რომ წყრება და მათ  
ნაცვლად ისევ მათ შვილებს სჯის. ტალახისთა-  
ვიანები ფიქრობენ, რომ სხვისი ცოდვისა თუ  
განსაცდელის გადაბარება დაამშვიდებთ მათ.  
მათ სჯერათ, რომ ღირსეული მშობლები იქნე-  
ბიან, თუ შვილებისათვის თავს გასწირავენ. ვერ  
ხვდებიან, რომ ბედნიერებისათვის დაწყებული  
ბრძოლის მსხვერპლნი ხდებიან თავად.

სალამოს, როცა ყველა წავიდა, მე და ჩემი  
მეგობარი ოთახში მარტონი დავრჩით. მე სიტყ-  
ვაც არ დამცდენია იმ ყველაფერზე, რაც სუ-  
ფრასთან მოხდა. ის ისე იჭერდა თავს, თითქოს  
დიდი მიზეზი უნდა მქონოდა კარგ ხასიათზე  
ყოფნის. მან მკითხა კიდევ, რატომ ვიყავი გუნე-  
ზანამხდარი. მე ვუპასუხე, რომ დავიღალე, მან  
გაიცინა. გაიცინა და კედლის საათში გაკვეთ-  
ებულ ისრებს შეხედა. „დიდი დრო გავიდა“  
თქვა და მერე იატაკს დაუნყო ყურება. გრძელი  
ხელები მუხლებზე შემოედო, წელში მოხრილი-  
ყო, წითურ თმას ნერვიულად უსვამდა თხელ  
თითებს, ტიფიანივით ცახცახებდა, სკამზე ვერ  
ისვენებდა. მე ვფიქრობდი, რომ განიცდიდა რა-  
ღაცას... მას წართმეული ჰქონდა ფიქრის უნა-  
რი, ძაფები დაბმულ თოჯინას ჰგავდა, ნაჭრის  
საგანს. მე ყველაფერს ვხვდებოდი, მას ტირილი  
უნდოდა.

- იტირე! - ვუთხარი და ფანჯრისკენ  
შევტრიალდი.

- რა?! - გაიოცა მან.

- ჰო იტირე. გელოდები, მიდი, იტირე. -  
მან ჩემს სახეს შეხედა.

- გიჟი ხარ?! - ცოტა ხნით გაჩუმდა და  
მერე ისევ განაგრძო. - მე დავინახე, რაც  
გააკეთე! კართან ვიდექი!

- იტირე, მიდი! - ვუმოკრებდი ჯიუტად.

- ავადმყოფი ხარ შენ! მეზიზღები! - მას არ  
ვჭულდი, უბრალოდ საკუთარი თავის ემინოდა.  
ემინოდა, რომ ოდესმე ისიც ჩემნაირი გახდე-  
ბოდა.

- იტირე რა, გთხოვ! ჰა, მიდი იტირე,  
გელოდები. იტირე, თორემ დაიხრჩვები. მასე  
ბევრს დამართნია. - ვგრძნობდი, რომ მისი  
ემოციების მართვა შემეძლო და ეს ძალიან მომ-  
წონდა.

- გინდა, რომ მოგკლა?! რაც გააკეთე,  
მაგის გამო, იცი, რომ მოსაკლავი ხარ?! - ის  
ადგა და საყელოში ჩამავლო ხელი. უნდოდა  
დაერტყა, მაგრამ ვერ გაბედა. მე ადგილიდან არ  
გავძინეულვარ, ბგერა არ დამცდენია, უსულო  
საგანივით ვიყავი ერთ ადგილას გაშეშებული.  
ის კი თვალებში მიყურებდა და ცდილობდა

ვეგრძნობინებინა, რა მოსდიოდა იმ სიყვარულს, რომელსაც ჩემ  
მიმართ გრძნობდა. იგი ქვიშის სახლივით იშლებოდა თითქოს.

- დალიე შენც?! - ძლივს გავბედე სიტყვის დაძვრა.

- ნაბიჭვარი ხარ!

- დალიე?!

- არა, რა თქმა უნდა! - ვიბიდან ღილაკიანი დანა ამოვ-  
ილე და მაგიდაზე დავდე. მე ვიცოდი, რაც ხდებოდა მის თავს.  
ისიც ვიცოდი, რომ მისი თითოეული სიტყვა ისეთივე ყალბი  
იყო, როგორც მისი სიძულვილი ჩემდამი. არ მინდოდა, რაიმე  
ბრალი მქონოდა მის ტანჯვასთან, ამიტომ ოთახი დავტოვე. მას  
დავუტოვე ჩემი უსაყვარლესი ნივთი, რომელიც დედამ მაჩუქა  
იუბილეზე და კიდევ რაღაც. ის რაღაც იყო ენერჯია, ძალა, რომ-  
ლითაც იმართება ყველა საგანი თუ მოვლენა, რომლის მართვაც  
თავად გასურს. მას არ სჭირდება ღმერთი იმისათვის, რომ ილო-  
ცოს. მას ისედაც ჰყავს მფარველი საკუთარი სინდისის სახით.  
ის არ არის მკრეხელი ჩემგან განსხვავებით, ის არ ფიქრობს  
სიკვდილზე და არ უყვარს ყოველ დილით სასახლეებით საესე  
შენობასთან ჩავლა. ის არ მგავს მე, მაგრამ მაინც მეგობრობს  
ჩემთან. ნეტავი რატომ? მე ვუყვარვარ მას. დიას! ამიტომაც  
დალია ის სასამელი. ლუტეცია ჩემი სისხლით იღებავს ყოველ  
დღესასწაულზე თმას. ის მხოლოდ ჩემი ნეკნის ნაწილი არ არის,  
ის ძალაა, რომელსაც სურს, მმართოს. გამოუვა ნეტავ? ალბათ  
გამოუვა, რადგან მე თავად მივეცი ამის ნება.

მე და ლუტეციამ რამოდენიმე თვეში დავინერეთ ჯვარი. ეს  
დღე ყველაზე ულამაზო და უცნაური იყო ჩემს ცხოვრებაში. ის  
შავი კაბით მოვიდა ტაძართან. მაშინ ნაცნობი შეგრძნება წამოვ-  
იდა სხეულში, ვგრძნობდი, რომ სახე მეცვლებოდა და ხორბლის-  
ფერი კანი დნობას იწყებდა მთვარის შუქზე. მე საკუთარი თავის  
ცნობა მიჭირდა, ვფიქრობდი, რომ ყველა დანაკარგს შეავსებდა  
ეს ქალი. და მაინც, რატომ იყო ასეთი სევდიანი? ვეკითხებოდი  
თავს. ის იცინოდა და თვალს არ მაცილებდა.

ეზოში რამოდენიმე ადამიანი იყო მხოლოდ, მღვდელი,  
მეჯვარეები, ლუტეცია და ის. ის ულვაშიანი მამაკაცი, რომელიც  
კახეთში ვნახე თვეების წინ. არ ვიცი, რატომ მივამსგავსე იგი  
ცაცხვის იმ ხეს, რომელთანაც იდგა. მკვდარი ფოთლები მის მტ-  
ვრიან ფესვსაცმელს ფარავდნენ, ზუსტად ისე, როგორც ტალღა  
ფარავს ზღვაში შესული ქალის ნაპირთან დატოვებულ კაბას.  
მე ვხედავდი, რომ მას კლარნეტი ეჭირა ხელში. ტაძარში შევე-  
დით თუ არა, მდუმარე ინსტრუმენტს სული ჩაბერა და მუსიკამ  
ფოთოლივით დაიწყო ხის ტოტებიდან ვარდნა. ეს იყო მელო-  
დია, რომელმაც ხალიჩასავით აკეცა გზა და დატოვა მხოლოდ  
ცარიელი სივრცე, სიჩუმისგან გაბრუნებული. ამ სივრცეში ერთი  
შენობა იდგა მარტო, ტაძარი, რომელსაც დიდი ეზო ჰქონდა.  
ჩვენ მალე ქვებად ვიქცეოდით და კედლის ჩამოშლილ ნაწილს  
შევავესდით. ეს ხმა შეცვლიდა ყველაფერს. ეს ხმა გაათე-  
ორებდა ლუტეციას ლამისფერ კაბას და სიცოცხლის ფერებით  
შემოსავდა მას. მსურდა მუხლებზე დავმდგარიყავი და ლოც-  
ვა დამეწყო. არ ვიცი, მომისმენდა თუ არა ღმერთი, არ ვიცი,  
იქნებოდა თუ არა იქ, სადაც მეგონა, რომ იყო, არ ვიცი, რა  
მოხდებოდა შემდეგ, უბრალოდ მინდოდა, მელოცა.

# 4 ხრიბია & ფოლქლორი

## „საქართველოში დალევს სომ ნაღდი ჯაზია“, ჰოდა, ეს რომანისც ნაღდი ჯაზია

ლელა კოდალაშვილი

ასეც ხდება ხოლმე, რომ როცა ერთი, ფერთა განსაკუთრებული გამისა და კომპოზიციის ტექსტი იქმნება, ავტორი რაღაც ხნის განმავლობაში ვერ ელევა მიგნებულ მიმართულებას და ცდილობს, მაქსიმალურად ამონჲროს თავი ამ კუთხით. მე მგონია, რომ სწორედ ასე მოხდა ზურაბ ქარუმიძის ახალი რომანის, „ჯაზის ყვავილობის“ შემთხვევაში, რომელიც თავისუფლად შეიძლება გამოვაცხადოთ წინა რომანის, „მელია-ტულეფიას“ ერთგვარ მემკვიდრე ტექსტად. ეს სტატუსი მას სიუჲეტის ქრონოლოგიის გამოც ეკუთვნის და მხატვრულ-ჲანრობრივადაც, თუმცა, საქმე, ცხადია, სულ სხვა „ინტრიგების“ და სიახლეების მატარებელ მასალასთან გვაქვს, ვიდრე ეს „ტულეფიას“ შემთხვევაში იყო.

ალბათ ყველას გახსოვთ „მელიას“ ირგვლივ ატეხილი სკანდალი, რაც, რა საოცარიც არ უნდა იყოს, სულაც არ უკავშირდებოდა თვითონ რომანს. უფრო სწორად, რომანის სიუჲეტი ბრბოს განხილვის საგანი მას მერე გახდა, რაც მისი ავტორის დიპლომატიურ თანამდებობაზე დანიშნა დააპირეს. რა კურიოზულიც არ უნდა იყოს, ფაქტი ისაა, რომ ტექსტის მიმართ წაყენებულმა უბირმა ბრალდებებმა თუ სხვა გარემოებებმა, ავტორის თანამდებობაზე დანიშნა შეუძლებელი გახადა, თუმცა, ეს ანტიპირი, დიდი ნერვების და ემოციების დახარჯვის ფასად, რომანს მაინც წაადგა. რადგან მანამდე თუ ქარუმიძე ე.წ. ინტელექტუალთა ვინრო წრის საკითხავი მწერალი იყო, ამ სკანდალის მერე მის წიგნზე, მართალია, წაუკითხავზე, სანტექნიკოსებიდან დაწყებული, ფუნთუშების გამყიდველებით დამთავრებული, ყველა ალაპარაკდა. რას ვიზამთ, სანუთროს ამ უკულმართობას მიჩვეული ვართ – მწერლის პოპულარობა შეიძლება მისმა ნაწერმა კი არა, ნებისმიერმა სხვა რამემ განაპირობოს, რაც, საბოლოოდ, ადრე თუ გვიან, მაინც ტექსტებამდე მიიყვანს ხალხს. თან, თუ შიგადაშიგ ავტორის მიმართ პიკანტური ეპითეტები – „უხამსი“, „პორნოგრაფისტი“,

„ონანისტი“ ფიგურირებს, ჩვენი საზოგადოების ღრმად მიძინებული (ა)მორალისტური ბუნებაც აქ ილვიძებს და საკუთარი ვერგანხორციელებული ეროტიკული მითების ბურუსში გახვეული, სომნაბულური ბოდვებით „ამკობს“ მწერალს.

მოკლედ, „მელია-ტულეფიას“ წყალმაც ასეთი ქაოსის ფონზე ჩაიარა და ამასობაში, როგორც მოგახსენეთ, დაიბადა ახალი რომანი – „ჯაზის ყვავილობა“, რომელიც, ეს-ესაა, გამომცემლობა „აზრმა“ დასტამბა. სახელწოდების ცხად ეტიმოლოგიურ რემინისცენციებზე აღარ

ზურაბ ქარუმიძე

ჯაზის  
ყვავილობა




შეგჩერდები და ქარუმიძის რომანების ზემოთ ნახსენებ მსგავსება-ნათესაობაზე ვიტყვი ორ სიტყვას...

თავის დროზე ვწერდი, რომ „ტულეფიამ“ ქართულ სალიტერატურო სივრცეში მანამდე გამოუყენებელი დეკორაციების, ლიტერატურული მოტივების, სოციოლოგიური წიაღსვლების, მისტიკის, ისტორიის, კომპოზიციური ხერხების, ცოტა არ იყოს, ეკლექტური ნიმუში გადაგვიშალა-მეთქი. იქ პერსონაჟია ოთხი სხვადასხვა ეროვნების ადამიანი, რომელიც ექცევა ევროპაში უკვე დაბერებული, საქართველოში კი ახლადფეხადგმული ბოპემურ-მოდერნისტული დინების ნაკადში. იქმნება შთაბეჭდილება, თითქოს ისევე, როგორც ეს ოთხი პერსონაჟი, ასევე მასთან ერთად ქვეყნის ხელისუფლება და ხელოვანთა ბომონდი - ერთი სამყაროა. თითქოს ყველა ერთად - მხატვარი, პოეტი, მუშა, ოფიცინტი, რევოლუციონერი, ჩინოვნიკი, კომერსანტი - დაძრულა და ერთი დიდი, მისტიკური რიტუალის ჩატარება განუზრახავს-მეთქი. იქ მთავარი პერსონაჟი არის ეპოქა და მისი სუნთქვა. ავტორი, ლამისაა, აკრობატულ იღეთებს იყენებს, რომ მკითხველამდე სწორედ მთავარი რამ - მეოცე საუკუნის ოციანი წლები მოიტანოს.

„ჯაზის ყვავილობა“ სწორედ ამ მოდელს აგრძელებს და ავითარებს. მოქმედება კი 20-იანი წლებიდან 50-იანი წლების საქართველოში ინაცვლებს იმდროინდელი ისტორიული მოვლენების ფონზე. თხრობისას ისე ბუნებრივად ზავდება ისტორია და ფანტაზია, როგორც ვისკიში ჩაყრილი გაზირებული ყინულის კუბები, დალევისას ენის რეცეპტორებზე რომ შეგაგრძნობინებთ ფენოლოურ ტონებს. კვლავ გვხვდება გრადაციული, სრიალა გადასვლები ისტორიული პერსონაჟებიდან მხატვრულ გამირებამდე, მონაცვლეობა რეალურად მომხდარი ამბებისა და ავტორის წარმოსახვის. რაც ყველაზე მთავარია, 1956 წლის ყველასათვის ნაცნობი სისხლიანი მოვლენები და მის ირგვლივ არსებული დროის არეალი სულ სხვა მისტიკური შრეების ფონზე იწყებს გაცოცხლებას. დემონსტრანტები, სტილიაგები, ოკულტიზმი, მედიტაციები, კაგებეს თანამშრომლები, ამერიკული დაზვერვა, და, რაც მთავარია, ჯაზი - ყველაფერი ეს საბოლოოდ ერთგვარ ფანტასმაგორიულ ორომტრიალში ექცევა და ამ ფონზე მიდის ფინალისკენ. რომანი არის ემოციურად მკვეთრად დამუხტული და აი, ასეთ ფორმულირებას გავაკეთებდი: თუ პირველ რომანზე ვთქვი, რომ ეს იყო ერთგვარად 20-იანი წლების „ტანცმაისტერის“ მიერ შექმნილი ქორეოგრაფიული ნიმუში, მეორე არის უკვე ერთგვარი ჯაზური კომპოზიცია.

წინა რომანთან კავშირს ამჟღავნებს ზაქრო კარმელი, ერთ-ერთი პერსონაჟი ზემოთ ნახსენებ ოთხთაგან, რომელიც უკვე დაბერებული, ეზოთერიკულ-ეროტიკულ სამყაროშია ჩაძირული, ხოლო ლეგენდარულ შამბალას თითქოს ტიბეტიდან საქართველოში გადმოუნაცვლებია. წარმართული კულტურის „ნახევარქრისტი“, ტაია შელია კი რომანის პერსონაჟად გვევლინება მოწაფეობის კაგებეს ფონზე, ჯაზისა და ამერიკული დაზვერვის კოქტილში. უშიშროებას აქვს ინფორმაცია, რომ ამერიკული საიდუმლო სადაზვერვო ოპერაცია „ჟასმინი“ ჯაზური მუსიკის მეშვეობით ქვეყნის მოსახლეობაზე ფსიქოლოგიურ ზეწოლას ლამობს. რა გროტესკულად და დაუჯერებლადაც არ უნდა მოგვეჩვენოს დღეს ეს ამბავი, ყველას გვახსოვს არცთუ შორეული წარსული, როცა ჯაზი, როკი და სხვა დასავლური



თუ ამერიკული „შხამებით“ კვება აკრძალული გვექონდა საბჭოთა მოქალაქეებს. რომანის ოპტიმისტური აბსურდი კი ის არის, რომ „ჟასმინთან“ და ჯაზთან მებრძოლი უშიშროების კაპიტანი, ვენორი ქარცხავა საბოლოოდ ჯაზური მაგიის მუხლმოყრილი ფანატი და მსხვერპლიც კი შეიქნება. რაც მეტად გადადის თხრობა დრამატიზმში, მით მეტად შემოდის ავტორისეული გროტესკი, ირონია, როგორც ყველა ტრაგედიის საშველი და ზემდგომარეობა.

რომანში მოთხრობილი ამბავი, როგორც ასეთი, მომწესხველია, და მძაფრი, მისტიკით შებურვილი სიუჟეტის მოყვარულებს თავს წააკითხებს. თავბრუდამხვევია ისტორიულ-მეცნიერული, ინფორმაციული ნაკადი, რომელიც მკითხველის ემოციურ რეცეპტორებზე მხატვრული ტექსტის ტოლფას ეფექტს ქმნის. ავტორი სხვადასხვა სტილურ ხელწერას მიმართავს და ამ თამაშით ცვლის რიტმს, ტემპს, ენას, თხრობის მანერას და უსასრულოდ იმპროვიზირებს.

იმპროვიზაცია - ეს სიტყვა შემთხვევით არ მიხსენებია, რადგან, როგორც ამას წინათ ფეისბუქზე დავეწერე, „საქართველოში დაღევა თუ ნაღდი ჯაზია“ (ზ. ქარუმიძე), ეს რომანიც ნაღდი ჯაზია. არა იმიტომ, რომ რომანის სათაურში ეს იტყვა ფიგურირებს, ან იმიტომ, რომ სიუჟეტში ჯაზის კლასიკოსებს უკრავენ, არამედ მხოლოდ უმართავი თხრობის მანერის, ჯაზისთვის დამახასიათებელი დისონანსური „აკორდების“ გამო, რომელიც პარალელური სიუჟეტების თხრობისას „ჩაესმის“ მკითხველს,



კაგებეს კაპიტან ვენორი ქარცხავას ბოდვითი ჩვენებების, უსასრულო ფანტასმაგორიის გამო, რომელიც, მე ვიტყვოდი, რომ ავტორის მხრიდან ზომიერების დაკარგვის ერთ-ერთი უმთავრესი ნიშნულია ამ რომანში. საერთოდაც, თუ ნაკლი ვახსენეთ, ბარემ იმასაც ვიტყვი, რომ ზომიერების ზუსტი ბალანსის დაცვა ტექსტში ქართველი ცნობადი სახეების უშველაველი სპექტრის შემოტანითაც დარღვეულია. შექმნილია საგანგებო, გათვლილი ქაოსი, სადაც პანტა-პუნტით ცვივიან ნაცნობი სახელები და გვარები, სიმღერები, კინოფილმები – ყველა და ყველაფერი ერთმანეთშია აზელილი, რაც თხრობას მეტისმეტად ამძიმებს, ტვირთავს და რალაც მომენტიდან მომაბეზრებელსაც კი ხდის. რომ არა ეს დისბალანსი, დრამატურგიულად ყველაფერი საინტერესოდ მიდის – რომანის სივრცე თითქოს ერთ უშველებელ მოედნად ქცეულა, სადაც ისე, როგორც ბეკეტის ერთ ძალიან სტატიკურ, მაგრამ ემოციურად დინამიკურ პიესაში, აქაც სამსჯავროს წინაშე უნდა წარდგეს ეს ამდენი ადამიანი, რომელიც იმ ფრაგმენტითაა წარმოდგენილი, რომელიც ძირითადად წინა საუკუნის თაობის ადამიანებს განსაკუთრებულად მძაფრად ახსოვთ. რალაც მომენტში გიპყრობს განცდა, რომ რომანს კი არ კითხულობ, ერთ დიდ, უშველებელ ორგინას უყურებ, ან მიუზიკლს, სადაც მასობრივი სცენების დროს ასეულობით პერსონაჟი ერთდროულად ასრულებს ცეკვის მხოლოდ მისეულ მოძრაობას. აქ კი, არ შეიძლება არ ვთქვა ავტორის კინემატოგრაფიული ხედვის შესახებ, რომელიც კიდევ უფრო თვალნათლივ „მელია-ტულეფიაში“ წარმოჩნდა და „ჯაზის ყვავილობაში“ მეტი პერსონაჟის ფონზე ქაოსური სცენების კინემატოგრაფიულად გადანყვეტის უდალაგებულესი ნიშნული მოგვცა.

ისევ დავუბრუნდები ამ შეფასებას – რომანს, როგორც ჯაზურ კომპოზიციას. განსაკუთრებით ტექსტის მეორე ნაწილს, სადაც სიტყვაც და დრამატურგიაც თავისუფალია ყველანაირი კლამედან, რაც კი ლიტერატურაშია დანესებული. შესაძლოა, არ მოგეწონოთ, ავტორს გადაჭარბებასა და გაზვიადებაში დასდოთ ბრალი, მაგრამ თავისუფლებისკენ ლტოლვის სიმცირეში თქვენ მას ვერ გამოიჭერთ.

როგორც ვლადიმერ ნაბოკოვის რომანში, „ლუჟინის დაცვა“ ამბის დრამატურგია ვითარდება საჭადრაკო სვლების კომბინაციებით, ასევე „ჯაზის ყვავილობა“ დანერილია, უფრო სწორად, შესრულებულია ჯაზური იმპროვიზაციით და მხოლოდ მის კანონებს, ანუ კანონებს უკანონობის შესახებ ემორჩილება.

სადაც ავტორი ჭეშმარიტ თავისუფლებას ეზიარება თავისი განწყობით, იქ მისი თხრობა ძალდაუტანებელი და მსუბუქია, ხოლო სადაც იწყებს ფიქრს, როგორ გათავისუფლდეს უფრო მეტად, როგორ დაგვახვიოს თავბრუ და აგვირიოს თავგზა, იქ ნაკეთობის და მკითხველის მიმართ კოკეტობის კვალი ეტყობა ტექსტს. საერთოდაც, ქარუმიძეს მოსწონს კოკეტობა მკითხველის წინაშე. თავისთავად ამაში ცუდი არაფერია, რადგან ამ მანევრს ის, როგორც ერთგვარ ობლიგატოს, ისე იყენებს. ერთი ისაა, რომ ხანდახან ბუნებრიობა ლაღატობს ხოლმე.

აქ ყველაფერი ერთადაა – სულიერი და მიწიერი სამყარო, სულები და ადამიანები, შესაძლებელი და შეუძლებელი, წარსული და მომავალი ანმეოსთან ერთად. აქ დროც და საიქიოსა და სააქაოს შორის ზღვარიც ნაშლილია. მხოლოდ ტაქტილური

შეგრძნებებია დარჩენილი ჩვენთვის, რათა ეს ყველაფერი ზუსტად აღვიქვათ და მკითხველური „პალპაციით“ ვიგუმანოთ, სად არის ისტორიის მტკივნეული ნაწილი, სად ავტორის ფანტასმაგორია და სად პერსონაჟთა ბოდვითი ჩვენებები.

ამ ნიგნის ნაკითხვის მერე იწყებ ფიქრს. 50-იანი წლების საქართველოს ხომ, ასე თუ ისე, ვიცნობთ და მთელი საბჭოთა მარაზშიც 90-იანელთა თაობას ბავშვობაში მაინც საკუთარ ტყავზე განუცდია. ამ თემაზე უამრავი ფილმი გვინახავს და უამრავი ნიგნი წაგვიკითხავს. და რა არის ასეთი გაცვეთილი მომენტების გაცოცხლების დროს მწერლის მისია – დაგვანახოს საკითხი სულ სხვა რაკურსიდან. ქარუმიძეც სწორედ ამას აკეთებს – იმას, რაც გვგონია, რომ კარგად ვიცით, ახალი ქვესკნელიდან ახალი მიკროსკოპული ინსტრუმენტებით გვაჭვრეტინებს და კეროლის თეთრი კურდღელივით გვისხსნის სულ სხვა სამყაროს გასაღებს, რომელზეც არასოდეს გვიფიქრია. გასაღებია ისიც, რომ ასეთი მიდგომით კიდევ ერთხელ ვრწმუნდებით – ნეგატიურ ისტორიულ პროცესებში ყოველთვის დულს განვითარება, ყოველთვის მოიაზრება ყვავილის თესლივით სადაც სიღრმეში მღვივარი სიცოცხლე, რომელიც თავის დროზე სწორედ ასე აღმოცენდა და დაიწყო ჩვენი დამტვერვა. ის, რაც დღევანდელ თაობას, როგორც ნორმა, აქვს, სწორედ იმ ჯურღმულებში გაბმული უხილავი თუ ხილული ქსელებისა და ლაბირინთების ქსოვისა და ხლართვის ნაყოფია. ამ რომანით ჩვენ ვხვდებით, როგორ მივუდგეთ ისტორიას მისტიციზმის ჭრილში, რომ ლევიტაცია, ექსტაზი, მედიტაცია – ეს რეალობის მეორე და საგულისხმო მხარეა. მითები ხანდახან კონკრეტულ ამბებს ქმნიან, და არა – პირიქით.

ზურაბ ქარუმიძის მწერლური სამყარო პოსტმოდერნისტული ველია. ის უკვე ზუსტად ფლობს ოსტატობის ხარისხს და ამ ველზე ყოველი მკვეთრი მოძრაობა ახალი „ნაღმის“ აფეთქებით შეიძლება დამთავრდეს. უკვე აფეთქებულ ორ ნაღმში მის აქ მოხსენიებულ ორ რომანს ვგულისხმობ. არ ვიცი, თვითონ ფიქრობს თუ არა ტრილოგიაზე, მაგრამ მე მგონია, რომ მესამე ნაღმი სწორედ 90-იანი წლების საქართველო შეიძლება იყოს, რომელიც ასევე გადაღეჭილი თემაა და სწორედ აქ არის საჭირო ის ჯადოსნური ჯოხი, რომლის მეშვეობითაც ამ მწერალმა რეალობის ახალი ჯურღმულები შეიძლება გაანათოს. ეს, ცხადია, ჩემი პირადი სურვილია, თუმცა კი, ერთგვარი მწერლური ლოგიკის გათვალისწინებით გაჩენილი.

# „სიზმარ ნახ პაპათი ბერიზემ“ – ბენჯე ბადარჩენილი ლექსები და ამბები

თეა თოფურია

„მამუკაი ვარ მოლექსე, ნაცვალურ მაქე გვარია“, – გრძელი ლექსის ბოლოსკენ ავტორი თავის სახელსა და გვარსაც ამბობს. ხალხს თავს ასე თუ დაამახსოვრებინებ, სხვაგვარად შენს ლექსს ერთი მთის იქით უკვე სხვაგვარად იტყვიან, შემდეგი მთის იქით, ვინმე ნაკლებად თუ მეტად ნიჭიერი კიდეც ერთ სტროფს მიამატებს და საბოლოოდ, თუ ლექსმა ბეჭდური ქალღმერთის ეპოქას მიაღწია, მას ბოლოს „ხალხური“ მიენერება.


ლექსები, ამბები, თქმულებები, თავმოყრილი ენათმეცნიერების ინსტიტუტის დიალექტური კორპუსის ბაზაში, უმეტესად აი, ასეთია – „ხალხური“. ეს ამბები თავიდან იმის გამო გროვდებოდა, რომ მომავალ თაობებს ქართული კილოების ნიმუშები დარჩენოდათ. ყოველთვის ხომ არ იქნებიან ადამიანები, რომლებიც ასეთი წინადადებებით ილაპარაკებენ: „ქისტებ დასცემიან მათურასა, სარქიათ საქონ ნაუსხამ“...

დიალექტური კორპუსი დღემდე აგროვებს ამ ხმებს მთელ საქართველოში და მის გარეთ. მარინე ბერიძე, რომელიც ენობრივი მონაცემების კომპიუტერული დამუშავების განყოფილების ხელმძღვანელია, ამბობს, რომ ზღვა მასალა დაუგროვდათ. ფერეიდანში, ტაოკლარჯეთში, ხევსურეთში, გურიაში... ჩანერილი ხმები თბილისში კომპიუტერში შეაქვეთ და სპეციალურ ვებგვერდზე იყრის თავს. ლამის ყველა სოფელში სხვადასხვა დიალექტზე ლაპარაკობენ, კიდეც „უარესი“ – ყველა ადამიანი ინდივიდუალურია და თავისებურად უქცევს.

ამ ტექსტების ლინგვისტური მნიშვნელობა ერთია და მათი შინაარსი კიდეც სხვა. რას ჰყვება ეს ხალხი? ხალხი, რომელიც უმეტესად ცხრა მთას ამოფარებულ სოფელში გაიზარდა და იმედიც არ ჰქონდა, რომ მათთან ვინმე მიკროფონით ხელში მივიდოდა. ძირითადად ასეა, ან ლექსს იხსენებენ, ან ზღაპარს, თუ ვერცერთი ვერ მოიგონეს, საკუთარ ამბავს ჰყვებიან, ხშირად არანაკლებ საინტერესოს.

**„ერთ მათურელ დედაკაცის ნატირალ რაიმ ვიცი.**

ქისტებ დასცემიან მათურასა, სარქიათ საქონ ნაუსხამ. ორას ძროხაშითა ერთ კზუა დამრჩალა გომურშია, აი ბატკანეები, ქორფეები, აისეებილა მაღჰშირომიან. სარქია გამაზდგომია მარტუაი. კირაადამ არ დაგშველებიან მათურელნი. ჩოჭის ბოლოთზე გაამბია ი თეთრუაი, არ უშვავისი ქმარი. მთას რო გადასულან, სარქიას უთქომ: მე რაადლა მწირავთო აქაო, მენც ნამიყვანეთო. მაშინავ





თოფ დაუკრავ ქისტებსად' მაუკლავის. გაუგავ სოფელსა, რომ მაუტანავ ი სარქიაი, მაშინ უტირნავ ი დედაკაცსა:

ცათამც მეხ დასცა მათურელთაო,  
პაპალიასად' ჯარიასაო,  
მაგათ მამიკლეს სარქიაიო,  
მაგათ დამხურნეს თავზე ცანიო..."

გამოცემა: საუბრები ფშაურ კილოზე (თებრო გოგოლაური)  
[www.corpora.co](http://www.corpora.co)

ცხვარი მთის მარჩენალი იყო, ლექსებში ხშირად გვხვდება. ზევით რომ მამუკა ნაცვალაური ვახსენე, ისიც იმ ამბავს ჰყვება, როგორ დაეცნენ საქონლის სადგომებს დაღესტნელები. ლექსი გრძელია და დეტალური. აქ მხოლოდ ნაწყვეტს მოვიტან:

„სიზმარ ნახ პაპათ ბერიზემ: ნყალმა წაართვა ცხვარია.  
მწყემსებს ამთხილებს ბერიზე, თავს არ დაგვეცეს მტერია;  
წამლით დაავსო მასრანი, თოფს დაუპირა ტალია.  
ორშაბათს დაღამებაზედ ჩეთმაში თოფის ჯმანია.  
მათურელთ ბინებს დაეცნეს, ბაკებს გაულეს კარია,  
სუ ერთმანეთში დაუცავ ექვსი ათასი ცხვარია...  
– თოფო დედისძმისეულო, იმედი მაქვს შენია,  
ჯორცი ჭამე, ძვალი კვნიტე, მტრის ამომყარე ჯავრია!..  
თოფი დაგვიკრეს ბერიზეს, სისხლის გადმოშჩქედს ღვარია.  
სახელოანო ფშაველო, ირემო, დასხენ რქანია...  
ექვსი შესწირა მწყემსებსა: სულეთს უზიდეთ წყალია!  
ოთხი შესწირა თავის თავს: იყავით ჩემი ყმანია!  
ორი შესწირა ძაღლებსა: უკეთეთ სალაფავია!  
მტერმა გაგირეკ, ბერიზევ, სამი ათასი ცხვარია.  
ნუ შესწუნდები, ბერიზევ, ბევრ ცხვამ იყარა ჯავრია –  
სამოც დაღესტნელმ დაყარა ჩეთმის მინდორში ძვალია“.

გამოცემა: თუშური კილო (თედო უთურგაიძე)  
[www.corpora.co](http://www.corpora.co)

რა თქმა უნდა, მხოლოდ ცხვრის გამო არ იბრძოდნენ. იყო გაცილებით მძიმე და რთული დღეები, რომელიც შემდეგ უფრო გრძელ და უფრო კარგ ლექსებში იჩენდა თავს. ამ ლექსში ავტორი თავის სახელს და გვარს არ ახსენებს, სამაგიეროდ სხვებისას ამბობს, აქ პრიორიტეტი მათი სახელების დამახსოვრებაა.

„გურგენმა ჭინჭარაულმა ზეზვაცს ჯელი დახკრ მჯარზედა;  
– დაბერებულხარ ცოტაყად, თეთრ გამოგრევი თმაზედა.  
გემრიელად პური შეჭამეს ლაშარ გიორგის კარზედა.  
გურგენი ჭინჭარაული ზეზვამ გაიკითხ განზედა:  
– ძმანი ხართ, უნდა მოგვემჯრნეთ თათრებსთან ომობაზედა“.

გამოცემა: თუშური კილო (თედო უთურგაიძე)  
[www.corpora.co](http://www.corpora.co)

და კიდევ სხვა ომი, რომელი – არ ჩანს, ვინმე გიორგი ბრძოლაში დაილუპა, სხვამ კი ეს ამბავი გალექსა. ლექსი ძალიან ძლიერია. მძიმე დღეები ხშირად შედეგებს ტოვებენ.

„ომია ივრის პირზედა,  
სისხსა სწვიმს, მალა დარია  
შენი სიკვდილით, გიორგი,  
ცას დარეკილა ზარია,  
ხუთშაბათს ფშავეში გაიგეს,  
დადგა დიდ ცოდვა-ბრაღია.  
შავეთში უკლოთ გაიგეს  
გაჯსნეს სამოთხის კარია,  
მოდი, დაბრძანდი, გიორგი,  
მართვეს ოქროს სკამია,  
ექიმსაც დაგაყენებენ,  
რო მორჩეს ნატყვიარია,  
ლელეს ატირდა თამარი,  
ლაშარს – ლაშარის ჯვარია,  
მაღჰჯადა თავის ლურჯასა  
წელზე შიიჯსნა ჯმალაია:  
ე მაგის მალექსებელსა  
სუყველყნითა მქონ ჯზანო,  
ან ხანჯარ გამამიგზავნეთ,  
ან თათრის ნარტყამ ჯმალიო,  
მე კი ვჯერდები ყველასა,  
თუნდ იყოს ქაღმის ჯღანო“.

გამოცემა: თუშური კილო (თედო უთურგაიძე)  
[www.corpora.co](http://www.corpora.co)

ეს ყველაფერი გმირებზეა, სხვადასხვა ლექსებში ასეთებს სამოთხის კარს უღებენ და შიგ შეჰყავთ. მთაში ასე „იციან“ – საიქიოს კარი აქვს „კარიმც გაგილო შავეთოო, მჯარნიმც მაჩვენა ძმისანო“ (გამოცემა: საუბრები ფშაურ კილოზე (თებრო გოგოლაური) [www.corpora.co](http://www.corpora.co)). მაგრამ არიან ანტიგმირებიც, რომელთაც ასევე აქვთ ლექსში ადგილი, უფრო სამასხარაოდ, მაგრამ მაინც.

„ვეესურს დეენვასო ჯვარ-ხატიო, სუ საქმე აქვის  
გამწყრალო,  
სამჯერ ადგება, დაჯდებო, სასმელ რო ედგას სამ ჩაფიო,  
დააქვისო ბედისკვერაიო, რახან თოვლ მუა, ზამთარიო,  
სად რა მასანრობს ქარბუქიო, სად რა დაარჩობს ნაქარიო.  
– მემრე დადიან, ეძებენო, ჩვენ ოდინ ოჟა სად არივ?  
– ეშმაკებ დალაღებულანო, უდგა ერთ სიცილ-ხარხარიო“.

გამოცემა: საუბრები ფშაურ კილოზე  
(თებრო გოგოლაური) [www.corpora.co](http://www.corpora.co)

და კიდევ ერთი, უვარგის ქმარზე:

„მასხარობელი მოვიდა: ქალო მოგიკვდა ქმარიავ!  
სამასხარობლო გავილე, თორმეტი შიშაქ ცხვარიავ,  
იმასაც არა დავუჟერდი, გამოუდგ ნიშაქ ჳხარიავ.

გამოცემა: თუშური კილო (თედო უთურგაიძე)  
www.corpora.co

ხშირად ადამიანები თავადაც ხდებოდნენ ხალხურები, თავისდაუნებურად, სულ რომ არ უნდოდათ, ისე. ხალხმა მათი ლექსები და საქმეები იცის, მაგრამ ამის მიღმა ავიწყდებათ, როგორები იყვნენ სინამდვილეში, რაზე ბრაზდებოდნენ, რა ეცვათ, რა ეხურათ, რა ჩვევები ახასიათებდათ. ახსოვთ მათ, ვინც მოესწრნენ, მაგალითად სამსაონ ციმაკურიძეს, რომელსაც აკაკი წერეთლის მოგონებაც შეეძლო, მთელი მისი ოჯახის და კუდალა ხარისაც.

„მე აკაკისთან აღზდილი ვარ. ათი წლის რო ვიყავი, მას უკან იქ ვიყავი სულ. აკაკი და მისი რძალი – დავით წერეთლის ცოლი ცხოვრობდნენ ცალკე. ვასიკო როა წერეთელი, მისი დედა ცხოვრობდა ცალკე.

მე ვიყავი დავით წერეთლის ცოლთან. ერთათ იყვენ სუყოველთვინ. მარიაში ქვიოდა აკაკის რძალს. პირველში ბოვშათ ვიყავი. დავდიოდი იმათ მამულში. აქ აბანოზე ვიყავი ხომე.

აკაკი მოვიდა ერთ მშვენიერ დღეს თავის რძალთან. დღიწყეს კარტის თამაში. მოუგო შვიდ-თუმან-ნახევარი მარიაშს. მეტი ფული იმას აღარ ქონდა და არც ეთამაშა ისიათ. ერთი ღორი ქვეამდა გასაყიდელი. ვაფასებდით სამთუმან-ნახევარს. აკაკიმ უთხრა: მეთამაშე მაგ ღორზეო. მოუგო ისიც, მერე დღიწყო სიცილი აკაკიმ: რა ჭყვილით წევიყვან მაგ ღორსაო. გააბრაზა.

წევიდა იმ ღამეს. მეორე დილას გამოუგზანია ბიჭი და დოუბარებია: ააჭყვილე იქა და გააბრაზე ჩემი რძალიო. თავათ წამოსულა და, ახლოს ვენახი იყო, იქ დამჯდარა.

უყურეფს, როგორ ააჭყვილეფს ბიჭი ღორს. აკაკი ჯის და იცინის. გამოუვარდა მარიაში ბიჭსა: რას აყვირეფ მაგ გოჭსაო! წაათრიეო! მაშინ გამოჩთა აკაკი და დოუძახა: მოდი, ახლა კუდალა ხარზე მეთამაშეო! აბრაზებდა ასე. მალა კ'არ წაჩხუბებულან, მარა ახელებდა“.

გამოცემა: ზემოიერული კილოკავი (ქეთევან ძონენიძე)  
www.corpora.co

„ძალიან კარქი კაცი იყო“ – ამ სიტყვებით კი ფარუზ კიკოლოვი რაფიელ ერისთავს იხსენებს.

რაფიელ ერისთავი, ჩემო შვილო, ქალაქში მუშაობდა თავი საქმეზედა. მე ვიყავი მეზვრეთ იმ დროდ. თითონ იმად ვაჟი არა დევანდა, ოთხი ქალი დევანდა და სიძეები. ძალიან ტკბილი კაცი იყო. იმისგან წყეინობა თავი დღეში არ გამოიოდდა.

ერთხელა, კრეფი დროსა, მნახა მარტოკანა, ვაშლებ ვკრეფამდი, და მითხრა: შვილო, მაგრე კრეფა არ იქნებაო: ამ ნაყოფმა კიდენაც უნდა დაისხასო და, ამად რო ყუნწიანათა გკრეფამთ, აღარ დაისხამსო, – დაგვარიგა რა! რა თქმა უნდა, კარქი იყო ესა. ის თავი დღეში ადამიან ვერ აწყეინემდა. იყო ცოტახან. მამრე, მე მყვანდა ექვსი თვი ბიჭი და საცეხველაში მენვა და მოიდა და თქო: ეგ რა არიო? – და: ბავშვია-მეთქი.

– აბა, გადაგზადე პირსახოციო, ვისიო?  
– ჩვენია-მეთქი. თან შაგვეხათრა, შაგვრცხვა. მამრე ბავშვ უთხრა: გაიზარდო.

მამრე იყო კარქა ხანი ქალაქშია და წამოიდა. ი მოსავალი შვილებ გაუყო ოთხათა და მოსავალიც იმათ მანხმარედ. ემ მამულეფში ჩვენა ვმუშაომდით. ნუგზარ ერისთავ ვეძახოდით, ის აქცემდა ყურადღებად. აი, თუ რომ რამე დაქვჭირდებოდა, ჭიგო ან სხვა რამა, ის მოქცემდა ხომე.

მამრე, რაფიელი რო ქალაქში გარდაიცვალა, მაიტანეს აქა ხელისხელათა. ორი ამფიონი მოდევდა ისრე: ერთში იმი რამეები ეწყო – ქუდი და რამეები, ერთშიც იმი მენდლები, თითონა კი ხელისხელ მაიტანეს, აქ დაასაფლავეს. მე აგურემ ვანოდებდი, იგრე ამააშენედ. აი, აქ იყო დასაფლავებული, ყველანმინდა როა, აქა ჭიდილი იმართებოდა ხომე დროები გასატარებლათ. თითონ ეთქო: აქ დამასაფლავეთო. აი, ხო გაგიგიათ, ლექსი როა: ჩემი სამშობლო ის არიო, საცა გავჩენილვარო.

ძალიან კარქი კაცი იყო, დანანება იცოდა, მიხედვა ხალხისა. შამწეობად აძლებდა ხალხსა. მუშები რო არ ამივილიდნენ ზვრიდანა, მზარეულ დაუძახემდა: ღვინო დააღეინეთო! შაბრალეა გქონდა ხალხისა. მუშა რო დეენახა უქუდოთა, დაუძახემდა და ფულ მიდცემდა: აჰა, იყიდე ქუდი და დაიხურეო! ეხლა შკოლა რო არი, იქა ცხოვრომდა რაფიელი, მაგრამ თითონ კი არა, იმი შვილები. რაფიელის სახლი კიდენა ქვეით არი, იმად ხის სახლი ედგა. ქვეშა მარანი გქონდა და მალლა კიდენა ხის სახლი.

ჰოდა, რაფიელი რო მოკვდა, დიდმარხვა იყო. ესა, შვილო, ორმოგდარვა-ცხრა წლის წინათ იქნებოდა. ორნაირი ხარჯი იყო მაშინა: სამარხოცა და სახსნილოცა. ცხვრებიც ბევრი დახოცედ, სად იშოიდნენ სოფლი ხალხში იმოდენა ჭურჭელ!, საკლავებიც ბევრი დეეხოცნათ. ჩამოსულები იყენენ სუყველაყა მხრიდან ხალხი. მამრე გამააცხადედ და სუყველაყა კაცმა თითო ჯამი და ხელადა წაილედ.

გამოცემა: ქართული ენის კახური დიალექტი (კრიგოლ იმნაიშვილი, არამ მარტიროსოვი) www.corpora.co

„ბრძანება შენი! მაჭახლიდამ ვარ, აკრიის სოფლიდამ“ – ეს ახლანდელ თურქეთშია. ულფან ქოსე (მოფრინაძე) ავგაჰის ამბავს ყვება. ავგაჰი ჩვენებურად ნადირობაა. ნადირობის ისტორიებზე შეიძლება ცალკეც ბევრი დაიწეროს. აქ ყოველთვის რაღაცას აზვიადებენ,

ამატებენ, ფუთავენ ან შეიძლება, პირიქით, ამიშვლებენ. მახვილი თვალი უნდა გქონდეს, მიხედვე ამ უღრან ტყეში სად მთავრდება ფაქტი და სად იწყება გამონაგონი.

**„მაჭახელში ტყე არი. შიგან დაბანი არი. „ნადირი“ არ ვიტყვით. დათვი არი, ღორი არი, ტურა, მაჩვი, სხუა დაბანი. თათარძენა არი, კატას გავს, ხიდამ ხეზე გულებტება, ყავი! ტავშანიც არი. „კურდღელი“ არ ვიტყვით, არ ვიცით. „ნადირობა“ არ ვიტყვით, რას ქვია? „ავგაპი“ ვიტყვით. ავგაპი წვეალთ. ღორებ, გელებ მოვკლავთ თოფებით. იშტა იმათ მოვკლავთ.**

ავგაპი ყოჩაში თოვლში ყოლადა, თოვლში ვერ გარბიან წვევლით ათი კაცი მოდრეკილას. მოდრეკილი მერეთის წინედამა კაი ტყე არი. ნაძვი ძირში დათვის კუალი მისულიყო. მეგრემ საში არიან. ჩემ ემიაშვილმა ერთი თოფი მომცა: ედი, ესროლე დათვებსაო. იმ ნაძვიძირიდამ დათვებმა ასე გადმოხტენ. ჩუენ მოვკლათო. კაი თოფი არ მომცა. თოფი კაი რომ არ იყო, გეველი იქით, დავასე თოვლში. უთოფო წვევლ. ეველით ნაძვი ძირში.

დათვმა გამომესხრიკა, დეეკავა'ნა ჩემი თავი. ქუეი-დამ ჩემ ემიაშვილმა ესროლა. ერთი მოკლა, ორმა გეიქცენ. გაღმით გუუნრა, ისინიც მოკლა. ჩამუელით ქუეით. თოფი ხმაზე კიდენ ამდგარიყვენ დათვები ბუნაგიდამ. იმ დღეს რვა დათვი მოვკალით. დათვის ტყავ მევტანთ, სახლებში არი“.

**გამოცემა: ჩვენებურების ქართული (შუშანა ფუტკარაძე)**  
**www.corpora.co**

მართლა დახოცეს თუ არა რვა დათვი (აქედან ერთმა უთოფოდ), გადამონმება ალბათ მართლა შინ მოტანილი ტყავით თუ შეიძლება, თუმცა, ვისაც ამის შესაძლებლობაც არა აქვს, უბრალოდ, სიტყვაზე უნდა ვენდოთ. ზოგადად კი ასეთ ამბებში ყველაფერი ბევრად იმაზე იდეალურადაა, ვიდრე ცხოვრებაში – მონადირეები მამაცები და კეთილშობილები არიან, ნადირი – დიდი და საშიში.

დათვი მტერიც არის და სარჩოც. მისი ბუნება მამაკაცებს კარგად ჰქონდათ შესწავლილი. ყოველთვის არ გაგიმართლებს, ყოველთვის ვერ მოხვალ სახლში რვა ტყავით ხელში. გაბრო აბაიძე ჰყვება, რომ დათვის მოსანადირებლად ისეთ ადგილას უნდა ჩანვე, ყველა მხრიდან ნიავე გიბერავდეს, რათა ცხოველმა სუნი არ იკრას. თვითონ დათვის თბილი ბუნაგი უყვარს, ქვემ ხავსით, ცარიელ მინაზე არ დანვება:

**„მთაში გადადის დანოლის დროს. რაც გინდა დიდი თოვლი მოიდეს, მაინც გადავა იქით, ბინა საცა ეგულება, გამზადებული აქვს ბინები მაგათ. ძველს გამოხვეტავენ, ახალს შეიტანენ და მერე წავა საჭმოზე და იმ ბინას... იმ**

ბინაში ცხვა დათვი არ შევა, იმიტომ რო, ეხლა, კაცო, დანოლის დროს რო სწავიდეს ისა და ის პატრონმ რო მათანოს, ის იქ სად მიჯდენს, მერე რო გამოიდეს კიდენ, სადლა ეძებნოს ბინა. იმას წინასწარავ უნდა ხქონდეს ყველას თავ-თავისი ბინები“.

**www.corpora.co**

დიალექტურ კორპუსში ვეფხვისა და კაცის მეგობრობის ამბავიცაა შემონახული და კიდევ ყოვლად გაურკვეველი მხეცის ამბავიც, რომელიც რამდენიმე შეზარხოშებულმა გურულმა ისე აკუნა, ვერც თვითონ და ვერც სხვამ ვერ გაიგო, რა ცხოველი და ნადირი იყო. ეჭვი მაქვს, ვერც თქვენ გაიგებთ:

**„ვასხენეთ ჯუმათის მონასტრის წმინდა იაკინთეს მადლი და გუუდექით გზას. ვიარეთ, ვიარეთ და მივანით ჯოჯოხეთას ტყის პირზე. ნელისპირი თოვს. ქარი თოლს არ ფანტავს. ჩვეისაფრეთ ზოგმა იქით და ზოგმა აქით. უუშვით ძაღლები. არ გასულა ათი წუთი, რომ მორბის, მუაქ ხეი, მინა, თაი, ბარი, ეწერი, ზეგანი. ისკუა და გადახტა. აწი არ მეტყვით რა ფერის იყო? ფერი: ჭრელი, წითელი, ყვითელი, ალისფერი, მიხაკისფერი, იაგუნდის, წინწკლებიანი, ნაცრისფერხაზიანი, მოშავმწვანო ზოლებიანი. დეებლრიჯა პირისახე, დეემტომა თვალები ოჩხამურის ჭინკასავით. არიქა, ბიჭო! – დეიძახა მაჭუტაძემ და ეცა მან. ამეიდვა ქვეშ. მიეშველენ გოგიელა, მახარბელა, ვახუშტელა, სარაფიონა, კვირიკეი, მარა ყველა თითოულათ ამეიდვა ქვეშ. არიქა, ბიჭო, თუ ვარგხარო შენო! – დამიძახა მე. დამიძახა თვარა, მივარდი; მივარდი, მომვარდა; ვეცი, მეცა; გადავატრიალე, გადმომატრიალა, წავაქციე, წამაქცია; მევიქნიე, მომიქნია. და ბოლოს შევახტი ჯირეკზე, მარა გადამასკიპარჭულა განზე. მაგრამ, როგორც მარჯვე, დავდექი ფეხზე. მერე, რომ მეცეს კიდომ, იგი ხანია, ევინიე, გადავასკიპარჭულდი კისერში, ამევილე ხანჯალი და გამუუსვი კისერში და გადავალურსვიე თვალები“.**

**გამოცემა: გურული დიალექტი (გრიგოლ იმნაიშვილი)**  
**www.corpora.co**

მე – ბარკალი და ჩალალაჯი, მაჭუტაძეს – კიმკიმი და საფეთქელი, – შაქრო ჭელიძე ამბავს ასე ამთავრებს. ეს დაახლოებით ჭირი – იქა, ფქვილი – აქაა. უბრალოდ ამ შემთხვევაში ჭირი საფეთქელი გახდა, ფქვილი – ჩალალაჯი. უკვე ვთქვი, ყველა სოფელში ამბავს თავისებურად ჰყვებიან და ამ სოფლის ყველა მკვიდრიც სხვადასხვანაირად ამბობს სათქმელს. ამიტომაც არის ეს ამბები გურულების მონადირებული მხეცივით გამოუცნობი და სხვადასხვანაირი: ჭრელი, წითელი, ყვითელი, ალისფერი, მიხაკისფერი, იაგუნდის, წინწკლებიანი, ნაცრისფერხაზიანი, მოშავმწვანო ზოლებიანი!

# 5 ახალი თარგმანები

## ჩესლავ მილოში – პოზიცია

(ფრაგმენტები ცხოვრებიდან და წერილებიდან)

„არავის პოლონეთში, არც მაშინ, 1939 წლის სექტემბერში, და არც შემდგომ, არ სჯეროდა ჰიტლერის საბოლოო გამარჯვების. პოლონელთა ერთ-ერთი დამახასიათებელი ნიშანია იმის ძლიერი რწმენა, რომ უფალი ღმერთი პირადად ჩაერევა ისტორიულ მოვლენებში და სამართლიანობის მხარეს დადგება. ამიტომ ბოროტება მარცხისთვისაა განწირული. სწორედ ამ რწმენით პოლონელები არაერთხელ გადაშვებულან უიმედო ბრძოლაში, მარცხი უწვევიათ და გაკვირვებულნი დარჩენილან, რომ ღმერთს მათთვის დახმარება არ აღმოუჩენია. თუმცა, არც ამას შეურყევია საბოლოო გამარჯვებაში მათი იმედები“.

„ერთმა ებრაელმა დედაბერმა რუმინეთის საზღვარზე პურის პატარა ნატეხი გამოიმინოდა და შემეკითხა, ეს უიმედო ომი რატომ წამოიწყეთო. მე ვერაფერი მოვიფიქრე, გარდა იმისა, რომ მეპასუხა – ღირსების დასაცავად-მეთქი. მას სახე მწარე ღიმილმა დაუმანჭა და წარმოთქვა: „ჰმ, ჰმ, ღირსება, ღირსება, ათასობით დაღუპული ბავშვი, ქალი, ესაა ღირსების დაცვა?!“.

„ვარშავის აჯანყებამ ლონდონის ემიგრაციული მთავრობის ბრძანებით იფეთქა და იფეთქა მაშინ, როდესაც წითელი არმია პოლონეთის დედაქალაქს უახლოვდებოდა, ხოლო უკან დახეული გერმანელები ჯერ კიდევ არ გასცილებოდნენ ქალაქის გარეუბნებს. ეს იყო ბუზის აჯანყება ორი ტიტანის წინააღმდეგ. ერთი ტიტანი მდინარის იქით იდგა და ელოდა, თუ მეორე როდის მოგუდავდა ბუზს“.

ვარშავის აჯანყება მილოშმა პოლონეთის დედაქალაქში გაატარა. შემდეგ ის თავისი მეგობრის, ეჟი ტუროვიჩის მიწვევით კრაკოვში ჩავიდა და მის გარეუბანში დასახლდა. 1946 წელს მილოში მეგობრების დახმარებით აშშ-ში წავიდა. ის ჯერ ნიუ-იორკში, პოლონეთის საკონსულოში მსახურობდა, ხოლო ამავე წლის ოქტომბრიდან ვაშინგტონში, პოლონეთის საელჩოს კულტურის ატაშე გახდა. 1948 წელს მილოში უკვე საელჩოს მეორე მდივანია. ამავე პერიოდში პოეტი პარალელურად აქტიურადაა ჩართული პოლონეთის ლიტერატურულ ცხოვრებაში და კრიტიკულ წერილებს წერს.

„ვფიქრობ ჩემს ცხოვრებაში ერთ-ერთ საკვანძო მომენტად

იქცა ერთი საღამო და ღამე. ეს მოხდა 1949 წელს ვარშავაში, სადაც მე შტატებიდან შვებულებაში ჩავედი. მაშინ მე ვტრიალებდი მაღალ საზოგადოებაში, ელიტაში, რომელიც ქვეყანასაც მართავდა და დროს კარგად გატარებასაც არ იკლებდა. იმ ღამეს, უფრო სწორად, დილაადრიან, ასე ოთხი საათისათვის, სახლში ვბრუნდებოდი. მართალია, ზაფხული იყო, მაგრამ ცივი დილა გათენდა. ამ დროს ჯიპი დაეინახე, რომლითაც პატიმრები გადაჰყავდათ. ბადრაგს ტყავის ქურთუკები ეცვა, ხოლო პატიმრებს – კოსტუმები, რომელთა საყელოებიც აენიათ და სიცივისაგან კანკალებდნენ. აი, მაშინ კი მივხვდი, თუ რა საქმეში მიხდებოდა მონაწილეობის მიღება“.

1950 წელს მილოში პარიზში, პოლონეთის საელჩოში გადავიდა სამუშაოდ. მისი ოჯახი კვლავ აშშ-ში რჩებოდა. მილოშს არ უნდოდა პოლონეთში დაბრუნება, რადგან ემინოდა, სამუდამოდ იქ არ დაეტოვებინათ. ახალი წლის დადგომას ვარშავაში შეხვდა. აქ მას დიპლომატიური პასპორტი ჩამოართვეს, რომელიც მოგვიანებით პოლონეთის საგარეო საქმეთა მინისტრის ჩარევით დაიბრუნა. პოეტმა 1951 წლის იანვარში შეძლო პარიზში გამგზავრება, სადაც თებერვლის თვეში პოლიტიკური თავშესაფარი ითხოვა. ცხოვრება ლიტერატურის ინსტიტუტში დაიწყო და პოლონურ ემიგრაციულ ჟურნალ „კულტურასთან“ თანამშრომლობდა. სამშობლოში ის მოლაღატედ გამოაცხადეს.

„უარვეყავი... პრივილეგიები და კეთილდღეობა. ვუნყოდი, ვირჩევდი სიძნელეებითა და გაჭირვებით სავსე ცხოვრებას. შევეგუე იმ აზრს, რომ პურის ფული მხოლოდ ყოველდღი-



ური მძიმე ფიზიკური შრომით უნდა მეშოვა. ვიცოდი ასევე, რომ ჩემი გვარი გაქრებოდა სამშობლოში გამოსული წიგნების და ჟურნალ-გაზეთების ფურცლებიდან და არ იარსებებდა ისეთი ცოდვა, რომელსაც პოლონური ლიტერატურის ოფიციალური საჭეთმპყრობელები მე არ მომანერდნენ. ამ ნაბიჯზე წასვლა, რომლის შედეგადაც ჩემს პოეტურ მიღწევებსაც ჯვარი დაესმებოდა და ჩემს ლიტერატურულ სახელსაც ხაზი გადაესმებოდა, იგივეს ნიშნავდა, რასაც მეექვსე სართულიდან პირდაპირ სანაგვეზე გადახტომა... ამ ნაბიჯის გადადგმა მე მიიძულა ერთმა, თუმცა საფუძვლიანმა ვითარებამ, - დარწმუნებული ვარ, რომ ადამიანი არ უნდა ცრუობდეს...

პოეტის უპირველესი მოვალეობა სიმართლის თქმაა. თუკი ის, ვისაც უდიდესი ღვთიური ძალა, სიტყვის თქმის უნარი აქვს მომადლებული, დათანხმდება მეფის კარის დაქირავებული მასხარის როლს, მაშინ ვინლა შეასრულებს სიმართლის მთქმელის ღირსეულ ფუნქციას, რომელიც საუკუნეთა განმავლობაში პოეტთა მოვალეობაა?!"

„შესაძლოა ამოცანა, რომელიც, როგორც მე ვფიქრობ, წილად მხვდა, აღემატება ჩემს ძალებს, მაგრამ მიუხედავად ამისა, მე მაინც არ შევწყვეტ ჩემი პოეტური მოვალეობის აღსრულებას და ვინ იცის, იქნებ ჩემმა კალამმა შეძლოს გარკვეულწილად მაინც შურიც იძიოს იმ პოლონელებისა თუ რუსების ტკივილის გამო, რომლებიც თავიანთ უახლოეს ადამიანებს დასტირიან. შესაძლოა, დავმარცხდე. მაგრამ მხოლოდ ერთი ცხოვრება მაქვს და არ შემიძლია მისი გაფლანგვა ისეთ დიალექტიკურ

მსჯელობებზე, რომელთა მიხედვითაც შიში ადამიანური თავისებაა, ხოლო დაბეზლება - ღირსება“ (პარიზი, 1951 წლის მაისი).

„რალაც-რალაცების გაგება ჩემს ძალებს აღემატება. იალტის შემდეგ პოლონეთი ისეთ სიტუაციაში აღმოჩნდა, რომ 24 მილიონი ადამიანი იძულებულია „ითანამშრომლოს ხელისუფლებასთან“, რომელსაც ცნობენ დასავლელი მოკავშირეები...

რა გამიკეთეს პოლონელებმა? მათ ამერიკის ხელისუფლების წინაშე წარადგინეს აბსურდული დასმენების მთელი დასტები. ამის თაობაზე მე ამერიკელებისაგან შევიტყვე. ამას კი შედეგად ის მოჰყვა, რომ ვერ ვიღებ ვიზას, 1950 წლის გაზაფხულის შემდეგ ვერ ვნახულობ ოჯახს, ასევე არ მინახავს ახლადდადებული მეორე ბიჭი. ჩემი ცოლი ორ პატარა ბავშვთან ერთად შიმშილით მოკვდებოდა, რომ არა ჩემი ამერიკელი მეგობრები... ცოლს მივწერე ჩემი სურვილი, შვილებს ასწავლოს პოლონური, გააცნოს პოლონეთისა და ლიტვის ისტორია, მოუთხროს მდინარე ნევიასის შესახებ, რომლის პირასაც მე გავიზარდე, მაგრამ მათ ისიც უნდა იცოდნენ, თუ რა დამართეს პოლონელებმა მათ მამას“ (1952 წლის 7 იანვარი).

1953 წელს ჩესლავ მილოშმა ცოლ-შვილი საფრანგეთში ჩაიყვანა. ისინი პარიზის გარეუბანში დასახლდნენ. ამ პერიოდში მილოში აქტიურად თანამშრომლობს ჟურნალ „კულტურასთან“.

„ცოტა დააკლდა, ამ პატარა პოლონელმა კაცუნებმა თავის ქალა არ ამხადეს. განა ტყუილად არ უყვარდა ისინი დოსტოევსკის... პოლონელები, რომლებთანაც აქ ვმეგობრობთ, მხოლოდ ჟურნალი „კულტურა“ და რამდენიმე თავადია. მათ გარდა ძალზე ვერიდები ამ საშობ ხალხს“.

წერილი პოლონელი კომუნისტებისადმი:  
„1957 წლის ზაფხულში კრაკოვის ლიტერატურულ გამომცემლობასთან ჩემ ორ წიგნზე: „რჩეული ლექსები“ და რომანი „ისის დაბლობზე“ (ეს ავტობიოგრაფიული ნაწარმოები ნათელა გავაშლიშვილმა თარგმნა ქართულად, დაბეჭდა გამომცემლობა „ინტელექტმა“. ა.გ.) კონტრაქტი გავაფორმე. თუმცა, ამ წიგნებს დღის სინათლე არ ღირსებიათ, რადგან მათი გამოცემა არა ცენზურამ, არამედ ცენტრალურმა კომიტეტმა აკრძალა... ამ ბოლო ხანს გამოსულ ენციკლოპედიაში ერთადერთი მე ვარ იმ მცირე რაოდენობის უცხოეთში მცხოვრებ ავტორთაგან, რომლის გვარის გასწვრივაც მიწერილია: „პოლონეთის სახალხო რესპუბლიკის მტერი“. ვერ გეტყვით, ეს რას ნიშნავს... განა პოეტთან ბრძოლა სასაცილო და დამამცირებელი არაა?.. 1949-1955 წლების ტერორმა ახალგაზრდებში ჩემი ლექსების გავრცელება ვერ შეაფერხა. ჩემი ბრალი როდია, რომ XIX საუკუნის მეფის მოხელეების მსგავსად, თქვენც ცდილობთ, არ გაგეპაროთ პარიზიდან გამოგზავნილი პოლონური ხელნაწერები...“

ჩესლავ მილოშმა აშშ-ს ბერკლის უნივერსიტეტის მიწვევა მიიღო ლექციების წაკითხვის თაობაზე და 1960 წელს ოჯახთან ერთად კალიფორნიაში გაემგზავრა. 1961 წელს პოეტი ამ უნივერსიტეტში სლავიანური ლიტერატურის პროფესორის თანამდებობას იკავებს.

„როგორი სიმბოლურია დედამინის მეორე ნახევარსფეროში გამგზავრება... პოლონეთში ჩემი გვარი ყველაზე მეტადაა აკრძალული. პირდაპირ საკვირველია, როგორი სასტიკნი არიან ჩემ მიმართ. ყველა ემიგრანტი ავტორის ხსენება შეიძლება, ჩემ გარდა... არადა, მე მხოლოდ პოლონეთი მაინტერესებს. იქ მინდა



ნასვლა, მაგრამ არ ნავალ – თუ რატომ, ეშმაკმა უწყის... არავინ აღარ მწერს, თითქოს სრულიად შევწყვიტე არსებობა. ჩემში მძლავრობს სკეპტიციზმი და იქნებ შევწყვიტო კიდეც პოლონურად წერა და ბეჭდვა“.

„პოლონური რასა სრულიად უუნაროა რაიმე სახის შემოქმედებისათვის, პოლიტიკისათვის, ვაჭრობისათვის, მრეწველობისათვის, რელიგიისათვის, ფილოსოფიისათვის, მას მხოლოდ მინის დამუშავება და მათემატიკური ლოგიკა ძალუძს... ვიღაც შემეკითხა, ასეთ რელიგიურ ქვეყანას, როგორც პოლონეთია, მისტიკოსები თუ წარმოუშვიაო. მე ვუპასუხე, მართლმადიდებლური სამყაროსაგან განსხვავებით, – არცერთი-მეთქი“ (ბერკელი, 1967 წელი).

„XX საუკუნის ყველა პოლონელ მწერალს ტანჯავდა კითხვა: თუ შეიძლება წერდე პოლონურად და დიდი მწერალი გახდე? არაა ეს იმის მსგავსი კითხვა, თუ შეიძლება წერდე ნორვეგიულად და დიდი მწერალი გახდე? რადგან აქ საქმე ეხება არა ნორვეგიელ თუ პოლონელ მკითხველთა რაოდენობას, არამედ იმ წინააღმდეგობას, რადაც სამყაროსა თუ ადამიანის ბედზე დაფიქრებისას გადაიქცევა ხოლმე „პოლონური საკითხი“

„არ დაგებადებულვარ პოლონეთში (მილოში, მიცკევიჩის მსგავსად, ლიტვაში დაიბადა. ა.გ.), არ აღეზრდილვარ და არ ვცხოვრობ აქ, მაგრამ პოლონურად ვწერ. ვფიქრობ, ეს არც უნდა იყოს გასაოცარი, თუ მხედველობაში მივიღებთ იმას, რომ ყველაზე დიდი პოლონელი პოეტი (მილოში მიცკევიჩს გულისხმობს. ა.გ.) არასოდეს არც ვარშავაში და არც კრაკოვში არა ყოფილა, – და რომ მან ლიტვა აირჩია თავის მუზად.“

1980 წლის დეკემბერში მილოში ლიტერატურის დარგში ნობელის პრემიით დააჯილდოვეს. პოლონეთში 1981 წლის ივნისში ჩავიდა, – პირველად ბოლო 30 წლის განმავლობაში. აქ მას პოლონეთის მწერალთა კავშირის №1 წიგნაკი მისცეს და ლუბლსკის უნივერსიტეტის საპატიო დოქტორად აირჩიეს. მწერალი გდანსკის გემთსაშენს ეწვია და ლეხ ვალენსას შეხვდა.

ნობელის დაჯილდოების ცერემონიაზე წარმოთქმული სიტყვის ფრაგმენტი:



„ვარ პოლონური ლიტერატურის ნაწილი, რომელიც შედარებით ნაკლებად ცნობილია მსოფლიოში, რადგან თითქმის გადაუთარგმნელია სხვა ენებზე. თუ მას სხვა ლიტერატურას შევადარებთ, შეგვიძლია ვიგრძნოთ მისი უცნაურობა. ეს რაღაც იდეალური ძმობის სახეობაა, რომელსაც ახასიათებს გარდაცვალებულთან ურთიერთობა, სადაც სიცილი და ტირილი, პათოსი და ირონია ერთმანეთის მიმართ თანაბარი უფლებით სარგებლობენ. მღელვარე ისტორია, ყოველთვის რაღაცაზე მიმანიშნებელი, ამ საუკუნეში, ისევე, როგორც უწინ, მძიმე განსაცდელში ხალხის მხარდამხარ იდგა. პოლონური პოეზია იატაკქვეშეთში ტრიალებდა, აზიაში, აფრიკასა და ევროპაში, საკონცენტრაციო ბანაკებსა თუ ჯარისკაცთა ბარაკებში ინერებოდა...“

წარმოვადგინო თქვენ წინაშე ასეთი ლიტერატურა, – ეს ნიშნავს მორჩილად და მოკრძალებულად ვიგრძნო თავი იმათ მიმართ, ვინც უკვე აღარაა ამქვეყნად. მე მრჩება იმის იმედი, რომ ის პატივი, რომელიც მე მომაგო შევდეთის აკადემიამ, ჯილდოა ასევე მათთვისაც, რომლებიც მე აქ შემომიძღვნენ და რომელთა უხილავი აქ არსებობაც მძიმე წუთებში მამხსევებდა“.

წერილი ეუი გედროვიჩს, ჟურნალ „კულტურის“ რედაქტორს:

„ვიღებ რა ასობით წერილს პოლონეთიდან, ვხვდები რა პოლონელებს პარიზსა თუ ენ ანბორში, ვგრძნობ, რომ სიამოვნებისაგან კანი მებურძღვლება. წერილები პოლონეთიდან, განსაკუთრებით ახალგაზრდებისაგან, მოწმობს იმ საფუძვლიან ცვლილებებს, რომელსაც იქ აქვს ადგილი და რომელიც იმას ეფუძნება, რომ პოლონეთი თანდათან ისეთი ქვეყანა ხდება, როგორადაც ის თავის საფუძვლებში ყოველთვის გვევლინებოდა.“

„ძალიან უხერხულობაში მაგდებს ის ამბავი, რომ ჩემგან პატრიოტი პოეტის, ბარდის, სახალხო მთქმელის შექმნას ცდილობენ. მე ამ როლისათვის მზად არა ვარ. მიუხედავად იმისა, რომ უბრალოდ კონკრეტული ისტორიული პირობების გათვალისწინებით ვწერდი ისეთ ლიტერატურულ ნაწარმოებებს, რომლებშიც როგორც საზოგადოების შუამავალი, გარკვეულ მოსაზრებებს გამოვთქვამდი.“

მოულოდნელი იყო ასევე New York Times-ის მიერ ჩემი „პოლონეთის დიასპორის უმთავრეს პოეტად“ მოხსენიებაც. ამგვარი რამ ჩემთვის ძალზე მიუღებელია. ეს სიმართლეს არ შეესაბამება, მისი დამახინჯებაა! ეს ასე როდია. თუ დიასპორად მოიხსენიებენ უდიდეს პოლონურ გეტოს დასავლეთში, მე არა ვარ ამ დიასპორის პოეტი...“

პარიზის პენ-კლუბში წარმოთქმული სიტყვიდან: „შეგვიძლია გარკვევით ვთქვათ: „სოლიდარობა“ მასიურ მოძრაობად მხოლოდ იმიტომ იქცა, რომ საზოგადოებრივი მოთხოვნების ეროვნულ მოთხოვნებთან შერწყმა შეძლო. XX საუკუნის ევროპას მემარჯვენე მოძრაობაზე დაფუძნებული სახე აქვს. „სოლიდარობაში“ მოხდა ამ სახის შეცვლა რომანტიზმის ეპოქის დემოკრატიული ხასიათით ან პარიზის კომუნის სულისკვეთებით. ეს უკანასკნელი, როგორც ცნობილია, არა მხოლოდ რევოლუციური, არამედ პატრიოტული მოძრაობაც იყო. ყოველი პოლონელი პოეტი, და მე აქ გამონაკლისი როდი ვარ, როგორც მილიონობით პოლონელი, კარგად გრძნობდა მიმდინარე მოვლენების უდიდეს ისტორიულ მნიშვნელობას...

ბედნიერია პოეტი, რომელსაც ცხოვრებაში თუნდაც ერთხელ მაინც მიეცა იმის საშუალება, მოეშორებინა განმარტოებული ინდივიდუალიზმის უღელი და ხალხში, როგორც თანასწორი თანასწორთა შორის, ისე გარეუღიყო. მხედველობაში მაქვს იზოლაციისადმი შინაგანი წინააღმდეგობა, რაც შეუძლებელია ძმობის შეგრძნების გარეშე. ეს ბედნიერება მე 1981 წელს პოლონეთში ვიზიტისას განვიცადე.

ერთმა ამერიკელმა კოლეგამ, რომელმაც „სოლიდარობის“ პერიოდში მოინახულა პოლონეთი, მითხრა, რომ მან აქ ნახა უაღრესად უჩვეულო მოვლენა: ქვეყანა გაუცხოების გარეშე და არც შემცდარა. ჩანდა, რომ ხალხს შიში უკუეგდო, ის შიში, რომელიც ათეულობით წლის განმავლობაში ბარიერად იყო აღმართული, როგორც ადამიანებს შორის, ისე ადამიანსა და სახელმწიფოს შორის. მე ბედნიერი ვიყავი ასევე იმით, რომ ჩემმა მოთხოვნამ თავყვანისციემისა, შესაძლოა პოეტის ერთ-ერთმა ყველაზე ღრმა მოთხოვნამ, ლეხ ვალენსას სახით თავისი საგანი იპოვა. „შენ ჩემი ბელადი ხარ-მეთქი“ – ვუთხარი მას და მაშინ გავაცნობიერე, რომ ცოტა როდია, თუ რომელიმე ქვეყანაში მუშაკაცი მთელი ქვეყნის ბელადი გახდება“ (პარიზი, 1982 წლის 27 თებერვალი).

მოხსენებებიდან:

„როდესაც ადამიანი მრავალი წელი უცხოეთში ცხოვრობს, ყველაზე ძნელი საკუთარი ინდივიდუალობის შენარჩუნებაა. რაც შემეხება მე, ჩემ წინაშე არასოდეს დამდგარა საკითხი, თუ ვინ ვარ, ვინაიდან ჩემი მიკუთვნებულობა პოლონური პოეზიისადმი ჩემთვის ყოველთვის ნათელი და გარკვეული იყო...

მადლობელი ვარ ჩემი ბედისა, რადგან ხომ შეიძლებოდა ვერ მოვსწრებოდი იმ დროს,

როდესაც ჩემი წიგნები პოლონეთში გამოვიდოდა. ვრწმუნდები რა იმაში, რომ მათზე მოთხოვნა იყო, ქედს ვუხრი პოლონურ პოეზიას, ვინაიდან სწორედ მან დამიცვა ემიგრაციაში ბერნი სასონარკვეთილებისაგან, ძალზე ძნელი და მტკივნეული მარტობისაგან, რომელსაც არავის არ ვუსურვებ“ (კრაკოვი, 1989 წლის 2 ოქტომბერი).

„თქვენ ძალზე დაძაბული ყოველდღიური ცხოვრებით ცხოვრობთ, მე ასე არ შემიძლია, მით უფრო, რომ პოლონეთი ჩემთვის მოულოდნელობითაა სავსე...“

რისი მეშინია? ძველი ავადმყოფობისა: რომ ხალხს არ დაეუფლოს ნაციონალიზმის ცდუნება, რომელიც უთვალავ კონფლიქტს წარმოშობს და მრავალ იმედს ასამარებს. მეშინია ასევე პლურალიზმის, რომელიც ეფუძნება მტრულ დაყოფას კლასებად, რასებად, აღმსარებლობებად. უპირველეს ყოვლისა კი მაფიქრებს იმის ბედი, რაც ჩემთვის ყველაზე ახლობელია – ბედი პოლონური კულტურის, რათა ის ფეხქვეშ გათელილი არ აღმოჩნდეს“.

„როდესაც პოლონეთში ჩამოვივიარ, საოცარი შეგრძნება მიპყრობს, ერთი მხრივ, ღრმა იდენტიურობისა, ხოლო მეორე მხრივ, – გაუცხოების. ორმაგი გრძნობა. ეს კი ძალიან ცუდია. ისეთი შეგრძნება მაქვს, თითქოს ხეიბარი ვიყო. მაგრამ ხეიბარი რომ არ ვიყო, იქნებ უფრო ცუდად მენერა? არ ვიცი“.

1992 წელს ჩესლაჟ მილოშმა ლიტვის საპატიო მოქალაქეობა მიიღო. ხოლო ერთი წლის შემდეგ პოლონეთში გადავიდა სამუდამო საცხოვრებლად. 1994 წელს ის აქ „თეთრი არწივის ორდენით“ დააჯილდოვეს.

„ვფიქრობ, უნდა დავეთანხმოთ იმ აზრს, რომ პოლონეთს არასოდეს ჰქონია ისეთი ისტორიული შანსი, როგორც დღეს აქვს. ვიმედოვნებ, რომ ქვეყანა აიცილებს ისეთ სანამღავს, – ნაციონალიზმის სანამღავს, რომელიც ყველგან მოქმედებს. მე ოპტიმისტი ვარ ამ მხრივ... როდესაც ვფიქრობ ცალკეული ადამიანების ბედზე უკანასკნელი ნახევარი საუკუნის განმავლობაში, მეჩვენება, რომ ასეთი ცოდნა და გამოცდილება ბრწყინვალე ლიტერატურით უნდა დაგვირგვინებულიყო. ჯერჯერობით კი ეს ასე არაა“ (1992 წელი).

„რა უნდა იყოს უფრო ლამაზი მითი, ვიდრე მითი ნორმალურობის თაობაზე? ისეთი საშინელი ისტორიის ქვეყანა, როგორსაც პოლონეთი წარმოადგენდა ბოლო ორი საუკუნის განმავლობაში, განა არ იმსახურებს სიმშვიდეს, თუნდაც ერთი საუკუნე მაინც?!“

„პოლონელი პოეტი დიდი ძალისხმევით ახშობს თავის თავში ორ გიგანტ სახელმწიფოს შორის აღმოჩენილი ქვეყნის ბედზე განუწყვეტელ ფიქრს. და ამით განსხვავდება ის ბედნიერი ერების წარმომადგენელ პოეტთაგან. ქურთი პოეტი მხოლოდ ქურთთა ბედზეა დაფიქრებული. ამერიკელი პოეტისათვის ცნება „ამერიკელთა ბედი“ საერთოდ არ არსებობს. პოლონელი პოეტი სადღაც მათ შორისაა. იქნებ სწორედ ურთერთსაწინააღმდეგო მხარეს მიმართულ ძალებთან დაპირისპირებაშია პოლონური პოეზიის განსაკუთრებულობა?!“.

ჩესლაჟ მილოში გარდაიცვალა 2004 წლის 14 აგვისტოს. დაკრძალულია კრაკოვში.

შოამზადა ამბროსი გრიშიკაშვილი

რაცაპტი

არავითარი აღსარება! თუმცა, ცხოვრებამ ისე გამომჭამა, მხოლოდ შვება იქნებოდა მასზე ხმამაღლა ლაპარაკი. ალბათ გამიგებდნენ ხელმოცარულები, რომლებიც დალასლასებენ ქუჩებში, ავადმყოფები, ლოთები, ბომჟები. მაგრამ რა არის, რაც მაკავებს? იქნებ სირცხვილი, რომ ჩემი უბედურებები მეტისმეტად უფერული გამოჩნდება მათ ტანჯვასთან შედარებით? იქნებ სიჯიუტე? დღეს მოდაშია საუბრები გაუხარებლ ბავშვობაზე, ბავშვობის ტრავმებზე. გინდაც მომნიფდეს ჩემი ტანჯვა საიმისოდ, რომ შეეძლო მასზე ლაპარაკი, მაინც დუმილი მირჩევნია. ან რა მაქვს სათქმელი? ვინც იტანჯება, ის ვერ ტყუის. უკადრისია კომედიები, რომელიც მოსდევს თუნდაც გულწრფელ აღსარებებს, ნუგეშის ყალბი მცდელობები და დადგმული თანაგრძნობები. ნათქვამ ფრაზაში, დუმილისგან განსხვავებით, სიყალბე მუდამ ილანდება. მე-საკმარისად მიყვარს სტილი, რათა გავერისკო.

ანგელოზების შესახებ

ყველაფერი წაგერთვათ: თეთრი სამოსი, ფრთები, არსებობა. მე კი მაინც მჯერა თქვენი, მაუნყებლებო.

ამობრუნებულ სამყაროში, რომლის სარჩული მოქარგულია მხეცებით და ვარსკვლავებით, დასრიალებთ და ამონებთ ნაკერების საიმედობას.

ჩვენთან დიდხანს არ ყოვნიდებით: მხოლოდ ხანდახან, ალიონზე, მოწმენდილ ცაში, სიმღერაში, რომელიც ჩიტმა აიტაცა, საღამოხანს ვაშლის სურნელში, როცა მზის სხივი ბალს აჯადოებს.

თქვეს, რომ ვილაცამ გამოგიგონათ. რაც ჩვენთვის არ უღერს დამაჯერებლად. ადამიანმა თავისთავის თვითონვე შეთხზა.

სხვა სამხილი არც მჭირდება – ხმაა დასტური, რომ ის ეკუთვნის მშვენიერ არსებას, უთუოდ ფრთოსანს და უწონადს, რომელიც ბრწყინავს.

ბევრჯერ ჩამესმა ეს ხმა მძინარეს და თვითონ მიკვირს, როგორ გავიგე ეს ბრძანება, იმქვეყნიურ ენაზე თქმული:

დღე ახლოვდება. მომდევნო დღეც. გააკეთე, რაც შეგიძლია.



## სამყაროს აღსასრულის სიმღერა

სამყაროს აღსასრულის დღეს  
ფუტკრები ეხვევიან ყვავილს,  
მებადური მშვიდად ართავს ბადის ნარღვევებს,  
წყლიდან ხტებიან მხიარული დელფინები,  
სანვიმარ მილთან დახტუნავენ ბელურები  
და გველიც, როგორც ყოველთვის, ბრწყინავს.

სამყაროს აღსასრულის დღეს  
მინდორში მიდიან ქალები ქოლგებით,  
ლოთს ტკბილად სძინავს სველ ბალახში,  
ბოსტნეულის გამყიდველი ყვირის ქუჩებში,  
კუნძულის გასწვრივ მიირწევა ყვითელი ნავი.  
ვიოლინო ამსუბუქებს საღამოს ჰაერს  
და ენთებიან ვარსკვლავები.

განბილდა ყველა,  
ვინც ელოდა ელვას და ქუხილს,  
და ვინც მთავარანგელოზის ნიშანს ელოდა,  
ვერ იჯერებს, რომ ეს ის არის.  
ვიდრე მზე ან მთვარეა ზემოთ,  
ვიდრე ყვავილი ეძლევა ფუტკარს,  
ვიდრე ვარდისფერი ჩვილები ჩნდებიან,  
ვინ ირწმუნებს, რომ ეს ის არის?

ეს თეთრწვერა მოხუცი კი,  
მეტისმეტად მოუცლელი,  
რათა მართლა გამხდარიყო წინასწარმეტყველი,  
სალათს აზავებს და ჩურჩულებს:  
ეს სამყარო სხვანაირად არც აღსრულდება,  
ეს სამყარო სხვანაირად არც აღსრულდება.

## არსი

– როცა მოვკვდები, დავინახავ სამყაროს შიგთავსს.  
ჩიტის მიღმეთს, მთების მიღმეთს, დაისის მიღმეთს.  
ყველაფრის მიღმეთს. ჭეშმარიტ არსს.  
რაც ვერასოდეს ლაგდებოდა, დალაგდება.  
გამჭვირვალდება უხილავი.

– და თუ სამყაროს არ აქვს შიგთავსი?  
თუ შაშვი ტოტზე არის მხოლოდ შაშვი ტოტზე  
და არა ნიშანი? თუ დღე და ღამე ვერც კი გრძნობენ,

– ასეც რომ იყოს, სადღაც მაინც არსებობს სიტყვა,  
რომელიც ფეთქავს მკვდარ ბაგეზე,  
რომელიც მოჰქვის, როგორც მაცნე  
ვარსკვლავებით აყვავებულ ციურ მინდორში  
და ყვირის, გვაფრთხილებს, ყვირის და გვაფრთხილებს.

## ილზალი

ნუთუ ერთია რკო და მუხა?  
ნუთუ ერთია გვიმრა და ნახშირი?  
ნუთუ ერთია წვეთი და ტალღა?  
ნუთუ ერთია მშვენიერი მუხლი და რკინა?

და რატომ უნდა მომეკითხოს ძველისძველი სტრიქონები  
ან გოგონების სახელები?  
დაე, იცხოვრონ ჩემმა ლექსებმა, როგორც ურჩევნიათ.  
დაე, აჩინონ გოგონებმა სხვების შვილები.  
მე კი მეყოფა მუხა და ნახშირი,  
ტალღა და რკინა.

## შესველა

გამთენიისას მისერავდა დათოვლილ ველს ჩვენი მარხილი,  
წითელი ფრთა აინია, მაგრამ ჯერ ბნელოდა.

გზა კურდღელმა გადაგვიჭრა.  
ვიღაცამ ხელი გაიშვირა და დაგვანახა.

ეს იყო ადრე. დღეს არცერთი არის ცოცხალი –  
არც კურდღელი, არც ის კაცი, ვინც მიგვახედა.

სიყვარულო, სად წავიდა ეს ყველაფერი –  
ხელის მტევანი, კურდღლის კვალი, თოვლის ჭრიალი?  
განა წუხილი, გაკვირვება მაღაპარაკებს.

## დაივიწყა

დაივიწყე ტკივილი,  
რომელიც მიაყენე სხვებს.  
დაივიწყე ტკივილი,  
რომელიც მოგაყენეს სხვებმა.  
მდინარეები მოძრაობენ,  
გაზაფხულები ინთებიან და ქრებიან,  
აბიჯებ მინას, რომელსაც ივიწყებ.

ზოგჯერ გესმის შორი სიმღერა.  
რას უნდა ნიშნავდეს, კითხულობ, ვინ მღერის?  
ისევე ბავშვობის მზე ამოდის.  
უკვე გაჩნდნენ შვილებიც და შვილიშვილებიც.  
შენ კი ვიღაცის ხელს მიჰყვები.

მდინარეების სახელები რჩებიან შენთან.  
როგორი უსასრულოები ჩანან ისინი!  
შენი მინდვრები გაველურდა.  
სხვა კომპეები დგანან ქალაქში.  
მხოლოდ დუმილი მიგყვა ზღურბლამდე.

## ცოტა

ვთქვი ისე ცოტა.  
დღეები მოკლეა.

მოკლე დღეები.  
მოკლე ღამეები.  
ნღები.

ვთქვი ისე ცოტა.  
რაც მოვასწარი.

დაიღალა ჩემი გული  
სიხარულით,  
განბილებით,  
ზრუნვით,  
იმედით.

ლევიათანი ხურავს ხახას –  
მე ვრჩები შიგნით.

უკაცრიელ კუნძულზეც კი  
ვწოლილვარ შიშველი.

ახლა უკვე ვეღარც ვხვდები,  
ამდენ სიზმარში რა იყო ცხადი.

## სიყვარული

სიყვარული – ხედავდე საკუთარ თავს  
გარედან, როგორც უცხოს.  
როგორც ერთ-ერთს მრავალთა შორის.  
ვინც ეს შეძლო, მისი გული თანაბრად ფეთქავს,  
მას ეუბნება ხე და ჩიტი: „ჩემო მეგობარო“.

დაინმინდა ყველაფერი,  
რაც მასშია, რაც გარეთაა.  
თუნდაც არ იცოდეს, რას ემსახურება,  
ემსახურება მასზე უკეთ,  
ვინც ეს იცის.


## ღაცემა

მომაკვდავი ადამიანი – როგორც უძლეველი სამეფოს დაცემა,  
რომელსაც ჰყავდა ძლიერი არმია, ბელადები, უხუცესები.  
მდიდარი პორტები, და სავაჭრო ხომალდები ყველა ზღვაში.  
დღეს ველარავის დაახმარს არმიას, და ვერავის დაუზავდება.  
დაცლილან მისი ქალაქები, მოსახლეობა გაფანტულა.  
ნარშავემა და სარეველამ გადაფარა ერთ დროს უხვი მისი ველები.  
მისი ენა დაიკარგა. მხოლოდ სოფლური დიალექტი  
შემორჩა აქა-იქ, მიუვალ მთებში.

## ბარკვეულ ასაკში

გვინდოდა გველიარებინა ცოდვები, მაგრამ ვისთან?  
თეთრმა ღრუბლებმა იუარეს მათი მოსმენა, ხოლო ქარი  
ერთი ზღვიდან მეორესკენ გადაქროდა, ვერ მოიცალა.  
ვერც ცხოველები დავაინტერესეთ.  
ძაღვები განბილდნენ – ბრძანებას ელოდნენ.  
კატას, უზნოს, როგორც ყოველთვის, ძილი მოერიდა.  
კაცს, რომელსაც ახლობლად ვთვლიდით,  
დაეზარა მეთათსედ მოესმინა ძველი ამბები.  
საუბრები მეგობრებთან არყისა და ყავის თანხლებით  
ვერც დებოდნენ, როგორც წესი, პირველ მთქნარებას.  
ეკლესიები. ალბათ ისევ ეკლესიები. მაგრამ ვალიაროთ – რა?  
რომ ჩვენ ვტკებოდით საკუთარი ღირსებით და მნიშვნელოვნებით,  
ვიდრე ჩვენ ნაცვლად ბებერი გომბეშო  
სანახევროდ წამონევედა დონდლო ქუთუთოს  
და მივხვდებოდით: „ღიახ, ეს მე ვარ“.

**პოლონურიდან თარგმნა ზვიად რატიანმა**



# 6 არტი

## ინტერპრეტაციები

**ზაზა ფირალიშვილი**

პანორამა უცნაურადაა განყენებული. ერთი შეხედვით, თითქოს ფერები საგნებს ნიღბებად იშველიებენ (ეს, განსაკუთრებით, ყვავილებში იგრძნობა), და თვალთმაქცურად მოქცეულან კონტურის ფარგლებში, ხანაც უკუუგდიათ ფორმის გარკვეულობა და კონტურიც კვლავ ფერში იკარგება. ლამის უფორმო ყვავილები დაუდევრად არეულან ერთმანეთში – სწორედ ისე, როგორც შესაქმის პირველ ნუთებში შეიძლება ყოფილიყო. ისინი თითქოს ჩვენ თვალწინ იშვიან ფერიდან, თუმცა, მისი დიქტატისაგან ჯერაც არ გამოთავისუფლებულან და ამიტომაც ჩამოღვენთილა მათ სხეულებზე თეთრი – ქვევით, ქოთნის ყელზეც სითხედ რომ იღვრება. თავად ჩიტის სხეულსაც კი, რომელიც გულმოდგინედ და ფაქიზად არის გამოკვეთილი, თეთრი ნვეთები ჯერაც გასდის და მიწაზე იღვრება. საგნები თითქოს ოდნავ დაუდევრადაც იძერწება თხიერი ფერებით. ეს უფრო პირველადი ჩანაფიქრის მდგომარეობიდან ახლადგამოსული სამყაროა, ვიდრე არსებული და ამიტომაცაა ასეთი განყენებული. აქ ყვავილი, როგორც საკუთარ თავთან იგივეური რამ, ჯერაც არ აელვარებულა ფერების მრავალსახოვნებით, ჯერაც ერთგვარი მეტაფიზიკური სიცივის მატარებელია. იგი ჯერაც არ ქცეულა ღვთის დასრულებულ ჟესტად. ეს უკანასკნელი ჯერ პირველ მინიშნებებად არსებობს. აქ ქმნა ჯერაც ფერით ოპერირებს და არა ნივთიერებით. ფერმწერსაც არსებობის ამ განზომილებაში მოუპოვებია თავისი ყუდრო ან ჯერ მხოლოდ დაუგულებია და

**ირაკლი ფარჯიანი. ყვავილები ჩიტით. 1988. ქალაქი. პასტელი.**



ფერებთან თამაშში ჩართვით ცდილობს იქ დავენებას. აქ ჯერაც არარას საშოდან გამოსული ფერი უპირატესობს; ჯერაც იგრძნობა პანორამის მეტაფიზიკური, მდუმარე განდგომა. უფრო სწორად, პანორამა აქ იმ უცნობ ენაზე მეტყველებს, ჩვენ რომ მდუმარებად გვევლინება, რადგან ეს მეტყველება მეტყველებაა ქმნისა და არა ქმნილისა. საგნები თითქოს ჯერაც ეფემერულებია და ამიტომაც ჩაკეტილა მათთან დიალოგის გზები. მთელი ამოცანა სწორედ ქმნის ამ მეტაფიზიკური აქტის თანხმობებში მოქცევაა, რათა პირველად სიტყვასთან ერთად დავბადოთ ეს საგნები.

ერთგვარი გამონაკლისი ჩიტია, რომელიც თითქოს უკვე გამოთავისუფლებულა ფერების საშოდან, თეთრის ბოლო წვეთები ჩამოსდის სხეულიდან და ოდნავ ნისკარტანეული იცქირება.

ასე ფრთხილად, ლამის მხოლოდ მინიშნებით ცდილობს მხატვარი მიგვიყვანოს იმ, ერთი შეხედვით, უხერხულად ბანალურ განცდამდე იმისა, თუ როგორ აღავლენდა ჩიტი უფლის დიდებას. ჩვენი საკომუნიკაციო იმპერატივები ხომ გვავალდებულებენ, რომ უარი ვთქვათ ამგვარი განცდების გამჟღავნებაზე და თუ მივანიშნებთ, მხოლოდ იმ ინტელექტუალური გამოცდილებებისა და ალგორითმების გავლით, მეზვერებზე ჩვენი თანაარსებობის სოციალურ ფორმებში რომ ჩასახლებულან და გვავალდებულებენ, ხარკი ვუხადოთ. ისინი ყოველთვის რაღაც სხვა ბილიკებისკენ გვიტყუებენ და გვაძულებენ, უარი ვთქვათ უშუალო სიცხადეებზე. არადა, შევეცდებით თუ არა, თავი ავარიდოთ ამ გზებს, რათა ეს სიცხადე მთელ მის სადა უშუალობაში გამოვთქვათ, მისგან აღარაფერი დარჩება, გარდა ყალბი პოზისა და უხერხული სენტიმენტალური თვალთმაქცობისა. კიდევ ერთხელ დავრწმუნდებით, თუ რამდენად შეუძლებელი თუ არა, ძნელი ამოცანაა, ნერტილში ჩაკარგული ძენონის ისარი კვლავ გზაზე აამოძრაო ისე, რომ არც ამ ნერტილის ჰიპნოტური ხიბლი დაკარგო და გზაზეც არ თქვა უარი. შესაძლებელი არის კი, რომ ეს უშუალო სიცხადე, ეს „მარად ბავშვური აკმეს“ ნაყოფი კომუნიკაციებში განვითავსოთ ისე, რომ იგი ერთ-ერთ ზერეულ სიცხადედ, ლაყობის ჰორიზონტალურ სივრცეში სათრევ ბანალობად არ იქცეს? როგორ უნდა გამოხატო ის, რომ ჩიტბატონა

თუ ნიბლია ჩიტი უფლის დიდებას აღავლენს და ეს ჩვენი დიდებული შუამავალი (ცოცხალი არსება ხომ დიდი შუამავალია ადამიანსა და უფალს შორის) შენც მიგიძღვის უფლის დიდების აღვლენის ბილიკებზე და რომ იგი ამას ახერხებს მხოლოდ იმის წყალობით, რომ არ არის ჩაჭერილი სემანტიკაში ჩასაფრებული მეზვერეების მიერ? თუ – ამ მეზვერეებისათვის თავის არიდება მხოლოდ მაშინ შეიძლება, როდესაც შევძლებ და მათ მიერ ნაკარნახევ საკომუნიკაციო იმპერატივებს ჩემი სულის უსასრულო მარტობაში გავექცევი? წინააღმდეგ შემთხვევაში იგივე ბედი მელის, რაც ბოსხისუელ ჯვრის მტვირთველს – ან განმდევნიან და ან კიდევ გამაკრავენ ჩემს სანეტარო ვერტიკალური და ჰორიზონტალური კავშირების მარადიულ სიმბოლოზე – ჯვარზე. გამოსავალი, როგორც ვთქვით, ან ნებაყოფლობითი ოსტრაკიზმია, ან კიდევ შემოქმედის წმინდა თვალთმაქცობა, რომელიც თითქოსდა მხოლოდ ასლს ქმნის მაგლობელი ჩიტისა, მაგრამ ფერებისა და კონტურების ენით ამ ასლს იმ კონცენტრული წრენიერებით ნიღბავს, სინგულარობის ნერტილის გარდუვალობისაკენ რომ მიგიძღვიან – უბრალოდ, კი არ გახსენებენ მას, არამედ „მოტყუებით“ მიჰყავხარ მისკენ, ლამის შეუმჩნეველად გათავისუფლებენ ზერეულ კავშირების ინტელექტუალური კომფორტისაგან და ტოტალური შეხვედრის დიდებულ და ულმობელ მორევში გითრევენ. ერთი შეხედვით, ისინი ადასტურებენ იმას, რაც ფხიზლად განაბული მეზვერეებისათვის სრულიად ცხადი და მისაღებია და ამავდროულად კონტრბანდისტივით გააპარებს მათ მიერ აკრძალულ საქონელს და ამით ეროზია შეაქვს მათ თვითმკმარობასა და თვითკმაყოფილებაში. იგი იმ მეამბოხეს ჰგავს, რომელიც საზღვარზე შენიღბულად იარაღსა და ასაფეთქებელ მასალას აპარებს – აპარებს, როგორც ამ უნაყოფო კალიედოსკოპის წინააღმდეგ შეთქმული, მაგრამ აპარებს არა ასაფეთქებლად – მას კარგად ესმის, რომ აფეთქება მხოლოდ ახალი უბედურების, ზერელობის ახალი სიხისტის დასაწყისი იქნება – არამედ საიმისოდ, რომ მასში სამარადისოდ შეინარჩუნოს ბზარი, რათა მინიერ მეუფეს არ მიეცეს საშუალება, ბოლო ნერტილამდე უზრუნველყოს ფუქსავატ საკომუნიკაციო სიცხადეთა ჰარმონია. იგი ვერტიკალურ კავშირებზე ყოველ მინიშნებას მისივე გროტესკულ ორეულად აქცევს და მოხეტიალე ადამიანის სულს ისე სთავაზობს. ასე აქცევს იგი მომლოცველს ტურისტად, აგასფერის, ამ თანამედროვე, ყოველგვარ დრამატიზმს მოკლებულ, უბადრუკ ორეულად; მარადიული ხეტიალი სანახაობებით ტკბობით რომ შეუნიღბავს; ჭეშმარიტების ძიება – ფილოსოფიურ თუ რელიგიურ ესტრადად უქცევია; სახლი, როგორც სულის მარადიული სამყოფელის ალგორია პოსტმოდერნის ტრანზიტულ არქიტექტურად გარდაუქმნია, რომლის იდეალიცაა „აქ და ახლა“-ს კონტურების ნაშლა. ოღონდ კი ადამიანის სულმა არ მიაგნოს ბზარის ნერტილებს, ოღონდ კი იგი არ დასძლიოს ცთუნებამ, ხილულის ჰიპნოტურ ხიბლს მიეცეს და ყური დაუგდოს, გამთენიის ჟამს როგორ აღავლენს უფლის დიდებას პატარა ჩიტი.



რა უნდა იყოს ტილო მხატვრისათვის? ცხადია, ეს არ არის ინსტრუმენტი. ეს არც სუბსტანციაა იმისა, რაც უნდა შეიქმნას. პირველ მიახლოებაში, ეს არის ადგილი, სადაც მისი შინაგანი გამოცდილება გარეგანად უნდა იქცეს, მაგრამ ეს ერთი შეხედვით, თუ მივიჩნევთ, რომ იგი უკვე ფლობს ამ შინაგან გამოცდილებას და თითქოს უკვე „იცის“ საკუთარი გამოცდილების შესახებ. ერთი შეხედვით, ეს არის ადგილი, სადაც ჭირვეულად და წინააღმდეგობებით უნდა იშვას ის, რასაც იგი უკვე ატარებს. ამ აზრით, ტილო იგივეა მისთვის, რაც სუფთა ფურცელი მწერლისათვის, სცენა რეჟისორისათვის და ასე შემდეგ. თუ ამას დავიჯერებთ, ნახატის დაბადება, ერთი შეხედვით, სრულიად ნათელი ჩამონათვალით – ჩანაფიქრი, ინსტრუმენტალიები, ტექნიკა, ტილო – შეიძლება აღვწეროთ და მთელი ამოცანა ტექნიკური გამოცდილების არსებობა ყოფილა. ცხადია, ტილო გამოცდილების განთავსების ადგილია, მაგრამ გამოცდილებისა, რომელიც არსებობს, როგორც შილერი ამბობდა, ერთგვარი მუსიკალური განცდის სახით, ერთგვარი ენერჯის სახით, რომელიც მხატვრისაგან ფორმის მიცემას მოითხოვს. თითქოს ევას ვაშლი მიეწოდებინოს მისთვის და ამით ამოეგდოს ჩვეული და თანაზომადი სამყაროდან. ფერები, სიტყვები თუ ბგერები ამ დროს ის ინსტრუმენტებია, რომლებმაც ამ ენერჯის ფორმა უნდა შექმნან, უფრო სწორად, მისი განთავსების ადგილი შექმნან და ტილო, ამ აზრით, სხვა არაფერია, თუ არა ამ ადგილის ადგილი, მისი სცენა, მისი ასპარეზი, ადგილი, სადაც სიტყვაც, ფერიცა და ბგერაც თავისი ნებელობის გამჟღავნებას იწყებენ. ენერჯია, რომელიც ფორმას მოითხოვს, ჭირვეულად ცდილობს ფერის ნებელობის დამორჩილებას და ეს ბრძოლა გრძელდება მანამ, სანამ ამ ორი ნებელობის –

იდუმალი პირველადი ენერჯისა და ფერის (თუ სიტყვისა, ბგერისა, ქვისა და ასე შემდეგ) ნებელობები სიმფონიურ თანხმიერებას არ მიაღწევენ და იდუმალი ენერჯის ნებას მხატვრის გამოცდილებად არ გააფორმებენ. ამიტომაც არ არის ტილო მხოლოდ ჩანაფიქრის განთავსების ადგილი. ჩანაფიქრი იბადება ამ ენერჯისა და ფერის ნებელობათა თანხმიერებაში. თავდაპირველად კი არსებობს ერთგვარი ფორმამიუცემი, მაგრამ ფორმის მნებავი ენერჯია, ჭირვეული, მოუსვენარი ენერჯია, რომელიც ლამის ავხორცი უნით ცდილობს ფერის დამორჩილებას. თავდაპირველად არსებობს მხოლოდ უსისტემო და გაუფორმებელი ფრაგმენტები იმისა, რაც უნდა იშვას, ერთგვარი ემპედოკლესეული ნახევარარსებები, რომლებიც იბადებიან, ერთმანეთში გადადიან, ქრებიან და კვლავ იბადებიან, სანამ ფერისა და კონტურის ნებელობის აღიარებით არ მიაგნებენ თავისი განთავსების ადგილს. ამით ტილო ადგილის ადგილია, ენერჯისა და ფერის თანხმიერების გამჟღავნების ადგილია, უვნებო, საკუთარი ნების არმქონე ადგილი, თუმცა კი მხატვარი ზოგჯერ მაინც ცდილობს ნებელობა მიანიჭოს მას იმით, რომ მისი კოლორიტის არსებობას აღიარებს. იგი თითქოს ბოლომდე უსიცოცხლო რჩება და იმ ქალს ჰგავს, რომლის სილამაზეც იკარგება ძვირფასეულობისა თუ მშვენიერი ტანისამოსის ბრწყინვალეობაში. მაგრამ ეს მხოლოდ თითქოს, რადგან მხოლოდ გვიან ამჟღავნებს თავის ნებელობას, მხოლოდ გვიან აღიარებს, რომ საბოლოოდ სწორედ მას წარუტაცია ენერჯისა და ფერის ბრძოლის დრამის მთელი ნაყოფი და თავად ქცეულა მხატვრის გამოცდილების ახალ ჰორიზონტად, იმ ტრანსპორტად, რომელმაც უნდა ატაროს კიდევ მხატვრის გამოცდილება ადამიანურ საკომუნიკაციო სივრცეში. იგი იმ ბრძენი ქურდივითაა, რომელიც საბოლოოდ ისაკუთრებს მთელი ამ დრამის ნაყოფს და გაიძულებს, რომ ეთაყვანო, თუმცა კი თავად მთელი ამ ისტორიის განმავლობაში პასიურად იყო განაბული. არადა, თურმე ელოდა, როდის დასრულდებოდა ყველაფერი და მიითვისებდა ნაყოფს. მხატვარიც ხომ მისი წყალობით რწმუნდება, თუ როგორი ამაო იყო მისი მცდელობა, როგორმე ერთმანეთთან შეერიგებინა ენერჯისა და ფერის ნებელობები და რომ ყველაფერი კვლავ ხელახლა დასაწყები.



საგნები და მიმართებები წყალში ჩანვეთული აკვარელივით ჰკარგავენ კონტურებს და მათ გვერდით ახალი სახეები ჩნდება, უსასრულოდ ნაცნობი სახეები – საგნები, ადამიანები თუ მიმართებები. სრული განცდაა, რომ ისინი ნამდვილად არსებობდნენ შენს გამოცდილებაში და მათი ნამდვილობის ხარისხი ნებისმიერ ნამდვილობას აღემატება, თუმცა კი გამოფხიზლებულს ვერა და ვერ გაგისხენებია, როდის იყვნენ ისინი შენი გამოცდილების წევრები და როდის გადაეყარე მათ, როდის დაამჩნიეს კვალი შენს ცნობიერებას და რატომ იკარგებიან გამოფხიზლებისთანავე, თუმცა კი გიტოვებენ განცდას, რომ ისინი კვლავ მნიშვნელობენ და რომ შეიძლება ისიც მოხდეს, კვლავ გესტუმრონ მთვლემარებაში. მთავარია, რომ ისინი, თურმე სადღაც არსებობენ და მნიშვნელობენ. ზღაპარი და მითი თითქოს ასეთ მთვლემარების ხილვებში განაცვლებენ ადამიანს. უსასრულოდ ნაცნობი და გამოცდილებაში ნამდვილად არსებული ადამიანები, არსებები და სიტუაციები მათი მეშვეობით გახსენებენ თავს და ცნობიერების ველს ახალ განზომილებებს სძენენ. ამიტომაც არის მითი ნამდვილზე უნამდვილესი რამ, კიდევ უფრო ნამდვილი, მეტიც, მტიკივნიულად ნამდვილი, ვიდრე ის მოვლენებია, ჩემს სიფხიზლეს რომ ქმნიან. მხატვარი ცდილობს, საკუთარ სხეულში შეინარჩუნოს ისინი – სხეულში, რომელზეც თავიდანვე ვისაუბრეთ და რომელსაც ჩვეულ გარემოებებთან ერთად ნახატებში ასახული მისი ცნობიერების დინამიკა, მისი ფიქრებისა და განწყობების თავგადასავლები ქმნიან და რომელშიც ცდილობს, ჩვენც შეგვიტყუოს, რადგან ჩვენი დასტურისა და თანაყოფნის გარეშე ამ სხეულის არსებობა წარმოუდგენელია. უფრო მეტიც, ამგვარი შეტყუებითა და დასტურით არსებობს ჩვენი თანაყოფნის სივრცე და ამ სივრცეში ჩნდებიან ის ნამდვილზე უნამდვილესი არსებებიც, ვისაც ყოფნის სხვა „ადგილი“ არ გაჩნია. მხატვარმა და მე, აღმქმელმა, მუცლითმეზღაპრემ და მე, მსმენელმა, პოეტმა და მე, მკითხველმა, მუსიკოსმა და მე, ბგერათა ამ ჰარმონიაში გაგუვებულმა უნდა დავადასტურო ამ სივრცის არსებობა – ალბათ, ერთადერთი ნამდვილზე უნამდვილესი სივრცისა, რომელშიც ადამიანებმა იმ იდუმალ არსებებთან, გარემოებებთან თუ თავგადასავლებთან ერთად

შეიძლება ვიარსებოთ. ეგაა, მხატვარს (მუსიკოსს, პოეტს თუ უბრალოდ, ბრძენს ამ სიტყვის აღმოსავლური გაგებით) იმის კომპეტენცია მინიჭებულია, რომ ამ დასტურის პროვოცირება მოახდინონ, მისცემიათ იმის სიამამაც, რომ მთვლემარების ხილვათა ნამდვილობა არა მხოლოდ ელიარებინათ, არამედ ჩვენთვისაც შემოეთავაზებინათ. და მაინც, ადამიანური უმწეობა აიძულებთ, რომ ის, რაც მოიპოვეს, ტილოს, ფურცელსა თუ თიხას გადააბარონ შესანახად, რადგან თავად ვერ უძლებენ ამ მონაპოვარის ზღვრულ დაძაბულობას.

**ირაკლი ფარჯიანი. სერიიდან „ფაუსტი“. 1986 წელი**



ფაუსტის თემა გარდუვალობით ეხმიანება ეჭვს, რომელიც ჩრდილივით დასდევს ადამიანს: ხომ არ ყოფილა წამი, როდესაც სადღაც და ოდესღაც, სასონარკვეთილს ან თუნდაც ნახევრად ხუმრობით მომიხმია ძალები, რომლებიც მე, როგორც მთელი სამყაროს წინააღმდეგ შეთქმულს, მარტოსულის ძალმოსილებასა და თავისუფლებას მომანიჭებდნენ? იქნებ ეს ნაბიჯი უკვე გადავდგი, თუმცა კი ზერელე თამაშით, საკუთარ თავთან თავქარიანი ლაყბობის ნიღბით, ან კაცობრიობისათვის სიკეთის მოტანის კეთილშობილი ოცნებებით გართულმა ვცადა მთლიანად საკუთარი ნებელობის სუბსტანციით ამეგო ყველაფერი. მთლიანად საკუთარი თავისაკენ მიმართული ნებელობა კი სხვა არაფერია, თუ არა უსასრულო მარტოობა, როგორც შავი კესპერლინი ამბობს თომას მანთან, მხოლოდ უკიდურეს სიცივესა და უკიდურეს

სიცხეს შორის არჩევანის შესაძლებლობა, თუ არა ყოფიერებასთან თანაობას მოკლებული და სამარადისოდ საკუთარ თავის წინაშე აღმორჩენილი ნებელობა. ამიტომაც არის, რომ თანაობისა და თავისუფლების განზომილებას მოკლებული სული ფარჯიანისეული „ფაუსტის“ სერიის მრუმე ფერებში დაეხეტება და მთელს ამ მკაცრ ფორმებსა და ცივ ფერებში მოქცეულ პანორამას თითქოს სასაზღვრო სიცივის გამომხატველი გაეღვებები ანათებს. ესაა ფსალმუნისეული ბოროტების მღვიმის პანორამა, რომელშიც იგი საკუთარი ნებით შესულა.

ქრისტიანობის წიაღში სრულიად ბუნებრივია ეს შიში – შიში იმისა, ოდესღაც ხომ არ დაგიდია ხელშეკრულება ბოროტთან, ოდესღაც ხომ არ შეგიდენია საკუთარი თავი ამ მღვიმეში. იქნებ, ეს უკვე მოხდა – მოხდა ერთხელ, დღეს უკვე ძნელად დასადგენ წამს, მაშინ, როდესაც საკუთარი ნების მომავალი ძალმოსილების განცდით მთვრალმა ადამივით საბედისწერო ნაბიჯი გადადგი.

სად იმალება აქ ბოროტება? რა არის საიდუმლო იმ სუბსტანციისა, რომელიც მღვიმე, რომელიც მთლიანად საკუთარი თავისაკენ მიბრუნებული, მთლიანად საკუთარი თავის ჰიპნოტური ხიბლით შეპყრობილი ნებელობით აიგება. ბოროტებას და, ამავდროულად მღვიმეს, რომელიც ამ დროს იბადება, გოეთესთან მეფისტოფელი ჰქვია. მან საბოლოოდ უნდა დაადასტუროს მთლიანად საკუთარი თავისაკენ მიბრუნებული ნებელობის, გონებისა და გრძნობის სუბსტანციებით აგებული მღვიმის არსებობა, წინასწარ უნდა მოასინჯინოს სულს ტოტალური მარტოობის მთელი ძრწოლა, რათა ამით თავისდაუნებურად ახალი ჰორიზონტებისაკენ უბიძგოს მას. იგი ხომ ნაწილია იმ დიადი ძალის, ვისაც ავი სურს და კეთილს სჩადის. მას ლოგიკურ ბოლომდე მიჰყავს ადამიანის სულში მოციალე ნაპერწკალი ჯადოსნობისა, ბოლომდე მიჰყავს საკუთარი თავისაკენ მიბრუნებული გონების, გრძნობისა და ნების მთელი ჰიპნოტური ხიბლი და თავისდაუნებურად აღძრავს იმ ძრწოლას, რომლის შემდეგაც ახალი ჰორიზონტია. ეშმაკი ადამიანმა თავის სახედ და ხატად შექმნაო, წერს დოსტოვესკი. ეშმაკი სწორედ ამ საკუთარი თავისაკენ ტოტალური მიბრუნების პროდუქტია, შედეგია იმ მდგომარეობისა, როდესაც საკუთარი თავით ტკობაში ჩაძირული

სული გაუვალ წრეს შეჰკრავს. ეშმაკი სწორედ რომ აკრძობს იფიცირებას ამ უსასრულო და სულის შემზუთველი მარტოობისა, უსასრულო მარტოობაში დარჩენილი სულისა, სულისა, რომელიც საკუთარი ნებით გამოქცევია თანაყოფის მადლს და თვითკმარობის მაგნეტიზმით დატყვევებულა.

ამ მდგომარეობისაკენ სვლის ფარული ვნება ისევე დასდევს ადამიანს, როგორც, მეორე მხრივ, ღვთის სიტყვაში თანაყოფის წადილი. ცხოვრება სწორედ ამ ორის დაძაბულობაში დგინდება. ეგ არის, რომ ფაუსტი სრულიად გულწრფელად აღიარებს თავისი სულის ამ ბოროტი აჩრდილის ძალმოსილებას და გადანყვეტილებასაც იღებს, მას მისდოს. მისი ხსნა სწორედ ეს გულწრფელობაა, ეს გულწრფელი ვნებაა, თავისუფლად მიეცეს საკუთარი სულის იმპულსებს და ცოდვასა და მადლს შორის თვალთმაქცური თამაშით არ მოიტყუოს თავი.

ფაუსტური ვნება, ალბათ, მუდამ იარსებებს ადამიანში, ფარულად თუ აშკარად, მუდამ იციალებს შურისძიების სურვილი სამოთხიდან განდევნის გამო და მოძებნის მოკავშირეს, რომელიც ბედნიერების განცდას დაუბრუნებს. ეს მოკავშირეც ხომ საკუთარი ნებით ტკობის გამო გამოდევნეს თავის დროზე ანგელოსთა დასიდან და, მასასადამე, მათი კოსმიური ბედი რალაცით ძალზე ჰგავს ერთმანეთს. მთავარია, მიენდოს ამ უკანასკნელის ანთროპოგონიას და არ იუცხოვოს, თუკი მისგან ახალი გოლემის, ჰომუნკულუსისა თუ ცახესის შექმნას მოინდომებენ. მთავარია, რომ გაბედოს აღიარება იმისა, რომ სადღაც და ოდესღაც სისხლით მოუწერია ხელი საბედისწერო ხელშეკრულებაზე და ახლა ჟამიდანჟამს გაღვიძებული სინანული საკუთარი სურვილების ქმედითობის გამო ბედნიერების გრძნობით გადაფაროს. ჰოდა, მიჰყვება თავის მეგზურს მიწიდან ამოსროლილი ცეცხლის ალებით განათებულ გზებზე, თუმცა კი ხანგამოშვებით თავისი მეგზურს უყინიანდება და ჭირვეულობით ცდილობს ფასი დაიდოს.

„ფაუსტის“ სერიაში კონტურები იბადება უკვე არა ფერთა თამაშით, არამედ, თუ შეიძლება ითქვას, როგორც წყვილადის მიერ ნათლის იმიტირების შედეგი. (წინადადება გაუგებარია) ამიტომაცაა ამ ფერებში ასეთი „მექანიკურობა“, ასეთი განსაზღვრულობა, თავისუფლებას მოკლებული იგივეობა საკუთარ თავთან. ასეთი ფერებით ნაქსოვ სხეულს ჩრდილი არ უნდა ჰქონდეს, რადგან თავად არის ჩრდილი. ასეთ სხეულთან შეხვედრა და დიალოგი შეუძლებელია. მასთან მექანიკური თანაყოფნაა შესაძლებელი და მხოლოდ მას შემდეგ, რაც ხელშეკრულებას დადებ თავად წყვილადთან და საკუთარ თავს საკუთარი თავისავე უსიცოცხლო ორეულად აქცევ. თუმცა კი სხივი მაინც რჩება და როგორც არ უნდა ცდილობდეს მის მიჩქმალვას წყვილადის განუზრჩველობის ძალმოსილება, იგი მაინც რჩება, რადგან მის გარეშე თავად წყვილადიც ვერ იარსებებდა. სწორედ ეს სხივი იხსნის გოეთესთან ფაუსტს.

გია ბულაძე. მარტო ხეი. 1984 წელი.



ნოსტალგია წინათგრძნობა იმისა, რომ წარსული არ არის „უნინ“ და რომ იგი „აქ და ახლაც“, იქ, სადაც ახლა ვარ და რომ მისი მეშვეობით კოსმოსი კვლავაც მაუწყებს იმას, რისი გამოთქმაც მან ერთხელ წამოიწყო. ეს სათქმელი კვლავაც განაგრძობს ჩემში ხშიანებას და ამით საზრისს ჰკარგავს ყოველგვარი ხანიერება და გრძეობა. და რამდენადაც ამ წინათგრძნობასთან ერთად ჩნდება იმის იმედიც, რომ ერთხელაც იქნება, ეს სათქმელი მთელი თავისი სისრულით აულერდება ჩემში, სწორედ ნოსტალგიაა ის, რაც კრავს დროთა სისრულეს და ჩემს არსებობას ამ სისრულის ზღურბლზე ამყოფებს. ამით კი მეხსიერება უკვე აღარ არის ის ადგილი, სადაც „უკან მოტოვებული“ ცხოვრების ნაფლეთებს მოუყრიათ თავი, იგი ამ ყოვლადსისრულის განთავსების ადგილია.

ამიტომაც არის მეხსიერება უცნაური რამ. იგი ინახავს გამოცდილებებს, რომლებიც საგნობრივად არასოდეს მოგვეცემია. პირიქით, პლატონს თუ ვავიხსენებთ, თითქოს თავად მეხსიერება სძენს საზრისს საგნობრივ გამოცდილებას; თითქოს ელოდება საბაბს იმისა, რომ გარეგან გამოცდილებებში გამყლავნდეს და „აჰა“-ს განცდად მოგვევლინოს. მერე კი კვლავ სიზმარივით დაინრიტოს ცნობიერების წიაღში და კვლავ დაელოდოს გამყლავნების საბაბს. თუმცა, ისიც ხდება, რომ თითქოსდა ყოველგვარი საბაბის გარეშე გვეწვევა კვლავ თავისი უსიტყვო, უფორმო, უფერო მეტყველებით და უცნაური, მტანჯველად ნაცნობი ყოვლადსისრულით.

ეს ნახატიც ამგვარი გახსენების წინათგრძნობითაა გაჯერებული. ცეცხლოვანი სუბსტანციით ნაგები პანორამა, პირველადი ენერგიით რომ სუნთქავს, კოსმოგონიის იმ წამს გვახსენებს, როდესაც ჩანაფიქრსა და აღსრულებას შორის საზღვარი იყო ნაშლილი; როდესაც ერთიანი პირველადი სუბსტანცია ჯერაც სუსტად იყო არტიკულირებული ფერებად, ბგერებად და ფორმებად და როდესაც მისი დინამიკა ჯერაც

არ იყო იოლად ხელჩასავლები საზრისის მატარებელი. ეს ჯერ კიდევ ენერგიის ზღვაა, რომელიც ალაგ-ალაგ შენივთებულა და საკუთარ შენივთებასთან საზღვრად ჰორიზონტის ვინრო, ნათელი, ჯერაც მკრთალი ზოლი გამოუკვეთავს. მისი საზრისი ცნობიერების წიაღში მიმალული ის განცდაა, ამ პანორამის მეშვეობით რომ ცდილობს თავი გაგვახსენოს.

პირველადი არსებობა არ არის ისეთი რამ, რაც ოდესღაც იყო. შესაქმე თავისთავად მარადი აქტია, რომელიც თამამდება მიუხედავად იმისა, აღვიქვამთ თუ არა მას. მთავარია, რომ სახელდებით ვადასტურებთ – სწორედ ისე, როგორც ეს სადღაც და ოდესღაც განგვიჩინეს. ყოფიერება ამგვარი სახელდების გარეშე არ არსებობს და ამიტომაც ვართ ჩვენ ღვთის ხატისაებრ და მსგავსებისაებრ შექმნილი არსებანი. ჩვენ სახელს ვდებთ ღვთაებრივი ენერგიების დინამიკას და ამით კოსმიურ ძალისხმევას ვადასტურებთ. პანორამა, რომელსაც ვუცქერთ, ამ ძალისხმევის გარდუვალობითაა გაჯერებული – ადამიანთა იმ ლანდისებრ ფიგურებთან ერთად, მოჭრილ, მაგრამ მაინც ცოცხალ ხეს რომ მიასვენებენ და ამ უცნაურ მსვლელობაში არიან ჩართულნი. მათ მიღმა მთიანი პანორამაა, რომელიც უმალ გახევებული, ზღვრულად თბილი ფერებით გადმოცემული ცეცხლოვანი ენერგიაა, ვიდრე ნივთობრიობა თავისი სიხისტითა და საკუთარი თავის იგივეური ყოფით.

სწორედ ამგვარი, ხელახლა შობის ზღვარზე უნდა ყოფილიყო სამყარო, როდესაც მეფე მირიანის ბრძანებით ხუროებმა ჯვრის დასამზადებლად სასწაულთმოქმედ ხეს მიაგნეს და მცხეთაში გადმოასვენეს. ეს არის წამი, როდესაც ჰაიდვერისეული ყოფიერების ხმა თავის წიაღში, ერთგვარ ლამის ამორფულ ცეცხლოვან მასაში მიაბრუნებს ყოველივეს და კოსმოსი ხელახლა იწყებს გაფორმებას, ხელახლა ბადებს ადამიანსაც და საკუთარ თავსაც. სხვაგვარად ვერ მოხდებოდა მას შემდეგ, რაც ღვთის განკაცება გახდა შესაძლებელი და ხორცადქმნილი ღვთის სიტყვა ყოველივეს ანად და ჰოედ ცხადდება. საბოლოოდ, ეს არის წამიერება, რომლის ნოსტალგიაც ფარულად თუ აშკარად დაგვეყვება ყველას, ვინც მტკვრისა და არაგვის შესართავთან გათამაშებულ სამყაროს ტოტალური განახლების აქტში, ახალი ქართული კოსმოსის დაბადებაში ვართ სადღაც და ოდესღაც მონაწილენი.

# ინსტალაციის პოლიტიკა

## ბორის გროისი

დღეს ხელოვნებას ხშირად ათანაბრებენ არტ-მარკეტთან, ხოლო ხელოვნების ნაწარმოებს ალიქვამენ როგორც ნივთს. უდავოა, რომ ხელოვნება არტ-მარკეტის კონტექსტში ფუნქციონირებს და რომ ხელოვნების ნებისმიერი ნიმუში ნივთია. ამის მიუხედავად, ხელოვნება იქმნება და იფინება მათთვისაც, ვინც არ აპირებს, კოლექციონერი გახდეს. სინამდვილეში, სწორედ ასეთი ადამიანები წარმოადგენენ გამოფენების დამთვალეირებელთა დიდ უმრავლესობას. რიგითი დამთვალეირებელი გამოფენილ ხელოვნების ნაწარმოებებს ნივთებად არ ალიქვამს. ამავდროულად ფართომასშტაბიანი გამოფენების: ბინალეების, ტრიენალეების, დოკუმენტებისა და მანიფესტების რაოდენობა მუდმივად მატულობს. მიუხედავად დიდი ფულისა და ძალისხმევისა, რომელიც ამგვარი გამოფენების მოწყობაშია ჩადებული, ისინი, პირველ რიგში, ეწყობა არა კოლექციონერებისთვის, არამედ რიგითი დამთვალეირებლისთვის, რომელმაც შეიძლება არც არასოდეს შეიძინოს ნამუშევარი. ამასთანავე, ხელოვნების ბაზრები, თითქოს მხოლოდ ხელოვნების მყიდველებისათვის რომ ეწყობა, უფრო და უფრო მეტად გადაიზრდება ხოლმე საჯარო ღონისძიებებში, რომლებიც ისეთ დამთვალეირებელს იზიდავს, ვისაც ან ნაკლებად აინტერესებს ხელოვნების ნაწარმოების შექმნა, ან ფინანსური მდგომარეობა ამის საშუალებას არ აძლევს. ამგვარად, ხელოვნების სისტემა ახლა სწორედ იმ მასობრივი კულტურის ნაწილად გარდაიქმნება, რომლის განსჯასა და გაანალიზებას ის, უკვე დიდი ხანია, შორიდან ცდილობდა. ხელოვნება მასობრივი კულტურის ნაწილი ხდება. არტ-მარკეტზე გასაყიდად შექმნილი ნამუშევრების წყაროს ნაცვლად იგი საგამოფენო საქმიანობის ასპარეზად გვევლინება არქიტექტურასთან, დიზაინთან და მოდასთან კომბინაციაში – ზუსტად ისე, როგორც ამას უკვე 1920-იან წლებში წარმოადგენდნენ ავანგარდის, ბაუჰაუსის, ვხუტემასის და სხვა მიმართულებების პიონერები. ამგვარად, თანამედროვე ხელოვნება შეიძლება გავიგოთ, უპირველეს ყოვლისა, როგორც საგამოფენო საქმიანობა. ეს ნიშნავს, რომ დღესდღეობით უაღრესად რთულია, ერთმანეთისგან გაეარჩიოთ თანამედროვე ხელოვნების ორი მთავარი წარმომადგენელი – ხელოვანი და კურატორი.

ხელოვნების სფეროში შრომის გამიჯვნა ტრადიციულად ცხადი იყო. ხელოვნება ხელოვანებს უნდა შეექმნათ, კურატორებს კი მათი შერჩევა და გამოფენა ეკისრებოდათ. მაგრამ დიუშანის შემდეგ შრომის ამგვარი გამიჯვნა მოისპო. დღეს უკვე აღარ არსებობს „ონტოლოგიური“ განსხვავება ხელოვნების შექმნასა და ხელოვნების გამოფენას შორის. თანამედროვე ხელოვნების კონტექსტში ხელოვნების შექმნა ნიშნავს მის ხელოვნებად წარდგენას. ამგვარად იბადება კითხვა – შეიძლება თუ არა, და თუ შეიძლება, როგორ უნდა გავარჩიოთ ხელოვანის როლი კურატორის როლისაგან, თუკი აღარ არსებობს განსხვავება ხელოვნების შექმნასა და მის გამოფენას შორის? მე ვიტყვოდი, რომ ამგვარი გამიჯვნა ჯერ კიდევ შესაძლებელია. საკითხს განვიხილავ იმ გან-

სხვავების გაანალიზებით, რომელიც არსებობს რიგით გამოფენასა და ინსტალაციას შორის.

ტრადიციული გამოფენა ჩაფიქრებულია როგორც ხელოვნების ობიექტების კრებული, რომლებიც ერთმანეთის გვერდიგვერდაა განთავსებული საგამოფენო სივრცეში და ერთიმეორეს მიყოლებით დასათვალეირებლადაა გამიზნული. ამ შემთხვევაში საგამოფენო სივრცე ფუნქციონირებს როგორც ნეიტრალური, საჯარო ურბანული სივრცე, დაახლოებით როგორც გვერდითი გზა, საითაც გამვლელს შეუძლია დასწრების საფასურის გადახდისთანავე გადაუხვიოს. დამთვალეირებლის მოძრაობა საგამოფენო სივრცეში შეიძლება ქუჩაში გასეირნებას და მარჯვნივ თუ მარცხნივ გაშენებული სახლების არქიტექტურის დათვალეირებას შევადართ. შემთხვევითი არ არის, რომ ვალტერ ბენიამინმა თავისი „არკადების პროექტი“ ამ ანალოგიამზე აავო ქალაქში მოსეირნესა და გამოფენის დამთვალეირებელს შორის. ამ შემთხვევაში დამთვალეირებლის სხეული ხელოვნების მიღმა რჩება. ხელოვნება დამთვალეირებლის თვალწინ იშლება როგორც არტ-ობიექტი, პერფორმანსი, ფილმი. ამგვარად, საგამოფენო სივრცე გაგებულია, როგორც ცარიელი, ნეიტრალური, საჯარო სივრცე, საზოგადოების სიმბოლური საკუთრება. ამგვარი სივრცის ერთადერთი ფუნქციაა მასში განთავსებული ხელოვნების ობიექტების ადვილად წარმოჩენა დამთვალეირებლისთვის.

კურატორი განაგებს ამ საგამოფენო სივრცეს საზოგადოების სახელით – როგორც საჯარო საზოგადოების წარმომადგენელი. ამგვარად, კურატორის როლი არის მისი საჯარო ხასიათის შენარჩუნება, ამასთან, ცალკეული ხელოვნების ნამუშევრების საჯარო სივრცეში შემოტანა, მათი წარდგენა ფართო საზოგადოებისათვის. ცხადია, ხელოვნების ცალკულ ნიმუშს არ შეუძლია საკუთარი თავის წარდგენა, იგი დამთვალეირებელს ვერ აიძულებს, მას შეხედოს. მას ამისათვის აკლია სათანადო სასიცოცხლო ძალები, ენერჯია. თითქოს ხელოვნების ნაწარმოები თავისი ბუნებიდან გამომდინარე, დასნეულებულია, უმწეოა. მის დასანახად დამთვალეირებელი მისაყვანია მასთან, როგორც სტუმარი – სანოლს მიჯაჭვულ პაციენტთან საავადმყოფოს პერსონალის მიერ. უბრალო დამთხვევა არ არის ისიც, რომ სიტყვა „კურატორი“ ეტიმოლოგიურად ენათესავება ცურე-ს, რაც „განკურნვას“ ნიშნავს. კურატორის საქმიანობა სურათს უმწეობის სნეუ-

ლებიდან კურნავს, საკუთარი თავის წარდგენით მის უუნარობას წამლობს. გამოდის, რომ საგამოფენო საქმიანობა მკურნალობაა, რომელიც დასწრეულ გამოსახულებას კურნავს და მაყურებელს წარმოუჩენს, სურათს არსებობას შესძენს. მას გამოაქვს სურათი საზოგადოებრივ სამსჯავროზე. თუმცა, შეიძლება ითქვას, რომ კურატორობა ფუნქციონირებს როგორც დანამატი (supplement), როგორც შხამი (pharmakon). დერიდას გაგებით, იგი კურნავს სურათს და ამავედროულად ასწეულებს მას.

კურატორების იკონოკლასტური პოტენციალი თავდაპირველად წარსულის საკრალური ობიექტების მიმართ იქნა გამოყენებული ნეიტრალურ ცარიელ საგამოფენო სივრცეებსა თუ თანამედროვე მუზეუმებში ხელოვნების უბრალო ნიმუშებად მათი წარდგენით. პირველად სწორედ კურატორებმა (მათ შორის მუზეუმების კურატორებმა) შექმნეს ხელოვნება ამ სიტყვის თანამედროვე გაგებით. ხელოვნების პირველი მუზეუმები გაჩნდა (მე-18 ს-ის ბოლოს და მე-19 ს-ის დასაწყისში. გაფართოვდა მე-19 ს-ის განმავლობაში) იმპერიული პოლიტიკისა და არაეკონომიკური კულტურების ძარცვის შედეგად - აგროვებდნენ ნებისმიერი სახის „ლამაზ“ ფუნქციონალურ ობიექტებს, რომლებიც წინათ რელიგიური რიტუალებისათვის იყო განკუთვნილი, ან ინტერიერის დეკორს, ან პირადი სმდიდრის მაჩვენებლებს, და ფენდნენ მათ, როგორც ხელოვნების ნიმუშებს, ანუ როგორც ფუნქციანარტმეულ ავტონომიურ ობიექტებს, რომლებიც მხოლოდ და მხოლოდ დასათვალიერებლადაა განკუთვნილი. ყველა სახის ხელოვნება წარმოიშობა როგორც დიზაინი, განუჩრჩველად იმისა, რელიგიურია ეს დიზაინი თუ ძალაუფლებას ემსახურება. თანამედროვეობამიც დიზაინი წინ უსწრებს ხელოვნებას. დღევანდელი თანამედროვე ხელოვნების ნახვისას უნდა გავითვალისწინოთ, რომ ის, რაც წარმოდგენილია ხელოვნების სახით, უპირველეს ყოვლისა, არის ფუნქციას მოკლებული დიზაინის ფრაგმენტები, იმისდა მიუხედავად, იქნება ეს მასობრივი კულტურის დიზაინი, დიუმანის "Fountain" (შადრევანით) დაწყებული და უორპოლის "Brillo Boxes" (ბრილოს ყუთებით) დამთავრებული, თუ უტოპიური დიზაინი, იუგენდსტილით დაწყებული და ბაუჰაუსით დამთავრებული. რუსული ავანგარდიდან მოყოლებული დონალდ ჯადამდე ხელოვნება ცდილობდა, სახე მიეცა მომავლის „ახალ ცხოვრებისთვის“. ხელოვნება არის დიზაინი, რომელსაც ფუნქცია აღარა აქვს იმიტომ, რომ საზოგადოებამ, რომელმაც იგი წარმოშვა, ისტორიული მარცხი განიცადა, როგორც ინკების იმპერიამ ან საბჭოთა რუსეთმა.



მიუხედავად ამისა, თანამედროვე ეპოქაში ხელოვნებმა საკუთარი ნაწარმოების ავტონომიის განმტკიცება დაიწყო საზოგადოებრივი აზრისა და გემოვნებისაგან. მათ დამოუკიდებელი გადაწყვეტილებების უფლება მოითხოვეს თავიანთი ნაღვანის შინაარსსა და ფორმაზე საზოგადოებისათვის ახსნა-განმარტების მიცემის გარეშე. თუმცა, მხოლოდ ნაწილობრივ მოიპოვეს ეს უფლება. საკუთარ ნებაზე ხელოვნების ნიმუშის შექმნის თავისუფლება არ იძლევა იმის გარანტიას, რომ ეს ნაწარმოები საჯარო სივრცეში გამოიფინება. ხელოვნების ნებისმიერი ნაწარმოების ჩართვა საჯარო გამოფენაში პოტენციურად მინც უნდა იყოს საზოგადოებისათვის განმარტებული და გამართლებული. მიუხედავად იმისა, რომ ხელოვანი, კურატორი თუ კრიტიკოსი თავისუფალია განსაჯოს, რომელი ნაწარმოები გამოიფინება და რომელი - არა, თითოეული ამგვარი გადაწყვეტილების განმარტება და გამართლება ძირს უთხრის შემოქმედებითი თავისუფლების დამოუკიდებელ ხასიათს, რომელსაც მოდერნისტული ხელოვნება თავდაპირველად ესწრაფოდა. ნებისმიერი მსჯელობა, რომელიც ლეგიტიმაციას გაუწევს ხელოვნების ნაწარმოებს, მის ჩვენება-არჩვენებას გამოფენაში ხელოვნების სხვა ნაწარმოებებთან ერთად საერთო საჯარო სივრცეში, შეიძლება განვიხილოთ როგორც ამ ნაწარმოების შეურაცხყოფა. ამიტომ კურატორი ზუსტად ის პიროვნებაა, ვინც მუდმივად მედიატორის როლს კისრულობს ხელოვნებასა და დამთვალიერებელს შორის. ის ძალაუფლებას ართმევს როგორც ხელოვანს, ისე დამთვალიერებელს. ამგვარად, თანამედროვე ავტონომიური ხელოვნებისათვის არტ-მარკეტი უფრო ხელშემწყობი ჩანს, ვიდრე მუზეუმი ან საგამოფენო დარბაზი. არტ-მარკეტის პირობებში კონტექსტიდან ამოვარდნილი ხელოვნების ნაწარმოები ცალკე, კურატორის გარეშე, ცირკულირებს, რაც, როგორც ჩანს, ნაწარმოებებს საკუთარი დამოუკიდებელი წარმოშობის დემონსტრირებას უწყობს ხელს. არტ-მარკეტი პოტლანის წესების მიხედვით ფუნქციონირებს, როგორც ეს მარსელ მოსმა და ჟორჟ ბატაიმ აღწერეს. ხელოვანის გადაწყვეტილება, საზოგადოებრივი აზრისაგან დამოუკიდებლად იმუშაოს, საჯარო აზრზე მაღლა დგას, თუ მისი შემოქმედება კერძო მყიდველის დამოუკიდებელ სურვილს ემთხვევა, ამ ნამუშევრის შესაძენად ყოველგვარ საღ აზრს გადაჭარბებული თანხა გადაიხადოს.

ყოველივე ზემოხსენებულისაგან განსხვავებით არტ-ინსტალაცია არ მოძრაობს. იგი, პირიქით, ინსტალირებას უკეთებს



ყველაფერს, რაც ჩვენს ცივილიზაციაში მოძრაობს: ობიექტები, ტექსტები, ფილმები და ა.შ. ამავედროულად ის რადიკალურად ცვლის საგამოფენო სივრცის როლს, ფუნქციას. ინსტალაცია მოქმედებს გამოფენის საჯარო სივრცის სიმბოლური პრივატიზაციის პრინციპით. თავდაპირველად ინსტალაცია ჩვეულებრივ კურატორებულ გამოფენად შეიძლება მივიჩნიოთ, მაგრამ ინსტალაციის სივრცე ხელოვანის საკუთარ, დამოუკიდებელ ნებაზეა მოწყობილი, მას აღარ მოეთხოვება გამოფენაში ჩართული ობიექტების შერჩევის საჯაროდ გამართლება ან საინსტალაციო სივრცის მთლიანი ორგანიზება. ინსტალაციას ხშირად სპეციფიური ხელოვნების ფორმის სტატუსს არ აძლევენ, ვინაიდან მასში ხელოვნების მედიუმი არ არის მკაცრად გარკვეული და მკაფიოდ წარმოჩენილი. ნებისმიერ ტრადიციულ ხელოვნების დარგს, ანუ მედიუმს მისთვის დამახასიათებელი სპეციფიური მედია-მატარებელი განსაზღვრავს: ტილო, ქვა, ფოტოფილმი. ინსტალაციის მედია-მატარებელი კი თავად სივრცეა. ეს სულაც არ ნიშნავს იმას, რომ ინსტალაცია რამენაირად „არამატერიალურია“. პირიქით, ინსტალაცია მატერიალურია, ვინაიდან იგი სივრცობრივია, სივრცეში განთავსება კი მატერიალურობის ერთ-ერთი ყველაზე მთავარი დეფინიციაა. ინსტალაცია ცარიელ, ნეიტრალურ საჯარო სივრცეს ინდივიდუალურ და მთლიან სივრცედ აქცევს: იგი სთავაზობს დამთვალიერებელს, მთლიანობაში განიცადოს ეს სივრცე, როგორც ხელოვნების ტოტალური სივრცე, რომელში განთავსებული ნებისმიერი საგანიც ხელოვნების ნაწარმოების ნაწილად იქცევა იმ მარტივი მიზეზის გამო, რომ იგი მის ფარგლებშია მოქცეული. აქ უკვე მნიშვნელობას კარგავს განსხვავება არტ-ობიექტსა და უბრალო საგანს შორის. სამაგიეროდ, უაღრესად მნიშვნელოვანი ხდება განსხვავება მარკირებულ საინსტალაციო სივრცესა და არამარკირებულ საჯარო სივრცეს შორის.

როცა მარსელ ბრუდტერსმა თავისი ინსტალაცია *Musee d'Art Moderne, Department des Aigles 1970* ნელს დიუსელდორფის კუნსტჰალეში წარმოადგინა, მან ყოველ ექსპონატთან მოათავსა აბრა: „ეს არ არის ხელოვნების ნაწარმოები.“ მიუხედავად ამისა, მისი ინსტალაცია მთლიანობაში ხელოვნების ნაწარმოებად იქნა მიჩნეული, და ეს საფუძველს მოკლებული არ იყო. ეს ინსტალაცია გარკვეული შერჩევის პროცესს წარმოადგენდა, გაკეთებული არჩევანთა თანმიმდევრობას, სივრცეში ჩართვა-არჩართვის ლოგიკას. აქ აშკარად ჩანს ანალოგია კურატორებულ გამოფენასთან. და ზუსტად ესაა მთავარი: ამ შემთხვევაში არჩევანი და წარმოდგენის მეთოდი მხოლოდ და მხოლოდ ხელოვანის სუვერენული პრეროგატივაა. იგი გამოხატავს პირად, ექსკლუზიურ, სუვერენულ გადანყვეტილებებს, რომლებსაც აღარ სჭირდება არანაირი შემდგომი განმარტება ან დასაბუთება. ხელოვანის მიერ შექმნილი ინსტალაცია, ინდივიდუალური შემოქმედებითი პროექტით დაწყებული და გამოფენით დამთავრებული, სუვერენული უფლებების გაფართოების მეთოდი.

ეს ნიშნავს, რომ ინსტალაცია სწორედ ის სივრცეა, სადაც უშუალოდ წარმოჩინდება სხვაობა ხელოვანის სუვერენულ თავისუფლებასა და კურატორის ინსტიტუციონალურ თავისუფლებას შორის. თანამედროვე დასავლურ კულტურაში ხელოვნების ოპერირების რეჟიმი ძირითადად ხელოვნების თავისუფლებას გულისხმობს. თუმცა ხელოვნების თავისუფლებამო სხვადასხვა რამაა ნაგულისხმები კურატორისა და ხელოვანის მოღვაწეობის სფეროში. როგორც უკვე აღინიშნა, კურატორი, ე.წ. დამოუკიდე-

ბელი კურატორის ჩათვლით, საბოლოო არჩევანს დემოკრატიული საზოგადოების სახელით აკეთებს. მას ფაქტობრივად არც სჭირდება რაიმე მუდმივი საჯარო ინსტიტუტის წარმომადგენლობა საზოგადოების წინაშე პასუხისმგებლობის მოსაპოვებლად: იგი უკვე დეფინიციითაა ინსტიტუტი. მაშასადამე, კურატორს ეკისრება მის მიერ გაკეთებული არჩევანის საჯაროდ გამართლება, თუმცა, შეიძლება ისეც მოხდეს, რომ ეს ვერ შეძლოს. რა თქმა უნდა, მოსალოდნელია, რომ კურატორს გააჩნია თავისუფლება, საკუთარი აზრი საზოგადოების წინაშე გამოთქვას, მაგრამ საჯარო დისკუსიაში ამ თავისუფალი აზრის გამოხატვას არაფერი აქვს საერთო ხელოვნების თავისუფლებასთან, რომელიც გამოიხატება კერძო, ინდივიდუალური, სუბიექტიური, სუვერენული შემოქმედებითი გადანყვეტილებების მიღებაში ყოველგვარი არგუმენტაციის, ახსნა-განმარტებისა და დასაბუთების გარეშე. შემოქმედებითი თავისუფლების რეჟიმი ნებისმიერ ხელოვანს აქვს უფლება კერძო წარმოდგენებიდან გამომდინარე ექსკლუზიური ხელოვნება შექმნას. მეორე მხრივ, საჯარო პოლიტიკურ დებატებს დროდადრო აბრკოლებს სხვადასხვა პოლიტიკოსების კერძო, სუვერენული გადანყვეტილებები. ესენი მანიპულაციას განიცდიან პირადი ინტერესების სასარგებლოდ (რაც პოლიტიკური სფეროს პრივატიზაციას ემსახურება). ხელოვანი და კურატორი განსაკუთრებით თვალნათლივ განასახიერებენ თავისუფლების ამ ორ სხვადასხვა სახეს: დამოუკიდებელ, უპირობო, საჯარო პასუხისმგებლობისაგან თავისუფალ შემოქმედებით თავისუფლებას და ინსტიტუციონალურ, პირობით, საჯარო პასუხისმგებლობას, რომელიც კურატორს ენიჭება. უფრო მეტიც, ეს ნიშნავს, რომ არტ-ინსტალაცია, სადაც ხელოვნების პროდუქციის აქტი ხელოვნების პრეზენტაციის აქტს ემთხვევა, საუკეთესო ექსპერიმენტალურ სფეროდ გარდაიქმნება იმ ორზროვნების, ბუნდოვანი გაურკვეველობის გამოსავლენად და გამოსაკვლევად, რომელიც დასავლური თავისუფლების ცნებას უდევს საფუძველად. ბოლო ათწლეულების მანძილზე ჩვენ თვალს ვადევნებდით კურატორების ახლებური პროექტების წარმომობას. ასეთი პროექტები მათ ავტორიტარული და სუვერენული მოქმედების შესაძლებლობას აძლევენ. ამავედროულად, ჩვენ ვხედავთ ხელოვანთა ისეთი შემოქმედებითი პრაქტიკის წარმომობას, რომელიც ავტორიტარიზმისაგან გათავისუფლების მიზნით ისწრაფვის თანამშრომლობისკენ, დემოკრატიულობისა და დეცენტრალიზაციისაკენ.

დღესდღეობით არტ-ინსტალაცია ხშირად აღიქმება ხელოვნების ისეთ ფორმად, რომელიც

ხელოვანს შემოქმედებით დემოკრატიულობას ანიჭებს, საშუალებას აძლევს საჯარო პასუხისმგებლობა იკისროს, დაიწყოს გარკვეული საზოგადოებრივი დაჯგუფების ან თუნდაც მთლიანი საზოგადოების სახელით მოქმედება. ამ გაგებით არტ-ინსტალაციის წარმოშობა, როგორც ჩანს, ნიშნავს მოდერნისტული ავტონომიისა და სუვერენიტეტის დასასრულს. ხელოვანის გადწყვეტილება, შეუშვას მრავალი დამთვალე რეგული საკუთარ სახელოვნებო სივრცეში, აღიქმება დემოკრატიისათვის ხელოვნების დახურული სივრცის გახსნად. ეს დახურული სივრცე, როგორც ჩანს, გარდაიქმნება საზოგადოებრივი დისკუსიის, დემოკრატიული საქმიანობის, განათლების, კომუნიკაციის, საზოგადოებრივი ქსელების შექმნის, განათლებისა და ა.შ. პლატფორმად. მაგრამ საინსტალაციო შემოქმედებითი პრაქტიკის ამგვარი ანალიზი არ ითვალისწინებს საჯარო საგამოფენო სივრცის პრივატიზაციის სიმბოლურ აქტს, რომელიც წინ უსწრებს დამთვალე რეგულატორებისათვის საინსტალაციო სივრცის გახსნას. როგორც უკვე აღვნიშნე, ტრადიციული საგამოფენო სივრცე სიმბოლური საჯარო კუთვნილებაა და კურატორი, რომელიც ამ სივრცეს განაგებს, საჯარო აზრის სახელით მოქმედებს. რიგითი გამოფენის დამსწრე საკუთარი ტერიტორიის დატოვების გარეშე იმ სივრცის სიმბოლური მფლობელი ხდება, სადაც ხელოვნების ნაწარმოებები დამთვალე რეგულატორისა და განსჯის წინაშეა წარდგენილი. და პირიქით, არტ-ინსტალაციის სივრცე ხელოვანის სიმბოლური კერძო კუთვნილებაა. ამ სივრცეში შესვლისთანავე დამსწრე ტოვებს საჯაროდ ლეგიტიმირებულ ტერიტორიას და შედის სუვერენულ, ავტორიტარულ კონტროლს დაქვემდებარებულ სივრცეში. დამსწრე აქ, ასე ვთქვათ, უცხო ტერიტორიაზეა, განდევნილია. დამსწრე ღებულობს სამშობლოდან დევნილის სტატუსს, და უცხოურ კანონებს უნდა დაექვემდებაროს – კანონებს, რომელსაც მას ხელოვანი უბოძებს. აქ ხელოვანი მოქმედებს როგორც კანონმდებელი, როგორც საინსტალაციო სივრცის განმკარგველი – თუნდაც, და შეიძლება ზუსტად იმ მიზეზის გამოც, რომ ის კანონი, რომელსაც ხელოვანი დამსწრეთა საზოგადოებას აქვემდებარებს, დემოკრატიულია.

ამ შემთხვევაში შეიძლება ითქვას, რომ ინსტალაციის მოწყობის პრაქტიკა ამჟღავნებს იმ უპირობო, სუვერენული ძალადობის აქტს, რომელიც თავდაპირველად ნებისმიერ დემოკრატიულ წყობას განამტკიცებს. ცნობილია, რომ დემოკრატიული წყობა ვერასდროს განმტკიცდებოდა დემოკრატიული გზით; დემოკრატიული წყობა ყოველთვის წარმოიშობა სისხლიანი

რევოლუციის შედეგად. კანონის განმტკიცება მისი დარღვევა. თავდაპირველ კანონმდებელს არასდროს შეუძლია კანონიერად მოქმედება. იგი განამტკიცებს კანონიერ წესრიგს, მაგრამ თავად არ წესრიგს არ ემორჩილება. იგი ამ წესრიგის ფარგლებს გარეთ რჩება იმ შემთხვევაშიც კი, როცა შემდგომში მის დამორჩილებას გადაწყვეტს. არტ-ინსტალაციის ავტორიც ამგვარი კანონმდებელია. ის დამსწრეთა საზოგადოებას ჩამოსაყალიბებელ სივრცეს უბოძებს და განსაზღვრავს წესებს, რომლებიც ამ საზოგადოებამ უნდა დაიცვას, მაგრამ ყოველივე ამას საზოგადოებისაგან განცალკევებით ახორციელებს, მის გარეთ რჩება. ეს სინამდვილეში ასეა იმ შემთხვევაშიც, თუ ხელოვანი გადაწყვეტს, შეუერთდეს იმ საზოგადოებას, რომელიც შექმნა. ამ შემდგომმა საფეხურმა თვალისაგან არ უნდა გამოგვაპაროს პირველი – სუვერენული საფეხური. ასევე არ უნდა დაგვაინყდეს: გარკვეული წესრიგის, ე.წ. პოლიტიკა-ს შემოღებისთანავე, დამსწრეთა საზოგადოების ჩამოყალიბებისთანავე, ინსტალაციის შემქმნელი ხელოვანი ხელოვნების დაწესებულებების მხარდაჭერაზე უნდა იყოს დამოკიდებული შექმნილი წესრიგის შესანარჩუნებლად იმისათვის, რომ ინსტალაციის დამთვალე რეგულატორები მკაცრად დაუქვემდებაროს არასტაბილური პოლიტიკა-ს წესებს. რაც შეეხება პოლიციის როლს სახელმწიფოში, ჟაკ დერიდას ერთ-ერთ ნიგნში (*La force de lois*) გამოხატული აზრით, მიუხედავად იმისა, რომ პოლიციისაგან გარკვეული კანონების ფუნქციონირების ზედამხედველობას მოელიან, იგი ფაქტობრივად ასევე მონაწილეობს სწორედ იმ კანონების შექმნაში, რომელთა დაცვის უშუალო ზედამხედველობა მას ევალება. კანონის დაცვა ასევე ყოველთვის ნიშნავს ამ კანონის მუდმივად ახლიდან შექმნას. დერიდა ცდილობს დაგვანახოს, რომ წესრიგისა და კანონის შემოღების ძალადური, რევოლუციური, სუვერენული აქტი შემდგომში მთლიანობაში ვერასდროს ვერ ამოიშლება. ძალადობის ამ თავდაპირველ აქტს შეუძლია იყოს და ყოველთვის იქნება კიდევ ისევ და ისევ მობილიზებული. ეს განსაკუთრებით ცხადია ახლა – დემოკრატიის ძალადური ექსპორტის, განმტკიცებისა და შენარჩუნების ეპოქაში. არ უნდა დაგვაინყდეს, რომ საინსტალაციო სივრცე მოძრავია. არტ-ინსტალაცია ადგილმდებარეობაზე არ არის დამოკიდებული და შეიძლება აიგოს ნებისმიერ ადგილას ნებისმიერ დროს. არ უნდა შეგვექმნას ილუზია, თითქოს შეიძლება არსებობდეს ყოველგვარი კონტროლისაგან თავისუფალი, დამოუკიდებელი, დადასტურებული, ქაოტური, ფლუქსუსის მაგვარი საინსტალაციო სივრცე. თავის ცნობილ ტრაქტატში *Français, encore un effort si vous soulevez être républicains* მარკიზ დე სადი წარმოადგენს სრულიად თავისუფალ საზოგადოებას, რომელმაც გააუქმა ყველა არსებული კანონი და მხოლოდ ერთი შემოიღო: ყველას შეეძლო ის ეკეთებინა, რაც მოესურვებოდა, ნებისმიერი დანაშაულის ჩათვლით. ამავდროულად განსაკუთრებით საინტერესო ის არის, რომ, როგორც დე სადი აღნიშნავს, საჭიროა კანონის ძალაში მოყვანა იმისთვის, რომ ადგილი არ ჰქონდეს მცდელობებს ზოგიერთი ტრადიციულად მოაზროვნე მოქალაქეების მხრიდან, ისევ დაუბრუნდნენ ძველ რეპრესიულ სახელმწიფო წყობას, სადაც ოჯახი დაცულია და დანაშაული – აკრძალული. პოლიცია იმისთვისაც გეჭირდება, რომ დანაშაული დავიცვათ მოძველებული მორალური წყობის მიმართ რეაქციული ნოსტალგიისაგან.

და მაინც, ძალადობის აქტი, რომელიც საფუძვლად უდევს დემოკრატიულ საზოგადოებას, არ უნდა იყოს აღქმული რო-

გორც მისი დემოკრატიული ბუნების მონინაალმდევე. სუვერ-  
ენული თავისუფლება, როგორც ჩანს, არადემოკრატიულია.  
ამგვარად, იგი ასევე, როგორც ჩანს, ანტიდემოკრატიულია.  
ამისდა მიუხედავად, თუნდაც ეს პირველი შეხედვით პარადოქ-  
სულად მოგვეჩვენოს, სუვერენული თავისუფლება საჭირო წინა-  
პირობაა ნებისმიერი დემოკრატიული წყობის წარმოსაქმნელად.  
ამ წესის საუკეთესო მაგალითია არტ-ინსტალაცია. ჩვეულებრივი  
გამოფენა ცალკე დამსწრეს მარტო ტოვებს, რათა იგი თავად  
დაუპირისპირდეს და გაიზიაროს გამოფენილი არტ-ობიექტები.  
ცალკეულ დამთვალეირებელს ერთიდან მეორე ექსპონატისაკენ  
მოდრაობისას უეჭველად თვალიდან ეპარება საგამოფენო სივრ-  
ცის მთლიანობა, მასში მისი პოზიციის ჩათვლით. არტ-ინსტალა-  
ცია კი პირიქით, დამსწრეთა საზოგადოებას აყალიბებს სწორედ  
საინსტალაციო სივრცის მთლიანი, გამაერთიანებელი ხასიათის  
გამო. არტ-ინსტალაციის ნამდვილი დამსწრე არის არა ცალკეუ-  
ლი დამთვალეირებელი, არამედ დამთვალეირებელთა კოლექტი-  
ვი. არტ-ინსტალაციის სახელოვნებო სივრცეს, როგორც ასეთს,  
დამსწრეთა დიდი რაოდენობა, თუ გნებავთ, მრავალრიცხოვანი  
მასები წარმოადგენენ. დამსწრეთა ეს დიდი რაოდენობა ცალკული  
დამთვალეირებლისათვის გამოფენის ნაწილი ხდება და პირიქით.  
მასობრივ კულტურას გააჩნია განზომილება, რომელსაც  
ხშირად ყურადღებას არ აქცევენ. ის განსაკუთრებით თვალსაჩინო  
ხდება ხელოვნების კონტექსტში. პოპ-კონცერტი თუ ფილმის  
ჩვენება დამსწრე მაყურებელთაგან საზოგადოებრივ დაჯგუფე-  
ბას ქმნის. ამ დროებითი დაჯგუფებების წევრები ერთმანეთს არ  
იცნობენ. მათი სტრუქტურა შემთხვევითია. გაურკვეველია, ეს  
ხალხი საიდან მოდის და სად წავა. მათ ერთმანეთისათვის ბევ-  
რი სათქმელი არა აქვთ – აკლიათ საერთო თვითმყოფადობა ან  
საერთო წარსული, რომლის შედეგადაც მათ საერთო მოგონებები  
დააკავშირებდა. ამისდა მიუხედავად, ეს მაინც საზოგადოებია.  
ამგვარი საზოგადოებები მატარებლის ან თვითმფრინავის მგზა-  
ვრებს მოგვაკონებს. სხვაგვარად რომ ვთქვათ, ეს რადიკალურად  
თანამედროვე საზოგადოებებია და გაცილებით უფრო მჭიდრო,  
ვიდრე რელიგიური, პოლიტიკური ან მომუშავეთა საზოგადოე-  
ბები. ყველა ტრადიციული საზოგადოება ეფუძნება იმ წინა-  
პირობას, რომ მისი წევრები ერთმანეთთან თავიდანვე დაკავშ-  
ირებულნი არიან რამით, რაც წარსულიდან მოდის: საერთო ენა,  
საერთო სარწმუნოება, საერთო პოლიტიკური ისტორია, საერთო  
აღზრდა. ასეთი საზოგადოებები ჩვეულებისამებრ ქმნიან საზღ-  
ვარს საკუთარ თავსა და უცხოელთა შორის, ვისთანაც მათ საერ-  
თო წარსული არ გააჩნიათ.

კონტრასტი იმაშია, რომ მასობრივი კულტურა ისეთ საზოგა-  
დოებებს ქმნის, რომლებიც სცდება რაიმე საერთო წარსულს – ეს  
ახალი ტიპის უპირობო საზოგადოებებია. სწორედ ეს ამჟღავნებს  
მოდერნიზაციის მის უზარმაზარ პოტენციალს, რომელიც ხშირად  
ყურადღების მიღმა რჩება. თუმცა, თვით მასობრივ კულტურას  
არ შეუძლია ბოლომდე აირეკლოს და განავითაროს ეს პოტენ-  
ციალი, ვინაიდან საზოგადოებები, რომლებსაც იგი ქმნის, არა-  
საკმარისად ათვისებობიერებენ საკუთარ არსებობას. იგივე შეი-  
ძლება ითქვას იმ მასებზე, რომლებიც მოძრაობენ თანამედროვე  
საგამოფენო სივრცეებში – მუზეუმებსა და საგამოფენო დარბა-  
ზებში. ხშირად ამბობენ, რომ მუზეუმები ელიტარულია. მე ყოვ-  
ელთვის მანცვიფრებდა ეს აზრი, რომელიც უპირისპირდება ჩემს  
პირად გამოცდილებას, როცა ვუერთდები საგამოფენო დარბა-

ზებსა და მუზეუმებში ხალხთა მასების მუდმივ  
ნაკადს. ნებისმიერს, ვისაც ოდესმე მანქანის  
დასაყენებელი ადგილი უძებნია მუზეუმთან ან  
ქუჩის დატოვება უცდია მუზეუმის გასახდელ-  
ში, ან მუზეუმის ტუალეტი უძებნია, საფუძველი  
ქმნება დაეჭვდეს ამ დანესებულების ელიტურ ხა-  
სიათში, განსაკუთრებით იმ მუზეუმების შემთხ-  
ვევაში, რომლებიც ზედმინეწით ელიტურად  
ითვლება, როგორცაა, მაგალითად, მეტროპო-  
ლიტენ მუზეუმი. დღესდღეობით ტურისტებ-  
ის გლობალური ნაკადების გათვალისწინებით  
მუზეუმის ნებისმიერი ელიტარული პრეტენზია  
სასაცილო ქედმაღლობად გვეჩვენება. და თუ  
ეს ნაკადები ერთ რომელიმე გამოფენას ასცდა,  
მისი კურატორი თავს ბედნიერად და ელიტარუ-  
ლად კი არ ჩათვლის, არამედ იმედგაცრუებული  
იქნება, ვინაიდან მასებს ვერ მისწვდა, მიუხედა-  
ვად იმისა, რომ ეს მასები საკუთარ თავს, რო-  
გორც ასეთს, ვერ ათვისებობიერებენ. ისინი  
არანაირ წესრიგს (პოლიტიკა) არ წარმოადგენენ.  
პოპ-კონცერტის ფანატების ან კინომაყურ-  
ბლების პერსპექტივა ზედმეტად პირდაპირია –  
სცენასა თუ ეკრანს მიმართული – იმისათვის,  
რომ მათ შესაძლებლობა ჰქონდეთ, სათანადოდ  
გააცნობიერონ და გაითვალისწინონ სივრცე, სა-  
დაც ისინი თავს იყრიან, ან დაჯგუფება, რომელ-  
საც ისინი შეადგენენ. ასეთ ანალიზს გვიჩვენებს  
პროგრესული თანამედროვე ხელოვნება, ინ-  
სტალაცია თუ ექსპერიმენტული კურატორული  
პროექტები. შედარებითი სივრცობრივი გაყოფა,  
რომელსაც საინსტალაციო სივრცე აწარმოებს,  
მსოფლიოსთვის ზურგის შექცევას არ ნიშნავს,  
ეს მასობრივი კულტურის დროებითი საზოგა-  
დოებების დელოკალიზაცია და დეტერიტორი-  
ალიზაციაა ისე, რომ მათ შესაძლებლობა აქვთ  
საკუთარი მდგომარეობა გაიზარონ, საკუთარი  
„მე“, თვითმყოფადობა გაათვითცნობიერონ.  
თანამედროვე ხელოვნების სივრცე ის სივრცეა,  
სადაც მრავალრიცხოვან მასებს შეუძლიათ საკუ-  
თარი თავის ხილვა და განდიდება ისე, როგორც  
წინათ ღმერთს და მეფეებს შეეძლოთ საკუთარი  
თავის ხილვა და განდიდება ეკლესიებსა და  
სასახლეებში. ტომას სტრუტის მუზეუმის ფო-  
ტოები ძალიან კარგად აფიქსირებენ მუზეუმების  
ამ განზომილებას – დროებითი საზოგადოებების  
აღმოცენებასა და დაშლას.

ინსტალაცია უპირველეს ყოვლისა არასტა-  
ბილურ, მოძრავ მასებს აქ და ახლა ყოფნის აუ-  
რას სთავაზობს. ინსტალაცია არის ზედმინეწით  
ინდივიდუალური flânerie-ს მასკულტურული  
ვერსია, როგორც ეს ვალტერ ბენიამინს აქვს აღ-  
წერილი, და ამიტომ იგი აურის აღმოცენების ად-  
გილია „უცოდინარების გასანათლებლად“. ზოგა-  
დად, ინსტალაცია მოქმედებს რეპროდუქციის





საპირისპირო პრინციპით. ანონიმური ცირკულაციის განუსაზღვრელი ღია სივრციდან ინსტალაცია იღებს ერთ რომელიმე ასლს და – თუნდაც დროებით – ათავსებს მას ტოპოლოგიურად მკვეთრად განსაზღვრულ „აქ და ახლა“-ს კონტექსტში, რომელიც უძრავი, სტაბილური და დახურულია. ჩვენი თანამედროვე მდგომარეობა არ შეიძლება დაყვანილ იქნას „აურის დაკარგვის“ ყოფამდე, ასლის ცირკულაციამდე „აქ და ახლა“-ს მიღმა, როგორც ეს აღწერილია ბენიამინის ცნობილ ესსეში „ხელოვნების ნანარმოები მექანიკური რეპროდუქციის ეპოქაში.“

ბენიამინი მაღალი მოდერნისტული ხელოვნებისათვის იზიარებდა უნიკალური, ნორმატიული კონტექსტის რწმენას. ამ წინაპირობიდან გამომდინარე უნიკალური თავდაპირველი კონტექსტის დაკარგვა ხელოვნების ნანარმოებისათვის აურის სამუდამო დაკარგვას, საკუთარი თავის ასლად ქცევას ნიშნავს. ხელოვნების თითოეული ნანარმოებისათვის აურის დაბრუნება შეიძლება მოითხოვდეს მთელი იმ პროფანული სივრცის საკრალიზაციას, სადაც ასლი მოძრაობს ტოპოლოგიურად დაუკონკრეტებელ მასობრივ სივრცეში – რაც ნამდვილად ტოტალიტარული, ფაშისტური პროექტი იქნებოდა. ამაშია ბანიამინის აზროვნების მთავარი პრობლემა – იგი აღიქვამს ასლის მასობრივი მოძრაობის სივრცეს, და ზოგადად მასობრივ მოძრაობას, როგორც უნივერსალურ, ნეიტრალურ და ჰომოგენურ სივრცეში მოძრაობას. იგი დაუინებით ამტკიცებს ვიზუალური შეცნობის უნარს და ასლის თვითმყოფადობას, როდესაც ის მოძრაობს ჩვენს თანამედროვე კულტურაში. მაგრამ ეს ორივე პრინციპული წინაპირობა იგულისხმება ბენიამინის ტექსტში. თანამედროვე კულტურაში გამოსახულება მუდმივად მოძრაობს ერთი მედიუმიდან მეორეში, და ერთი დახურული კონტექსტიდან მეორეში. მაგალითად, ფილმის პატარა ნაწყვეტი შეიძლება ნაჩვენები იქნას კინოთეატრში, შემდეგ კონვერტირებულ იქნას დიგიტალურ ფორმატში და ვინმეს ვებგვერდზე დაიდოს, ან ნაჩვენები იქნას კონფერენციაზე, როგორც ილუსტრაცია, ან ტელევიზორში – ვინმეს სასტუმრო ოთახში, ან სამუზეუმო ინსტალაციის კონტექსტში იქნას წარდგენილი. ამ გზით, სხვადასხვა კონტექსტებისა და მედიუმების გავლით, ფილმის ეს მცირე ნაწყვეტი ტრანსფორმაციას განიცდის სხვადასხვა პროგრამების ენების ზეგავლენით, სხვადასხვა პროცესების, ეკრანის სხვადასხვა ჩარჩოების, საინსტალაციო სივრცეში სხვადასხვა ადგილას დადგმის გავლენის

ქვეშ და ა. შ. ამასობაში ჩვენ ერთსა და იმავე ფილმთან გვაქვს საქმე თუ არა? ეს ორიგინალის იგივე ასლის იგივე ასლია? გამოსახულების კომუნიკაციის, მისი გენერირების, მისი ტრანსფორმაციის და გავრცელების დღევანდელი ქსელები განსაკუთრებით პეტეროგენულია. ამ ქსელებში ცირკულირებისას გამოსახულებები მუდმივ ტრანსფორმაციას, გადაწერას, ახლიდან გამოცემას, ახლიდან დაპროგრამებას განიცდიან და ყოველ საფეხურზე ეს გამოსახულებები ვიზუალურად იცვლება. მათი ასლის ასლის სტატუსი იმავე ყოველდღიურ კულტურულ კონვენციად იქცა, როგორც წინათ ორიგინალის სტატუსი იყო. ბენიამინი ვარაუდობს, რომ ახალ ტექნოლოგიას შეუძლია ისეთი ასლების გაკეთება, რომლებიც გამოირჩევა ორიგინალთან ზუსტად მსგავსებით, როდესაც სრულიად საპირისპიროს აქვს ადგილი. თანამედროვე ტექნოლოგია აზროვნებს თაობების მასშტაბებით: და იმისათვის, რომ ინფორმაცია კომპიუტერებისა და პროგრამების ერთი თაობიდან შემდგომ თაობას გადავცეთ, საჭიროა ამ ინფორმაციის ძირეული ტრანსფორმირება. „თაობის“ მეტაფორული ცნება, როგორც იგი ახლა იხმარება ტექნოლოგიის კონტექსტში, განსაკუთრებით მრავლის მაჩვენებელია. სადაც თაობებია, იქ არის თაობების ოიდიპალური კონფლიქტებიც. ყველამ იცის, რას ნიშნავს გარკვეული კულტურული მემკვიდრეობის გადაცემა სტუდენტების ერთი თაობიდან შემდგომი თაობისთვის.

ჩვენ არ შეგვიძლია ასლის, როგორც ასლის, დაფიქსირება ისევე, როგორც არ შეგვიძლია ორიგინალის, როგორც ორიგინალის, დაფიქსირება. მარადიული ასლები არ არსებობს, ისევე, როგორც მარადიული ორიგინალები. რეპროდუქცია ისევეა ინფიცირებული ორიგინალით, როგორც ორიგინალი რეპროდუქციით. სხვადასხვა კონტექსტში მოძრაობის შედეგად ასლი სხვადასხვა ორიგინალის სერიად იქცევა. კონტექსტის თითოეული ცვლილება, მედიუმის თითოეული ცვლილება შეიძლება აღქმულ იქნას, როგორც ასლის სტატუსის უარყოფა – როგორც ძირეული ბზარი, როგორც ახლიდან დაწყება, რომელიც ახალ მომავალს კარს უღებს. ამ გაგებით ასლი ასლი კი არა, ახალი ორიგინალია ახალ კონტექსტში. თითოეული ასლი თავისთავად ფლანურ-ია, რომელიც დროდადრო ხარისხობრივ ამაღლებას განიცდის, რაც მას ორიგინალად აქცევს. იგი კარგავს ძველ აურას და იძენს ახალს. იგი კი არ იცვლება როგორც ასლი, არამედ სხვადასხვა ორიგინალებად გარდაიქმნება. ეს ასევე ცხადყოფს ვალტერ ბენიამინის მსჯელობას პოსტმოდერნისტული პროექტის შესახებ, რომელიც შთაგონებულია გამოსახულებით

ბის რეპროდუქციული, განმეორებადი ხასიათით და ისეთივე პარადოქსალურია, როგორც ორიგინალისა და ასლის შესახებ თანამედროვე მსჯელობა. ამგვარად, ეს ახსნის პოსტმოდერნული ხელოვნების მცდელობას, განსაკუთრებით ახლად მოგვარევის თავი, თუნდაც ან ზუსტად იმიტომ, რომ იგი თვით ახლის ცნების წინააღმდეგაა მიმართული. ჩვენი გადანყვეტილება, გარკვეული გამოსახულება ორიგინალად ან ასლად ვალიაროთ, კონტექსტზეა დამოკიდებული – ამ გადანყვეტილების მიღების გარემოებებზე. ეს გადანყვეტილება ყოველთვის თანამედროვეა. იგი წარსულს ან მომავალს კი არა, უშუალოდ თანამედროვეობას ეხება. და ეს გადანყვეტილება ყოველთვის დამოუკიდებელია: ფაქტობრივად ინსტალაცია ასეთი გადანყვეტილების მიღების სივრცეა, სადაც ადგილი აქვს „აქ და ახლა“-ს, რომლის განცდას შედეგად მასების განათლება მოჰყვება.

ამგვარად, შეიძლება ითქვას, რომ არტ-ინსტალაცია ცხად-ჰყოფს ნებისმიერი დემოკრატიული სივრცის (სადაც მრავალრიცხოვანი მასები, ხალხის დიდი რაოდენობა საკუთარ თავს აცნობიერებს) დამოკიდებულებას იმ გადანყვეტილებებზე, რომლებსაც ხელოვანი ღებულობს, როგორც ამ სივრცის თავისუფალი კანონმდებელი. ანტიკური ხანის საბერძნეთის ფილოსოფოსებისთვის ისევე, როგორც წინა ხანის დემოკრატიული რევოლუციების ინიციატორებისთვის, ეს კარგად იყო ცნობილი. თუმცა, ბოლო დროს, ეს ფაქტი რალაცნაირად ჩრდილში მოექცა მმართველი წრეების პოლიტიკური დებატების გამო. განსაკუთრებით ფუკოს შემდეგ ყველანი ვცდილობთ, ძალაუფლების წყაროს ძიებას არაპირად კავშირებში, სტრუქტურებში, წესებსა და პროტოკოლებში. თუმცა, ძალაუფლების არაპირად მექანიზმებზე ამგვარ ფიქსირებას შეუძლია დაგვაინყოს იმ ინდივიდუალური, დამოუკიდებელი გადანყვეტილებებისა და ქმედებების მნიშვნელობა, რომლებსაც ადგილი აქვთ კერძო, ჰეტეროტოპიულ სივრცეებში (ფუკოს მიერ შემოღებული კიდევ ერთი ტერმინი რომ ვიხმაროთ). ამდაგვარად თანამედროვე, დემოკრატიულ ძალებს ახასიათებთ მეტა-სოციალური, მეტა-საზოგადოებრივი, ჰეტეროტოპიული წარმოშობა. როგორც უკვე აღინიშნა, ხელოვანი, რომელიც გარკვეულ საინსტალაციო სივრცეს ქმნის, ამ სივრცის მიღმა რჩება. იგი ჰეტეროტოპიულია ამ სივრცის მიმართ, მაგრამ ეს არ ნიშნავს აუტსაიდერის მარცხს. საზოგადოებაში მიღება არ არის მხარდაჭერის აუცილებელი მანიშნებელი. არსებობს ასევე მხარდაჭერა საზოგადოებიდან გარიცხვის მეშვეობით, და განსაკუთრებით თვითგარიცხვის მეშვეობით. აუტსაიდერი შეიძლება ზუსტად იმიტომ იყოს ძლიერი, რომ იგი საზოგადოების კონტროლს არ ექვემდებარება, და საკუთარი დამოუკიდებელი ქმედებებით, სხვადასხვა საჯარო დისკუსიებით ან საზოგადოების წინაშე საკუთარი თავის მართლების ვალდებულებებით არ არის შეზღუდული. არასწორი იქნება თუ ვიფიქრებთ, რომ ამგვარი გარიყულობის სტატუსი სრულიად აღარ არსებობს თანამედროვე პროგრესისა და დემოკრატიული რევოლუციების პირობებში. პროგრესი რაციონალურია. შემთხვევითი არ არის, რომ ხელოვანისაგან ჩვენს კულტურაში სიგიჟეს ელიან (ან, ყოველ შემთხვევაში, ფუკო ფიქრობდა, რომ ექიმბაშებს და წინასწარმეტყველებს ჩვენს საზოგადოებაში ადგილი აღარა აქვთ), რომ ისინი ფსიქიატრიულ კლინიკებში მოათავსეს და აუტსაიდერებად აქციეს. მაგრამ ჩვენი კულტურა, უპირველეს ყოვლისა, ცნობილ პიროვნებათა (celebrity) კულტურაა და შეუძლებელია,

კაცი ცნობილი გახდეს ჭკუიდან შემლის-გარეშე, ან, ყოველ შემთხვევაში, ამის გათამაშებისა და თავის მოჩვენების გარეშე (როგორც ჩანს, ფუკომ ზედმიწევნით ბევრი სამეცნიერო ლიტერატურა წაიკითხა და ძალიან ცოტა ყვითელი პრესა, ვინაიდან სხვაგვარად მას ეცოდინებოდა, რა სოციალური სტატუსი გააჩნიათ დღესდღეობით შემოიღებს. ასევე კარგადაა ცნობილი, რომ თანამედროვე პოლიტიკური ელიტა გლობალური მასშტაბის ცნობილ პიროვნებათა (celebrity) კულტურის ნაწილია, რაც იმას ნიშნავს, რომ იგი არ ეკუთვნის იმ საზოგადოებას, რომელსაც იგი მართავს. ეს გლობალური, ულტრადემოკრატიული, მეტა-სახელმწიფოებრივი ელიტა, რომელიც ნებისმიერი დემოკრატიული პრინციპით ორგანიზებული საზოგადოების მიღმა არსებობს, პარადიგმატულად კერძო ხასიათისაა. ეს ელიტა, ფაქტობრივად სტრუქტურულად ჭკუიდან შემოიღილი, გონს მოკლებულია.

ეს მოსაზრებები არ უნდა მივიჩნიოთ ინსტალაციის, როგორც ხელოვნების ფორმის კრიტიკად მისი დამოუკიდებელი ხასიათის დემონსტრირების გამო. ხელოვნების მიზანი საბოლოო ჯამში ცვლილებების მოხდენა არ არის – ყველაფერი ისედაც თავისით იცვლება. ხელოვნების ფუნქციაა ჩვენება, იმ რეალობის დანახვება, რომელიც ზოგადად თვალდან გვეპარება. ინსტალაციის ესთეტიკური სივრცის დიზაინის შექმნისას ხელოვანი განსაკუთრებულ პასუხისმგებლობას კისრულობს. იგი გვიჩვენებს თანამედროვე დემოკრატიული წყობის დაფარულ სუვერენულ განზომილებას, რომლის დამალვასაც პოლიტიკა უმეტესწილად ცდილობს. ინსტალაციის სივრცე ის სივრცეა, სადაც ჩვენ უშუალოდ ვუპირისპირდებით თავისუფლების თანამედროვე ცნების ორაზროვან ხასიათს, რომელიც ჩვენს დემოკრატიულ წყობაში მოქმედებს როგორც დაპირისპირება პირად სუვერენულ და ინსტიტუციონალურ თავისუფლებათა შორის. ამგვარად, არტ-ინსტალაცია ჩვენებადემონსტრირების სივრცეა ჰაიდერის გაგებით (იმ ჰეტეროტოპიული სუვერენული ძალაუფლებისა, რომელიც დემოკრატიული წყობის ორაზროვანი გამჭვირვალე ზედაპირის მიღმა იფარება).

ამ ტექსტის ვერსია ლექციის სახით ნაკითხულ იქნა ლონდონის უაიტჩრეკელ გალერეაში, 2008 წლის 2 ოქტომბერს.

©2009 e-flux და ავტორი

ინგლისურიდან თარგმნა  
ლილი ფურერსტინოვ-ზოსიტაშვილმა

# B. Gotsa

## FAMILY WINES

საქართველოს  
საქართველოს

ბებე მოსხვიის სემპერეულე მარანი



PRODUCT OF GEORGIA



WITH NATURAL  
WILD YEAST

FREE OF ANY ADDITIVES, NONE FILTERED

[www.gotsawines.com](http://www.gotsawines.com)

[beka@gotsawines.com](mailto:beka@gotsawines.com)



ISSN 0134-9848



365CN

NEW  
679679